



MBS C170 4B 1913

THE BOOKS
OF
JOSHUA, JUDGES, AND RUTH,

TRANSLATED INTO

THE CHOCTAW LANGUAGE.

CHOSHUA, NAN APESA UHLEHA HOLISSO,

MICHA LULH HOLISSO

AIENA KET TOSHOWIT

CHAN TA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1913.

CHOSHUA I HOLISSO.

CHOSHUA I HOLISSO.

CHAPTER I.

MOSES, Chihowa in tishu hvt illi haya, yakoñmi tok, Chihowa vt Choshua Nun ushi, Moses in tishu hatuk a im anumpulit,

2. Moses an tishu hvt illishke; yohmi hoka himak a wakaya cha, chishno, okla ilvppa hvsh moma kv̄t Chatan ilvppa mish-tv̄nnp yakni yv̄mma Islael im vlla vhleha yv̄mmak o ima li hoka, hvsh onashke.

3. Yakni moma hvch iyi p̄vtha yv̄t ai o hika he puta hokvno, yv̄mma moma ka hvch ima lishke, yv̄mmak o Moses a im achi li hatuk okvt.

4. Yakni haiaka ya hikīvt ia hosh Lebanon ilvppa ona cha, okhina chito, okhina Eufates pit aful̄lotvt, Hitait i yakni vt moyuma hosh, okhvta chito hvshi ai okatula imma itoyula ka ilvppak o ont hvchim ai v̄hla hi oke.

5. Chi okchayvt ish ahanta nitak moma ka hatak nana kia chi tikba hikia he keyushke: Moses a awant aya li tok vt, yv̄mmak inli h̄o chohmit chi awant aya la chi hoke: nana ka ak chim ai āhlot chissa la he keyu hoke.

6. Kv̄llot chim anukfila cha, nukwia ikshot ish amosholashke: yakni ilvppa ima la hi vt īki vhleha ha anumpa kv̄llo isht il onochit im ihissa li tok a, okla ilvppa immi hachi mak o ish it akvshkola chi hokvt.

7. Peh kv̄llot chim anukfila cha, nukwia ikshot ish amosholi fehnashke; yohmi hosh nan v̄hlpisa moma an tishu Moses vt chim apihisa tok a ahah! ahnit ish holitoblashke;

ilvppa isht impak imma hokmá, vllhfubekimma hokmá nana kia chik i filvmmo kashke; chi yvmohmi pulla hosh kanima ish aya puta kv́t chim ai achukma hi oke.

8. Nan vlhpisa holisso ilvppv́t chitih hā ik i filvmmo kashke; amba nitak micha ninak moma ka anukfihinli hosh a holihiso ka moma ahah! ahnit ish holitoblashke: ish yohmi hok mak osh ish ataya ya ish ai ahlichā hi okv́t, micha ish yohmi hok mak osh nana kv́t chim ai ahli achukma hi oke.

9. Ūno ak osh chim apesa li tuk keyu cho? kv́llot chim anukfila cha, nukwia ikshot ish amosholashke: ik chi nukshopo kashke, micha chi chukv́sh ik iello kashke: kanima ish aya puta ka Chitokaka chin Chihowa vt chi awant aya hoka, achi tok.

10. Mihma Choshua vt okla pehlichī vhleha hā nan im apesv́t,

11. Binah ha hlopullit ayv́t, okla hā nan i mihv́t, Pinak vt hv́chim vlhtashke; nitak tuchina takla ka Chatan ilvppa hlopullit, Chitokaka hv́chin Chihowa vt hv́chimmi ha chī hō yakni hv́ch ima hoka ont chukov́t hv́sh isha chī hoke, achi tok.

12. Mihmv́t Luben ishtatiaka, micha Kat ishtatiaka, mikmv́t Manasseh ishtatiaka ya iklv́na aiena ka Choshua vt im anumpulit,

13. Moses Chihowa in tishu hv́t nana hv́chī mihv́t, Chitokaka hv́chin Chihowa vt afoha hv́ch ima hosh yakni ilvppa hv́ch ima hoke, achi tok anumpa hā hv́sh ithaiyanashke.

14. Hv́chi tekchi, hv́chim vlla, micha hv́chī nan vlhpoa moyuma kv́to yakni Moses vt hv́ch ima tok Chatan ola in tv́nnvp ak inli hō aiashashke: amba hv́chishno hatak hlampko hochukma chilitv́t nukwia iksho hv́chia hokv́to, nahalupa im vlhtav́t moyumv́t tikba iv́t, hv́ch itibapishi vhleha hā ont hv́sh apelashke.

15. Yohmi na Chihowa vt afoha hv́ch ima tok vt chohmichit hv́ch itibapishi vhleha hā afoha imashke; yohmi na yvmmak kia yakni Chitokaka hv́chin Chihowa vt ima ka ishashke: yohmi hok mak o falamv́t yakni hv́shi akochaka

imma Chatan ola in tnnvp talaia Moses, Chihowa in tishu hv̄t hv̄ch ima tok a ant hv̄sh iesha hi oke, achi tok.

16. Mihma okla afalamichit Choshua ash o, Nana hō ish pī miha ka moyuma e yvmohma he bano hoke, micha kani-ma hō pit ish pī tihlelikma, il ia he bano hoke.

17. Moses a nana moyuma ka il i haponaklo beka tok okvt, chishno ma e chī haponakla he bano hoke: peh Chito-kaka chin Chihowa vt Moses a awant aya beka tok vt, choh-mit chishno ma chi awant aya hokbano, il ahnishke.

18. Kva hoh kia chī nan v̄hpisa hā i sanalit nana ish i miha ka anumpa moma ik chī haponaklokmt, illashke: peh kv̄llot chim anukfila cha, nukwia ikshot ish amosholashke, im achi tok.

CHAPTA II.

YUMOHMI ma Choshua, Nun ushi vt Shittim ak o hatak tuklo kv̄t lumvt na pisvt aya chī hō a chv̄ffichi tok; yohmi mvt, Hv̄sh ia cha, yakni Cheliko yv̄mma ont hv̄sh pisashke, im achi tok. Yohmi ma itiachi tuk osh ohoyo haui hohchifo kv̄t Lahab o in chuka itonachi cha, yv̄mmak o a nusi tok.

2. Yohmi ma Cheliko i miko ya ont im anolit, Yakeh! hatak Islael im v̄lla v̄hleha hā a minti kv̄t yakni pisvt aya hosh, himak ninak a ilv̄ppa v̄lv̄shke, achi tok.

3. Yohmi ma Cheliko i miko ash osh Lahab a anumpa i p̄lvt, Hatak chim v̄lv̄t chin chuka chukowa tuk a ish koh-chashke: yv̄mmvt yakni moma ka pisvt tahla chī hosh aya hatuk oka, pit im achi tok.

4. Mihma ohoyo hash osh hatak tuklo kash o ishit luhmi tok; yohmi cha ilv̄ppak o achi tok, Hatak okv̄to vm v̄la mv̄hli tuk, yohmi kia kanima a minti ka ak ithano ke tuk:

5. Atuk osh yakohmi tuk, okhlilit taha holihta okhissa v̄vt v̄lhkv̄ma chī foka ma, hatak tuklo kash osh kohcha tuk oke: kanima hō hatak tuklo kash osh ia tuk a ak ithanosh-ke: chekosi hv̄sh iakaiyashke; hv̄sh sakka hinla hokvt.

6. Yohmi kia aboha pakna ya isht ona cha, nuchi v̄pi

achukmalit asbachi tuk osh isht ompohomot luhmi tuk atok.

7. Yohmi ma okla iakaiyvt Chatan imma ivt okhina akocha puta ka ona tok: mihma okla iakaiya yummvt akohcha mak inli h_o, holihta okhissa ya akvmmi tok.

8. Yohmi tuk o tushkit ik oklo kisha h_o, aboha pakna ya ohoyo hash osh im ai ona cha;

9. Hatak tuklo kash o, Yakni ya Chihowa vt hvch ima tok a ithana lishke; yohmi h_o isht a hvchi nukshopa yvt pi ontoyulvshke; hvchishno ak atuk pulla mak o yakni ilvppa okla ai asha tuk moma kvt bihinla chiyuhmishke.

10. Echip yakni ya a kochevt hvsh minti ma, Chihowa vt Okhvta Humma oka ya hvchi shileli na hvsh aya tok: micha Amolait okla i miko tuklo Sihon, micha Ok aiena, yummvt Chatan mish tvnnvp ai asha tuk a kaniohmichit nana ka im okpvnit hvsh taiyahli tok a, e hahaklo chatuk okvt.

11. Hvchishno ak atuk pulla mak o nana ilvppa puta ka e haklo mak inli h_o, pi chukvsh vt bihinla tok; yohmi na hatak kanima kia chilitvt im anukfila kvt i foka kia iksho ki tok: Chitokaka hvchin Chihowa yummak osh peh pakna vba a holitopa, mikmvt nutaka yakni aiena ka in Chihowa hoka.

12. Yvmohmi hoka himak a hvchim ilbvsha lishke, vno vt hvchi kana li tuk a, hvchishno mvt aki in chuka achvfa ya hvch i kana hi vt Chihowa ya anumpa kvllo isht il onochit,

13. Aki, micha hvshki, micha a nakfi vhleha, micha itibapishi li vhleha, micha in chuka achvfa aiena ka moma hvsh okchalinchichi cha, pilla he tuk a hvsh pi hlakofichi cha, ilvpak o nan isht ithana he ahli ka hvsvsmashke, im achi tok.

14. Mihma hatak tuklo kash osh afalamichit, Nana pi kaniohmit il aya hatuk ilvppa chik anolokma, pim ilhfioyak a e chim ile kahlishke: atukma yakohma hi oke, Chihowa vt yakni ilvppa pima ha ma, chi kana achukmvt e chim ai ahla hi oke, im achi tok.

15. Yohmi mvno ponola atakalichit okhissushi hlopullichit aka pit hiohlichei tok; in chuka hvv temaha tvli holihta

ya paknaka yo talaia hatuk oka, yohmi cha tuli holihta pak-na yummak o achukvt ahanta tok.

16. Micha ohoyo hash osh yummak ash o, Hvch iakaiyvt itnowa yvt hvchi afama yoba na, nvni hak o hvsh ona cha, yummak o lumvt hvsh chiya na nitak tuchina onashke: yohmi na hvch iakaiyvt itnowa yvt falamvt vla hok mak o, hvsh ataya hetuk vt hvsh iashke, im achi tok.

17. Mihma hatak tuklo kash osh yummak ash o, Ish pim ai ahni ho anumpa kvllo il il onochi tuk ilvppa anumpa isht pi onvtola he keyu hoke.

18. Yakeh! kaniohmi foka ho yakni ilvppa e la hokma, okhissushi isht pi a kohchi ilvppa ponolushi tishepa ponola toba ilvppa isht ish takehashke: yohmi cha chiki, chishki, chi nakfi vhleha, micha chiki in chuka achvfa ya moma chin chuka isht ish lashke.

19. Yohmikma yakohma hi oke, kvna hosh chim aboha okhissa akohchvt tmaha itintakla hina bachaya ka ona hokvto, im issish vt ilap noshkobo akinli ho onvtoyula na, pishno vto anumpa isht pi onvtoyula he keyu hoke; mikma kvna hosh aboha anyakaka foka hokvno, kvna hosh ibbak onochi hokma, im issish vt pi noshkobo hak o onvtoyula hi oke.

20. Yohmi kia nana pi kaniohmi hosh il aya hatuk ilvppa ish anoli hokmvno, ish pim ai ahni na anumpa kvllo il il onochi tuk ilvppvt a pi mokofa chi hoke, im achi tok.

21. Yohmi ma ohoyo hash osh, Hvchim anumpa hak o iakaiya hosh nana kv ai yohmashke, achi tok. Micha ik ia, im ahni na itiachi tok: mihma ponola tishepa ash o okhissushi ya isht takchi tok.

22. Mihma itiachit nvni ash o ona cha, yummak o chiya na nitak tuchina ona tok; yohmi na iakaiyvt itnowa yvt falamvt ai vla tok: iakaiyvt itnowa yvt ai itnowa puta ka hoyot tahli kia, ik ahayucho ki tok.

23. Yakohmi ho hatak tuklo kash osh nvni hash auet akowa cha, tanvblit Choshua, Nun ushi a im ona cha, nana kv im akaniohmi tuk vt moma im anoli tok.

24. Mihmvt yummak ash osh Choshua ya, Chihowa vt

yakni moma pibbak a fohki tuk pullvshke : pishno ak atuk pulla mak o yakni yvmma ai asha kv̄t momv̄t bihinla chiyuhmi hoka, im achi tok.

CHAPTA III.

MIHMA Choshua vt onnabinli fehna tani cha, ilap, mikmvt Israēl im vlla vhleha moyumvt Shittim a ashvt toshowvt ia hosh Chatan a ona cha, ik tanvblo hosh yvmmak o a nusi tok.

2. Atuk o yakohmi tok, yvmma chiya na nitak tuchina ka ona ma, okla pehlichī vhleha hv̄t v̄lbina h̄a hlopullit ayvt,

3. Okla h̄a im anumpulit, Kaniohmi foka h̄o Chitokaka hv̄chin Chihowa nan it im apesa vt afoyuka itombi holi-topa ya Lefait vhleha, na holitompa isht asha yvt shoyulit itvnowa na hv̄sh pisakmvt, ilvppa a toshowvt yvmmak o hv̄sh iakaiyashke.

4. Yohmi akinli kia yvmma ai itintakla ka haiaka kv̄t kubit v̄lhpisa tahlepa sipokni tuklo hosh takalashke : ont atikkonofvt hv̄ch ik aiyo kashke, yohmi hosh hv̄sh atia hetuk vt hv̄sh ithana hosh hv̄sh itvnohowashke ; tikba ka ilvppa hv̄sh aya chatuk keyu hokvt, achi tok.

5. Mihma Choshua vt okla ha, Hv̄sh ile hullochashke : onnaha ya Chihowa vt hv̄chim ai ititakla na fehna h̄a ai yvmihcha chī hoka, im achi tok.

6. Mihma Choshua vt na holitompa isht asha ya im anum-pulit, Nan it im apesa vt afoyuka itombi holi-topa ya hv̄sh ishi cha, okla h̄a itikba iv̄t hv̄sh tanvblashke, im achi tok. Mihma nan it im apesa vt afoyuka itombi holi-topa yash okla ishi cha, okla h̄a itikba ia tok.

7. Mihma Chihowa vt Choshua ya Himak nitak ak o Israēl im vlla moyuma itikba ya chi holitoblichit isht ia la chī hoke ; yohmi h̄o Moses a awant aya li tok vt, anonti chishno ma chi awant aya la chī ka, okla hv̄t ithanashke.

8. Yohmi ka na holitompa isht asha nan it im apesa vt

afoyuka itombi holitopa shoyuli tuk a i mihvt, Chatan okhina ontalaka fehna hvsh onakmvt, yummak inli hō hvsh hielashke, ish im achashke, im achi tok.

9. Mihma Choshua vt Islael im vlla vhleha hā, Ilvppa hvsh minti cha, Chitokaka hvchin Chihowa im anumpa hā hvsh haklashke, im achi tok.

10. Mihmvt Choshua vt Ilvppa yakohmi kak o Chihowa okchaya yvt hvch ibatakla ahanta cha, nana ka ik ai onancho keyu hosh Kenanait vhleha micha Hitait vhleha, micha Pelesait vhleha micha Kikashait vhleha, micha Amolait vhleha, mikmvt Chebusait vhleha aiena ka hvchi tikba ya tihlelit kocha wehla chī ka isht hvsh ithaiyana chī hoke.

11. Yakeh! yakni moma in Chihowa nan it im apesa vt afoyuka itombi holitopa vt tanvbla chī hosh hvchi tikba Chatan a ont oka hikvshke.

12. Yohmi hoka himak a hatak auah tuklo hō Islael ai unchololi auah tuklo ka ish ai atokolashke; yohmi ka isht atiaka achvfa ka hatak achvfa hosh iashke.

13. Atukma yakohma chī hoke, na holitompa isht asha Chihowa, yakni moma in Chihowa im itombi holitopa shoyuli hatuk iyi pvrtha yvt Chatan okhina ya oka hika mak inli hō, Chatan oka yvt ita hokofa na, oka ibetvp imma minti hatuk vt itvnahachit hikia chī hoke, achi tok.

14. Atuk o yakohmi tok, okla hvt Chatan tanvbla chī hosh binah hā asht ia hosh, naholitompa isht asha yvt nan it im apesa vt afoyuka itombi holitopa shoyuli hosh okla itikba hieli hosh itvnowa;

15. Atuk osh itombi holitopa yash shoyuli tuk vt Chatan ona cha, na holitompa isht asha iyi pvrtha yvt oka vhli ont oka hika mak inli hō, (Chatan vt onush vmo ai vlhpesa ai itintakla ka bok sakti atabli beka yatuk okvt,)

16. Oka ibetvp imma minti hatuk vt yokopa cha, itvnahachit falamvt hopakichit, Alam tvmaha holihta Saletan bilika talaia ka ona tok: yohmikma yakni patali okhvta hvpi okhvta imma ia hatuk vt tahvt hokofa na okla hvt Cheliko ichapaka fehna hak o a hlopulli tok.

17. Mihma na holitompa isht asha Chihowa nan it im

apesa vt afoyuka itombi holitopa shoyuli hatuk vt Chatan iklvna ya kvllot hieli na, Israel okla moyumvt yakni shila hq tanvblit, okla moyumvt Chatan a ont hlopullit taha tok.

CHAPTA IV.

ATUK o yakohmi tok, okla hash osh momvt Chatan a a hlopullit taiyaha ma, Chihowa hvt Choshua ya im anumpulit,

2. Okla ha hatak auah tuklo hq ish ai atokolashke, yohmi kv Israel ai unchololi achvfa ka hatak achvfa hq ish ai atokolashke.

3. Yohmi cha im apesvt, Chatan iklvna na holitompa isht asha iyi yvt kvllot a hieli tuk fehna, tvli auah tuklo hq hvsh ai ishashke; yohmi cha yvmma ishit hvsh aya tuk osh, himak ninak a hvsh a nusa chi ka vlbina ha hvsh ashachashke, ish im achashke, im achi tok.

4. Mihma Choshua vt hatak auah tuklo Israel im vlla vhleha ha ai unchololi achvfakma, hatak achvfa ai atokoli tuk vt, i howvt it ahobi cha;

5. Choshua vt Chitokaka hvchin Chihowa im itombi holitopa yash itikba ivt Chatan iklvna ai onvt, Israel im vlla vhleha isht atiaka auah tuklo ka vlpisa hq, tvli achvfa aiyukali ka ishit hvchi tahchi ya onochit hvsh shoyulashke.

6. Yohmi na ilvppak osh nan isht atokowa yvt hvch itin takla ya itoyulashke; yohmi tuk o himak a pilla kia hvchim vlla vt iki vhleha ha i ponaklot, Tvli ilvppak o nanta hq isht hvsh apesa hoh cho? achi hokma,

7. Afalamichit, Chihowa nan it im apesa vt afoyuka itombi holitopa itikba ya Chatan oka yvt hokofa tok; yummvt Chatan a tanvbli ma, Chatan oka yvt hokofa tok a hvsh im achashke; yohmi na tvli ilvppak o Israel im vlla vhleha hvt isht ithana na bilia hi oke, im achi tok.

8. Mihma Israel im vlla vhleha hvt, Choshua vt nan im apesa tuk mak o ai yvmohmi tok; micha yohma chi Chi-

howa vt Choshua ya im anumpuli hatuk oka, tvli auah tuklo Israel im vlla vhleha isht atiaka holhtina ka vllhpisa hō, Chatan iklvna ya ont ai ishit, isht ayvt abinachi ya isht onvt, aka kahpuli tok.

9. Mihma Choshua vt Chatan iklvna na holitompa isht asha Chihowa nan it im apesa vt afoyuka itombi holitopa shoyuli iyi yvt a hieli tuk a tvli auah tuklo hō hiohlichu tok : yohmi tok o himak nitak kia yvmma aiashvshke.

10. Na holitompa isht asha itombi holitopa yash shoyuli hatuk vt Chatan iklvna ya hieli na, Chihowa vt nana im apesa hō Choshua vt okla hā im anumpohonli tuk a ont vlhtaha tok ; yvmmvt Moses vt Choshua i miha tok mak atok ; yohmi hō okla hvt tushpvt tanvbli tok.

11. Atuk o yakohmi tok, okla hvt momvt tanvblit taiyaha ma, okla hvt pisa hō, Chihowa im itombi holitopa, micha na holitompa isht asha aiena kvv tanvbli tok.

12. Moses it im anumpuli tok mak o Luben im vlla vhleha, micha Kat im vlla vhleha, micha Manasseh ishtatiaka iklvna aiena kvv na halupa im vlhtaha hosh Israel im vlla vhleha hvt pisa hō, tanvbli tok ;

13. Tahlepa sipokni pokoli ushta foka hosh na halupa im vlhtahvt tanampa chi hosh Chihowa itikba ya tanvblit, Cheliko yakni matali ya ona tok.

14. Nitak yvmmak fehna ak o Chihowa vt Choshua ya Israel moma itikba a holitoblichu tok ; yohmi na yvmmak ash osh nitak okchayvt ahanta ont ai vhluka, Moses a okla holitobli beka tuk vt chohmit okla holitobli beka tok.

15. Mihma Chihowa vt Choshua ya im anumpulit,

16. Na holitompa isht asha nan isht atokowa itombi holitopa yash shoyuli tuk vt, Chatan a okla auet a kohcha chi hō ish i mihashbke, achi tok.

17. Yvmohmi hatuk o Choshua vt naholitompa isht asha i mihvt, Chatan a auet hvsh a kohchashke, achi tok.

18. Atuk o yakohmi tok, na holitompa isht asha Chihowa nan it im apesa vt afoyuka itombi holitopa shoyuli hatuk vt, Chatan iklvna ya lokolit auet akohcha cha, naholitompa isht asha iyi pvtha yvt yakni shila ont o hika mak

inli h_o, Chatan oka yvt ataya yatuk a falamvt auet fohkvt sakti a atabli tuk vt moma tok.

19. Mihma hvshi isht ia vmmona nitak ont ishit pokoli fehna ak o okla hash osh Chatan a auet a kohcha cha, Cheliko yakni hvshi akochaka imma vhli Kilkal a ont binanchi tok.

20. Mihma tvi auah tuklo Chatan ai ishi tuk yvmmak ash Choshua vt Kilkal ak o itvbvnt hilechi tok.

21. Yohmi cha Israel im vlla vhleha ha im anumpulit, Himak a pilla ma hvchim vlla vhleha hvt iki vhleha ha i ponaklot, Tvi ilvppvt nanta h_o isht vhpisa hoh cho? achi hokma,

22. Israel im vlla vhleha hvt yakni shila yo Chatan ilvpa a tanvbli tok a im anolit hvsh ithvnanchashke.

23. Chitokaka hvchin Chihowa vt Okhvta Humma ya pi tikba a shilelit tahli na ont il ia tok a chohmichit Chitokaka hvchin Chihowa vt Chatan oka ya hvchi tikba a shilelit tahli na tanvblit hvsh taha tuk okvt.

24. Yohmi na yakni moma hatak aiasha kvv Chihowa ibbak vt, kvlo kvv nana moma i shahli ka ithaiyana chi hatak; yohmi na Chitokaka hvchin Chihowa ya hvsh holitobli na bilia hi atok.

CHAPTER V.

ATUK o yakohmi tok, Amolait okla i miko vhleha Chatan hvshi ai okatula imma aiasha tuk, micha Kenanait okla i miko vhleha okhvta lapalika ai asha tuk aiena kvv, Chihowa vt Chatan oka ya Israel im vlla vhleha itikba ya a shilelit tahli na tanvblit e taha tuk a haklo mvt, chukvsh vt bihinla tok; micha Israel im vlla vhleha hak a tok pulla mak o himmakma hatak nana kia chilitvt im anukula kvv iksho kamohmi tok.

2. Nitak yvmmak fehna ma Chihowa yvt Choshua ya, Bvshpo halupa hochukma h_o ish ikbashke; yohmi cha Israel im vlla vhleha ha anonti atuklanchit hakshup ish tvptulashke, im achi tok.

3. Yohmi ho Choshua vt bshpo halupa hochukma ka ikbi cha, Islael im vlla vhleha ha hakshup tvptuli kv**t** bokko ak o ont ai vhl**ic**hi hosh tvptuli tok.

4. Yakohmi kak o Choshua vt hakshup tvptuli tok: Hatak puta kv**t** nakni, hatak t**vn**vp aya v**lh**p**es**a hosh Echip a a ko**h**cha tok ok**vt**o, Echip ak**oh**cha hay**vt** yak**ni** hai**ak**a it**v**no**h**wa kv**t**, illit taha tok.

5. Yohmi ka hatak puta Echip a a ko**h**cha tok ok**vt**o haksh**vp** tvpt**ua** bano tok; amba Echip a a ko**h**cha hayosh yak**ni** hai**ak**a it**v**no**h**wa ho vtta tok y**um**mak ok**vn**o haksh**up** ik tvptulo k**is**ha tuk atok.

6. Islael im vlla vhleha hv**t** yak**ni** hai**ak**a it**v**no**h**wa na af**vm**mi pokoli ushta tok; yohmi na hatak puta, hatak t**vn**vp aya v**lh**p**es**a hosh Echip a a ko**h**cha tuk vt Chihowa im anumpa ha im antia keyu hatuk osh ai iksho ki tok: yak**ni** pishukchi, foi bila aiena biek**a** ai yanahanli ho pima hi osh i**ki** vhleha ha anumpa k**ul**lo isht il im onochi tok vt y**um**ma puta hok**vn**o yak**ni** y**um**ma i haiak**vt**cha he keyu kv**t** anumpa k**ul**lo il onochi tok ok**vt**.

7. Y**vm**ohmi hatuk osh y**um**ma im vlla vhleha atobbichit hio**h**lich**i** kak o, Choshua vt haksh**up** tvptuli tok: takla mi-hinti kv**t** haksh**up** tvptuli keyu hatuk o, haksh**up** ik tvptuo hatuk oke.

8. Atuk o yakohmi tok, okla puta ka haksh**up** tvptulit okla tahli ma, im vlbina aiyukali aiash**vt** okla hlakofit in taha tok.

9. Mihma Chihowa vt Choshua ya, Himak nitak ak o Echip isht ahofahya ya hv**ch**i fil**vm**michit k**an**ima pit ionul**ic**hi lishke, im achi tok. Yohmi hatuk o yak**ni** y**um**mt Kilkal h**oh**chifo na himak nitak a ant ai v**h**li hoke.

10. Mihma Islael im vlla vhleha hv**t** Cheliko yak**ni** matali Kilkal ak o binanchit ai ash**vt**, hv**sh**i nitak ont auah ushta opiaka yo vbanvblit ont ia ya holitoblit aiasha tok.

11. Mihmt vbanvblit ontia ya holitoblit aiasha tuk ont onna ma, onush yak**ni** y**um**ma a waya tuk a v**pv**t ai asha tok; nitak y**um**mak fehna ak o p**vs**ka ik shat**vm**mo, micha onush vlv**us**ha aiena ka v**pa** tok.

12. Yakni yumma onush a waya okla vpa tuk ont onna kak o, manna vt ayvt issa tok; yohmi na i himmak ma Is-lael im vlla vhleha hvt manna ik im iksho ki tok; amba afummi yumma Kenan yakni nan a waya kak o vpv ai asha tok.

13. Atuk o yakohmi tok, Choshua vt Cheliko lapali ka hiki vt, vba chakalit hopokoyo mvt, i chapaka ya hatak vt bvshpo falaia shufit ieshi hosh hikia na pit pisa tok: mihma Choshua vt im ona cha, Pishno ak o pibai achvfa chia hok-má, keyukmvt pin tenvp ak o ibaiachvfa chia hokmá, nanta cho? im achi tok.

14. Mihma yummak ash osh, Keyú, amba Chihowa in tvshka vhleha hak o i kvpitvni sia hosh ayvt himak a vli li hoke, im achi tok. Mihma Choshua vt aka pit hlipia cha, ai okpvchi tok; mihmvt, A shahli hvt in tishu ha nanta ho im achi cho? im achi tok.

15. Mihma Chihowa in tvshka vhleha ha i kvpitvni hash osh Choshua ya, Yakni yumma ish ai o hikia kv holitopa hoka, chi shulush a ish shufashke, im achi tok: mihma Choshua vt yvmohmi tok.

CHAPTA VI.

ISLAEL im vlla vhleha pulla hatuk mak o Cheliko vt vlvkuma kullo fehna ha tok; yohmi hatuk o yumma a kohchvt ia, anonti ant chukowa aiena kia iksho ki tok.

2. Yohmi ho Chihowa vt Choshua ya, Cheliko, micha yumma i miko, mikmvt tvshka hlampko hochukma, chilitvi nukwia iksho vhleha aiena ka moma chibbak a fohki li ka ish pisashke, im achi tok.

3. Yohmi hoka hatak tenvp aya vhleha hvchia hvt momvt tumaha holihta ya hvsh afolublashke; micha tumaha holihta ya himonna ha hvsh apakfopashke; ilvppa hvsh yakohmi na nitak hannalashke.

4. Yohmi ka na holitompa isht asha untuklo chukfi nakni lapish isht pufa sholi hosh itombi holitopa yash itikba ya hielashke: atuk osh nitak ont isht untuklo mveno untuklo ha

hush apakfopashke; mikma na holitempa isht asha yrt isht pufa ya olahanchashke.

5. Atukma yakohma chi hoke, yummak ash osh chukfi nakni lapish ash fiopa falaiachi fehna hosh pufakma, yummvt ola ka hush haklokmvt, okla moma ket chitoli fehna hosh shakapashke: yohmikma tmaha tvli holihta yatuk vt tiapvt aka fohopa chi hoke; yohmikma okla hvt achvfa aiyukali ket ilap a hikia tuk itikba ya apissanlit oiyashke, im achi tok.

6. Yohmi ma Choshua, Nun ushi vt na holitempa isht asha i howa cha, Nan it im apesa yrt afoyuka itombi holi-topa yash ishit hush sholashke; yohmikma na holitempa isht asha untuklo ket chukfi nakni lapish isht pufa untuklo ka shoyuli hosh Chihowa im itombi holi-topa itikba ya hie-lashke, im achi tok.

7. Mihmvt okla hash o, Hush ia cha, tmaha holihta ya hush afolublashke; yohmi ka na halupa im vlhtaha hokvto Chihowa im itombi holi-topa itikba ak o itvnohowashke, im achi tok.

8. Atuk o yakohmi tok, Choshua vt okla ha im anumpu-lit issa ma, na holitempa isht asha untuklo chukfi nakni lapish isht pufa untuklo shoyuli kash osh Chihowa itikba ya ia cha, isht pufa yash olahanchi tok: mihma Chihowa nan it im apesa vt afoyuka itombi holi-topa vt pit iakaiya tok.

9. Mihma hatak na halupa im vlhtaha ket na holitempa isht asha isht pufa olahanchi ka itikba ia tok; mihma olvl aka mihinti ket itombi holi-topa yash o pit iakaiya tok; na holitempa isht asha yrt ia hosh itvnohowvt isht pufa yash olahanchi tok.

10. Mihma Choshua vt okla ha nan i mihvt, Hvch ik sha- kapo ho, anumpa nana kia chitih ha a kohchvt ik ohonlo ke tuk o, nitak kaniohmi ho, Ho shakapa hvchi miha li hok mak o, hush shakapashke, im achi tok atok.

11. Yohmi ho Chihowa im itombi holi-topa hvt tmaha holihta ya apakfopa tok; himonna ha okla apakfopa mvt, vlbina hak o ona cha, vlbina hak o a nusi tok.

12. Atuk o Choshua vt onnahinli fehna tani ma, na holi-

tompā isht asha yvt Chihowa im itombi holitopa yash ishit sholi tok.

13. Mihma na holitompā isht asha untuklo chukfi nakni lapish untuklo sholi hatuk vt Chihowa im itombi holitopa itikba hielit ivt itvnoh_{ow}wt, isht pūfa yash olahanchi tok; mihma hatak na halupa im vlhtaha kvto tikba hielit aya tok; amba olbvl aka mihinti kvto Chihowa im itombi holitopa yash o pit iakaiya tok: na holitompā isht asha yvt ia hosh itvnoh_{ow}wt, isht pūfa yash olahanchi tok.

14. Mihma nitak ont atukla ma himonna ha tmaha holihta ya apakfopa mvt, falamvt vlbina hā ai ona tok. Yohmi kv̄t nitak hannali hō yvmohmi tok.

15. Atuk o yakohmi tok, nitak ont isht untuklo ma onnahinli fehna onnvt tohwikeli mihinti ma, okla tani cha, mihi yo beka tuk a chohmit untuklo ha tmaha holihta ya apakfopa tok: nitak yvmmak illa hō tmaha holihta ya untuklo ha apakfopa tok.

16. Atuk o yakohmi tok, ont isht untuklo ka apakfopvt aya ma, na holitompā isht asha yvt isht pūfa olachi ma, Choshua vt okla hash o Tmaha holihta ya Chihowa yvt hvch ima hoka, ho shakapá, im achi tok.

17. Tmaha holihta yvmmak fehna, mikmvt yvmma anukaka ai asha aiena kv̄t Chihowa hak o nan isht ai im vlhpisa chī mak oke; ohoyo haui Lahab ak illa, yvmma, micha apīhvt in chuka maya tuk moma kvto, hatak na pisa e tihleli tuk o aya ka luhmi tuk okvt okchaya chī hoke.

18. Nana ka Chihowa i hullochi atuk puta ka kaniohmit hvch ik il ahalaiacho pullashke, keyukmvt nana ka Chihowa i hullochi atuk a hvsh ishi hokmvt, il okpvnit hvsh tahli cha, Israel im vlbina hā isht ai okpuloka hi a onochit, yvmma hvsh ilbvshala hinla hoke.

19. Amba tvli hvta, micha tvli holisso lakna, mikmvt tvli, anonti tvli lakna aiena nana ai vlhpitta toba yokvto Chihowa ya im aholitopa toba hoke: Chihowa i na holitopa ai asha ya pit ibafohka chī hoke, im achi tok.

20. Yohmi ma na holitompā isht asha yvt isht pūfa olahanchi ma, okla hv̄t shakapa tok: atuk o yakohmi tok, okla

hash osh isht pufa yvt ola na haklo mvt, okla shakapa kvt chitoli fehna hosh shakapa tok; yohmi ma tvli holihta yvt tiapvt aka fohopa tok; yohmi hatuk o okla hvt ilap a hikia tuk aiyyukali itikba ya apissanlit tmaha ha pit abeha tok; micha tmaha ha ishi tok.

21. Mihmvt nana moyuma tmaha holihta aiasha tuk, nakni, micha ohoyo moma, himithowa, micha sipokni moma, mikmvt wak, micha chukfi, mikmvt issuba haksobish falaia aiena moma ka brshpo falaia halupa yo isht okpvnit okla kaiyanchi tok.

22. Hatak tuklo yakni pisa tuk amo Choshua vt, Ohoyo haui ash in chuka hvsh chukowa cha, anumpa kvllo isht hvsh il im onochi hatuk okvt, ohoyo ymma, micha nana il ai eshi tuk a moma isht hvsh kohchashke, im achi tok.

23. Yohmi hatuk a hatak himithowa na pisvt aya tuk ash osh pit chukowa cha, Lahab, mikmvt iki, micha ishki, micha i nakfi vhleha, mikmvt nana im ai asha tuk aiena moma ka ishit kohcha tok; ymma ai i kanomi moyuma ka ishit kohchvt Israel im vlbina kohcha ak o ashachi tok.

24. Yohmi ma tmaha holihta, micha nana ymma anukaka aiasha tuk aiena ka luak isht hukmi tok: amba tvli hvta, micha tvli holisso lakna, mikmvt tvli, micha tvli lakna aiena nan ai vlhpitta toba ak illa ho Chihowa i na holitopa ai asha chuka ya pit apitta tok.

25. Mihma Choshua vt hatak Cheliko yakni pisa chi ho tihleli na aya tuk a luhmi tuk atuk o Lahab ohoyo haui ash micha iki in chuka achvfa, micha immi hatuk aiena ka Choshua vt okchalinehi tok; yohmi tuk o Israel okla ha iba taklvt a chukvt ahanta na himak nitak a ant ai vhli hoke.

26. Nitak ymma fehna ak o Choshua vt okla ha anumpa kvllo onochit, Hatak nana hosh wakayvt, tmaha Cheliko ilvppa ikbi hokmvt, Chihowa itikba ya nana palvmmi pisa he im vlhpisvt hikia hi oke: ushi vttahpi ak osh isht vlhtoba ho intola vmmona ka bohla he, atuk mvt ushi ishtaiyopi kak osh isht vlhtoba ho holihta okhissa ya hiohlichea hi oke.

27. Yakohmit Chihowa vt Choshua ya awant aya tok:

yohmi hō yvmma isht annoa kv̄t yakni moma ka ai anno-howa tok.

CHAPTA VII.

YOHMI kia Israel im vlla vhleha hv̄t nan ī hullochi atuk a isht ashv̄chi tok: Chutah ishtatiaka Selah hā ushi, Sabti hā ushi, Kami yā anonti ushi Achan vt nan ī hullochi atuk ash ishi tok: yohmi hō Chihowa isht anukhobela yvt libbit Israel im vlla vhleha hā onvtoyula tok.

2. Mihma Choshua vt Cheliko vttvt hatak kanohmi hā Belh-afen ichapaka, Behlel hv̄shi a kohchaka imma Ai yā tihlelit, im anumpulit, Hv̄sh ia cha, yakni yvmma ont hv̄sh pisashke, im achi tok. Mihma hatak ash osh ia cha, Ai yā ont pisa tok.

3. Atuk osh yvmmak ash osh falamvt Choshua yā im vlt, Hatak moyuma hokv̄to ik aiyo kashke, amba tahlepa sipokni tuklo, tuchina kanima hosh Ai yā ont issot kanchashke: okla yvmmvt kanomosi hoka, hatak moma ka yvmma pit tihlelit chik tikambicho kashke im achi tok.

4. Yohmi hatuk o okla hash o a kohchvt hatak tahlepa sipokni tuchina foka hosh yvmma pit ilhkoli tok: atuk osh Ai okla hā ont ī yihlepa tok.

5. Mihma Ai okla hash osh pokoli tuchina akucha han-nali foka hō ai vbi tok: holihta okhissa itikba a hliolit isht ia mvt, Shebalim a isht ona hatuk osh takla yā okvtahvt ia ka ai issot kanchi tok: yohmi hatuk o okla chukv̄sh vt bilvt oka yō chiyuhmi tok.

6. Mihma Choshua vt ī nafohka yā ita hlilv̄ffi cha, aka pit itulvt Chihowa im itombi holidopa itikba yā ilap, micha Israel okla im asvnonchi vhleha aiena kv̄t hlipkv̄chit maya na opia tok: mihmvt noshkobo hā lukfi pushi okla o fohopli tok.

7. Mihmvt Choshua ash osh, Ikikkeh! Chitokaka Chihowa ma! nanta katiohmi hō Amolait vhleha ibbak a ish pi fohki na pi mosholieha chī ka, okla ilv̄ppa Chatan a ant ish pi tanvblichī tuk oh cho? pim vlv̄pesa cha, Chatan mish-tv̄np mak inli hō il ai asha hatuk okbano!

8. Chihowa ma! Israel okla hut in tenvp vhleha ha nvli ak o i filihimi ka, nanta hak o miha la chi cho?

9. Kenanait vhleha, micha yakni ilvppa hatak aiasha moma kut hakla chi hoke; yohmi cha pi afolublit, pi hohehifo ha yakni paknaka ilvppa a tvblit kancha chi hoke: yohmikma chi hohehifo chinto ka nanta ho ish i katiohmicha chi cho? achi tok.

10. Mihma Chihowa yvt Choshua ya, Ish tanashke; nanta katiohmi ho yakohmit ish hlipia cho?

11. Israel vt nan ashvchishke, yohmi cha yvmmvt, nana it im apesa im apehisa li tok a kobvffi aiena tuk oke: nan i hullochi atuk ash yvmmak fehna ishi hokvt: micha hukopa aiena tuk; micha holabi aiena tuk; micha yvmmvt yvmmak ash i na chukushpa fehna iba fohkit bohli tuk oke.

12. Yohmi kak o Israel im vlla vhleha hut in tenvp vhleha itikba ya hiea he keyu hosh, amba in tenvp vhleha itikba ya nvli ak o i filihimishke, Chihowa im ai i nukkilli vt onvtoyula hatuk oka: yohmi ka nan i hullochi atuk ash ishi tuk ilvppak ash o okprnit ai ile kohchit hvsh kanchi keyukma, hvchi awant aya la he keyushke.

13. Wakayvt, okla ha ish hullochashke; micha onna takla ka hvsh ile hullochashke; Israel in Chitokaka Chihowa vt yakohmichit anumpulishke, Israel chia ma! nan i hullochi atuk vt hvch itintakla takalishke: yohmi hoka nan i hullochi tuk ash ilvppa ai ile kohchit hvsh kanchi keyukmvt, hvchin tenvp vhleha itikba ya hvsh hiea he keyushke, ish achashke.

14. Yvmohmi hoka onnahinlikma ai unchololi hvsh ai achvfa aiyukali yak osh iti hoyo hosh ahanlashke; atukma yakohma chi hoke, ai unchololi kanima ho Chihowa yvt ishi hokma, yvmmvt ai unchololi itakvshkoa ak o iti hoyo hosh ahanlashke, atukma ai unchololi itakvshkoa kanima ho Chihowa yvt ishi hokma, yvmmvt chuka achvfa ak o iti hoyo hosh ahanlashke; atukma chuka achvfa kanima ho Chihowa yvt ishi hokma, yvmmvt hatak achvfa aiyukali hosh ahanlashke.

15. Atukma yakohma chi hoke, kanima hosh nan i hullochi atuk ash ishit otvni hokmvt, ilap, micha nana im asha

tuk moma kv̄t luak isht luashke: yohmi kv̄t Chihowa nan it im apesa yā kobv̄fi, micha Israel ā nana ik aiv̄lhpeso ai yvmohmi aiena hokv̄t yvmohmashke, im achi tok.

16. Yohmi hatuk o Choshua vt onnahinli fehna tani cha, Israel okla hash ishtatiaka aiyukali yak o itahobi tok; yohmi ma Chutah ishtatiaka yak osh vlhtoka tok.

17. Yohmi ma Chutah isht atiaka itakvshkoa puta kak o itahobi tok: yohmi ma Saha isht atiaka yak o atokoli tok; yohmi ma Saha ishtatiaka hatak achufa aiyukali ho itahobi tok; mihma Sabti ak osh vlhtoka tok.

18. Yohmi ma ymma in chuka achufa yā hatak achufa aiyukali ho itahobi tok; yohmi ma Chutah ishtatiaka Selah yā ushi, Sabti yā ushi, Kami yā ushi, Achan ak osh vlhtoka tok.

19. Mihma Choshua vt Achan ā Svso ma! Israel in Chitokaka Chihowa yā ish holitoblich̄i cha, ish il im anolashke, chim asilh̄ha lishke: yohmi hoka nana ish kaniohmi tuk okv̄t chik san luhmo hosh, is sv̄m anolashke, im achi tok.

20. Mihma Achan ash osh afalamichit Choshua yā, Israel in Chitokaka Chihowa yā im ashv̄chi li tuk o mv̄hl̄ishke, yohmi kv̄t nana ka ilv̄ppak o, anonti ilv̄ppak o yvmohmi li tuk oke.

21. Na wehp̄oa ititakla yā Babulon nafohka achukma fehna, micha tv̄li hv̄ta shekel tahlepa tuklo, mikmv̄t tv̄li holisso lakna hohli ohmi hosh weki shekel pokoli tahlapi aiena hosh kahv̄t maya na pisa li mv̄t, anushkunna lish, ishi li tuk oke: yohmi tuk o yakeh! yakni anukaka luma hosh vm vlhtipo ikl̄v̄na yā chiyakma tv̄li hv̄ta yvt nutaka itonlv̄shke, im achi tok.

22. Yohmi ma Choshua vt hatak atokolit tihleli tok; yohmi na yihlepv̄t vlhtipo yā ai ona ma, yakeh! yummak ash osh im vlhtipo luma hosh itonla ma, tv̄li hv̄ta yvt nuta yā itonla tok.

23. Mihma yummak ash vlhtipo yā okla ai ishit kohchv̄t, Choshua, micha Israel im v̄lla vhleha moma ka isht im onv̄t, Chihowa itikba yā ont ashachi tok.

24. Mihma Choshua vt, Israel okla moma kv̄t apiha ho,

Achan, Selah ushi ash, mikmut tvli hvta, micha nafohka, micha tvli holisso lakna hohli ohmi kash aiena, mikmut ushi vhleha, micha ushetik vhleha, micha i wak, micha issuba haksobish falaia puta, micha in chukfi, mikmut im vlhtipo, micha nana im asha tuk moma aiena ka okla ishi cha, yvm-mak ash Acho okfa ha okla isht ona tok.

25. Yohmi ma Choshua vt, Nanta katiohmi ho ish pilbv-shali tuk oh cho? himak nitak a Chihowa yak osh chishno ma chilbvshala chi hoke, achi tok. Mihma Israel okla hvt momvt tvli isht boli tok: yohmi cha tvli isht bolit okla issa hayvt, luak isht hukmi tok.

26. Yohmi mvt tvli itvnaha chito fehna ho isht ompohomot hilechi tok o, himak nitak ka hikiyshke. Yohmi ho Chihowa im ai i nukkilli libbi fehna tuk vt ai i filvmmi tok: yvmohmi hatuk o yakni yvmmt himak nitak ant ai vhluka Acho okfa hohchihifoshke.

CHAPTA VIII.

YUMOHMI ma Chihowa vt, Choshua ya, Ik chi nuksho-pashke, micha chi chukvsh ik iello kashke; hatak tenvp aya vhleha ha moma il ai eshit, wakayvt, Ai ya ish iashke: yakeh! i miko, mikmut im okla vhleha, micha in tmaha holihta, mikmut i yakni aiena ka chibbak a fohki li hoke.

2. Yohmi ka, Ai, mikmut i miko Cheliko, mikmut i miko aiena ka ish kaniohmichi tuk vt, yvmmak inli ho ish choh-micha chi hoke: amba na wehpoa, micha wak aiena ak illa ak o hvchimmi ikbit hvsh ishashke: tushka chipota vt im aiehcha chi ka tmaha holihta im ashaka ya ish ashachashke, im achi tok.

3. Yohmi ho Choshua, micha hatak tenvp aya vhleha moma kv Ai ya in tanampit ia tok: mihma Choshua vt hatak tenvp aya hlampko hochukma chilitvt nukwia iksho tahlepa sipokni pokoli tuchina ho atokolit ninak o tihleli tok.

4. Yohmi mvt nan i mihvt, Yakeh! tmaha holihta ya

im aiehchit, tmaha holihta im ashaka i hopaki keyu ho, moyumvt hvchim vlhtahvt hvsh aiashashke.

5. Yohmikma vno, micha okla si apehvt aya tuk il aiena kut tmaha holihta ya atikonofvt e mahaya chi hoke; atukma yakohma chi hoke, vmmona tuk a chohmit, okla pi afamvt mintikma, il i yihlepa chi hoke.

6. (Kohchvt piakaya chi hoka) i yihleprt mahayvt tmaha holihta ya e kohchicha chi hoke; Ummona ak inli tuk a chohmit, pi yihleprshke, acha chi hoka: yohmi hatuk o il i yihlepa chi hoke.

7. Yohmikma tmaha holihta ya im aiehchit hvsh aiasha tuk vt, wakayvt tmaha holihta ya hvsh ishashke; Chitokaka hvchin Chihowa vrt hvch ibbak a fohka chi hoka.

8. Atukma yakohma chi hoke, tmaha holihta ya hvsh ishikmvt, Chihowa hvt apihisa tuk mak o yvmihchit luak isht hvsh hukma chi hoke: yakeh! hvchim apesa lishke, achi tok.

9. Yvmohmi hatuk osh Choshua vt yvmmak ash pit tihleli tok; yohmi na aiehcha chi hosh okla hvt Ai i hvshi ai okatula imma Behlel, Ai itintakla ak o aiasha tok: amba Choshua vto ninak yvmma okla hak o iba binachi tok.

10. Atuk osh Choshua vt onnahinli fehna tani cha, okla ha hotihna tok; yohmi cha ilap vt Israel im asvnonchi vhleha ita pihvt okla ha itikba hielit Ai ya ia tok.

11. Mihma okla moyuma, hatak tenvp aya yvmma apehvt aya atuk vt, momvt ilhkolit, tikelit mahayvt, tmaha holihta itikba ai ona mvt, Ai i falvmmi imma yo okla binachi tok: yohmi ka Ai itintakla ya okfa hosh bachaya tok.

12. Yvmohmi mvt hatak tahlepa sipokni tahlapi foka ho ishi cha, aiehcha chi ka Behlel, Ai itintakla tmaha holihta ya i hvshi ai okatula imma ho ont ashachi tok.

13. Yvmohmi mvt okla moyuma, tushka chipota vhleha tmaha holihta i falvmmi imma ai asha tuk, micha aiehchi tmaha holihta i hvshi ai okatula imma aiasha tuk aiena ka achukmalit kahpuli na im vlhtaha ma, Choshua vt ninak yvmma okfa hash iklvna ya ona tok.

14. Atuk o yakohmi tok, Ai i miko vt yvmma pisa mvt,

tushpvt onnahinli fehna okla tani cha, tmaha holihta yvma hatak vhleha hvv Israel itiba chi hosh yvmma, micha okla moyuma aiena kvv hvshi kanvlli vlvhpa ont ai vlvhpa tukma, okfa hash itikba ai ona tok: yohmi kia tmaha holihta im ashaka ya im aiehchi hosh aiasha ka, ik akostinincho hatok.

15. Mihma Choshua, Israel okla moyuma aiena kash osh ik alauecho hv ile chohmichit, itikba yakni haiaka hina ya pit ai yihlepa tok.

16. Mihma okla moyuma Ai aiasha tuk vt itvnaha cha, yvmma okla pit ahliyuha tok: yohmit Choshua ya ahliyuha hosh tmaha holihta ya akocha wiha tok.

17. Yohmi ka Israel okla hv ik ahliyuhv hosh Ai, Behlhel kanima ka anta kvv hatak achvfa nana kia iksho ki tok: micha tmaha holihta pit tiwvt talaia na Israel okla hv ahliyuha tok.

18. Mihma Chihowa vt Choshua ya, Tvli halupa ontvla tvbi chibbak foka ka Ai imma pit ish welashke; yvmma chibbak a fohki la chi hoka, im achi tok. Mihma Choshua vt tvli halupa ontvla tvbi ibbak foka hatuk a tmaha holihta imma pit weli tok.

19. Yohmi ma im aiehchit aiasha tuk vt chekosi fehna kochea wihvt, ibbak a vba weli mak inli hv, yihlepvt tmaha holihta ya ont chukowvt, ishi tok; micha tushpvt tmaha holihta yash hukmi tok.

20. Yohmi tuk o Ai okla hash osh filemvt, im ashaka imma pit hopokoyo mvt, yakeh! tmaha holihta yash osh shobullit vba pit hikia na pisa tok: yohmi cha ilvppimma, keyukmvt yvmimma kanima pit ai yihlepa hi vt iksho ki tok: yohmi ma okla yakni haiaka pit yihlepa tuk ash osh falamvt, ahliyuhvt maya tuk a o yihlepa tok.

21. Yohmi kvv Choshua, micha Israel okla moyuma aiena kvv, aiehchit aha tuk ash osh tmaha holihta ya ishi na, tmaha holihta yvt shobullit vba pit hikia na pisa hatuk osh, filema cha, Ai hatak vhleha hash vbit tahli tok.

22. Mihma inla yash osh tmaha holihta ya a kochevt o yihlepa tok; yohmi hatuk o Israel okla hv ikvna ka yo hiebi

tok; yohmi ka kaniohmi kv̄t ilv̄ppa in tv̄nv̄p ashakma, anonti kaniohmi kv̄t yv̄mma in tv̄nv̄vp asha tok: yohmi hatuk osh issot kanchi tok; yohmi cha achv̄fa kia okchalinchit ik hlakofecho ki tok.

23. Micha Ai i m̄iko ano okchaya na okla ieshi cha, Choshua a isht im ona tok.

24. Atuk o yakohmi tok, Israel okla hv̄t Ai okla h̄a, osapa, yakni haiaka aiena ai ahliyuhv̄t isht ayv̄t, yv̄mma okla ai v̄bit tahli tok: yv̄mmak ash osh bv̄shpo falaia halupa ȳa onv̄tohonlv̄t, momv̄t illit taiyaha ma, Israel okla hash osh momv̄t falamv̄t Ai ȳa ona cha, bv̄shpo falaia halupa isht issot kanchi tok.

25. Atuk o yakohmi tok, hatak, micha ohoyo, aiena nitak yv̄mma akakoha kv̄t, momv̄t tahlepa sipokni auah tuklo yv̄mmv̄t Ai okla moyuma tok.

26. Choshua vt tv̄li halupa ontv̄la tv̄bi ȳa ibbak isht ieshit pit weli tuk vt, Ai okla h̄a mominchit v̄bit ik tahlo hokv̄to, ik isso tok oka.

27. Yohmi h̄o wak puta, micha tmaha holihta yv̄mma na wehp̄oa aiena bano h̄o Chihowa yv̄t Choshua ȳa nan i miha tuk anumpa h̄a iakaiya hosh Israel okla hv̄t ilap immi ikbi tok.

28. Mihma chiff̄okot ai asha na bilia he mak o Choshua vt Ai ȳa hukmit kanchi tok: yohmi tok o aiokpulokv̄t kv̄niv̄t himak nitak a ant ai v̄hlisk̄e.

29. Mihmv̄t Ai i m̄iko ano nuksitelit iti a takalichi na takali na opia tok; atuk o bv̄shi vt okatula mak inli h̄o yv̄mma haknip a iti ȳa ai akv̄chi cha, tmaha holihta ont a chukowa okhissa ont pila cha, yv̄mma tv̄li itv̄nahachi chito ai ikbit hilecha ch̄i ka Choshua vt i miha tok; yv̄mmv̄t hikia na himak nitak a ant ai v̄hlisk̄e.

30. Yohmi ma Choshua vt Chitokaka Israel in Chihowa ȳa nv̄nih Ebal ak o alta ȳa im ai ikbi tok.

31. Yohmi ka Moses, Chihowa in tishu hv̄t Israel im v̄lla v̄hleha h̄a nan im apih̄isa tok o, Moses i nan v̄lh̄pisa holisso h̄a a holih̄iso hatuk oka, Alta tv̄li atushahli keyu, yv̄mma hatak vt tv̄li halupa nana kia onochi tuk keyu h̄o isht ai ikbi

tok : yohmi cha yummak o nan vbit Chihowa ya isht aiokpuchi om bohliit a hukmi cha ; anonti isht aiokpuchi isht it i nanaiyuchi aiena ka ai vbit okla aiasha tok.

32. Mihma Israel im vlla vhleha momvt pisa ho, Moses i nan vlhpisa ya tosholit tvli atok ash o a holissochi tok.

33. Mihma Israel moma, micha im asvnonchi vhleha, micha okla pehlichi vhleha, micha i nan apesa vhleha aiena, micha hatak ik ithano ak kia iti takla vta tok ak inli cholmit, itombi holitopa ya ilvppa in tennvp, micha ymma in tennvp Lefait vhleha naholitompa isht asha Chihowa nan it im apesa vt afoyuka itombi holitopa shoyuli itikba tahlalaka hiel tok ; a moyuma hosh iklvna kvv Kelisim nvnih i chapaka ya hielikma, anonti iklvna kvv Ebal nvnih i chapaka ya hiel tok : yvmohmi hosh Israel okla ha yukpala hi o Moses, Chihowa in tishu hvv tikba ka im apihisa tok mak o, yvmohmi tok.

34. Yohmi hayak o nan vlhpisa anumpa puyuta, nan isht ai yukpa he, anonti isht ai i palvmma he aiena nan vlhpisa holisso ha a holihiso tok a it im anumpohonli tok.

35. Israel okla moyuma, ohoyo, vlla chipunta, micha hatak inla yvt ymma iba takla maya hatuk aiena itikba ya Choshua vt, Moses vt nana im apihisa tok moyuma ka anumpa achvfa kia ik ai it im anumpulo ka iksho ki tok.

CHAPTER IX.

ATUK o yakohmi tok, miko vhleha Chatan ola in tennvp, nvnih foka, micha okfa foka, micha okhvta chito vli moma Lebanon i chapaka, Hitait okla, micha Amolait okla, Kenanait okla, Pelissait okla, Hifait okla, micha Chebusait okla aiena aiasha kvv haklo mvv ;

2. Choshua, micha Israel aiena ka itiba chi hosh im anukfila achvfa hosh iti hoyot itvnaha tok.

3. Atuk o Kibeon aiasha vt, Choshua vt Cheliko, micha Ai ita tuklo ka kaniohmichi tuk a haklo mvv,

4. I kostinit okla im anukfila cha, okla inla im anumpa

shali atuk ilahobit, bahta hlipa puta, micha oka paki kotoba sipokni hlilahlit vhlkvta puta aiena ka issuba haksobish falala ya onochi tok.

5. Micha shulush sipokni vhlkvta ishit hoyolo, micha nafohka sipokni isht foyuka tok: mikmvt pvska il atahli tuk moma kvv shilvt bokbokit taha tok.

6. Micha Choshua ya im onvt, Kilkal vlbina ha ona cha, yvmma, micha Israel hatak vhleha aiena ka, Yakni hopaki minti pia hoke: yvmohmi hoka anumpa kvllo ka hvsh pit im apesashke, im achi tok.

7. Mihma Israel hatak vhleha hvv Hifait vhleha hash, Pitakla hvsh asha yoba hatuk a, yohmi hokmvno katiohmi kak osh anumpa e hvch it im apesa cho? im achi tok.

8. Mihma Choshua ya, Chin tishu vhleha pia hoke, im achi tok. Mihma Choshua vt, Kvta ho hvchia ho? micha katima yo hvsh minti cho? im achi tok.

9. Mihma, Yakni hopaki fehna ho minti hosh Chitokaka chin Chihowa hohchifo pulla kak o, chin tishu vhleha hvv vla hoke: Echip a kaniohmihinebi tok puta kvv annoa,

10. Micha Chatan mish-trnnpv Amolait okla i miko tuklo, Heshbon i miko Sihon, micha Bashan i miko Ok Ashtaloh vtta aiena ka kaniohmichi tuk puta ka e haklo hatuk osh.

11. Yvmohmi ho hatak pim asvnonchi vhleha, micha pi yakni ai asha vt pim anumpulit, Nowvt hvsh aya chi kvv pinak oh ishi cha, ivv ont afamvt, Hvchin tishu vhleha pia hoke, hvsh im achashke, achi tok: yvmohmi hoka himak a anumpa kvllo ka hvsh pitim apesashke.

12. Pvska ilvppa kohchvt hvchi afama chi hosh e minti nitak ak osh lvshpa moma ho pin chuka ya ai ishit e kohcha tok oke; yohmi tok kia yakeh! himak ano shilvt bokbokit tahvshke.

13. Oka paki i kotoba puta ilvppa il alotuli mvno himona tok; atuk osh yakeh! hlilahlshke: micha pi nafohka ilvppa puta, micha pi shulush puta aiena kvv, hopaki fehna e nowa hatuk o hlipvt tahvshke, okla im achi tok.

14. Mihma hatak vhleha hash osh i pinak a ai ishi cha, Chihowa itih ha anumpa ik ai asilhho tok.

15. Mihma Choshua vt it i nanaiya cha, okchaya chi ka, anumpa kvllo itim apesa tok: mihma okla ha i holitompa vhleha hvt anumpa kvllo isht il im onochi tok.

16. Atuk o yakohmi tok, anumpa itim apesa haya nitak tuchina kvt ont taha ma, in chuka abilika yosh takla asha hatuk o, okla haklo tok.

17. Mihma Israel im vlla vhleha hvt toshowvt ia mvt, nitak ont isht atuchina ho, in tmaha holihta puta ka ona tok. In tmaha holihta puta kvt Kibeon, micha Chefilah, micha Beeloh, micha Kichalh-chealim aiena kak atok.

18. Mihma okla i holitompa vhleha hvt Israel in Chitokaka Chihowa isht hochifot anumpa kvllo isht il im onochi tuk pulla hatuk mak o, Israel im vlla vhleha hvt issot ik kancho ki tok. Mihma okla moma kvt holitompa vhleha hash i sanalit anumpuli tok.

19. Yohmi kia holitompa vhleha hash osh okla moma ka, Israel in Chitokaka Chihowa isht hochifot anumpa kvllo isht il im onochi tuk oke: yohmi kvt himak a e potola he keyu hoke.

20. Ilvppak o e yvmihchashke, ik okchaya, il im ahnashke, anumpa kvllo isht il im onochi tuk okvt: keyukma nana palvmmi kvt pi onvtola hinla hoke.

21. Micha holitompa vhleha hash osh, Ik okchaya, holitompa vhleha hvt i miha tuk oka: amba okla moma ka iti in chanli, micha oka im ochi aiena kvt tobashke, im achi tok.

22. Mihma Choshua vt i howa cha, im anumpulit, Nanta katiohmi ho pi takla hvsh asha yokak osh, pi haksichit, Yakni hopaki ho e minti, hvsh achi tuk oh cho?

23. Yvmohmi hoka himak a hvchi kalakshi mak oke; micha achvfa kia yuka hosh an Chihowa in chuka iti in chanli, micha oka im ochi aiena kvt hvsh kohcha he keyu hoke, achi tok.

24. Mihma afalamichit Choshua ya, Chitokaka chin Chihowa vt in tishu Moses a im apesvt, yakni moma ka hvch una cha, okla chi tikba aiasha moma ka vbit tahla he miha tok a chin tishu vhleha hvt hahaklo pulla ak atok: yohmi

kak o hvehishno pulla kak o pim ilhfiopak isht pi nukshopa fehna hatuk osh, ilvppa e yvmihchi tuk oke.

25. Yvmohmi ka himak a yakeh! chibbak a e foyukvshke: ish pi kaniohmichi kak osh chim achukma, micha chim vhpesa hinlakmut, ish yvmihchashke, okla im achi tok.

26. Micha yummak o yvmihchi cha, Israel im vlla vhleha ibbak a a hlakofichi na okla ik bo ki tok.

27. Mihma Choshua vt nitak yumma okla ha, micha Chihowa im alta ya, kanima ho ai ahnit im atokolikma, iti im a chanli, micha oka im ochi aiena ka ikbi tok o, himak nitak a imoma hoke.

CHAPTA X.

ATUK o yakohmi tok, Choshua vt Ai ya ishi cha, okpunit vmohmichi tuk vt Cheliko, micha i miko ya kaniohmichi tuk vt, chohmichit Ai, micha i miko ya yvmihchi tuk: micha Kibeon okla hvt Israel a it i nanaiya cha, ibvlhto ho, Chelusalem i miko Atoni-setek vt haklo mut;

2. Kibeon vt tumaha holihta miko in tumaha holihta chohmi, micha chito kvv Ai ya i shahli, micha yumma hatak ai asha kvv hlampko, micha chilita hatuk o, okla nukshopa fehna tok.

3. Yvmohmi hatuk osh Chelusalem i miko Atoni-setek vt Heblon i miko Hoham, micha Chamulh i miko Pilam, micha Lachish i miko Chafia, micha Eklon i miko Tebi aiena ka anumpa pit i pila cha,

4. Mintit hvs svm vla cha, hvs si apela na Kibeon a il ishi cha, e mosholichashke: Choshua, micha Israel aiena ka it i nanaiya hoka, achi tok.

5. Yvmohmi ho Amolait okla i miko tahlapi, Chelusalem i miko, Heblon i miko, Chamulh i miko, Lachish i miko, Eklon i miko aiena kash osh iti hoyvt itvnaha tok; micha yumma, mikmut in tvshka chipota puta aiena kvv Kibeon itikba ya binanchi cha, in tanampi tok.

6. Mihma Kibeon hatak vhleha hvt Choshua vt Kilkal vlbina anta tuk o, anumpa pit i pila mut, Chin tishu, vhleha

ha ish halvlli kv̄t chibbak a ish mokoffi ná; tushpvt pim vla cha, pi apelv̄t, ish pi hlakofichashke: Amolait okla i miko v̄hleha moyuma nv̄nih foka aiasha kv̄t, iti hoyot itvnaha cha, pin tanampi hoka, achi tok.

7. Yohmi ma Choshua, micha hatak tenv̄p aya puta, micha hatak hlampko hochukma chilitv̄t nukwia iksho puta aiena kv̄t Kilkal a ashv̄t ia tok.

8. Mihma Chihowa vt Choshua ya Ish i nukshopa ná: chibbak a fohki li mak oka; hatak achv̄fa kia chi tikba ya hikia he keyu hoke, im achi tok.

9. Yvmohmi hatuk o Choshua vt Kilkal v̄tv̄t ninak a aya na hlopullit, ashalika im ona tok.

10. Mihma Chihowa yvt Israel itikba ya komuntv̄chit tihleli tok; micha Kibeaon a lauachit ai vbi cha, hliolit Belhholon ataya hina isht aya cha, ahambit Asekah, micha Makketah ita tuklo ka isht ona tok.

11. Atuk o yakohmi tok, Israel itikba ya yihlepa cha, Belhholon a okvtahv̄t ia ma, Chihowa hv̄t hatafo hochito vba et onochit, Asekah isht ona na okla illi tok: hatafo isht illi kak osh Israel im vlla v̄hleha hv̄t bv̄shpo falaia isht vbi tuk a i shahli tok.

12. Yvmohmi ma Choshua vt nitak yv̄mma Chihowa vt Amolait okla ha Israel im vlla v̄hleha ibbak fohki ma, Israel im vlla v̄hleha hv̄t p̄isa h̄o, Chihowa ya im anumpulit, Hv̄shi chia hv̄t Kibeaon paknaka peh lumv̄t ish hikiashke; mikma, Hv̄shi ninak aya chia hv̄t Achalon okfa ha ish hikiashke, achi tok.

13. Mihma hv̄shi vt lumv̄t hikia ma, hv̄shi ninak aya yvt talaia na okla hash osh in tenv̄p a okla il ai okha tok. Iluppvt Chashe i holisso ha aholisso keyu cho? Yohmi hosh hv̄shi vt shutik iklv̄na hikia cha, nitak achv̄fa h̄o tushpvt ik okatulo ki tok.

14. Chihowa vt hatak im anumpa ha a haiyaklo tok nitak yv̄mma chohmi kv̄t tikba, micha i himmak a iksho ki tok: Chihowa yvt Israel a im itibi hatuk oka.

15. Mihma Choshua vt, micha Israel moma kv̄t apiha h̄o, falamv̄t, v̄lbina Kilkal a ona tok.

16. Yohmi kia miko tahlapi ilvppak ash osh yihlepa cha, tvli chiluk Makketah hikia ka a luma tok.

17. Atuk o Choshua ya im anolit, Miko tahlapi kash osh hichukbi Makketah hikia ka a luma hosh ashvt haiakvshke, achi tok.

18. Mihma Choshua vt, Tvli hochito hichukbi a hvsh on tonullichashke; yohmi cha atona chi ka hatak hvsh hiohle-chashke:

19. Micha hvsh hielí ná, amba hvchin tvnvp a hliolit, olbul aya ka vbit hvsh tashashke; in tvmaha holihta puta ka ik chukowá hvch ik im ahno kashke: Chitokaka hvchin Chihowa vt hvch ibbak a fohki hatuk oka, achi tok.

20. Atuk o yakohmi tok, Choshua micha Israel im vlla vhleha hvv ahambi fehna kvv ont tahli na taha ma, yvmma i hlakofi kvv tvmaha puta aholihta kvvlo ya ont chukowa tok.

21. Mihma okla moma kvv fašamvt Choshua ya im onvt, Makketah vlbina ha achukmakvt ona tok: Israel im vlla vhleha ha kanima i sanalit achvfa kia isunlvsh a ilhkolechi tok keyu hoke.

22. Mihma Choshua vt, Hichukbi ya tiwi cha, miko tahlapi yvmmak ash hichukbi ya ai ishit kohchit isht hvv svv vlashke, achi tok.

23. Mihma okla yvmihchi tok; micha miko tahlapi, Chelusalem i miko, Heblon i miko, Chamulh i miko, Lachish i miko, micha Eklon i miko aiena yvmmak ash hichukbi a a kohchit isht im vla tok.

24. Atuk o yakohmi tok; miko vhleha yvmmak ash Choshua ya isht im vla ma, Choshua vt Israel hatak vhleha moma ka ihova cha, hatak tvnvp aya i kvpitvni vhleha apvht aya tuk a, Bilika vlvv, miko vhleha ilvppa ikunla ya hvch iyi ya hvsh o hilechashke, im achi tok. Mihma bilika okla vla cha, ikunla ya iyi ya o hilechi tok.

25. Mihma Choshua vt, Ik hvchi nukshopo kashke, hvchi chukvsh ik iello kashke, kvllot hvchim anukfila cha nukwia ikshot hvsh amosholashke: hvchin tvnvp puta hvch itibi ka Chihowa vvt yakohmicha chi hoka, im achi tok.

26. Yohmi hayvt Choshua vt, fahamvt vbi cha, iti tahlapi h_o atakohlich i tok: mihma iti y_a atakohli na opia tok.

27. Atuk o yakohmi tok, hvshi vt okatula ma, Choshua vt i miha ma, iti a takohli tuk a akvchi cha, hichukbi a lumboa tuk ak o pit pila cha, tvi hochito hichukbi paknaka kahpuli tok o, himak nitak fehna chiffoko hoke.

28. Yohmi ma nitak ymma Choshua vt Makketa y_a ishi cha, brshpo falaia halupa isht issot kanchi tok: mi-cha miko y_a mosholichit vmohmichi mvt, ymma, micha shilombish ymma aiasha tuk aieninchi tok; achvfa kia ik hlakofecho ki tok: micha Cheliko i miko y_a ymihchi tuk a chohmichit Makketa i miko y_a ymihchi tok.

29. Mihmvt Choshua vt, micha Israel moma kv apiha h_o, Makketa y_a ashvt ia mvt, Libnah y_a ona cha, Libnah y_a itibi tok.

30. Mihma Chihowa vt ymmak kia, i miko aiena ka Israel ibbak a fohki tok: mihma ymmak ash, micha shilombish moma ymma anukaka aiasha tuk aiena ka brshpo falaia halupa isht issot kanchi tok; achvfa kia ik hlakofecho tok; amba i miko y_a Cheliko i miko y_a ymihchi tuk mak osh chohmichi tok.

31. Mihmvt Choshua vt, micha Israel moma kv apiha h_o, Libnah y_a ashvt ia mvt, Lachish a ona tok; micha ont a binachi cha, itibi tok.

32. Mihma Chihowa yvt Lachish a Israel ibbak a fohki na nitak atukla ma ishi cha, ymmak ash, micha shilombish ymma anukaka aiasha tuk aiena ka brshpo falaia halupa isht issot kanchi tok; Libnah y_a ymihchi tuk moma mak inli h_o chohmichi tok.

33. Yohmi ma Kese i miko Holam vt Lachish a apela chi hosh vla tok; mihma Choshua vt ymmak kia, micha im okla aiena ka vbit tahli cha, achvfa kia ik i hlakofecho ki tok.

34. Mihmvt Choshua vt, micha Israel moma kv apiha h_o, Lachish a ashvt ia mvt, Eklon a ona tok: micha okla a binachi cha, itibi tok.

35. Micha nitak yvmma okla ishi cha, bvshpo falaia halupa isht issot kanchi tok; micha nitak yvmma shilombish moma yvmma anukaka aiasha tuk a vbit tahlit vmohmichi tok: Lachish a yvmihchi tuk moma mak inli hō chohmichi tok.

36. Mihmvt Choshua vt, micha Israel moma kv̄t apiha hō, Eklon a ashvt ia mvt, Heblon a ona cha, itibi tok.

37. Micha yvmmak ash, micha i miko atuk, micha in tv-maha holihta puta, micha shilombish moma yvmma anukaka aiasha hatuk aienaka okla ishi cha, bvshpo falaia halupa isht issot kanchi tok; Eklon a yvmihchi tuk akinli hō chohmichit achvfa kia ik hlakofecho tok: amba yvmmak ash vmohmichit okp̄ni cha shilombish yvmma aiasha tuk a mominchit vbit tahli tok.

38. Mihma Choshua vt, Israel moma kv̄t apiha hō, falamvt Tebi ya ona cha, itibi tok.

39. Mihmvt ishi cha, i miko atuk, micha in tv-maha holihta puta aiena ka ishi mvt, bvshpo falaia halupa isht issot kanchi tok; micha shilombish moma yvmma anukaka aiasha tuk a lushummit vbit tahli, achvfa kia ik hlakofecho tok: Heblon a yvmihchi tuk, micha Libnah ya, mikmvt i miko atuk aiena ka yvmihchi tuk mak o chohmichit, Tebi, micha i miko aiena ka yvmihchi tok.

40. Yohmi hosh Choshua vt nv̄nih foka yakni moma, micha oka mahli pilla, micha okfa, mikmvt kv̄li foka, micha i miko atuk moma ka issot kanchi tok: achvfa kia ik hlakofecho hosh, amba Israel in Chitokaka Chihowa yvt im apesa tuk mak osh fihompa moma ka okp̄nit vmohmichi tok.

41. Mihma Choshua vt Katesh banea ya vttvt Kasa ont vhli, micha Koshen yakni moma Kibeon ont vhli aiena ka issot kanchi tok.

42. Micha miko ilvppa puta, mikmvt i yakni ya Choshua vt himonna achvfa hō ishi tok; Israel in Chitokaka Chihowa ak osh Israel a im itibi hatuk oka;

43. Mihmvt Choshua vt, Israel moma kv̄t apiha hō, falamvt vlbina Kilkal a talaia ka ona tok.

CHAPTA XI.

ATUK o yakohmi tok; Haso i miko Chabin vt ymma puta ka haklo mvt, Malon i miko Chobab, micha Shimon i miko, micha Achshaf i miko,

2. Micha nvnihi i falvmmi imma in tenvp miko vhleha, micha Sinneloh im oka mahli imma yakni patali, micha okfa, micha hvshi ai okatula imma To ai vhli puta,

3. Micha hvshi akochaka imma, micha hvshi ai okatula imma aiena Kenanait okla, micha Amolait okla, micha Hittait okla, micha Pelissait okla, micha Chebusait okla nvnihi foka, micha Mispah yakni Hifait okla Hemon nuta asha aiena ka anumpa pit i pila tok.

4. Mihma okla kohchvt ymma, micha in tvshka chipota moma, okla laua chinto, laua kv okhvta vhli shinuk ai asha kak o chohmi hosh, issuba, micha tenvp iti chanvlli laua fehna aiena ho ishi cha, ia tok.

5. Atuk osh miko ilvppa puta kash osh itafama mvt, Melom oka taloha yak o Israel itiba chi hosh ant ai itiba bina-chi tok.

6. Mihma Chihowa yvt Choshua ya, Ymma pulla kak o ik chi nukshopo kashke: onnaha himak a chohmikma, momvt illit taha yo Israel ibbak a fohki la chi hoke; im issuba puta iyikolakshish a ish tvptulikmvt, tenvp im iti chanvlli puta ka luak isht ish hukma chi hoke, im achi tok.

7. Yohmi ho Choshua vt okla tenvp aya moma kv apiha ho, mintit Melom oka taloha yak o ashalika ant itibit okla o yihlepa tok.

8. Mihma Chihowa hv Israel ibbak a fohki na issot kan-chi cha, ahliyuhvt isht ayvt Siton chito, micha Mislefolh-maim, micha hvshi akochaka imma Mispah okfa ha isht ona tok; micha ahambi cha, achvfa kia ik in hlakofecho ki tok.

9. Mihma Choshua vt Chihowa yvt i miha tuk mak o yvmihchi hosh, issuba iyikolakshish a tvptuli mvt, tenvp im iti chanvlli puta ka luak isht hukmi tok.

10. Mihma nitak yummak o Choshua vt falama mv̄t, Haso ya ishi cha, i miko ya bvshpo falaia isht vbi tok; chashpo ka Haso ak osh apelihika yumma moma ka i noshkoboka hatok oka.

11. Mihma shilombish moma yumma aiasha tuk a bvshpo falaia halupa isht vbit tahlit vmohmichi tok: fiopa chi ka achvfa kia ik hlakofecho tok: micha Haso ya luak isht hukmi tok.

12. Micha miko vhleha yumma in tumaha holihta puta, micha i miko moma ka Choshua vt ishi cha, bvshpo falaia halupa isht issot kanchi cha Chihowa in tishu Moses vt im apesa tok mak o, okpunit vmohmichi tok.

13. Amba tumaha holihta puta kv̄t i bokko o hiohmaya kv̄llo moma kv̄no Israel vt achvfa kia ik hukmo hosh Haso ak illa tok: yummvno Choshua vt hukmi tok.

14. Micha tumaha holihta ilvppa puta ka na wehpoa moma, micha wak aiena kv̄no Israel im vlla vhleha hv̄t immi ha chi hosh ishi tok: amba hatak puta kv̄no, bvshpo falaia halupa isht issot ont kanchi cha, fiopa chi ka achvfa kia okla ik hlakofecho tok.

15. Chihowa yvt Moses a im apesa tok mak o, Moses vt Choshua ya im apesa tok; mihma yummak o Choshua vt yvmihchi tok: Chihowa yvt nana moma Moses a im apesa tok a ik a tahlo kv̄t iksho ki tok.

16. Yvmohmi hosh Choshua vt yakni yumma moma ka ishi kv̄t, nv̄nih foka, micha oka mahli yakni moma, micha Koshen yakni moma, micha okfa, micha yakni patali, micha Israel i nv̄nih puta, micha yummak inli okfa;

17. Sei pilla ia ka Halak nv̄nih ha vttvt ia hosh, Lebanon okfa, Hemon nv̄nih nuta Baal Kat ont vhli ka ishi tok: micha i miko moma ka ishi cha, fahamvt vbit tahli tok.

18. Choshua vt miko vhleha puta yummak ash in tanampi na nitak hopaki tok.

19. Tumaha holihta achvfa kia Israel im vlla vhleha ha ik it i nanaiyo, amba Hifait okla Kibeon asha kv̄t ak illa tok: inla moma kv̄no it in tanampi hosh ishi tok.

20. Chihowa ak osh ahni hosh chukvsh a kv̄llochi na

Israel a ant itiba chi hatok ; yvmohmi ho vbit tahlit vmoh-micha chi hatok ; micha Chihowa vt Moses a im achi tok mak o i nukhaklo keyu hosh, amba okpynit tahla chi hatok.

21. Micha nitak yvmma foka kak o Choshua vt ona cha, Anakim a nvnihi foka, Heblon, Tebi, Anab, micha Chutah i nvnihi chaha moma, micha Israel i nvnihi chaha moma ka ai vbit tahli tok : Choshua vt in tvmaha holihta puta aiena ka okpynit vmohmichi tok.

22. Israel im vlla vhleha i yakni ya Anakim achufa kia ik hlakofecho tok : Kasa, Kalh, micha Ashtot ak illa ho asha tok.

23. Chihowa yvt Moses a im ahanchi tok mak o, Choshua vt yvmihchit yakni ya mominchit ishi tok ; micha immi ha chi ho Israel a ishtatia ka itakvshkoa vhpisa mak o ima tok. Mihma yakni vt itin tanampi ka issvt foha tok.

CHAPTA XII.

MIHMA miko vhleha ilvppa puta kak osh yakni yvmma asha tuk o Israel im vlla vhleha hvt vbit tahli cha, i yakni Chatan mish tennvp hvshi a kochaka pilla, Anon okhina vttvt ia hosh Hemon nvnihi ha ona, micha hvshi a kochaka yakni patali ka okla ishit a binili tok.

2. Amolait okla i miko Heshbon vtta Sihon a miko kvv Aloe, yvmmvt Anon okhina ontalaka talaia ak o, micha okhina iklvna, micha Kileat iklvna kak o vttvt ia hosh Chabbak okhina, yvmmvt Ammon in chipota yakni ai vhli yo ont vhli tok ;

3. Micha yakni patali vttvt Sinnelolh okhvta i hvshi akochaka imma ona cha, Belhcheshimolh hina ia hosh, yakni patali okhvta, hvpi okhvta i hvshi akochaka imma ona tok ; micha oka mahli imma Ashtolh-piskah nuta ka aya tok.

4. Micha Bashan i miko Ok, yvmmvt hatak chaha ishtai-yopi hosh Ashtalolh, micha Etlei aiena ka vtta yosh im ai vhli kvv,

5. A miko kvv Hemon nvnihi, micha Salkah, micha Ba-

shan moma Keshulait okla, micha Maachahlait okla aiena ai vhli, micha Kileat iklvna, Heshbon i miko Sihon im ai vhli ak o ont vhli tok.

6. Yummak o Chihowa in tishu Moses, micha Israel im vlla vhleha aiena kvt issot kanchi tok: micha Chihowa in tishu Moses vt Luben ishtatiaka, micha Kat ishtatiaka, micha Manasseh ishtatiaka iklvna aiena kvt immi ha chi ho, ima tok.

7. Mikma yakni ya i miko vhleha ilvppa puta kak o Choshua, micha Israel im vlla vhleha aiena kvt Chatan ola in tvnvp hvshi ai okatula pilla ha Lebanon okfa Baal-kat vttvt ia hosh, Sei atia Halak nvniha ont vhli ka ai issot kanchi tok; micha ymma Israel ishtatiaka itakvshkoa vlpisa hosh immi ha chi ho, Choshua vt ima tok.

8. Nvniha foka, micha okfa, micha yakni patali, micha kvli foka, micha yakni haiaka, micha oka mahli yakni Hittait vhleha, Amolait vhleha, micha Kenanait vhleha, Pelissait vhleha, Hifait vhleha, micha Chebusait vhleha aiena kak atok.

9. Cheliko i miko vt achvfa; Behlel ichapaka Ai i miko vt achvfa;

10. Chelusalem i miko vt achvfa; Heblon i miko vt achvfa;

11. Chamvli i miko vt achvfa; Lachish i miko vt achvfa;

12. Eklon i miko vt achvfa; Kese i miko vt achvfa;

13. Tebi i miko vt achvfa; Kele i miko vt achvfa;

14. Holmah i miko vt achvfa; Alat i miko vt achvfa;

15. Libnah i miko vt achvfa; Atullam i miko vt achvfa;

16. Makkedah i miko vt achvfa; Behlel i miko vt achvfa;

17. Tappuah i miko vt achvfa; Hefe i miko vt achvfa;

18. Afek i miko vt achvfa; Lashalon i miko vt achvfa;

19. Maton i miko vt achvfa; Haso i miko vt achvfa;

20. Shimlon-melon i miko vt achvfa, Achshaf i miko vt achvfa;

21. Taanach i miko vt achvfa; Mekitto i miko vt achvfa;

22. Ketesh i miko vt achvfa; Kamel yakni Choknean i miko vt achvfa;

23. To ai vhli To i miko vt achvfa; Kilkal oklushi vhleha i miko vt achvfa;

24. Tisah i miko vt achvfa; miko vhleha moma kvv pokoli tuchina akucha achvfa tok.

CHAPTA XIII.

MIHMA Choshua vt sipoknit nitak laua ka pisa tok; mikma Chihowa yvt, Chi sipoknit nitak laua ho ish pisvshke; mihma immi ha chi hosh yakni ya isha chi ka laua hosh aiasha momvshke.

2. Yakni ilvppak osh asha moma hoke; Filistin okla ai vhli fullota, micha Keshuli vt moma,

3. Siho, yvmmvt Echip itikba talaia ka vttvt ia hosh falvmmi pilla Eklon, yvmmvt Kenanait im aholhtina ya ont vhli: Filistin okla i hochitoka tahlapi, Kasahlait vhleha, micha Ashtohlait vhleha, Eshkalonait vhleha, Kittait vhleha, micha Eklonait vhleha, Afait vhleha ak kia aiena:

4. Oka mahli ha vttvt i falvmmi imma ia hosh Afek Amolait vhleha im ai vhli ya ona ka ititakla ya Kenanait vhleha yakni moma, micha Mealah yvmmvt Sitonian vhleha i chapaka talaia aiena kvv;

5. Michā Kiblait vhleha i yakni, micha hvshi a kochaka imma Lebanon, Hemon nuta Baal-kat a vttvt ia hosh Hamalh ont chukowa ka ont vhli hoke.

6. Nvnih foka okla puta Lebanon a vttvt ia hosh Mislefolh-maim, ont vhli, micha Sitonian vhleha moma, yvmma puta kak o Israel im vlla vvhleha itikba ya tihlelit kohcha wehli la chi hoke: peh chim apesa li tok mak o, nashoeli hosh yakni vt immi ha chi ho, ish ita kvshkolashke, im achi tok.

7. Yvmohmi hoka, himak a yakni ilvppvt immi ha chi ho, ai unchololi chakkali kash, micha Manasseh ai unchololi iklvna aiena ka ish itakvshkolashke,

8. Yvmma iklvna hokvto Luben ai unchololi, micha Kat ai unchololi aiena ka takla Chatan mish tvnnvp hvshi akochaka imma Moses vt ima, Moses Chihowa in tishu pulla hosh ima na ish it abinili tok,

9. Aloe Anon okhina ontalaka talaia, yummvt tumaha holihta yosh okhina iklvna talaia ka vttvt ia hosh Meteba yakni patali mominchi hosh Tibon a ont vhli;

10. Micha Amolait vhleha i miko Sihon, yummvt Heshbon a a miko tok in tumaha holihta puta moma kv Ammon in chipota im ai vhli ya ont vhli;

11. Micha Kileat, micha Keshulait vhleha im ai vhli; micha Maachahlait vhleha im ai vhli, micha Hemon nvniht vt moma, micha Bashan moma hosh Salkah ont vhli:

12. Bashan vttta Ok ap ehlichika moma, yummvt hatak chaha ishtaiyopi yosh Ashtolh, micha Etlei ita tuklo ka a miko tok aiena moma kak o ima tok oke: ilvppa puta ka Moses vt issot kanchi cha, i yakni ya im ai ishi tok okvt,

13. Yohmi kia Israel im vlla vhleha hv Keshulait vhleha, micha Maachahlait vhleha ha aieninchit tihlelit ik kocha wehlo tok; amba Keshulait vhleha, micha Maachahlait vhleha aiena kv Israel a ap ehvt aiasha na himak nitak a ant ai vhli hoke.

14. Lefai ai unchololi ak illa ho yakni ai isha he vllhpesa ya ik imo tok: im achi tok mak o, nan vbit luak isht hukmi hosh Israel in Chitokaka Chihowa ya isht ai aiokpuchi yak osh ai isha he vllhpesa yoke.

15. Mihma Moses vt Luben im vlla vhleha ai unchololi ita kvshkoa vllhpisa ho yakni ai isha he vllhpesa ya ima tok.

16. Micha im ai vhli kv, Aloe, Anon okhina ontalaka talaia, yummvt tumaha holihta yosh okhina iklvna talaia, micha Meteba bilika yakni patali moma:

17. Mikmvt Heshbon, micha in tumaha holihta yakni patali aiasha kv moma aiena; Tibon, micha Bamolh-baal, micha Belh-baal-meon,

18. Micha Chahasa, micha Ketemolh, micha Mefaalh,

19. Micha Kichalhaim, micha Sibmah, micha Salelh-shaha okfa bokko talaia,

20. Micha Belh-peo, micha Ashtolh-piskah, micha Belh-cheshimolh,

21. Micha tumaha holihta yakni patali aiasha kv moma, micha Amolait vhleha i miko Sihon im ap ehlichika moma,

yummvt Heshbon a a miko tok ak atuk o micha Mitian i holitompa vhleha, Efi, micha Lekem, micha Su, micha Hu, micha Leba, yummvt Sihon i hochitoka hosh yakni yumma asha tuk o aieninchit Moses vt fahamvt kanchi tok.

22. Beo ushi Baalim hatak fuppo ak kia Israel im vlla vhleha hvt bvshpo falaia ishit vbi na illi ka takla illi tok.

23. Michā Luben im vlla vhleha im ai vhli kvt Chatan, micha im ai vhli ak atok. Ilvppak osh tmaha holihta puta chuka alokoli puta ai itieshi kvt Luben im vlla vhleha hvt itakvshkoa vllhpisa hosh immi hatok oke. .

24. Mihma Moses vt yakni ai isha he vllhpesa ya Kat ai unchololi ya ima tok; yohmi kvt Kat im vlla vhleha hvt itakvshkoa vllhpisa ho ima tok.

25. Mihma im ai vhli kvt Chase vttvt ia hosh Labbah itikba Aloe ont vhli ma, ititakla ya Kiliat tmaha holihta vt moma, micha Ammon in chipota i yakni vt iklva aiena;

26. Michā Heshbon a vttvt ia hosh Lamalh-mispeh, micha Betonim itatuklo ka ont vhli; micha Mahanaim a vttvt ia hosh Tebi ya ai vhli ka ont vhli;

27. Michā okfa ha Belh-alam, micha Belh-nimlah, micha Sukkolh, micha Safon, micha Heshbon i miko, Sihon in ap ehlichika kashapa kash, Chatan, micha im ai vhli, Chatan mish-tvnnvp hvshi akochaka imma Sinnelolh okhvta vhli fehna ya ont vhli tok.

28. Ilvppak osh tmaha holihta puta, chuka alokoli puta ai iti eshi kvt Kat im vlla vhleha hvt itakvshkoa vllhpisa hosh immi hoke.

29. Michā Moses vt Manasseh ai onchololi iklva ya yakni ai isha he vllhpesa ya ima tok: Manasseh ai unchololi, mihma ilvppak osh iklva itakvshkoa vllhpisa hosh immi hatok.

30. Michā im ai vhli kvt Mahanaim a vttvt ia ka Bashan vt moma, micha Bashan i miko, Ok im ap ehlichika vt moma, micha Chai in tmaha puta moma, pokoli hannali hosh aiena kvt Bashan a asha:

31. Michā Kiliat vt iklva, micha Ashtololh, micha Etlei, Bashan vttā Ok im ap ehlichika tmaha holihta yosh Manas-

seh ushi Machi im vlla vhleha ha immi hatok: Machi im vlla vhleha iklvna hosh itakvshkoa vllhpisa hosh immi hatok.

32. Yakni ilvppa puta Chatan mish-tvnnvp Cheliko bilika hvshi akochaka imma Moab yakni patali yak o immi ha chi ho Moses vt i hopela tok.

33. Amba Lefai ai unchololi yokvno Moses vt yakni ai isha he vllhpesa ik imo tok: im achi tok mak o Israel in Chitokaka Chihowa ak osh ai isha he vllhpisa hatok.

CHAPTA XIV.

MIHMA yakni ilvppa puta kvv Kenan yakni a taloha kak o Eleasa naholitompa isht vttta, micha Nun a ushi Choshua, micha Israel im vlla vhleha avehlich i iki vhleha ha i noshkobo ka puta aiena kvv, i yakni ya chi ho, i hopela na Israel im vlla vhleha hvv ai ishit a binili tok.

2. Chihowa yvv Moses a tohno tok mak o nashoeli hosh ai unchololi chakkali kash, micha Manasseh ai unchololi iklvna aiena kvv yakni ya ishit a binili tok.

3. Moses vt ai unchololi tuklo, micha Manasseh ai unchololi iklvna hokvno ima na Chatan mish tvnnvp yakni ya ishit a binili tok oka; amba Lefai ai unchololi yano yvmma takla yakni ya ai isha he vllhpesa ka ik imo tok.

4. Chosef im vlla vhleha hvv avehlich i tuklo, Manasseh, micha Eflaim ak atuk oka: yohmi hatuk o Lefai ai unchololi hvv takla ya a binila he yakni ya ik imo tok: peh, aiasha chi, micha i wak, micha im ilayak ai asha chi tumaha holihta puta, micha a bilika fullota aiena ak illa ho ima tok.

5. Chihowa yvv Moses a im achi tok mak o, Israel im vlla vhleha hvv yvmihchi cha, yakni ya ita kvshkoli tok.

6. Yohmi ma Chutah im vlla vhleha hvv, Choshua ya Kilkal a anta tuk o im ona tok: micha Kenesait Chefunnel ushi Kaleb vv, Chihowa yvv, Katesh-banea ya il ashwa ma, chishno, micha vno ya isht pi anumpulit Chihowa im antia hatak Moses a im achi tok a ish ithaiyanvshke.

7. Afvmmi pokoli ushta li ho, Moses Chihowa in tishu

hvt yakni pisvt hlopulli la chi ho, Katesh-banea ya a sa chvffichi tok oke: atuk o nana sa chukvsh foyuka tuk mak osh anumpa isht im ona li tok.

8. Yohmi kia itibapishi li vhleha si apihvt ia tuk vt okla chukvsh a bileli tok: amba vno vto Chitokaka an Chihowa ya ai okluhvt iakaiya li tok.

9. Mihma nitak ymma Moses vt anumpa kullo il onochit, Yakni ymma chiyi yvt a nohowa tuk vt chi yakni, micha chim vlla vhleha aiena ka i yakni bilia hi oke; Chitokaka an Chihowa ya ai okluluhvt ish iakaiya tuk okvt, vm achi tok.

10. Yohmi ka himak a yakeh! achi tok mak osh Chihowa yvt si okchalinechi na ilvppvt afvmmi pokoli ushta akucha tahlapishke, Israel im vlla vhleha hvt yakni haiaka fullokuchit itvnowa ma, Chihowa yvt Moses a im anumpohonli tok fehna vttvt mihintit himak a ant vhlishe: yohmi ka yakeh! himak a afvmmi pokoli untuchina akucha tahlapi li hoke.

11. Himak nitak ak kia vno sa hlampko kv, nitak ymma Moses vt sa pila tok a chohmi li momvshke: tvnvp ayvt kohevvt ia, micha ant chukowa aiena li kv, sa hlampko kv kaniohmi tok vt chohmi hosh sa hlampko momvshke.

12. Yvmohmi hoka himak a Chihowa yvt nitak ymma isht anumpuli tuk nvni ilvppa is smashke; nitak ymma Anakim puta kv ymma aiasha cha, vmaha hvt i hochito cha, a holihta kullo ka ish haklo tok okvt, Chihowa yvt sba foyuka yobakma, tihlelit kocha wehli la chi hoke, im achi tok.

13. Mihma Choshua vt yukpalit im anumpuli cha, Chefunneh ushi Kaleb vt i yakni ya chi ho Heblon a ima tok.

14. Yohmi ho Heblon vt Kenesait Chefunneh ushi Kaleb i yakni toba tok osh, himak nitak a ant ai vhli hoke: Israel in Chitokaka Chihowa ya ai okluhvt iakaiya tuk ak atok.

15. Mihma chashpo ka Heblon hohchifo kv Kichalh-aba atok; Aba yvmmak okvt Anakim vhleha ha hatak chito hosh anta tok. Mihma yakni vt tvnvp iksho ho, foha tok.

CAPTA XV.

YOHMI ma iluppak o Chutah im vlla vhleha apéhlichí itakvshkoa vllpisa hosh nashoelit ishi tok: Etom ai vhli yakni haiaka oka mahli pilla Sin ak osh oka mahli ont vhli fehna atok.

2. Micha oka mahli im ai vhli kvv okhvta hvpi ontalaka, okhvta filvminchi hosh oka mahli imma pit apissali ka vttvt ia hosh,

3. Maaleh-aklabbim im oka mahli in tvnnvp ona cha, ont ia hosh Sin a ona mvt, im oka mahli in tvnnvp o oiyvt ia hosh Katesh-banea ona cha, ont ivt aya hosh Heslon a ona cha, ont ia hosh Ata ya ona cha, fullotvt ia hosh Kaka ya ona mvt,

4. Yvmma hlopullit Asmon pilla ia cha, Echip okhina ont kohcha tok: micha ai vhli yvmma ont akohcha kvv okhvta ya ak atok: iluppak osh oka mahli hvv chim ai vlla hi oke.

5. Mihma hvshi akochaka ai vhli vt okhvta hvpi vttvt ia hosh Chatan asetilli ya ont vhli tok; mihma falvmmi pilla im ai vhli vt okhvta filvminchi Chatan asetilli fehna ak atok.

6. Ai vhli yosh ivt Belh-hokla ya ona cha, hlopullit aya hosh, Belh-alaba ya i falvmmi imma yo ona tok; micha ai vhli vt ia hosh Luben ushi Bohan in tvli ya ona;

7. Micha ai vhli vt Acho okfa ha vttvt Tebi pilla ivt, yohmi cha falvmmi pilla Kilkal a pit apissalit, yvmmvt Atummim atia itikba, yvmmvt okhina ya im oka mahli imma talaia, micha ai vhli vt hlopullit ia hosh, Enshemesh oka taloha pilla ia hosh, ont a kohcha kvv Enlokel ak atok;

8. Micha ai vhli vt Hinnom ushi im okfa hlopullit ont ia hosh, Chebusait vhleha im oka mahli imma ya ona tok: yvmmvt Chelusalem mak oke; micha ai vhli vt ia hosh nv-nih chaha Hinnom okfa itikba hvshi okatula imma bachaya ka paknaka ona, yvmmvt hatak chaha im okfa ont taha ka i falvmmi hatok:

9. Mihma ai vhli ya nvni^h paknaka yak o ai isht ia hosh Neftoah oka keli ya isht ona tok: micha kohchvt ia mvt, Eflon tmaha holihta puta ka ona; micha ai vhli ya isht ivt Baalah, yummvt Kichalh-chealim isht ona tok.

10. Mihma ai vhli vt Baalah ya vttvt fullotvt hvshi ai okatula pilla ia hosh Sei nvni^h ha ona mvt, hlopullit aya hosh Chealim nvni^h, yummvt Chesalon falvmmi in tvnvp o ona tok: micha okvtahvt ia hosh Belhshemesh a ona cha, ont ia hosh Timnah ya ona tok:

11. Mihma ai vhli vt kohchvt ia hosh falvmmi pilla Eklon ichapaka ona tok: micha ai vhli ya isht ia hosh Shiklon a isht ona cha, hlopullit aya hosh Baalah nvni^h ha ona cha, kohchvt ia hosh Chabneel a ona tok: micha ai vhli ont akohecha kv^t okhvta ak atok.

12. Mich^a hvshi ai okatula imma ai vhli vt okhvta chito ya ona cha, ontalaka aya ka ai vhli tok: ilvppak osh Chutah im vlla vhleha itakvshkoa vlvpisa hosh im ai vhlit afullota tok oke.

13. Mich^a Chihowa hv^t Choshua ya im apesa tuk mak o, Chefunneh ushi Kaleb a Chutah im vlla vhleha ha takla Anak iki Aba in tmaha holihta, yummvt Heblon tmaha holihta ya ima tok oke.

14. Mihma Kaleb vt Anak ushi tuchina Sheshai, micha Ahinam, micha Talmai Anak in chipota ha tihlelit kocha wehli tok.

15. Mich^a yvmma vttvt ia mvt, Tebi okla aiasha ka ona tok; mihma chashpo ka Tebi hohchifo kv^t Kichalh-sefe atok.

16. Mihma Kaleb vt, Kvna hosh Kichalh-sefe ya issot kanchi cha ishikma, yvmmak o sv^sotek Achsah ya ima likma, tekchi ya chi hoke, achi tok.

17. Mihma Kaleb itibapishi Kenas ushi Olhniel ak osh ishi tok: mihma tekchi ya chi ho ushetik Achsah ya ima tok.

18. Atuk o yakohmi tok, im ona mvt, iki ya osapa im asilhha chi ho nukfohki tok. Atuk osh issuba haksobish falaia om binili tuk vt akowa tok; mihma Kaleb vt, Nanta ho ish ahni cho? im achi tok.

19. Mihma afalamichi mvt, Nan isht yukpali ya is sv-mashke; oka mahli yakni yo is svma hokvt, oka kvli taloha ak kia is sv-mashke, im achi tok. Mihma ibetvp kvli taloha kak o ima mvt, sokbish kvli taloha kak o ima tok.

20. Ilvppak osh Chutah im vlla vhleha apehliche itakvsh-koa vllhpisa hosh i yakni atok.

21. Micha Chutah im vlla vhleha apehliche in tymaha holihta puta ont ai vhli kvt oka mahli pilla Etom ai vhli ya Kabseel, micha Ete, micha Chaku,

22. Micha Kinah, micha Timonah, micha Atatah,

23. Micha Ketesh, micha Haso, micha Ilhnan,

24. Sif, micha Telem, micha Bealolh,

25. Micha Haso, Hatattah, micha Keliolh, micha Heslon, yummvt Haso,

26. Amam, micha Shema, micha Molatah,

27. Micha Hasa-kattah, micha Heshmon, micha Belh-palet,

28. Micha Hasa-shuel, micha Bee-sheba, micha Bis-cholhchah,

29. Baalah, micha Iim, micha Asem,

30. Micha Eltolat, micha Chesil, micha Homah,

31. Micha Siklak, micha Matmennah, micha Sansannah,

32. Micha Leboalh, micha Shilhim, micha Ain, micha Limmon: tymaha holihta puta moma kvt pokoli tuklo aku-cha chakkali, micha chuka alokoli puta ai it ieshi:

33. Micha okfa ha Eshtaol, micha Soleah, micha Ashnah,

34. Micha Sanoah, micha En-kannim, Tappuah, micha Enam,

35. Chamulh, micha Atullam, Sokoh, micha Asekah,

36. Micha Shalaim, micha Atihlaim, micha Katelah, micha Ketelohlaim; tymaha holihta auah ushta, micha chuka alokoli puta ai it ieshi,

37. Senan, micha Hatashah, micha Miktal-kat,

38. Micha Tilean, micha Mispeh, micha Chokhleel,

39. Lachish, micha Boskalh, micha Eklon,

40. Micha Kabbon, micha Lahmam, micha Kilhlish,

41. Micha Keteloh, Belh-takon, micha Naamah, micha

Makketah ; tvmaha holihta hannali, micha chuka alokoli puta ai it ieshi,

42. Libnah, micha Ehle, micha Ashan,

43. Michā Chiftah, micha Ashnah, micha Nesib,

44. Michā Keilah, micha Achsib, micha Maleshah ; tvmaha holihta chakkali, micha chuka alokoli puta ai it ieshi ;

45. Eklon, micha tvmaha puta, micha chuka alokoli puta ai it ieshi ;

46. Eklon vttvt ia hosh okhvta hā ont v̄hli Ashtot pit bi-likā kv̄t moma, chuka alokoli puta ai it ieshi ;

47. Ashtot vt tvmaha holihta puta, micha chuka alokoli puta ai it ieshi ; Kasa vt tvmaha holihta puta, micha chuka alokoli puta ai it ieshi kv̄t Echip okhina, micha okhvta chito yā ona cha, ontalaka āya ka ont v̄hli hoke.

48. Michā nv̄nih foka yā Shami, micha Chatti, micha Sokoh,

49. Michā Tannah, micha Kichalh-sannah, yvmmvt Tebi,

50. Michā Anab, micha Eshtemoh, micha Anim,

51. Micah Koshen, micha Holon, micha Kiloh ; tvmaha holihta auah achvfa, micha chuka alokoli puta ai it ieshi,

52. Alab, micha Tumah, micha Eshean,

53. Michā Chanum, micha Belh-tappuah, micha Afekah,

54. Michā Humtah, micha Kichalh-aba, yvmmvt Heblon, micha Sio, tvmaha holihta chakkali, micha chuka alokoli puta ai it iesbi,

55. Maon, Kamel, micha Sif, micha Chuttah,

56. Michā Chesleel, micha Chokteam, micha Sanoah,

57. Kain, Kibeah, micha Timnah ; tvmaha holihta pokoli, micha chuka alokoli puta ai it ieshi,

58. Halhul, Belh-su, micha Keto,

59. Michā Maalalh, micha Belh-anolh, micha Eltekon ; tvmaha holihta hannali, micha chuka alokoli puta ai it ieshi ;

60. Kichalh-baal yvmmvt Kichalh-chealim, micha Labbah, tvmaha holihta tuklo, micha chuka alokoli puta ai it ieshi :

61. Yakni haiaka yā Belh-alabah, Mittin, micha Sekakah,

62. Michā Nibshan, micha Hvpi tvmaha holihta, micha

Enketi; tumaha holihta hannali, micha chuka alokoli puta ai itieshi:

63. Chebusait okla Chelusalem asha yokvno, Chuta im vlla vhleha hvt kocha wehla he keyu tok: amba Chebusait vhleha hvt Chutah im vlla vhleha ha takla asha na himak nitak a ant ai vhli hoke.

CHAPTER XVI.

MIHMA Chosef im vlla vhleha hvt na shoelit ishi kv Chatan Cheliko bilika vttvt hvshi akochaka imma ya aya hosh Cheliko oka ya ona cha, ont ia hosh Behlel nvnihi yakni haiaka ya ona,

2. Micha Behlel a kohchvt ia mvt, Lus a ona cha, ont hlopullit aya mvt, Achi ai vhli Atalolh a ona,

3. Micha okvtahvt hvshi ai okatula pilla ia hosh Chafleti ai vhli ya ona cha, ont avvt, okfa Belhholon ai vhli ya ona cha, Kese ya ona: micha ont akochcha kv okhvta ak atok.

4. Yohmi ho Chosef im vlla vhleha, Manasseh, micha Eflaim moma kv yakni ya ai isha he vhpesa kv ishi tok.

5. Mihma Eflaim im vlla vhleha itakvshkoa vhpisa hosh im ai vhli kv yakohmi tok: hvshi akochaka imma i yakni ai vhli kv Atalolh-ata vttvt ia hosh nvnihi foka Belh-holon a ont vhli tok.

6. Micha ai vhli vt kohchvt okhvta pilla ha ia hosh Mich-mehlah falummi in tnnvp a ona; micha ai vhli vt hvshi akochaka imma ya ia mvt, Taanalh-shiloh ya ona cha, i hvshi akochaka ont ia hosh Chanohah ya ona tok:

7. Micha okvtahvt Chanohah ya vttvt ia hosh Atalolh a ona cha, Naalolh a ona mvt, Cheliko ya ona cha, Chatan a ont kohcha tok;

8. Ai vhli vt hvshi ai okatula pilla Tappuah vttvt kohchvt ia hosh Kanah okhina ya ona, micha ont akochcha kv okhvta ak atok. Ilvppak osh Eflaim im vlla vhleha apehlichit itakvshkoa vhpisa hosh yakni ai isha he vhpesa kak atok.

9. Micha Manasseh im vlla vhleha i yakni ak o Eflaim im vlla vhleha hvt tmaha holihta inla ya ai ishi tok; tmaha holihta moma, chuka alokoli puta ai it ieshi tok.

10. Mihma Kenanait vhleha Kese ai asha tuk a tihlelit okla kocha ik wehlo tok: amba Kenanait vhleha hvt Eflaimait vhleha ha takla ai asha na himak nitak a ant ai vhli cha, i nutakvt noshkobo atobbi hoke.

CHAPTA XVII.

MANASSEH ai unchololi ak kia nashoelit ishi vt in ta-laia tok; Chosef ushi ya vttahpi atuk okvt; Manasseh ushi akni fehna Machi Kileat iki ishi kvt ilvppak atok: hatak tnnvp aya atuk okvt, yohmi hatuk osh Kileat; micha Bashan itatuklo kak osh in taloha tok.

2. Manasseh ushi inla itakvshkoa vllhpisa hosh nashoelit ishi vt im asha ak inli tok. Abiese im vlla vhleha ha immi, micha Helek im vlla vhleha ha immi, micha Asiel im vlla vhleha ha immi, micha Shechem im vlla vhleha ha immi, micha Hefe im vlla vhleha ha immi, micha Shemita im vlla vhleha ha immi aiena ak atok: ilvppa puta kak osh Chosef ushi Manasseh im vlla nakni itakvshkoa vllhpisa tok.

3. Yohmi kia Manasseh ushi vt Machi yokma, ymma ushi vt Kileat okma, ymma ushi vt Hefe yokma, ymma ushi Selofehat vt ushi iksho hosh, amba ushetik bano tok: micha ilvppa puta kak osh ushetik vhleha hohchifo hatok, Mahlah, micha Noah, Hoklah, Milkah, micha Tisah atok.

4. Micha Eleasa, micha Nun ushi Choshua, micha hatak holitompa vhleha aiena ka itikba ya ona cha, Chihowa yvt Moses a im apesa kvt, pitibapishi vhleha takla yakni il ai isha he vllhpesa ka pima chi ka i miha tok, achi tok: yvmohmi ho Chihowa yvt im apesa tok mak o, iki itibapishi vhleha takla yakni ai isha he vllhpesa ka ima tok.

5. Mihma Chatan mish tnnvp a Kileat, micha Bashan aiena ka ishi mvt, nashoeli ho yakni kvshkoa pokoli hosh Manasseh ibbak a fohka tok.

6. Manasseh ushetik vhleha hvt ushi vhleha ibai ishi hatok oka; mihma Manasseh ushi vhleha inla yvt Kileat yakni ak o ishi tok.

7. Mihma Manasseh im ai vhli kvv Asha vttvt ia hosh Michmehlah ya ona, yvmmvt Shechem itikba itoyula kak atok: micha ai vhli vt isht impak imma yak o aya hosh Entappuah okla ai asha ya ona tok.

8. Mihma Manasseh vt Tappuah yakni ak o ishi tok: amba Tappuah Manasseh im ai vhli talaia kak osh Eflaim im vlla vhleha hak o immi hatok.

9. Micha ai vhli vt okvtahvt ia hosh oka mahli imma Kanah okhina ya ona tok. Eflaim in tmaha holihta ilvppa puta kvv Manasseh in tmaha holihta puta kak o takla aia-sha hoke: Manasseh im ai vhli ak kia, okhina ya i falvmmi in tennvp atok, micha ont akohcha kvv okhvta ak atok.

10. Oka mahli imma vt Eflaim okma, falvmmi imma vt Manasseh atok; mihma okhvta hak osh im ai vhli hatok: micha falvmmi ha Asha yak o ai itafama mvt, hvshi akochaka ya Issaka ak atok.

11. Micha Manasseh vt Issaka, micha Asha ya Belhshean, micha tmaha puta ai it ieshi, micha Ibleam, micha tmaha puta ai it ieshi, micha To okla, micha tmaha puta ai it ieshi, micha Ento okla, micha tmaha puta ai it ieshi, micha Taanach okla, micha tmaha puta ai it ieshi, micha Mekitto okla, micha tmaha puta ai it ieshi nvni yakni tuchina ho ishi tok.

12. Yohmi kia Manasseh im vlla vhleha hvt tmaha holihta yvmma okla ai asha tuk a tihlelit kocha wehla he keyu tok; amba Kenanait vhleha hvt yakni yvmma ai asha pulla kak o ahni tok.

13. Yohmi kia yakohmi tok, Israel im vlla vhleha hvt, hlampkot taha mvt, Kenanait vhleha ha nutakvchi cha, noshkobo atobbichi tok; yohmi kia tihlelit kocha wehlt ik vmohmicho tok.

14. Mihma Chosef im vlla vhleha hvt Choshua ya im anumpulit, Nanta katiohmi ho nashoelit ishi achvfa, micha yakni kvshkoa achvfa bano ho is svma cho? Chihowa vt

chashpo himak nitak ant vhli ka sai yukpali pulla na okla chito tobt sa taiyaha hoka, achi tok.

15. Mihma Choshua vt afalamichit, Okla chito hvchia hatuk osh, Eflaim nvniht vt hvchim atikkonofa fehna hokmvt, yakni iti foka ya hvsh ona cha, Pelissait vhleha i yakni, micha hatak chaha i yakni yvma iti a chanlit hvsh akakohlashke, im achi tok.

16. Mihma Chosef im vlla vhleha hv, Nvniht hv ik pim onoshke: mikma Kenanait vhleha moma okfa yakni aiasha kv tvli iti chanvli im a sha bano hoke; Belh-shean, micha in tmaha puta ai a sha kv, micha Chesleel okfa aiasha ai-ena kv im a sha hoke, achi tok.

17. Mihma Choshua vt Chosef im vlla vhleha Eflaim, micha Manasseh aiena ka, Okla chito hvchia hoke, micha hvchimmi hlampko vt chito hoke: nashoelit ishi achvfa bano hvsh iesha he keyu hoke.

18. Amba nvniht ak osh hvch immi ha chi hoke; iti foka yoka, micha chanlit hvsh akakohla chi hoke: micha akohchvt ia yvt hvch immi ya chi hoke; tvli iti chanvli im a sha, micha hlampko kia Kenanait vhleha ha tihlelit kocha hvsh wehla chi hoke, achi tok.

CHAPTA XVIII.

MIHMA Israel im vlla vhleha moma kv iti hoyot Shiloh ya itvnaha cha, okla moma im vlhtipo holitopa ya a hilechi tok: mihma yakni vt itikba ya i nutaka tok.

2. Mihma Israel im vlla vhleha takla a sha kv ai unchololi untuklo hosh yakni ai isha he vlhpesa kv ik esho kisha tok.

3. Mihma Choshua vt Israel im vlla vhleha ha, Katiahmi foka h hvchin tikba vhleha in Chitokaka Chihowa yvt yakni hvch ima tok a ivt hvch isha chi kv hvchi svlaha chi cho?

4. Hvchi iti takla ya ai unchololi achvfa ka hatak tuchina aiyukali h hvsh hilechashke; mikma pila likma, okla

wakaya cha, i_vt yakni ya hlopullit aya cha, yakni ai isha he v_lhpesa vt kaniohmi ka atokolit holissochi cha, anonti okla v_m vlashke.

5. Micha okla itakvshkolit untuklohashke: Chutah vto oka mahli im ai v_hli ak inli h_o ahanta ch_i hoke; mikma Chosef in chuka achvfa vto falvmmi im ai v_hli ak o ahanta ch_i hoke.

6. Yvmohmi hoka yakni vt kvshkoa untuklo h_o yakni ya holissochit isht h_vs s_vm v_la na Chitokaka pin Chihowa itikba ya hvchi nashoelichi lashke.

7. Amba Lefait v_hleha hvto hvch iba takla he keyu hoke: Chihowa i na holitomp_a isht ai vtta ak osh ai isha he im v_lhpesa yoke. Mikma Kat, micha Luben, micha Manasseh ai unchololi iklvna aiena kvto Chatan mish tvnnvp hvshi akocha ka yak o Chihowa in tishu Moses vt ai ima na yakni ai ishi tok oke, im achi tok.

8. Mihma hatak ash osh wakaya cha, ilhkoli tok; mihma Choshua vt, yakni ya holissocha ch_i ka, atokolit i mihvt, Oh ia cha, yakni ya a nowvt hlopullit, holissochit hvsh tahli cha, anonti h_vs s_vm v_la na ilvppa Chihowa itikba Shiloh ya hvchi nashoelichi lashke, im achi tok.

9. Mihma hatak ash osh ilhkolit yakni ya hlopullit tv-maha holihta v_lhpisa h_o kvshkoa untuklo h_o holissochit holisso afohkit tahli cha, anonti Choshua im v_lvt Shiloh okla abinanchi yash v_la tok.

10. Mihma Choshua vt Chihowa itikba Shiloh yak o nashoelichi tok: yvmmak o Choshua vt ita kvshkoa v_lhpisa h_o yakni ya Israel im v_lla v_hleha h_a itakvshkoli tok.

11. Mihma Benchamin im v_lla v_hleha hv_t itakvshkoa v_lhpisa hosh nashoelit ishi tok; micha nashoeli mv_t, im ai v_hli ya Chutah im v_lla v_hleha, micha Chosef im v_lla v_hleha ititakla yak o ai ishi tok.

12. Mihma im ai v_hli falvmmi in tvnnvp vto Chatan vttvt ia tok; micha ai v_hli vt ia hosh Cheliko ya i falvmmi in tvnnvp ichapaka ona cha, hvshi ai okatula imma nv_nih chaha y_o hlopullit ia tok; micha ont akolcha kv_t yakni haiaka Belh-afen ak atok.

13. Micha ai vhli vt iluppa vttvt Lus pilla ia mvt, Lus ichapaka (yummvt Belhel), oka mahli imma ona tok ; micha ai vhli vt okvtahvt nnih hosh okfa Belh-holon im oka mahli in tnnvp bachaya ka bilika Atalolh-atta ya ona tok.

14. Micha yumma vttvt, nnih Belh-holon itikba bachayz oka mahli imma ak o vttvt oka mahli pilla ia hosh okhvta chukbika apakfopvt ia tok : micha ont akohcha kvt Kichalh-baal, yummvt Kichalh-chealim, Chutah im vlla vhleha ha in tumaha holihta yoke. Iluppak osh hvshi ai okatula ai vhli hoke.

15. Mikma oka mahli ai vhli vt Kichalh-chealim ataha kak o vttvt, micha ai vhli vt hvshi ai okatula imma hak o kohchvt ia cha, kvli oka Neftoah taloha ka ona tok :

16. Micha ai vhli vt ia hosh nnih hosh Hinnom okfa itikba bachaya kvt atahaka ona tok ; micha yummvt falvmmi pilla hatak chaha okfa talaia hoke ; micha Hinnom okfa ha okvtahvt oka mahli pilla Chebusi ya ichapaka ona cha, Enlochel a ona mvt ;

17. Micha falvmmi ha isht ia mvt, kohchvt En-shemesh a isht ona tok ; micha kohchvt Kolilolh pilla ivt, yummvt Atummim atia ichapaka yoke ; micha okvtahvt ia hosh Luben ushi Bohan in tvi ya ona tok ;

18. Micha hlopullit ont aya mvt, Alabah i falvmmi imma ichapaka pilla ia cha, okvtahvt Alabah ya ona tok :

19. Micha ai vhli vt hlopullit falvmmi pilla ia hosh, Belh-hoklah ichapaka ya ona tok ; micha ai vhli ont akohcha kvt okhvta hvpi i falvmmi okhvta filvmminchi Chatan vt oka mahli ont atahaka ak atok. Iluppak osh oka mahli ai vhli yoke.

20. Micha i hvshi akochaka Chatan ak osh ai vhli atok. Iluppak osh Benchamin im vlla vhleha itakvshkoa vllhpisa hosh i yakni ai vhli fullota tok.

21. Mihma Benchamin im vlla vhleha apelihchi itakvshkoa vllhpisa hosh tumaha holihta puta kvt Cheliko, micha Belh-hoklah, micha okfa Kesis,

22. Micha Belh-alabah, micha Semalaim, micha Belhel,

23. Micha Afim, micha Palah, micha Ofah,

24. Micha Chefa-haammonai, micha Ofni, micha Kaba; tmaha holihta auah-tuklo, micha chuka alokoli puta ai it ieshi;

25. Micha Kibeon, micha Lamah, micha Beelolh,

26. Micha Mispah, micha Chefilah, micha Mosah,

27. Micha Lekem, micha Ilpeel, micha Talalah,

28. Micha Selah, micha Elef, micha Chebusi, (yummvt Chelusalem) Kibealh, micha Kichalh; tmaha auah ushta, micha chuka alokoli puta ai it ieshi. Ilvppak osh Benjamin im vlla vhleha itakvshkoa vllhpisa hosh yakni ai isha he vllhpesa ha tok.

CHAPTER XIX.

MIKMA nashoelit ishi atukla kv̄t Simeon, Simeon im vlla vhleha apeblich̄i itakvshkoa vllhpisa ha tok: micha yakni ai isha he vllhpesa kv̄t Chutah im vlla vhleha i yakni ya ititakla ya tok.

2. Micha i yakni ya Bee-sheba, micha Sheba, micha Molatah,

3. Micha Hasa-shual, micha Balah, micha Asem,

4. Micha Eltolat, micha Behlel, micha Homah,

5. Micha Siklak, micha Belh-makabolh, micha Hasa-susah,

6. Micha Belh-lebaolh, micha Shaluhē; tmaha holihta auah tuchina, micha chuka alokoli puta ai it ieshi:

7. Ain, Lemmon, micha Ehle, micha Ashan; tmaha ushta, micha chuka alokoli puta ai it ieshi;

8. Micha chuka alokoli tmaha holihta ilvppa puta ka a fullotvt ai asha moma Baalalh-bee, oka mahli Lamolh a ont vhli tok. Ilvppak osh Simeon im vlla vhleha itakvshkoa vllhpisa hosh yakni ai isha he vllhpesa ha tok.

9. Chutah im vlla vhleha i kashapa kak o Simeon im vlla vhleha hv̄t ai ishi tok: Chutah im vlla vhleha i kashapa vt im atampa hatuk oka: yvmohmi hatuk o Simeon im vlla vhleha i yakni vt i yakni ya ititakla talaia tok.

10. Mihma nashoelit ishi ont atuchina kv̄t Sebulun im

vlla vhleha itakvshkoa vllhpisa hatok : micha yakni ai isha he vllhpesa im ai vhli vt Salit ak o ont vhli tok.

11. Micha im ai vhli vt okhvta, micha Malalah pilla ho ia hosh Tabbashelh a ona cha, okhina Chokneam itikba bachaya ka ona tok ;

12. Micha Salit a hiki vt fullota hosh hvshi akochaka pilla ivt Chislolh-tabo ai vhli ya ona tok ; micha kohchvt Tabela-lah a ona cha, Chafia ya ona tok.

13. Micha yvmma vttvt i hvshi akochaka hlopullit aya hosh Kittah-hefe ya ont ia hosh, Iltah-kasin a ona tok : micha kohchvt ivt Lemmon-mehloa Neah ya ona tok ;

14. Micha ai vhli vt falvmmi imma apakfoyupa hosh Hannahlon a ona tok : micha ont akochcha kvv Chifhlah-el ak atok :

15. Micha Kattalh, micha Nahallal, micha Shimlon, micha Italah, micha Belhlehem : tvnaha holihta auah tuklo, micha chuka alokoli puta ai it ieshi.

16. Ilvppak osh Sebulun im vlla vhleha itakvshkoa vllhpisa hosh yakni ai isha he vllhpesa yosh tvnaha holihta ilvppa, micha chuka alokoli puta ai it ieshi hatok.

17. Mihma na shoelit ishi ont ai ushta kvv Issaka ; Issaka im vlla vhleha itakvshkoa vllhpisa hatok.

18. Micha im ai vhli vt Chesleel pilla, micha Chesullohl, micha Shunem,

19. Micha Hafalaim, micha Shihon, micha Anahalalh,

20. Micha Labbilh, micha Kishion, micha Abes,

21. Micha Lemelh, micha En-kannim, micha Enhattoh, micha Belh-passes ;

22. Micha ai vhli vt Tabo ya ona cha, Shahasimah, micha Belh-shemesh ; micha im ai vhli ont akochcha kvv Chatan ak atok : tvnaha holihta auah hannali, micha chuka alokoli puta ai it ieshi.

23. Ilvppak osh Issaka im vlla vhleha itakvshkoa vllhpisa hosh yakni ai isha he vllhpesa yosh tvnaha holihta puta, micha chuka alokoli puta ai it ieshi hatok.

24. Micha nashoelit ishi ont ishit tahlapi kvv Asha im vlla vhleha apelihchi itakvshkoa vllhpisa hatok.

25. Micha im ai vhli vt Helkallh, micha Hali, micha Beten, micha Achshaf,

26. Micha Alammelech, micha Amat, micha Misheal akatok; micha hvshi ai okatula imma Kamel, micha Shiholibnalh ona tok.

27. Micha hvshi akocha ka pilla pit fullota hosh Belh-takon a ona cha, Sebulun a ona mvt, Chifhlah-el okfa Belh-mek, micha Neiel itatuklo ka i falvmmi in tnnvp pilla ona cha, kohchvt vlfvrbek imma Kabul a ona tok.

28. Micha Heblon, micha Lehob, micha Hammon, micha Kanah aiena ka ont avt Siton chito ya ona tok;

29. Mihmvt ai vhli vt fullota hosh Lamah, micha tmaha holihta kullo Taia ya ona mvt, ai vhli vt fullota hosh Hosah ya ona tok: micha ont akochcha kv okhvta ak osh ontalaka aya hosh Achsib a ona tok;

30. Ummah, micha Afek, micha Lehob: tmaha holihta pokoli tuklo akucha tuklo, micha chuka alokoli puta ai it ieshi.

31. Ilvppak osh Asha im vlla vhleha apelhichi itakvshkoa vlpisa hosh yakni ai isha he vlpesa yosh tmaha holihta ilvppa puta, micha chuka alokoli puta ai it ieshi hatok.

32. Micha nashoelit ishi ont ishit hannali kv, Naftali im vlla vhleha, Naftali im vlla vhleha itakvshkoa vlpisa hatok.

33. Micha im ai vhli vt Helef, micha Allon a vttvt ia hosh, Saananim, micha Atami, Nakeb, micha Chabneel aiena ka hlopullit Lakum a ona tok; micha ont akochcha kv Chatan ak atok:

34. Mihma ai vhli vt fullotvt hvshi ai okatula imma Asnolh-tabo ya ona cha, ymma kohchvt ia mvt, Hukkok a ona cha, Sebulun oka mahli imma ona tok, micha Asha ya hvshi ai okatula imma ona mvt, Chutah ya Chatan ontalaka hvshi akochaka imma ona tok.

35. Micha tmaha a holihta kullo puta kv Sittim, Se, micha Hammalh, Lakkolh, micha Sinneloh,

36. Micha Atamah, micha Lamah, micha Haso,

37. Micha Ketesh, micha Etlei, micha En-haso,

38. Micha Ilon, micha Miktaleel, Holem, micha Belh-

anah, micha Belh-shemesh ; tumaha holihta ahbi chakkali, micha chuka alokoli puta ai it ieshi,

39. Ilvppak osh Naftali im vlla vhleha apehlichy itakvshkoa vllhpisa hosh yakni ai isha he vllhpesa yosh tumaha holihta puta, micha chuka alokoli puta ai it ieshi hatok.

40. Micha nashoelit ishi ont ishit untuklo kvv Tan im vlla vhleha itakvshkoa vllhpisa hatok.

41. Micha yakni ai isha he vllhpesa ya im ai vlli vt Solah, micha Eshtaol, micha Il-shemesh,

42. Micha Shaalabbim, micha Achalon, micha Chelhlah,

43. Micha Elon, micha Hlimnalah, micha Eklon,

44. Micha Eltekeh, micha Kibbehlon, micha Baalalh,

45. Micha Chehvt, micha Bene-belak, micha Kalh-limon,

46. Micha Me-chakon, micha Lakkon, micha Chafo, itikba ai vlli aiena tok.

47. Mihma Tan im vlla vhleha im ai vlli vt ik ono hosh ont taha tok : yvmohmi ma Tan im vlla vhleha hvv Leshem a itibit ia tok ; atuk osh ishi cha, bvshpo falaia halupa isht issot kanchi cha, ieshit, a binili mvt, iki Tan ak o a hochi-fohit Leshem, Tan hochifo tok.

48. Ilvppak osh Tan im vlla vhleha apehlichy itakvshkoa vllhpisa hosh yakni ai isha he vllhpesa yosh tumaha holihta ilvppa puta, micha chuka alokoli puta ai it ieshi hatok.

49. Yakni ya im ai vlli aiyukali itakvshkolit okla ont tahli kvv, Israel im vlla vhleha hvv ilap ititakla akinli ho Nun ushi, Choshua ya yakni vt immi ya chi ho ai ima tok :

50. Ilap inli hosh asilhha na Chihowa yvv anumpuli tuk mak o, tumaha holihta Timnalh-selah Eflaim nvnih talaia ka ima tok : mihma tumaha holihta ai ikbi cha, ai vttta tok.

51. Ai isha he vllhpesa ilvppa puta kak o na holitompa isht vttta Eleasa, micha Nun ushi Choshua, micha Israel im vlla vhleha apehlichy iki vhleha noshkoboka vhleha aiena kvv Chihowa itikba Shiloh, micha okla moma im vllhtipo holitopa itikba yak o nashoeli hosh yakni ya itakvshkoli tok. Yohmi hosh yakni ya itakvshkolit taiyahli tok.

CHAPTER XX.

CHIHOWA yvt, Choshua ya im anumpulit,

2. Israel im vlla vhleha ha im anumpulit, yak ish achashke, Moses a tohno li hvchim anohonli tok mak o, tmaha holihta kanohmi a hlakofi ya hvsh il atokolashke.

3. Yvmohmi ho hatak vbi vt hatak nana kia ahah! ik ahno, micha ik ithano hosh vbikmvt, malelit yvmmak o onashke; micha issish hlatapa il aiokha ya hvchim ahlakofi yashke.

4. Atukma kvna hosh malelit tmaha holihta kanohmi kash achvfona kia ona cha, tmaha holihta okhissa ya hikivt, nana i kaniohmi kv tmaha holihta yvmma hatak im asvnonchi vhleha ha haklohonchikma, okla ishi cha, tmaha holihta ya fohki cha, ai vtta chi ka imakma, ahantashke.

5. Atuk o issish hlatapa il aiokha yvt hliolit iakaiyakma, vbi tuk a ibbak ik fohko kashke; ithana keyu hosh hatak chuka abilika vbi tuk, micha chashpo ka i nukkilli tuk keyu hoka.

6. Mikma tmaha holihta yvmma ahanta tuk osh nana apesa chi hosh okla moma itvnahakma itikba hikia hi oke; mikmvt ahanta na na holitompa isht vtta i shahli vt nitak yvmma ahanta tuk vt illa hi oke: yohmikma hatak vbi ash osh falama cha, in tmaha holihta akinli, micha in chuka ak inli tmaha holihta ai vttvt maleli tuk vt ona hi oke, im achi tok.

7. Mihma Kalili Naftali nvnih talaia Ketesh, micha Eflaim nvnih talaia Shechem, micha Chutah nvnih talaia Kichalh-aba, yvmmtv Heblon ak o atokoli tok.

8. Mikmvt Chatan mish tvnnvp a hvshi akochaka pilla Cheliko bilika ya, yakni haiaka Luben apelihchi yakni patali talaia kv Bese ak o atokoli tok; micha Kat apelihchi Kileat talaia kv Lamolh, micha Manasseh apelihchi Bashan talaia kv Kolem ak o atokoli tok.

9. Tmaha holihta ilvppa puta kak o Israel im vlla vhleha,

micha hatak ik ithano vt takla ahanta tuk osh, kuna kia ahah! ik ahno hosh hatak o vbikmvt, malelit ont chukowa na issish hlatapa il aiokha vt okla itikba ik hikio kisha ka ik bo ka hi atok.

CHAPTA XXI.

YUMOHMI ma Lefai ai unchololi iki vhleha i noshkoboka vhleha hvt naholitompa isht vtta Eleasa, micha Nun ushi Choshua, micha Israel im vlla vhleha iki vhleha i noshkoboka puta aiena ka im ona tok.

2. Michā Shiloh Kenan yakni talaia ka okla ai im anum-pulit, Tvmaha holihta il ai asha chi, micha abilika fullota pi wak vt ai asha chi aiena ka pima he Chihowa yvt Moses a im apesa tok, achi tok.

3. Mihma Israel im vlla vhleha hvt Chihowa yvt apesa tok mak o i yakni ya akohchit tvmaha holihta puta ilvppa, micha abilika fullota aiena ka Lefai ai unchololi ya ima tok.

4. Mihma Kohahlait vhleha in chuka achvfa vhleha hvt nashoelit ishi tok: mihma Alon na holitompa isht vtta im vlla vhleha Lefai ai unchololi atuk vt, nashoeli hosh Chutah ap ehlich i akohchit, micha Simeon ap ehlich i akohchit, micha Benchanin ap ehlich i aiena kak o akohchit tvmaha holihta auah tuchina ho ishi tok.

5. Mihma Kohalh im vlla vhleha inla kvt nashoeli hosh Eflaim, ap ehlich i itakvshkoa ya akohchit, micha Tan ap ehlich i ya akohchit, micha Manasseh ap ehlich i iklvna ya akohchit tvmaha pokoli ho ishi tok.

6. Mihma Keshon im vlla vhleha hvt nashoeli hosh Issaka ap ehlich i itakvshkoa ya akohchit, micha Asha ap ehlich i ya akohchit, micha Naftali ap ehlich i ya akohchit, micha Manasseh ap ehlich i iklvna Bashan asha ya akohchit tvmaha holihta auah tuchina ho ishi tok.

7. Mihma Melali im vlla vhleha in chuka achvfa vhleha vlpisa hosh Luben ap ehlichika ya akohchit, micha Kat

apehlichí ya akohchit, micha Sebulun apehlichí ya akohchit tvmaha holihta auah tuklo hō ishi tok.

8. Mihma Israel im vlla vhleha Chihowa yvt apesa na Moses vt anohonli tok mak o, Lefai ai unchololi ya tvmaha holihta ilvppa puta, micha abilika fullota ai it ieshi moma ka nashoeli hosh ima tok.

9. Micha Chutah im vlla vhleha apehlichí ya akohchit, micha Simeon im vlla vhleha apehlichí ya akohchit, tvmaha holihta ilvppa puta hohchifo ilvppa annoa ka ima tok.

10. Yvmmak o Alon im vlla vhleha yvmmvt Kohahlaít in chuka achvfa vhleha ai achvfa yvmmvt Lefai im vlla vhleha hatuk osh ishi tok : yvmma immi ak osh nashoeli vmmona hatuk okvt.

11. Micha Anak iki Aba in tvmaha holihta (tvmaha holihta yvmmvt Heblon) Chutah i yakni nvnihi foka talaia, micha abilika fullota aiena ka okla ima tok.

12. Amba tvmaha holihta osapa puta, micha chuka alokoli puta ai it ieshi aiena kvno immi ha chi hō Chefunneh ushi Kaleb ak o okla ima tok.

13. Yakohmi hō na holitompa isht vtta Alon im vlla vhleha ha Heblon, micha a bilika fullota aiena ka tvmaha holihta hatak vbi ahlakofi ya chi hō okla ima tok ; Libnah micha abilika fullota aiena,

14. Micha Chatti, micha a bilika fullota aiena, micha Eshtamoa, micha a bilika fullota aiena,

15. Micha Holon, micha abilika fullota aiena, micha Tebo, micha abilika fullota aiena,

16. Micha Ain, micha abilika fullota aiena, micha Chutah, micha abilika fullota aiena, micha Belh-shemesh, micha abilika fullota aiena ; apehlichí tuklo yvmma tvmaha holihta chakkali hō akohchit okla ima tok.

17. Micha Benchamin apehlichí ya akohchit Kibeon, micha abilika fullota aiena, micha Keba, micha abilika fullota aiena,

18. Anahlolh, micha abilika fullota aiena, micha Almon, micha abilika fullota aiena ; tvmaha holihta ushta hō okla ima tok.

19. Na holitompa isht vta vheha, Alon im vlla vheha in tmaha puta kvt tmaha holihta auah tuchina, micha abilika fullota aiena tok.

20. Mihma Kohalh im vlla vheha in chuka achvfa vheha Kohalh im vlla vheha Lefai ai unchololi vt asha moma kvt tmaha holihta puta ka nashoeli hosh ishi kvt, Eflaim apehlichy ak o akohchit ishi tok.

21. Shechem, micha abilika fullota aiena, Eflaim nvni hak o a talaia, tmaha holihta hatak vbi ahlakofi ya chi ho okla ima tok ; micha Kese, micha abilika fullota aiena,

22. Micha Kibsaim, micha abilika fullota aiena, micha Belh-holon, micha abilika fullota aiena, tmaha holihta ushta ho okla ima tok.

23. Micha Tan apehlichy ya akohchit Eltekeh, micha abilika fullota aiena, Kibbehlon, micha abilika fullota aiena,

24. Aichalon, micha abilika fullota aiena, Kalh-limmon, micha abilika fullota aiena, tmaha holihta ushta ho okla ima tok.

25. Micha Manasseh apehlichy iklvna ya akohchit Tanach, micha abilika fullota aiena, micha Kalh-limmon, micha abilika fullota aiena, tmaha holihta tuklo ho okla ima tok.

26. Kohalh im vlla vheha in chuka achvfa vheha asha moma immi hvt tmaha holihta moma kvt tmaha pokoli, micha abilika fullota aiena tok.

27. Micha Keshom im vlla vheha Lefai ai unchololi in chuka achvfa vheha ha ai achvfa hosh Manasseh apehlichy iklvna achvfa ya akohchit Bashan talaia Kolan, micha abilika fullota aiena tmaha holihta hatak vbi ahlakofi ya chi ho, micha Beesh-telah, micha abilika fullota aiena, tmaha tuklo ho okla ima tok.

28. Micha Issaka apehlichy ya akohchit Kishon, micha abilika fullota aiena, micha Tabaleh, micha abilika fullota aiena,

29. Chamulh, micha abilika fullota aiena, micha Enkammin, micha abilika fullota aiena tmaha holihta ushta ho okla ima tok.

30. Micha Asha apehlichy ya akohchit Mishal, micha

abilika fullota aiena, micha Abton, micha abilika fullota aiena,

31. Micha Helkah, micha abilika fullota aiena, micha Le-hob, micha abilika fullota aiena, tmaha holihta ushta h_o okla ima tok.

32. Micha Naftali apehlichy ya akohchit Kalili talaia Keshesh, micha abilika fullota aiena kak osh tmaha holihta hatak vbi ahlakofi ya chi h_o, micha Hammolh-to, micha abilika fullota aiena, micha Katan, micha abilika fullota aiena, tmaha holihta tuchina h_o okla ima tok.

33. Keshonait vhleha ha in tmaha holihta moma in chuka achvfa vhleha vllhpisa hosh tmaha holihta, micha abilika fullota aiena hosh auah tuchina tok,

34. Micha Lefai ai unchololi ishtaiyopi Melali im vlla vhleha in chuka achvfa vhleha ha Sebulun apehlichy ak o akohchit Chokneam, micha abilika fullota aiena, micha Katak, micha abilika fullota aiena,

35. Micha Timnah, micha abilika fullota aiena, micha Nahalah, micha abilika fullota aiena, tmaha holihta ushta h_o okla ima tok.

36. Micha Luben apehlichy ya akohchit Bese, micha abilika fullota aiena, micha Chahasah, micha abilika fullota aiena,

37. Ketemolh, micha abilika fullota aiena, micha Mefaalh, micha abilika fullota aiena, tmaha holihta ushta h_o okla ima tok.

38. Micha Kat apehlichy ya akohchit Kileat talaia Lamolh, micha abilika fullota aiena tmaha holihta hatak vbi ahlakofi ya chi h_o, micha Mahanaim, micha abilika fullota aiena,

39. Heshbon, micha abilika fullota aiena, micha Chase, micha abilika fullota aiena, tmaha holihta ushta h_o okla ima tok.

40. Yrmohmi h_o Lefai ai unchololi in chuka achvfa vhleha ha ishtaiyopi, Melali im vlla vhleha in chuka achvfa vhleha vllhpisa hosh nashoeliŧ ishi ka, moma kvv tmaha holihta auah tuklo tok.

41. Israel im vlla vhleha i yakni ititakla ya Lefai ai uncholi tumaha holihta puta im asha kvt tumaha holihta, micha abilika fullota aiena moma kvt tumaha holihta pokoli ushta akucha untuchina tok.

42. Tumaha holihta ilvppa puta kvt abilika fullota ai asha bieka tok. Tumaha holihta ilvppa puta ilvppak o yvmohmi tok.

43. Mihma Chihowa yvt anumpa kvlo il onochit iki vhleha ha ima he i mihia tok vt yakni ya mominchit Israel a ima tok: mihma ieshit a binili tok.

44. Mihma Chihowa yvt anumpa kvlo il onochit iki vhleha ha i mihia tok mak osh afullota fohvchi tok: mihma in tnvvp moma ka hatak achvfa kia itikba ik hikio tok; Chihowa yvt in tnvvp a mominchit ibbak a fohki tok oka.

45. Nana achukma achvfa nana kia Chihowa yvt Israel in chuka achvfa ya im anumpohonli tok vt ik ai ahlo kvt iksho tok, moma kvt ont ai ahli tok oke.

CHAPTA XXII.

YUMOHHI ma Choshua vt Lubenait vhleha, micha Kaitait vhleha, micha Manasseh apelihchi iklvna aiena kash hoyo tok.

2. Michi Chihowa in tishu Moses vt hvchim apesa tok a mominchit hvsh ieshi tuk oke, michi nana ho hvchim apihisa li tuk puta ka moma vm anumpa ha hvs svm antia tuk oke.

3. Hvch itibapishi vhleha ha hvch ik isso ho nitak laua ilvppa himak nitak a ant vhlishe; amba Chitokaka hvchin Chihowa yvt nana apesa tok a holioblit hvsh ieshi tuk oke.

4. Atuk o himak a Chitokaka hvchin Chihowa vt hvchi itibapishi vhleha ha im achi tok mak osh fohvchishke: yvmohmi hoka himak a falamvt hvchim vlbina aiyukali yakni hvsh ishi tok Chatan mish-tvnnvp Moses Chihowa in tishu hv hvch ima tok a hvsh onashke.

5. Yohmi kia ahah! ahni fehnvt, nan vlpisa puta Chi-

howa in tishu Moses vt atokolit hvchi miha kv̄t, Chitokaka hvchin Chihowa yā holitoblit, ai ahni bieka hō anohōwt, nan apihisa puta ka ieshit, micha asitiv̄t, micha chukv̄sh aioklv̄ht, micha shilombish aioklv̄ht hvsh im antiashke, ahanchi tok ā hvsh im antihiyashke, im achi tok.

6. Yvmohmi hosh Choshua vt yukpalit aiokpvechi cha, tishelichi tok; mihma ilhkolit im vlbina aiyukali ona tok.

7. Atuk ō Manasseh ai unchololi iklv̄na ka Bashan ak ō Moses vt yakni ai ima tok: amba iklv̄na achv̄fa kv̄no Choshua vt Chatan ola in tv̄nvp hvshi ai okatula imma itibapishi takla yak ō ai ima tok. Michā yvmmak kia Choshua vt im vlbina aiyukali pilla mvt, yukpalit ai okpvechi tok;

8. Michā im anumpulit, Im ilayak chito, micha wak laua, tv̄li hv̄ta, micha tv̄li holisso lakna, micha tv̄li lakna, micha tv̄li, micha nafohka laua fehna aiena ka ish̄it falamvt hvchim vlbina aiyukali hvsh onashke: hvchin tv̄nvp hvsh wehpuli tuk vt hvch itibapishi vhleha hā hvsh itakv̄shkoashke, achi tok.

9. Mihma Luben im vlla vhleha, micha Kat im vlla vhleha, micha Manasseh ai unchololi iklv̄na aiena kv̄t falama cha, Israel im vlla vhleha hā issvt, Shiloh Kenan yakni talaiā ka akohchvt, Kileat yakni Chihowa yvt tohno na Moses vt anumpohonli tok mak ō, yakni ai ishi tok osh immi chatuk vt ona tok.

10. Atuk osh Chatan vhli Kenan yakni bachaya ka okla ona mvt, Luben im vlla vhleha, micha Kat im vlla vhleha, micha Manasseh ai unchololi iklv̄na aiena kv̄t Chatan bilika yā alta ikbit pisa hi ō alta chito fehna hō ikbi tok.

11. Mihma Israel im vlla vhleha hv̄t, Yakeh! Luben im vlla vhleha, micha Kat im vlla vhleha, micha Manasseh ai unchololi iklv̄na aiena kv̄t Kenan yakni ichapaka, Chatan vhli, Israel im vlla vhleha akocha yā alta ai ikbit hilechishke, achi hō haklo tok.

12. Atuk ō Israel im vlla vhleha hv̄t haklo mvt, in tanampit ia ch̄i hosh, Israel im vlla vhleha moma kv̄t iti hoyot Shiloh yā ai itnaha tok.

13. Mihmvt Israel im vlla vhleha hv̄t Luben im vlla vhle-

ha, micha Kat im vlla vhleha, micha Manasseh ai unchololi iklvna aiena Kileat yakni asha ka naholitompa isht vtta Eleasa ushi Finehas a i pila tok.

14. Mihma holitompa pokoli Israel apeshichi moma ka chuka achvfa holitopa i shahli ka achvfa ai yukali tok; micha moma kv̄t iki vhleha in chuka achvfa ya Israel tahlepa sipokni puta ka i noshkoboka bieka tok.

15. Atuk osh Kileat yakni ya Luben im vlla vhleha, micha Kat im vlla vhleha, micha Manasseh ai unchololi iklvna aiena ka im ona cha, im anumpulit yak ahanchi tok.

16. Chihowa im okla moma kv̄t yak ahanchishke, Ilvpet nan ashvchi nanta mak o yvmohmit, Israel in Chihowa ya hvsh i sanali cha, Chihowa iakaiya ka hvsh i filvmmichi hosh himak nitak a alta ikbit Chihowa ya hvsh i sanali cho?

17. Peo nan ashvchi tuk vt ik pim ahobo hatuk o? yvma himak nitak a ik pi kashofo kisha, Chihowa im okla iti takla ya ililli hv̄t asha tok ak inli kia,

18. Yohmi kia himak nitak a Chihowa iakaya ka hvsh i filvmmi cho? atukma yvmohma chi hoke, himak nitak a Chihowa ya i yoshubv̄t hvsh i sanali hoka, onnakma Israel moma kak o i nukkilli chi hoke.

19. Yohmi kia yakni hvsh ieshi ak osh ik kashofo hokma, hlopullit yakni Chihowa immi, Chihowa im vhlitipo holitopa a hikia kak o hvsh la cha, pi takla hvsh ieshashke: amba Chitokaka pin Chihowa im alta ichaplit alta hilechit, Chitokaka ya i filvmm̄t hv̄ch ik i sanalo kashke, micha pishno ma pi filvmm̄t hv̄chi ik pi sanalo kashke.

20. Selah, ushi Achan vt nan i hullochi atuk ash isht ashvchi ho Israel okla moma kak o Chihowa im ai i nukkilli vt onvtola tok keyu cho? mihma hatak yvmm̄t ilap bano hosh nan ashvchi tuk vt illi tok keyu hoke, achi tok.

21. Mihma Luben im vlla vhleha, micha Kat im vlla vhleha, micha Manasseh ai unchololi iklvna aiena kv̄t afalaminchit, Israel tahlepa sipokni puta i noshkoboka vhleha ha im achi mv̄t,

22. Chitokaka Chihowa na holbv̄t toba moma i shahli, Chitokaka Chihowa na holbv̄t toba moma i shahli, yvmm̄t

ithanvshke, mikma Israel ak kia ithana chi hoke; Chihowa im asanali hokma, keyukmut i yoshuba hokma, nana hatuk ma, (himak nitak a ik pi okchalincho kashke.)

23. Chihowa iakaiya kv̄t il i filv̄mma chi hosh, keyukmut hukmit isht aiokpv̄chi il onocha chi hokma, keyukmut, ilhpak isht ai okpv̄chi il onocha chi hokma, keyukmut, it i nanaiyv̄chi isht aiokpv̄chi il onocha chi hokma, nana hosh alta il ikbi tuk okma, Chihowa ak inli hosh pim a hoyashke;

24. Micha ilv̄ppa fehna kak o pi nuktv̄hltv̄t il ahanchi kv̄t, Nitak inlakma hv̄chim v̄lla v̄hleha hv̄t pim v̄lla v̄hleha h̄a Israel in Chitokaka Chihowa ya nanta isht hv̄chi ahalaia cho?

25. Chihowa yv̄t Chatan ak osh, pititakla ai v̄hli ya chi h̄o apesa tok oka, Luben im v̄lla v̄hleha, micha Kat im v̄lla v̄hleha aiena hv̄chia ma! Chihowa ya hv̄sh ahalaia keyu hoke, im acha hinla: Yohmi hosh pim v̄lla v̄hleha hv̄t Chihowa ya h̄olitobli ka hv̄chim v̄lla v̄hleha hv̄t issv̄cha hi oke, il achi tuk.

26. Yohmi hosh il achi kv̄t, Himak ano alta ya il atahlashke, onochit a hukmit isht aiokpv̄chi keyu, v̄bit onochit isht aiokpv̄chi keyu:

27. Amba pititakla, micha pim isht atiaka piakaya ka nan atokoli yosh hikia chi h̄o, na hukmit isht il aiokpv̄chi, micha nan v̄bit isht il aiokpv̄chi, micha it̄i nanaiyv̄chi isht il aiokpv̄chi aiena ka Chihowa itikba ya isht il ai ahanta hi osh il ikbashke; yohmikma hv̄chim v̄lla v̄hleha hv̄t nitak inlakma pim v̄lla v̄hleha h̄a Chihowa ya hv̄sh ahalaia keyu hoke, ik acho kashke.

28. Yvmohmi hosh il achi kv̄t, Yakohma hi oke, nitak inlakma pishno yv̄mma pim achikma, keyukmut, pim isht atiaka ya yv̄mma im achikma, anonti Yakeh! Chihowa im alta h̄olbvt toba, onochit a hukmit isht aiokpv̄chi keyu, micha v̄bit onochit isht aiokpv̄chi keyu, amba pititakla nan atokoli yosh hikia chi h̄o p̄iki v̄hleha hv̄t ikbi tok oke, il im acha he, il achi hatuk.

29. Himak nitak a Chihowa im alta im v̄lhtipo h̄olitopa yosh itikba hikia kak o keyu h̄o onochit a hukmit isht aiokpv̄chi ya chi, ilhpak onochit isht aiokpv̄chi ya chi, keyuk-

mut ai vbit onochit isht aiokpuchi ya chi ka, alta il ikbi cha, Chihowa ya il im antia tuk vt, i filvmmmit Chihowa ya il i yoshuba hi a, Chihowa yvt pim alvmmashke, im achi tok.

30. Atuk o naholitompa isht vtta Finehas, micha okla moma i holitompa vhleha, Israel tahlepa sipokni puta noshkoboka aiena kak osh apehvt asha tuk vt, Luben im vlla vhleha, micha Kat im vlla vhleha, micha Manasseh im vlla vhleha aiena kvv im anumpa ha haklo mut, im achukma tok.

31. Mihma Eleasa ushi na holitompa isht vtta Finehas vt Luben im vlla vhleha, micha Kat im vlla vhleha, micha Manasseh im vlla vhleha aiena ka, Himak nitak a Chihowa yvt pibafoyuka ka il akostininchishke, nan ashvchi ilvppa yvmohmit, Chihowa ya hvch ik i sanalo hoka: himak a Israel im vlla vhleha ha Chihowa ibbak a hvsh a hlakofichishke.

32. Michā Eleasa ushi, Finehas na holitompa isht vtta, micha holitompa vhleha aiena hash osh Luben im vlla vhleha, micha Kat im vlla vhleha aiena ka i filvmmmit, Kileat yakni ya akohchvt Kenan yakni ya onvt, Israel im vlla vhleha ha im ona cha, anumpa isht im ona tok.

33. Mihma Israel im vlla vhleha hvv nana ka haklo mut, im achukma tok: micha Israel im vlla vhleha hvv Chitokaka ya aiokpuchi mut, Luben im vlla vhleha, micha Kat im vlla vhleha aiena kvv aiasha yakni yvmma ivt itibit okpvna he ik ahno tok.

34. Mihma Luben im vlla vhleha, micha Kat im vlla vhleha aiena kvv alta yash Et hochifo tok: Chihowa vt Chitokaka yoka pititakla ya na pim atokoli ya chi hoka, achi tok.

CHAPTA XXIII.

ATUK o yakohmi tok, Chihowa vt Israel a in tvnvp moma ka ai i fohvchit taiyahli tok nitak hopaki ma, Choshua vt sipoknit nitak in lauvv taiyaha tok.

2. Mihma Choshua vt Israel moma, micha im asvnonchi vhleha, micha i noshkoboka vhleha, micha i nan apesa vhle-

ha, micha okla pehlichí vñleha aiena ka hoyo cha, Sa sipoknit nitak an lauvt sa taiyahvshke.

3. Micha Chihowa hvchin Chitokaka yvt hvchishno pulakak o oklushi ilvppa puta ka kaniohmihinchí tuk a hvsh pñsvshke; Chihowa hvchin Chitokaka yvmmak osh hvchim itibi tuk oka.

4. Yakeh! hvchim ishtatiaka puta i yakni ya chí ka, oklushi asha moma puta ka nashoeli hosh hvch itakvshkolit, Chatan vttvt a tvptulit kanchi li tuk vt mominchit hvshi ai okatula imma okhvta chito ont vñli ka hvch ima li tuk oke.

5. Mikma Chihowa hvchin Chitokaka yvt hvchi tikba akohchit hvsh a pñsa ka a tihlelit kocha wehla chí hoke; mikmvt Chihowa hvchin Chitokaka yvt hvchim ahanchi tokmak o i yakni ya hvsh ishi cha, hvsh abinila chí hoke.

6. Yvmohmi hoka kvllot hvchim anukfila fehna hosh Moses i nan vñhpisa holisso ha a holihñso ka mominchit holitoblit hvsh yvmihinchashke; yvmohmi hosh shanaiyvt nak-sika isht impak imma, micha vñhfvbek imma kanima ka pit hvch ik fulloto kashke.

7. Yvmohmi hosh oklushi ilvppa puta hvchi takla asha moma ka hvch ik ibafohko kashke; micha i na holbvt toba puta hohchifo ha anukfillit hvch ik miho kashke; micha isht hochñfot anumpa kvllo hvch ik il onochó kashke, micha hvch ik in toksalo kashke, micha hvch ik im akachunolo kashke:

8. Amba yvmohmit mihinti himak nitak a ant vñli hokvt, Chihowa hvchin Chitokaka yak o hvsh asitiashke.

9. Chihowa hvch okla chito, micha okla kvllo aiena ho hvch itikba a tihlelit kocha wehli tuk oke: amba hvchishno yokvno hatak nana kia hvch itikba hikia he keyu tuk himak nitak a ant vñlishke.

10. Hatak hvsh achvfa kvv tahlepa sipokni ho tihlela hi oke: Chihowa hvchin Chitokaka ak osh miha tuk okvt hvchim itibi hoka:

11. Yvmohmi hoka achukmalit ahah! hvsh il ahni cha, Chihowa hvchin Chitokaka ya hvsh holitoblashke.

12. Keyu hosh kaniohmi hosh falamvt hvsh ia cha, oklushi asha moma ilvppa puta, ilvppa hvchi takla asha ka asi-

tiut itauwayvchit, hvsh iba chukowakma, micha hvch iba chukowakma,

13. Chihowa hvchin Chitokaka yut himak pilla ma oklu-shi ilvppa puta moma ka hvchi tikba tihlelit kohcha wehla he keyu hoke : amba nan isht hvch ibetvbli, micha nan isht hvchi hokli, micha nan isht hvchi fuma yosh hvchi naksi ya onvtoyula chi hoke ; micha kvti hosh hvchi nishkin a shammelli na yakni achukma ilvppa Chihowa hvchin Chitokaka yut hvch ima tok a ai illit hvchin taha chi pulla kvt hvsh ithaiyanashke.

14. Micha yakeh ! himak nitak a yakni moma a maya chatuk mak o ia la chishke ; mihma hvchi chukvsh moyuma, micha hvchimi shilombish moyuma isht hvsh ithaiyana ka, nana achvfa kia nana achukma moma ka Chihowa hvchin Chitokaka yut hvchishno ya isht hvchi anumpohonli tok vt ont ik ai ahlo keyushke ; nana moma kvt ont ai ahlit tahvshke ; micha nana achvfa kia ik ai ahlo kvt ikshoshke.

15. Yrmohmi hoka yakohma hi oke, nana achukma moma Chihowa hvchin Chitokaka yut miha tuk vt hvchi onvtoyula tuk oke ; yohmi tuk oket nana ik achukmo moma Chihowa yut hvchi onochit, yakni achukma Chihowa hvchin Chitokaka yut hvch ima tuk vt ai okpvnit hvchi tahla chi hoke.

16. Chihowa hvchin Chitokaka nan it im apesa anumpa hvchim apesa tok a hvsh kobvffi cha, na holba puta ka ont im antivt hvsh im akachunolikma, yohmikma Chihowa im ai i nukkilli vt libbit hvchi sanalikma, chekosi fehna yakni achukma hvch ima tok a ai illit hvchi taha hi oke, im achi tok.

CHAPTA XXIV.

MIHMA Choshua vt Israel apelihchi moma ka hoyot Shechem a ai itvnahli cha, Israel im asvnonchi puta, micha i noshkoboka puta, micha i nan apesa vhleha, micha okla pehlichhi vhleha moma ka hoyo tok ; mihma Chihowa itikba ya hiel tok.

2. Mihma Choshua vt okla moma ka, Israel in Chihowa

Chitokaka yvt ilo^{pp}ak o achishke, Hvch iki vhleha, Telah Eblaham iki, Naho iki aiena kv^t okhina mish tⁿⁿvp ak o ai asha tok : micha naholbv^t toba puta ai okpvchi tok oke.

3. Mihma hvch iki Eblaham a okhina mish tⁿⁿvp a ai ishit, ila^uelit ayvt Kenan yakni moma ka hlo^pullichit isht aya li tok ; micha im ishtatiaka ya apaknv^{ch}it Aisaak a ima li tok.

4. Micha Aisaak a Chekob, micha Esau ita tuklo ka ima li tok : micha Esau ya Sei nvⁿih hak o immi ha chⁱ h^o ima li tok, amba Chekob, micha im vlla vhleha aiena kv^t Echⁱp ak o ona tok.

5. Moses, micha Alon ak kia hvchⁱ pila li tok ; micha Echⁱp a nana palv^mmi onochit, nana ka ititakla a yvmihⁱnchi li tok ; atuk osh i himmakma, hvchi pehlichit, koheha li tok oke.

6. Micha hvch iki vhleha ha pehlichit Echⁱp a kohcha li tok oke : mihma okhvta ya hvsh la tok oke : mihma Echⁱp okla hv^t hvch iki vhleha ha tⁿⁿvp itichanvlli puta, micha issuba om binili puta ieshi hosh hliolit Okhvta Humma ya isht ona tok.

7. Mihma Chihowa ya okla i pahaya ma, hvchishno, micha Echⁱp okla aiena hvchim ititakla ya okhlili takalichi tok, micha okhvta ha falv^mminchit onochit ompohomo tok : micha Echⁱp a nana akaniohmihⁱnchi li tok a hvchi nishkin vt pisa tok oke : micha yakni haiaka hvsh ai asha na nitak laua tok.

8. Micha Amolait okla i yakni Chatan mish tⁿⁿvp a hvch isht v^{la} li tok ; mihma hvch itibi tok : mihma i yakni ya hvsh ishi cha, hvsh a binila chⁱ h^o, hvch ibbak a fohki li tok ; micha hvchi tikba ya ai okpvⁿit tahli li tok.

9. Yohmi ma Sippo ushi Balak Moab i miko vt wakaya cha, Israel a in tanampi tok ; micha Beo ushi Balaam vt hvchi kalakshichit miha chⁱ h^o pit hoyo tok :

10. Yohmi kia Balaam a i haponaklo la he keyu h^o, hvchi yukpalit anumpuli moma tok ; yohmit ibbak a hvchi a hlakofichi li tok.

11. Mihma Chatan a hlo^pullit Cheliko ya hvsh la tok

oke ; mihma Cheliko okla Amolait vhleha, micha Pelissait vhleha, micha Kenanait vhleha, micha Hitait vhleha, micha Kikashait vhleha, micha Hifait vhleha, micha Chebusait vhleha aiena kv̄t hv̄chin tanampi tok ; mihma hv̄ch ibbak fohki li tok oke.

12. Mihma fohkul a hv̄chi tikba pila li tuk o, yummvt Amolait okla i m̄iko tuklo ka hv̄chi tikba tihlelit tahli tok : yohmi kia hv̄chi bv̄shpo falaia keyu, micha hv̄chim iti tanampo atok keyu hoke.

13. Micha yakni ya tokselit isht hv̄sh asit̄bi tuk keyu ka hv̄ch ima li tuk oke : micha tmaha holihta puta hv̄sh ikbi tuk keyu ka, hv̄ch im̄a li ma hv̄sh ai ah̄ashwvshke ; pak vpi ahollokehi, micha alif osapushi aiena hv̄sh hokehi tuk keyu kv̄t hv̄sh ai vpvshke, im achi tok.

14. Yvmohmi hoka Chihowa ya hv̄sh holitobli cha, ch̄ukvsh ahli, micha apissali bieka hosh hv̄sh im antiashke ; micha na holbt toba puta hv̄ch iki vhleha hv̄t okhina mish tv̄nvp, micha Echip a aiokpv̄chi tok a hv̄sh kanchashke ; micha Chihowa yak o hv̄sh im antiashke.

15. Micha Chihowa im antia ka ik achukmo hv̄sh ahnikmvt, kuna h̄o hv̄sh im antia ch̄ik mvt himak nitak a hv̄sh atokolashke, na holbt toba puta okhina mish tv̄nvp aiasha na hv̄ch iki vhleha hv̄t aiokpv̄chi tok ak okm̄a, keyukmvt Amolait okla i yakni ya hv̄sh aiasha kv̄t i na holbt toba puta yak okm̄a nanakmvt, amba vno, micha an chuka achv̄fa vto Chihowa ak o il im antia ch̄i hoke, im achi tok.

16. Mihma okla hash osh afalamichit Chihowa ya e kanchi cha, na holbt toba il im antia hi a Chitokaka yvt pim olvbashke.

17. Chihowa pin Chitokaka ak osh, yvmmak osh pishno, micha p̄iki vhleha aiena ka Echip yakni, micha aboha yuka a kochehit pisht vla tok ; micha yvmmak osh, e p̄isa h̄o nan isht atokowa chinto fehna ka yvmihinchi tok ; micha kanima il atia moma, micha okla moma hlopullit il aya ka pi okchalinchi tuk oka,

18. Micha Chihowa yvt pi tikba ya okla moma Amolait vhleha yakni yash aiena puta ka tihlelit akohhonchi tok ;

yvmohmi hoka pishno ak kia Chihowa ya il im antia chi hoke, pin Chitokaka hoka, achi tok.

19. Mihma Choshua vt okla ha, Chihowa ya hvsh im antia he keyu hoke; Chitokaka nan ashvchi iksho yoka: Chitokaka nuktahanhla hoke; na hvsh yoshuba, micha na hvsh ashvchi aiena puta ka hvch i kashofa he keyu hoke.

20. Chihowa ya hvsh kanchi cha na holbvt toba puta ka hvsh im antiakma, yohmikma nana achukma ho hvchi yvmihinechi tuk kia, filema cha hvchi hotopalit hvchi tahla hi oke, im achi tok.

21. Mihma okla hash osh Choshua ya Aha! Chihowa yak o il im antia chi hoke, im achi tok.

22. Mihma Choshua vt okla hash, Chihowa ya hvsh im antia chi hosh hvsh atokoli kv hvchishno akinli hvsh il atokoli, hvsh tobvshke, im achi ma, Nan atokoli pia hoke, okla achi tok.

23. Yvmohmi hoka himak a naholbvt toba puta ka hvch ititakla ya hvsh kanchashke, micha hvchi chvksh a Israel in Chihowa Chitokaka ak o isht hvsh asitiashke, achi tok.

24. Mihma okla hash osh Choshua ya, Chihowa pin Chitokaka ak o il in toksahanli cha, im anumpa ha il im antia chi hoke, im achi tok.

25. Yohmi ho nitak yvma Choshua vt okla ha anumpa it im apesa cha, nan vlvpisa, micha nan isht im apesa ya Shechem a ai apesa tok.

26. Mihma Choshua vt anumpa ilvppa puta ka Chitokaka i nan vlvpisa holisso ha aholissochi tok; micha teli chito ishi cha, baiyi yvmmvt Chihowa im vlhtipo holitopa bilika nikia tuk o nutaka ya hilechi tok.

27. Mihma Choshua vt okla moma kash Yakeh! teli ilvpak osh Chihowa im anumpa puta pim anumpohonli ka haklo tok okvt pi atokoli ya chi hoke, yvmohmi hoka hvchin Chitokaka ya hvsh kancha he keyu ka hi a hvchi atokoli yashke.

28. Yohmi ho Choshua vt tishelichi na okla hash osh i yakni aiyukali ka onvt taha tok.

29. Atuk o ilvppa i himmak ma, yakohmi tok, Chihowa

in tishu, Nun ushi Choshua vt afemmi tahlepa achefa cha pokoli aiena hosh illi tok.

30. Mihma ilap i yakni v̄hli Timnalh-selah, yummvt Eflaim n̄n̄ih talaia ka Kaash bokko falvmmi in t̄v̄n̄v̄p ak ̄o okla hohpi tok.

31. Mihma Israel vt Choshua vt okchaya nitak moma, micha hatak asv̄nonchi v̄hleha hv̄t Choshua vt illi haya, okchaya moma, Chihowa yvt na fehna Israel i yvmih̄inchi ka, p̄isa tok vt okchaya nitak moma k̄v̄no Chihowa ya im antia tok.

32. Mihma Chosef foni Israel im v̄lla v̄hleha hv̄t Echip a kochehit isht v̄la tok vt Chekob vt t̄v̄li hv̄ta tushahli tahlepa achefa h̄o Shechem īki Hamo ushi v̄hleha ha isht in chump̄a tok yakni talaia h̄o Shechem ak ̄o a hohpi tok: mihma Chosef im v̄lla v̄hleha ha i yakni toba tok oke.

33. Mihma Alon ushi Eleasa vt illi tok; mihma bokko hosh ushi Finehas a immi hatok yummvt Eflaim n̄n̄ih ak ̄o talaia h̄o ima tok ̄o, a hohpi tok.—

NAN APESA UHLEHA HOLISSO.

NAN APESA UHLEHA

HA ISHT ANUMPA HOKE.

CHAPTA I.

YUMOHMI ma Choshua vt illi haya yakohmi tok, Israel im vlla vhleha hvt Chihowa ya i ponaklot, Krta hosh Kenanait vhleha ha tikba itiba chi hosh pim ia chi cho? achi tok.

2. Mihma Chihowa hvt, Chutah yak osh ia chi hoke: yakeh! yakni yash yumma ibbak a fohki lishke, achi tok.

3. Mihma Chutah vt itibapishi Simeon a, Si awant nashoelit ishi li tok yakni ya ish ona na Kenanait vhleha ha ont il itibashke; atukma vno ak kia chi awant nashoelit ish ishi tok yakni ya ona la chi ke, im achi tok. Mihma Simeon vt awant ia tok.

4. Mihma Chutah vt ia ma, Chihowa hvt Kenanait vhleha, micha Pelissait vhleha aiena ka ibbak a fohki tok: yohmi na Besek a hatak tablepa sipokni pokoli ho ai vbi tok.

5. Micha Besek a Atoni-besek o ai ahayuchi cha itibi tok; micha Kenanait vhleha, micha Pelissait vhleha aiena ka vbi tok.

6. Yohmi kia Atoni-besek vt maleli tok; mihma iakaiyvt hlioli tuk osh hokli cha, ibbak-ishki, micha iyishki aiena ka tvptuli tok.

7. Mihma Atoni-besek vt, Miko pokoli untuklo hosh ibbak-ishki, micha iyishki aiena kvv tvptua na im ilhpak a vm ai impa nutaka a hoyot vpa beka tok; nana a kaniohmi li tok mak o, Chitokaka hvt si atobbichishke, achi tok. Mihma Chelusalem a isht ona na yummak o ai illi tok.

8. Mihma Chutah im vlla vhleha hvt Chelusalem a itibi cha, ishit, bvshpo falaia halupa isht issot kanchi cha, tumaha holihta ya hukmi tuk atok.

9. Atuk osh i himmak o Chutah im vlla vhleha hvt Kenanait vhleha nunih foka aiasha, micha oka mahli pilla ai asha, micha okfa ai asha aiena ka itiba chi hosh ilhkoli tok.

10. Mihmut Chutah vt Kenanait vhleha Heblon ai asha ka itiba chi hosh ilhkoli tok; (Heblon vt Kichalh-aba hohchifo hatok:) mihmut Sheshai, micha Abinam, micha Talmai aiena ka vbi tok.

11. Mihmut yumma vttvt Tebi okla aiasha ka ont itibi tok: Tebi vt tikba ka Kichalh-sefe hohchifo beka tok.

12. Mihma Kaleb vt, Kuna hosh Kichalh-sefe ya issot kanchi cha, ishikma, svsotek Achsah vt tekchi yachi ho ima la chi hoke, achi tok.

13. Mihma Kaleb nakfish Kenas ushi Olhniel ak osh ishi tok: mihma tekchi yachi ho Achsah ya ima tok.

14. Atuk o yakohmi tok, im ona mut, iki ya osapa im asilhha chi ho atohnochi tok: atuk osh issuba haksobish falaia om binili tuk vt akowa tok; mihma Kaleb vt, Nanta ho ish ahni cho? im achi tok.

15. Mihma, Nan isht yukpali ya is sumashke; oka mahli yakni ya is suma tuk okvt, oka kvli taloha ak kia is sumashke, im achi tok. Mihma Kaleb vt nunih kvli taloha kak o ima mut, micha okfa kvli taloha kak o ima tok.

16. Mihma Moses ipochi Kenait in chipota hvt pam iti tumaha holihta ya kohchvt ivt, Chutah im vlla vhleha ha awant ivt yakni haiaka, yummvt Alat im oka mahli imma yo ona cha, okla takla ai asha tok.

17. Mihma Chutah vt itibapishi Simeon a awant ia cha, Kenanait vhleha Sefalh ai asha ka vbit tahli cha, okpvnit vmohmichi tok. Mihma tumaha holihta yummvt Homah hohchifo tok.

18. Mihma Chutah vt Kasa, micha yakni afullota, micha Askelon, micha yakni afullota, micha Eklon, micha yakni afullota aiena ka ishi tok.

19. Mihma Chihowa hvt Chutah ya ibafoyuka tok; mih-

ma nunih foka okla ha tihlelit kocha wehli cha, a binili tok ; yohmi kia okfa aiasa kvto tvli iti chanvlli im asha hatuk o, tihlelit kocha wehla he keyu ki tok.

20. Mihma Moses vt achi tok mak o Heblon a Kaleb ak o okla ima tok ; yohmi na Anak ushi tuchina ka yymma a tihlelit kocha wehli tok.

21. Mihma Benchamin im vlla vhleha hvt Chebusait vhleha Chelusalem ai asha ka tihlelit ik kocha wehlo ki tok : amba Chebusait vhleha hvt Benchamin im vlla vhleha ha apehvt Chelusalem ai asha tok osh himak nitak a moma hoke.

22. Mihma Chosef in chuka achvfa yymmak kia Behlel a itiba chi hosh ia tok : mihma Chihowa hvt ibafoyuka tok.

23. Mihma Chosef in chuka achvfa yvt Behlel a pisa chi ho pila tok. Mihma tmaha holihta yymvt tikba ka Lus hohchifo tok.

24. Na pisvt aya vhleha hash osh hatak vt tmaha holihta yash kohevvt minti na pisa tok ; mihmt, Tmaha holihta achukowa ya pim anoli, e chim asilhhvshke, mikma e chi nukhakla chi hoke, im achi tok.

25. Atuk o tmaha holihta achukowa ya pisachi ma, tmaha holihta ya bvshpo falaia halupa isht issot kanchi tok : amba hatak ash, micha in chuka achvfa yano hlakofichi tok.

26. Mihma hatak ash osh Hittait vhleha i yakni yo ona cha, tmaha holihta ya ikbi mvt, Lus hochifo tok o ; yymmak osh himak a hohchifo moma hoke.

27. Manasseh ak kia Belhshean okla ai asha, micha tmaha puta afullota aiena okla ai asha, micha Taanach okla ai asha, micha tmaha puta afullota aiena okla ai asha, micha To okla ai asha, micha tmaha puta afullota aiena okla ai asha, micha Ibleam okla ai asha, micha tmaha puta afullota okla ai asha, micha Mekitto okla ai asha, micha tmaha puta afullota aiena okla ai asha aiena ka tihlelit kocha wehli keyu ak inli tok ; amba Kenanait vhleha hvt yakni ya ai asha pulla kak o ahni tok.

28. Atuk o yakohmi tok, Israel vt kvllot taha mvt, Kenanait vhleha ha noshkobo atobbichi cha, tihlelit kocha wehli ik vmohmicho ki tok.

29. Eflaim ak kia Kenanait vhleha hvt Kese aiasha ka tihlelit ik kocha wehlo ki tok; amba Kenanait vhleha hvt takla Kese okla ai asha tok.

30. Sebulun ak kia Kitlon okla ai asha, micha Nahalol okla ai asha aiena ka tihlelit kocha wehli tok keyu; amba Kenanait vhleha hvt takla ai ashvt, noshkobo atobbi toba tok.

31. Asha ak kia Akcho okla ai asha, micha Siton okla ai asha, micha Ahlab okla ai asha, micha Achsib okla ai asha, micha Helbah okla ai asha, micha Afik okla ai asha, micha Lehob okla ai asha aiena ka tihlelit kocha wehli keyu ak inli tok.

32. Amba Ashalait vhleha hvt Kenanait vhleha yakni ai asha kak o kocha wehli tok keyu hatuk osh, takla ai asha tok.

33. Naftali ak kia Belh-shemesh okla ai asha, micha Belh-analh okla ai asha aiena ka tihlelit kocha wehli tok keyu; amba Kenanait vhleha, okla yakni yash aiasha kak o takla ahanta tok; yohmi kia Belh-shemesh okla aiasha, micha Belh-analh okla aiasha aiena kvt noshkobo atobbi toba tok.

34. Mihma Amolait vhleha hvt Tar im vlla vhleha ha tihleli na nvni foka ont ai asha tok: akowvt okfa ha ant ik ai ashá, im ahni keyu hatuk okvt:

35. Michá Amolait vhleha hvt Aichalon Heles nvni talaia, micha Shalbim ita tuklo kak o ai asha pulla kak o ahni tok; yohmi kia Chosef in chuka achvfa ibbak vt imaiya tok, yohmi na noshkobo atobbi toba tok.

36. Mihma Amolait vhleha im ai vli hvt ai oiyvt ia Aklabbim, tvli vba maya kak atok oke.

CHAPTER II.

YOHMI ma Chihowa im enchel vt Kilkal pilla minti hosh Bochim a vla mvt, Echip a hvchi kohchichit, hvch iki vhleha ha anumpa kullo il onochit im issa li tok yakni ya

hveh isht v̄la li tok: micha anumpa chit im apesa li tok vt kobvffi la himma keyu;

2. Mikma okla hvt yakni ilvppa ai asha ka anumpa hvsh ai itibai achvfa he keyu; im alta puta ka kinahlichit hvsh tahlashke: achi li tok: yohmi tok kia sv̄tih h̄a hvchik sv̄m antioshke: nanta katiohmi h̄o ilvppa hvsh yv̄mihchi cho? achi tok.

3. Yvmohmi ket, Uno ak kia hvchi tikba tihlelit kocka wehli la he keyu; amba kvti hosh hvchi naksi ȳa shamvlli chiyuhma hi oke; micha i na holbet toba puta ket nan isht hveh ibetv̄bli yachi hoke, achi li tok, achi tok.

4. Atuk o yakohmi tok, Chihowa im enchel vt Israel im vlla vhleha h̄a anumpa ilvppa im anumpuli ma, okla chitolit yaiya tok.

5. Mihmvt yv̄mma Bochim okla hochifo tok: micha nan vbit a hukmit Chihowa ȳa isht aiokpv̄chi tok.

6. Mihma Choshua vt okla h̄a tishelichi ma, Israel im vlla vhleha hvt momvt ai isha he v̄lhpesa yakni ȳa isha chi hosh ilhkoli tok.

7. Mihma Choshua vt okchaya nitak moma, micha hatak asnonchi vhleha hvt, Choshua vt illi haya, okchaya moma Chihowa yvt nana a fehna Israel a i yv̄mih̄inchi ka p̄isa tuk vt okchaya nitak moma ka okla hvt Chihowa ȳa im antia tok oke.

8. Mihma Nun ushi Choshua Chihowa in tishu hvt afv̄m-mi tahlepa achvfa cha, pokoli aiena hosh illi tok.

9. Mihma ilap i yakni v̄hli Timnalh-heles yv̄mmvt Eflaim nv̄nih talaia ka bokko Kaash falv̄mmi in tennv̄p ak o okla hohpi tok.

10. Michā nitak yv̄mma okla āsha moma yv̄mmak kia īki vhleha h̄a im ai itv̄nahvt taiyaha tok: mihma ai unchololi hosh iakaiyvt Chihowa, micha Israel a nana im atahli tok a ithana keyu hosh ai asha tok.

11. Mihma Israel im vlla vhleha hvt nana ik achukmo ka Chihowa itikba a yvmohmit, Baalim a aiokpv̄chi tok.

12. Mihmvt īki vhleha in Chihowa Chitokaka, yv̄mmak osh Echip yakni ȳa ishit kohcha tok a issa cha, naholbet

toba puta, okla fullotvt im ai asha ka iakaiyvt im akachunoli cha, Chihowa ya ishit nukhobelvchi tok.

13. Mihmvt Chihowa ya issa cha, Baal, micha Ashtaloh ita tuklo kak o iakaiya tok.

14. Mihma Chihowa im ai i nukkilli vt Israel a i sanalit libbi tok, micha wehpuli puta ka ibbak fohki na wehpuli tok; micha in tenvp afullotvt ai asha ka i kanchit ibbak foki na in tenvp itikba hiohla he keyu tok.

15. Chihowa yvt ahanchi tuk mak osh, micha Chihowa yvt anumpa kullo ile onochit miha tuk mak osh kanima yo kochvt iakma, Chihowa ibbak vt nana ik achukmo isht im asanali beka tok: mihma okla komunta fehna tok.

16. Yohmi kia Chihowa yvt nan apesa vhleha ha i hilechi na wehpuli ibbak a a hlakofichit kohchi tok.

17. Yohmi kia nan im apesa vhleha ha i haponakla he keyu hosh, amba okla inla i naholbvt toba puta ka i hauit im akachunoli beka tok: iki vhleha hvt Chihowa i nan vlhpisa ha iakaiya tok a okla yohmi tok keyu, amba chekosi fehna filvmmmit naksika ona beka tok.

18. Mihma Chihowa yvt nan apesa vhleha ha i hilechikmvt, ymohmikmvt Chihowa yvt nan apesa ya ibafoyukvt, nan apesa vt okchaya itintakla ka in tenvp vhleha ibbak a a hlakofihinchi beka tok: ilbvshali, micha apistikeli hatuk o kifahaha ka Chihowa yvt i nukhaklo hatok.

19. Atuk o yakohmi beka tok, nan apesa yvt illikma, falamvt iki vhleha hatuk a i shahlit naholbvt toba puta ka iakaiyvt, aiokpvrhit im akachunolit, il okpuni beka tok: ilap nana akaniohmi, micha ilapunlvvt aya kvv issa he keyu beka tok.

20. Mihma Chihowa im ai i nukkilli vt Israel a i sanalit libbi tok: micha, Okla ilvppvt anumpa itim apesa iki vhleha im apesa li tok a kobvffi cha, vm anumpa ha a haponakla he keyu beka tuk oka;

21. Uno ak kia himak pilla ma oklushi Choshua vt tihlelit ik kocha wehlo hosh illi tok, achvfa kia itikba tihlelit kocha wehli la he keyu;

22. Michu yvmmak o Israel vt Chihowa i hina ya holitob

lit a nohowa he iki vhleha hvt holitobli tok mak o choh-mikmá, keyukmá, nana ka isht imomaka pisa lashke, achi tok.

23. Yvmohmi hatuk osh Chihowa yvt tushpvt tihlelit ik kocha wehlo, micha Choshua ak kia ibbak ik fohko hosh oklushi ymma ashanchi tok.

CHAPTA III.

MIHMA oklushi ilvppak o Chihowa yvt ashanchi kv (Israel laua kaniohmi hosh Kenan tenvp ai asha tok moma ka ik ithano ;

2. Peh Israel im vlla vhleha isht atiaka yvt tenvp ithv-nvt imomakvt taha chi ho, yvmohmi ho peh tikba ka ik ithano ya isht imomaka pisa chi hatok ;)

3. Yakohmi ak atok, Filistin hochitoka tahlapi, micha Kenanait vhleha moma, micha Sitonian vhleha, micha Hifait vhleha Lebanon ai asha, Baal-hemon nvni asht isht ia hosh Hamalh a chukowa ont ai vli tok.

4. Yvmmak o Israel vt Chihowa i nan vllhpisa puta yvma iki vhleha ha Moses a tohno na ibbak ak osh i holissochi tok a haponaklokmá, nana chi ka imomaka pisa chi hatok.

5. Mihma Israel im vlla vhleha hvt Kenanait vhleha, Hittait vhleha, micha Amolait vhleha, micha Pelissait vhleha, micha Hifait vhleha, micha Chebusait vhleha aiena ka takla aiasha tok.

6. Micha ushetik vhleha ha tekchi yachi ho okla ishi mvt, ilap ushetik vhleha ha ymma ushi vhleha ha okla ima cha, i na holbt toba puta ka aiokprechi tok.

7. Micha Israel im vlla vhleha hvt nana ik achukmo ka Chihowa itikba a yvmohmi cha, Chihowa in Chitokaka ya im a haksit Baalim, micha Ashtelah itatuklo ka aiokprechi tok.

8. Yvmohmi ma Chihowa im ai i nukkilli yvt Israel a i sanalit libbi tok, micha Chushan-lishahlaim Mesopotamia i miko ya ibbak fohki tok : mihma Israel im vlla vhleha hvt afemmi untuchina ho Chushan-lishahlaim a i nutaka tok.

9. Mihma Israel im vlla vhleha hv̄t Chihowa yā i pahaya ma, Chihowa yvt hlakofichi yā Israel im vlla vhleha hā i hilechi na hlakofichi tok, yummvt Kaleb nakfish Kenas ushi Olhniel ak atok.

10. Mihma Chihowa im i Shilombish vt onvtola cha, Israel nan im apesa toba cha, kohchvt tenvp ia tok: mihma Chihowa yvt Chushan-lishahlaim Mesopotamia i miko yā ibbak fohki tok: mihma ibbak vt Chushan-lishahlaim a imaiyechi tok.

11. Mihma yakni vt afvmmi pokoli ushta hō foha tok: mihma Olhniel Kenas ushi vt illi tok.

12. Mihma anonti Israel im vlla vhleha hv̄t nana ik achukmo ka Chihowa itikba yā a yvmohmi tok: Israel vt nan ik achukmo ka Chihowa itikba yā a yvmohmi kak o, Chihowa yvt Moab i miko Eklon a kvloochit i sanalichi tok.

13. Mihmv̄t Ammon in chipota, micha Amelek in chipota vhleha aiena ka hoyot itvnahli cha, ivt Israel a issot kanchi cha, pam iti tvmaha holihta yā ishi tok.

14. Yvmohmi hō Israel im vlla vhleha hv̄t Moab i miko Eklon a afvmmi auah untuchina hō i nutaka tok.

15. Yvmohmi tuk kia Israel im vlla vhleha hv̄t Chihowa yā i pahaya ma, Chihowa yvt hlakofichi Ehut, Kela ushi, Benchamait hatak afabi yō i hilechi tok: micha yvmmak o tohno cha, Israel im vlla vhleha hv̄t Moab i miko Eklon a nahvlbina i pila tok.

16. Yohmi kia Ehut vt bushpo tahlalaka halupa falaia kv̄t kubit achufa hō ikbi cha, iyabi isht impak imma nafohka nutaka isht il ai vskofvchi tok.

17. Micha na hv̄lbina yā Eklon Moab i miko yā isht im ona tok: mihma Eklon vt hatak nia fehna hatok.

18. Atuk osh nahvlbina yā im issvt atahli mv̄t, okla nahvlbina shali tuk a pit tihleki tok.

19. Amba ilap vto Kilkal bilika tvli na holbv̄t toba a hiohli yā falama cha, Anumpa luma yā isht chim aya lishke, miko ma! achi tok: mihma yvmmak ash osh, Chulusashke, achi tok. Mihma bilika hiohmaya tuk vt kohcha tok.

20. Mihma Ehut vt im ona tok; mihma aboha paknaka

tofa chuka talaia ilap bano immi yosh yemmet in talaia tuk osh binili tok: mihma Ehut vt, Chihowa im anumpa ho isht chim aya lishke, achi tok. Mihma im ai om binili ya binili tuk vt wakaya tok.

21. Mihma Ehut vt ibbak vlfvrbek imma pit welit iyubi isht impak imma ya breshpo yash pit ai ishi cha, ikfoka ya ishit bahli tok.

22. Micha halupa vt pit chukowa ma, vpi ak kia awant pit chukowa tok: mihma nia vt itakmot halupa ya luhmi tok: yohmi na breshpo falaia ya kohcha he keyu ma, lukfi vt kohcha tok.

23. Yvmohmi ma Ehut vt kohevvt hoshontika ya hlopul-lit tofa chuka okhissa ya on okshita cha, ashvniehi tok.

24. Atuk osh kohevvt ia ma, in tishu vhleha hvv vla tok: micha okla ant pisa mvv, yakeh! aboha paknaka chuka talaia okhissa yvt ashana tok; mihma, Aboha paknaka tofa chuka talaia iyi ya ai ompohomo pullvshke, okla achi tok.

25. Micha hielit polaka hofahyvvt taha tok; mihma yakeh! aboha paknaka chuka talaia okhissa ya ik tiwo ma, isht-tiwa okla ishi cha, tiwi tok: mihma yakeh! i miko yvt illit aka itula tuk atok.

26. Mihma Ehut vt, hielit itintakla ma, tvli naholbvvt toba a hiohli ya ont ivt, hlakofit Seilalh a ona tok.

27. Atuk osh ona mvv yakohmi tok, Eflaim nvniha ha isht pufa ai olachi ma, Israel im vlla vhleha hvv awant nvniha ha akowa ma, yvmmak osh tikba ia tok.

28. Mihmvvt, Hvs si akaiyashke; hvchin tvnvp Moab okla ha Chihowa yvt hvch ibbak a fohki hoka, im achi tok. Mihma okla iakaiyvvt akowvt ia ma, Chatan okhina akocha Moab pilla ka ishi cha, hatak achvfa kia ik hlopulli, ahna he keyu tok.

29. Micha nitak yvmma Moab a hatak tablepa sipokni pokoli foka, hatak nia bieka, micha hatak hlampko bieka tok: mihma hatak achvfa kia hlakofi tok keyu hoke.

30. Yvmohmi hosh nitak yvmma Moab a Israel vt imai-yachit nutakvchi tok. Mihma yakni vt afvmmi pokoli untuchina ho foha tok.

31. Mihma iakaiya kut Analh ushi Shamka, yummvt Flistin tahlepa hannali hō wak toksvli isht bihli yō isht vbi tok: yummak kia Israel a hlakofichi tok.

CHAPTA IV.

MIHMA Ehut vt illi ma, Israel im vlla vhleha hut anonti nana ik achukmo ka Chihowa itikba a yrmohmi tok.

2. Mihma Chihowa yvt kanchit Chabin Kenan i miko, yummvt Haso ak o apehlichy ya in tvshka chipota i kypitvni hut Sisela atok, yummvt Chentail Haloshelh ak o ai vtta beka tok.

3. Mihma Israel im vlla vhleha hut Chihowa ya im ilbvshvt i pahaya tok; tenvp tvi itichanvlli vt in tahlepa chakkali tok; micha afvmmi pokoli tuklo hō Israel im vlla vhleha hā ilbvshali fehna tok.

4. Mihma Lapitolh tekchi Tebolah ohoyo hopaii yosh nitak ymma Israel a nan im apesa atok.

5. Micha Tebolah i pam iti nutaka Eflaim nvni, micha Behlel itin takla yak o vtta tok: mihma nan im apesa chi hō, Israel im vlla vhleha hut im ona beka tok.

6. Mihma Abinoam ushi Balak a pit hoyot Ketesh-naf-tali ai isht vla mvt, Israel in Chihowa Chitokaka yvt apesa kut, Ivt Tabo nvni hā pit akanvlli cha, Naftali im vlla vhleha, micha Sebulun im vlla vhleha aiena hatak tahlepa sipokni pokoli hō isht ish iashke,

7. Mikma Chabin in tvshka chipota i kypitvni Sisela, micha tenvp im iti chanvlli puta, micha im okla laua aiena ka kanvllichit okhina Kishon ak o isht vla lish, chibbak a fohki la chi hoke, ahanchi tuk keyu cho? im achi tok.

8. Mihma Balak vt, Si awant ish ia hokmvno, ia la hinla; amba si awant ish ia he keyu hokmvno, ia la he keyu, im achi tok.

9. Mihma, Chi awant ia li pulla chi hoke: yohmi kia ymma nowvt ish aya kut ishit chi annoa he keyu hoke; Chihowa yvt Sisela ya kanchit ohoyo hō ibbak fohka chi

hoka, achi tok. Mihmut Tebolah vt wakaya mut, Balak a awant Ketesh a ona tok.

10. Mihma Balak vt Sebulun, micha Naftali hoyot Ketesh a isht ona tok: mihma hatak tahlepa sipokni pokoli hosh iakaiya tok: mihma Tebolah vt awant ia tok.

11. Mihma Hebe Kenait, yummvt Hobab Moses ipochi ya im vlla vhleha ai achvfa hosh Kenait vhleha ha ile filv-michit, Saanaim yakni patvsvvchi Ketesh bilika yak o im vlhtipo ha ont hilechi tok.

12. Mihma Abinoam ushi Balak vt Tabo nvnih ha ona ka Sisela ya okla im anoli tok.

13. Mihma Sisela vt tenvp im itichanvlli moma, tvli itichanvlli tahlepa chakkali, micha okla moma Chentail Haloshelh pilla minti im ai asha tuk vt Kishon okhina yak o hoyot ai itvnahli tok.

14. Mihma Tebolah vt Balak a, Wakaya, himak nitak ak o Chihowa hvv Sisela ya chibbak a fohki hoka: Chihowa yvt chi tikba ia tuk keyu? im achi tok. Mihma Balak vt Tabo nvnih ha akowvt ia ma, hatak tahlepa sipokni pokoli hosh iakaiya tok.

15. Mihma Chihowa yvt Sisela, micha tenvp im itichanvlli, micha im okla chito aiena ka Balak itikba ya bvshpo falaia halupa ya ishit komuntvchit yuhli tok; yohmi na Sisela vt itichanvlli ya akowa cha, aka hikia hosh maleli tok.

16. Yohmi kia Balak vt tenvp itichanvlli, micha okla chito aiena ka iakaiyvt Chentail Haloshelh a isht ona tok; mihma Sisela im okla chito moma kvv bvshpo falaia halupa onvtolvt akakohvt taiyaha tok; mihma hatak achvfa kia iksho tok.

17. Yohmi kia Sisela vto aka hikia hosh malelit Chael Hebe Kenait tekchi im vlhtipo ya ona tok: Chabin Haso i miko, micha Hebe Kenait in chuka achvfa itatuklo kvv it i nanaiya hatuk oka.

18. Mikma Chael vt kohevvt Sisela ya ont afama cha, Fullotvt ish chukowashke; fullotvt is svba chukowashke; chi nukshopa na, a shahli ma! im achi tok. Atuk o vlhtipo ya fullotvt chukowa ma, anchi isht ompohomo tok.

19. Mihma, Oka kanomosi hō sa petá, chim asilhha lishke, satukshila hoka, im achi tok. Mihma pishukechi kotoba vlhto hō shufi cha, ishkoichichi cha, ompohomo tok.

20. Anonti, Ulhtipo okhissa ish hikiashke; atukma kv-na hosh vla cha, chí ponaklot, Hatak vt 'asha? achikma, Keyú, ish achashke, im achi tok.

21. Yohmi ma Hebe tekchi Chael vt vlhtipo chofak a ishi, micha chofak isht anvlichi a ishi mvt, lumvt onvt chofak a imosana ishit nvhlit, yakni pit shamvlichi tok: hoyrb-lit nusit illi hatuk o. Yvmohmi na illi tok.

22. Mihma yakeh! Balak vt Sisela ya iakaiyvt aya ma, Chael vt kohehvt afama mvt, Mintí, mikma hatak hoyot ish aya ka chi pisachi lashke, im achi tok. Atuk o im vlhtipo ya ant chukowa ma, yakeh! Sisela vt illi cha, itoyula ma, chofak vt imosana ya shamvli tok.

23. Yvmohmi hosh Chitokaka hvt nitak ymma Kenan miko Chabin a Israel im vlla vhleha itikba ya anutakvchi tok.

24. Mihma Israel im vlla vhleha ibbak vt Kenan miko Chabin a iakaiyvt i kvllet mahayvt, Chabin Kenan miko ya vbit tahli tok.

CHAPTA V.

YUMOHMI ma Tebolah, micha Balak Abinoam ushi ita-tuklo kv nitak ymma talovt yak ahanchi tok.

2. Okla hvt aiokpanchit im il ihisa ma, Chihowa hvt Israel a im il aiokha ka hvsh holitoblichashke.

3. Hvsh haklashke, miko hvchia ma! ho hakló, hochitoka hvchia ma! vno, vno fehna kv Chihowa ya in taloa la chí hoke; Israel in Chihowa Chitokaka holitoblichi ishit taloa la chí hoke.

4. Chihowa ma! Sei ya kohehvt ish ia ma, Etom yakni ya kohehvt ish ia ma, yakni vt wvnihinchi ma, shutik vt hoiya tok, hoshonti yak kia oka hoiya tok.

5. Chihowa itikba ya nvnihi puta, Sainai ymma fehna kv Israel in Chihowa Chitokaka itikba ya bilvt yanahanli tok.

6. Analh ushi Shamka i nitak ma hina ya ik ai itnowo hosh, nowt aya vheha hvt hinaksho, hina fullota yak o ai itnowa tok.

7. Temahushi puta kvt chuk il issa tuk, Israel i yakni ya a chuk il issa tuk o, Tebolah sia hvt hikia li tuk, Israel okla ishki yosh hikia li tuk oke.

8. Naholvt toba himona ishi tok; yohmi ma holihta okhissa ya tenvp vt ai asha tok: telihpa yokma, tvbi tvli halupa ontvla nana kia Israel tablepa sipokni pokoli ai ititakla ka itoyula na haiaka tok o?

9. Israel okla pehlichu vheha hvt okla ai ititakla ya aiokpanchit il ihisa tuk a sa chukvsh vt ibafoyuka hoke: Chihowa ya hvsh aiokprehashke.

10. Ho anumpuli, issuba haksobish falaia tohbi hvsh onchieya ma! nan apesvt hvsh chieya ma! micha hina takla hvsh itnowa ma!

11. Oka ai ochi iti tanampo sholi tvshka paya ka i hlakofi hvchia ma! yvmma Chihowa yvt Israel yakni temahushi puta ka nana ai vlvpiesa ka i yvmihchi tuk a it im anola hi oke: yvmohmikma Chihowa im okla hvt akowvt holihta okhissa puta ka falamvt ona hi oke.

12. Okcha, okcha, Tebolah ma! okcha, okcha, ish taloashke; wakaya, Balak ma! micha chi yuka ha yukachit ish pehliehashke, Abinoam ushi chia ma!

13. Yvmohmi ma hlakofi ka okla ai ititakla hochitoka vheha ha pehlichu ikbi tok: micha Chihowa vt im okla hat tak hochitoka pehlichu sakbishke.

14. Hakshish Eflaim a akochvvt Amalek a i sanali tuk; Benchamin ma! chiakaiyvt chim okla ha ibai vlhto tuk: Machi ya pehlichu vheha hvt minti tuk, micha Sebulun a ishit holissochit ieshi ak atuk oke.

15. Mihma Issaka pehlichu vheha hvt Tebolah ya ibafoyuka tuk; Issaka fehna, micha Balak ak kia ibafoyuka tuk ak inli: yvmmak ash osh aka hikia ho okfa ha pila tok. Luben vt itachowvt aiasha ka chukvsh im anukfila chito fehna tuk oke.

16. Nanta katiohmi ho chukfvlhpoa ai asha ka antvt chuk-

fulhpoa yaya ka ish haklo tuk o? Luben vt itachowvt ai asha ka chukvsh silbhi chito fehna tuk oke.

17. Kileat vt Chatan mish tnnvp ak o anta tuk: micha nanta katiohmi ho Tan vt peni hochito ai ahanta tuk o? Asha vt okhvta lapalika ak inli antvt, peni hochito atakali ya ai ahanta tuk.

18. Sebulun, micha Naftali achahaka ahiehit ilhfiopak a illi ka il im ihisa okla hoke.

19. Miko puta kvv vltv itibi tuk; yohmi na Mekitto oka taloha bilika Tanaach a Kenan miko puta kvv ai itibi tuk oke; nawehpoa tvli holisso ya ishi tuk keyu hoke.

20. Uba minti hosh okla itibi tuk; fochik puta ai ia he vlpesa kvv avvt Sisela ya itibi tuk oke.

21. Kishon okhina, okhina nitak chashpo yvmvvt, Kishon okhina yvt pifit kanchi tuk oke. Umi shilombish ma! hatak hlampko chilita ya yakni ya ish a hvhlichishke.

22. Yvmohmi ma ilauatvchi kak o, micha hatak hlampko chilita yvt ilauatvchi kak o, issuba iyi akchush vt kobahli tuk oke.

23. Chihowa im enchel vt Chihowa ya okla ant apela tuk keyu, Chihowa ya ant apeltv chilita hochitoka ya i sanali tuk keyu hoka, Melos a kalakshichit hvsh mihashke, okla yvmma ai asha ka hvsh kalakshichi fehnashke, achi tok.

24. Hebe Kenait tekchi Chael vt holitopa kvv ohoyo puta ka i shahla chi hoke, ohoyo puta vltipo ahanta ka holitopa kvv i shahla hi oke.

25. Oka im asilhha ma, pishukechi yo ipeta tuk: pishukechi nia ya ampo holitopa yo fohkit isht im vla tuk oke.

26. Ibbak a chofak a isht ishi mvt, ibbak isht impak imma ya chofak isht anvhlichi yash Sisela ya isht isso tuk oke: imosana bahlit hlopullichi mvt, noshkobo ha chanlit tvbli tuk oke.

27. Iyi itikba ya akachunoli tuk, itula tuk, aka itoyula tuk: iyi itikba ya akachunoli tuk, itula tuk; iyi itikba ya akachunoli tuk mak osh yvmma illit itula tuk oke.

28. Sisela ishki vt okhissushi ya pit a hopokoyot, okhissushi isht okshilita tenna pit tahpvt, Nanta katiohmi ho

im itichanvlli hvt minti kvt hopaki cho? nanta katiohmi h_o im itichanvlli hvt chanvlli kvt svlaha cho? achi tuk oke.

29. Ohoyo hopoyuksa im a_sha vhleha hvt anumpa falama ya ima, a_hli, ilap inli hosh anumpa falama ya il anumpulit,

30. Nana ahayuchi tuk keyu h_o? na wehpoa ya itakvshkovt, ohoyo himita achvfa, keyukmvt tuklo kia, hatak chilita puta kvt ishit, Sisela vto na wehpoa pisa ilaiyukali, chofak ushi isht vlhtaha na wehpoa pisa ilaiyukali, pisa ilaiyukali tahlalaka chofak ushi isht vlhtaha, na wehpoa ishi tuk vt i nucha he vlhpesa ka itakvshkova tuk keyu h_o? achi tok.

31. Yvmohmi hosh chin tvnvp moma kvt illashke, Chihowa ma! amba Chihowa holitobli vto hvshi vt imi hlampko il ai eshi hosh kohcha kak inli h_o chiyuhmashke, ahanchi tok oke. Mihma yakni vt afvmmi pokoli ushta h_o foha tok oke.

CHAPTA VI.

YVMOHMI ma Israel im vlla vhleha hvt nana ik achukmo ka Chihowa itikba ya ai yvmohmi tok: mihma Chihowa vvt afvmmi untuklo h_o Mitian ibbak a fohki tok.

2. Mihma Mitian ibbak vt Israel a i sanali kvt kvlo tok; micha Mitianait vhleha pulla kak o Israel im vlla vhleha hvt hichukbi nvnih chaha, ai asha ka, micha yakni chiluk, micha aiatukko kvlo aiena ka il ai ikbi tok.

3. Micha Israel vt nana hokchi ma, yakohmi tok; Mitianait vhleha, micha Amalekait vhleha, micha hvshi akochaka in chipota aiena kvt vlvt, Israel a ant itibi beka tok.

4. Micha ant im i sanalit abinanchi cha, yakni na waya ya okpvnit, Kasa ish ona ka ont vhlichu beka tok: micha Israel a isht okchaya nana kia chukfi vlhpoe, wak, issuba haksobish falaia nana kia ik im ashanchu beka tok.

5. Laua kvt hatvffo ak o chiyuhmi hosh i wak, micha im vlhtipo aiena ka isht vla hatuk osh; okla, micha i kamel aiena kvt a holhtina iksho hatuk osh; micha yakni yash chukowvt okpni tok.

6. Mihma Mitian okla pulla kak o Israel vt ilbusha fehna tok; mihmut Israel vt Chihowa ya i pahaya tok.

7. Mihma yakohmi tok, Mitianait vhleha pulla kak o, Israel im vlla vhleha hut Chihowa ya i pahaya ma,

8. Chihowa yvt Israel a hopai i pila tok: mihma yvmak ash osh, Israel in Chihowa Chitokaka yvt yak ahan-chishke, Uno ak osh Echip a ai ishit hvchi kokchi li tok, micha aboha yuka a kohchit hvch isht vla li tok oke.

9. Micha vno ak osh Echip okla ibbak a, micha hvch ilbushali tok ibbak a a hvchi hlakofichi li tok; micha hvch itikba tihlelit kohchit, micha i yakni ya hvch ima li tok oke.

10. Micha, Uno ak osh hvchin Chitokaka Chihowa sia hoke; Amolait vhleha i yakni yo hvsh ai asha kut i naholvt toba puta ka hvsh i nukshopa na, hvchim achi li tok kia, vm anumpa ha hvsvm antia tuk keyushke, im ahanchi tok.

11. Mihma Chihowa im enchel vt vla cha, iti baiyi akish-tvla yvmmvt Oflah hikia hosh Choash Abieslait ak o im atalaia ak o binili tok: mihma ushi Kiteon vt Mitianait vhleha hak o in luhma chi hosh paki abushli ya bilika ho onush a boli tok.

12. Mihma Chihowa im enchel ash osh i haiaka cha, Chihowa yvt chib afoyukvshke, hatak hlampko, hatak chilita nukwia iksho chia ma! im achi tok.

13. Mihma Kiteon vt, An Chitokaka ma! Chihowa yvt pibafoyuka hokak o nanta katiohmi ho ilvppa puyuta kut pi onvtola tuk o? nana afelna puta piki vhleha hut pim anolit, Chihowa ak osh Echip a akohchit pisht vla keyu, ahanchi beka tok mvto? yohmi kia himak ano Chihowa yvt pi kanchit, Mitianait vhleha ibbak a pi fohkishke.

14. Mihma Chihowa yvt i holhponayo onochit pisa mvvt, Ilvppa ish a kvllo kut yvmohmi hosh ia, mikmut Israel a Mitianait vhleha ibbak a ish hlakoficha chi hoke; chi pila li keyu cho? achi tok.

15. Mihma an Chitokaka ma! nanta hak o Israel a ishit hlakofichi la chi cho? yakeh! an chuka achvfa yvt Manasseh ya ilbusha yoke, micha aki in chuka achvfa ya moma ik lauwo sia hoke, im achi tok.

16. Mihma Chihowa yvt, Chibafoyuka li pulla chi hoke; mikma Mitianait vhleha hə hatak achufa chiyuhmichit issot ish kancha chi hoke, im achi tok.

17. Mihma, Himak a chi holhponayo hanta a chi ahayu-chi li hokma, yohmikma is sɛm anumpuli tuk vt nan isht atokowa is sə haiakvchashke.

18. Ish ia ná, chim asilhha lishke, ont falamvt nan isht aiokprehi yə isht vtvt, chi tikba talali li hayashke, achi tok. Mihma, Binili li anonti ish lashke, achi tok.

19. Mihma Kiteon vt ont chukowvt, issi kosoma ushi, micha bota tohbi efa achufa hə pska ik shatɛmmo atabli tok: nipi ano kishi fohki mvt, okchi yə shuti vni mvt, baiyi akishtela yə isht im ona cha, isht aiokprehi tok.

20. Mihma Chitokaka im enchel vt, Nipi micha pska ik shatɛmmo yə ishi cha, tvi ilvppa onochi cha, okchi yə hlatvli, im achi tok. Mihma yvmohmi tok.

21. Mihma Chihowa im enchel vt tvbi ibbak foyuka tuk vt weli cha, tvbi wishakchi yə nipi micha pska yə tikelihi ma, luak vt tvi yə kohcha cha, nipi micha pska ik shatɛmmo yə hushmit tabli tok. Yvmohmi ma Chihowa im enchel vt ia na ik peso ki tok.

22. Mihma Kiteon vt Chihowa im enchel atuk o akostinichi mvt, Kiteon vt, Ikikkeh! Chitokaka Chihowa ma! Chihowa im enchel a nashuka itipisa li hokvt, achi tok.

23. Mihma Chihowa hv, Chi nuktaiyalashke, chi nukshopa ná, chilla he keyu hoke, im achi tok.

24. Yvmohmi ma Kiteon vt Chihowa yə alta im ikbi cha, Chihowa-shalom hochifo tok: himak nitak a Abieslait vhleha in tumaha Oflah yə a hikia moma hoke.

25. Atuk o yakohmi tok, mih ninak ak inli hə Chihowa yvt, Chiki i wak hobvk himita, wak hobvk atukla afvmmi untuklo kak o ish ishashke; micha Baal im alta chiki vt ikbi tok a ish kinvffashke, micha iti lokoli bilika hieli ka chanlit ish akvchashke:

26. Micha tvi paknaka ilvppa a chim apesa li ka Chihowa chin Chitokaka yə alta ish im ikbi cha, wak hobvk atukla kash ishit vbit, iti lokoli chanlit ish akvcha chi ket,

isht hukmit isht aiokpvechi isht ish aiokpvehashke, im achi tok.

27. Yvmohmi ma Kiteon vt in tishu pokoli h_o ishi cha, Chihowa yvt im achi tuk mak o yvmohmi tok: mihmvt i_{ki} in chuka achufa, micha tvmaha holihta hatak aiena ka i nukshopa hatuk osh, nitak a yvmiheha he keyu hosh, ninak o yvmohmi tok.

28. Mihma tvmaha holihta hatak vhleha hvt onnahinli fehna wakaya ma, yakeh! Baal im alta vt kinafa ma, mihma iti lokoli yvmma bilika hikia tuk vt chayvt kinahli, micha wak hobvk atukla kash o alta toba tuk a onochit isht aiokpvechi tuk achini tok.

29. Yvmohmi ma it i ponaklot, Keta hosh ilvppa yvmihchi tuk oh cho? achi tok. Atuk osh okla asilhhvchit ponaklo ma, Choash ushi Kiteon ak osh ilvppa yvmihchi tuk oke, okla achi tok.

30. Yvmohmi ma tvmaha holihta hatak vhleha hvt Choash a, Chiso ha ishit ish kohcha na illashke: Baal im alta ya kinvffi hokvt, micha bilika iti lokoli tuk a chanlit kinvffi hokvt, im achi tok.

31. Mihma Choash vt i sanalit hieli kash, Baal a apehpovt hvsh anumpula chi ho? hvsh apoba chi cho? kvna hosh apehpovt anumpula hinlakmvt, yvmmak osh onnahinli moma na illashke; kvna hosh im alta ya kinvffi ka Chitokaka naholbvt toba ak okmvt, ilap ak inli hosh il apehpovt anumpulashke, im achi tok.

32. Yvmohmi mvt nitak yvmma Chelub-baal hochifot, Im alta kinvffi hoka, Baal ak osh apehpovt anumpulit i sanalashke, achi tok.

33. Yvmohmi ma Mitianait vhleha, micha Amalekait vhleha, micha hvshi akochaka in chipota vhleha aiena kv itihoyvt itvnaha cha, ivt Chesleel okfa hak o ont binanchi tok.

34. Yohmi kia Chihowa imi Shilombish vt Kiteon a onvtola na isht-pufa olachi na Abiese vt im itvnahvt iakaiya tok.

35. Mihma anumpa shali vhleha Manasseh ya pivt hlopullichi tok: mihma yvmmak kia im itvnahvt iakaiya tok: mihmvt Asha, micha Sebulun, micha Naftali aiena ka anumpa shali vhleha i pila tok: mihma afamvt minti tok.

36. Mihma Kiteon vt Chitokaka ya, Ish achi tuk vt yvmohmit subbak ak o Israel a isht ish hlakoficha chi hokmut,

37. Yakeh! chukfi hishi ya anihechi ya bohli la chi hoke: yohmi ka fichak vt chukfi hishi ak bano ho onvtola cha, yakni inla hokvto shila biekakma, yohmikma ish achi tuk vt Israel a subbak ak o isht ish hlakoficha chi ka, ithaiyana la chi hoke, im achi tok.

38. Atuk o yvmohmi tok; onna ma onnahinli wakaya mvt, chukfi hishi ya yichiffit ishi cha, fichak a bushlit chukfi hishi akohchi na oka vt ampo alota achvfa tok.

39. Mihma Kiteon vt Chitokaka ya Isht chim anukkilli vt a sanalit ik libbo kashke: mikma himonna ilvppak bano ho anumpuli lashke: Himonna ilvppak bano ho chukfi hishi ya isht imomaka pisa lashke, chim asilhha lishke; himak ano chukfi hishi ak illa hosh shilakma, yakni paknaka moma hokvno fichak vt onvtolashke, im achi tok.

40. Mihma Chitokaka yvt ninak yvmma yvmihchi tok: ohukfi hishi ak illa hosh shila ma, fichak vt yakni moma onvtola tok.

CHAPTA VII.

YUMOHMI ma Chelub-baal (yvmmt Kiteon) ak osh okla moma apeha tuk aiena kvv onnahinli fehna wakaya mvt, kvli Halot ak o bilika binanchi tok: yohmi ho Mitianait okla ehito vt i falmmi imma in tvnvp nvnih Moleh bilika okfa kak o aiasha tok.

2. Mihma Chihowa yvt Kiteon a, Okla chi apihvt aya kvv laua fehna hatuk o, Mitianait vhleha ha ibbak fohki la he keyushke; i yohmi li hokma, Israel vt vm ilauatvt, Uno subbak ak inli hosh sa hlakofichishke, acha hinla hoka.

3. Yvmohmi hoka himak a okla ha haklochit anumpulit, Kvna hosh nukshopvt komuntakmut, Kileat nvnih ha onnahinli a falamvt iashke, ish achashke, achi tok. Mihma okla hvv tahlepa sipokni pokoli tuklo cha tuklo aiena kvv falamvt ia tok; mihma tahlepa sipokni pokoli hosh asha tok.

4. Mihma Chihowa yvt Kiteon a, Okla hvv laua momvsh-

ke : oka aiasha isht ish onashke, mikma yummak o ai imomaka chi pisa lashke : mikma yakohma chi, kuna ho, Ilvppak osh chi awant ia chi, chim achi likma, yummak osh chi awant ia chi hoke ; micha kuna ho, Ilvppvt chi awant ia he keyu, chim achi likma, yummak okvt ia he keyu hoke, im achi tok.

5. Yvmohmi ma, okla ha oka ai asha isht ona tok : mihma Chihowa yvt Kiteon a, Isunlvsh a oka isht taklit ishko kvt, ofi yosh isunlvsh isht takli ka chohmikma moma kia ila naksika ish hilechashke ; mikmvt iyikvlaha hachukbihlepvt hikia hosh ishko kak kia ila naksika ish hilechashke, im achi tok.

6. Yohmi ma ibbak isht taklit ishko kvt holhtina kvt tahlepa tuchina tok : amba inla moma kvto hachukbihlepvt iyikvlaha isht hikvt ishko tok oke.

7. Mihma Chihowa yvt Kiteon a, Hatak tahlepa tuchina oka taklit ishko tuk mak o ishit chi hlakofichit, Mitianait vhleha ha chibbak fohki la chi hoke : mikma okla inla moma kvto ai vtta aiyukali onashke, im achi tok.

8. Yvmohmi ma pinak, micha isht pufa aiena ka ibbak isht ieshi tok : mihma Israel vhleha inla moma kvno im vlbina aiyukali pit tihleli cha, hatak tahlepa tuchina yummak ash o ishi tok. Mihma Mitian okla tvshka chipota hvv nutaka okfa ho aiasha tok.

9. Atuk o yakohmi tok, mih ninak ak inli Chihowa yvt, Wakaya cha, tvshka chipota ai asha ka akowvt oná ; chibbak a fohki li hoka.

10. Amba ia ka chi nukwiakmvt, chin tishu Fulah yak o ish ishi cha, tvshka chipota ai asha ka ish onashke.

11. Micha nana achi ka ish hakla chi hoke ; micha himmakma chibbak vt hlampko cha, tvshka chipota aiasha ka ish im ona chi hoke, im achi tok. Yohmi ma in tishu Fulah ya ieshi cha, hvv hatak na halupa ieshi tvshka chipota ibafoyuka vhli ho ona tok.

12. Mihma Mitianait vhleha, micha Amalekait vhleha, micha hvshi akochaka in chipota aiena kvt okfa ha kahvt aya kvt, lava kvt hatvffo chiyuhmi ma, i kamel vt a holhtina

iksho, laua kut okhuta lapalika shinuk ai asha kak o chiyuhmi tok.

13. Atuk o Kiteon vt ona ma, yakeh! hatak achvfa kut holhpokuna cha, ilap ai achvfa ka im anoli mvt, Yakeh! holhpokuna sa holhpokuna ma, yakeh! bali pska lumbo achvfa hosh tonolit ia mvt, Mitian tvshka chipota iba chukowvt ia mvt, binah ho ona cha, issot kinvffi na binah hash ot filema cha, aka petaya tuk oke, achi tok.

14. Mihma ilap ai achvfa yvt afalamichi mvt, Ilvppvt inla keyu, amba Kiteon Choash ushi, Israel hatak i bvshpo falaia mak oke: Chitokaka yvt Mitian, micha in tvshka chipota moma ka ibbak a fohki hoka, achi tok.

15. Atuk o yakohmi tok, Kiteon vt holhpokuna, micha toshowa aiena anoli na haklo mvt, Chihowa aiokpvchi mvt, falamvt Israel tvshka chipota ai asha ka ona mvt, Hvsh wakayashke, Chihowa hv Mitian tvshka chipota laua ya hvch ibbak a fohkishke, achi tok.

16. Mihmvt hatak tahlepa tuchina kash apehliche tuchina ho ita kvshkoli cha, hatak moma ka isht pufa ibbak fohki mvt, ishtochi nana vlvto keyu pula ho fohki tok.

17. Michā, Hvs sa pisa cha, yvmmak inli hvsh yohmashke: atuk osh yakeh! binah vli ona likma, yakohmashke, nana yvmohmi li kak o hvsh yvmohmashke.

18. Isht pufa yo olachi li, vno, micha si apeha aiena kut, mikma hvchishno ak kia momvt binah apakfoyupvt isht pufa ya hvsh olachashke, mikmvt Chihowa, micha Kiteon i bvshpo falaia yoke, hvsh ahanchashke, im achi tok.

19. Yvmohmi tuk o Kiteon, micha hatak tahlepa achvfa apihvt aya tuk vt ninak atoni iklvna isht ia vmmōna ho b nah vli ho ona tok; mihma himona atoni hilechit tahli tok: mihma isht pufa olachi mvt, ishtochi ibbak fohka tuk vt koli tok.

20. Michā apehliche tuchina tuk ash osh isht pufa ya olahanchi mvt, ishtochi ya koli, micha ibbak vlvfvbek imma ya pula isht ieshi mvt, ibbak isht impak imma yano isht pufa olacha chi kut isht ieshi tok: micha okla tvshka paya mvt, Chihowa, micha Kiteon i bvshpo falaia yoke, ahanchi tok.

21. Mihma hatak moma kv̄t a hikia he v̄lhpesa kv̄t hikīvt binah h̄a apakfoypa tok; mihma tv̄shka chipota laua yv̄t yihlepv̄t yaiya mv̄t, maleli tok.

22. Mihma tahlepa tuchina kash osh isht p̄ufa olahanchi tok; mihma Chihowa hv̄t tv̄shka chipota laua ȳa hatak puta ī bv̄shpo falaia ilap b̄ika isht it ī sanalichi tok; mihma tv̄shka chipota laua yv̄t yihlepv̄t Selelalh imma Belh-shittah h̄a, micha Tabbalh Abel-meholah v̄hli ka ona tok.

23. Mihma Israel hatak v̄hleha hv̄t Naftali, micha Asha, micha Manasseh moma aiena ka akohchv̄t itihoyot itvnaha cha, Mitianait v̄hleha h̄a iakaiyv̄t hlioli tok.

24. Mihma Kiteon vt anumpa shali ȳa Eflaim nv̄nih moma ka tihlelit, Akowv̄t hv̄sh minti cha, oka Belh-balah, micha Chatan ont ai v̄hli ka tikba hv̄sh ai ishashke, ahanchi tok. Mihma Eflaim hatak moma kv̄t iti hoyot itvnaha cha, oka Belh-balah, micha Chatan ont ai v̄hli ka ishi tok.

25. Mihmv̄t Mitianait tv̄shka pehlich̄i tuklo Oleb, micha Seeb a ishi tok: micha Oleb a Oleb tv̄li onochit v̄bi cha, Seeb a p̄aki a hollokchi Seeb in talaia ka ai v̄bi tok; micha Mitian a hlioli tok, mihmv̄t Oleb, micha Seeb noshkobo h̄a ishit Chatan mish tv̄nnvp Kiteon a isht im ona tok oke.

CHAPTA VIII.

YUMOHMI ma Eflaim hatak v̄hleha hv̄t, Nanta katiohmi h̄o ish pi yakohmichi tuk oh cho? Mitianait v̄hleha h̄a itibit ish ia mv̄t, chik pi hoyo kv̄t, achi tok; mihmv̄t okla itachowv̄t ī kullo tok.

2. Mihma, Uno kaniohmi li tuk vt chishno ȳa nanta isht ahoba cho? Eflaim p̄aki v̄lbv̄lli ak osh achukma kv̄t Abiese vt p̄aki v̄mo ka ī shahli keyu?

3. Chitokaka yv̄t Mitian tv̄shka pehlich̄i Oleb, micha Seeb a hv̄ch ibbak fohki tuk oke: yohmi ka nanta hak o nana hv̄sh yv̄mihechi tuk o chohmi h̄o yv̄mihechi la hinla tuk o? im achi tok. Yvmohmit yv̄mma achi ma, anukhobela tuk vt ī yokopa tok.

4. Mihma Kiteon vt Chatan a ona tok; mihmut ymma, micha hatak tahlepa tuchina apihvt aya kash aienvt hoyvbli kia, hlioli moyuma hosh hlopulli tok.

5. Mihma Sukkolh hatak vhleha ha, Okla si akaiya ka pska lumbo kanohmi ka hvsh imashke, hvchim asilhha lishke: hoyvbli hoka, micha Mitian miko Sebah, micha Salmunna ita tuklo ka hlioli li hoke, im achi tok.

6. Mihma Sukkolh okla pehlichu vhleha hv, Sebah, micha Salmunna ibbak vt chibbak a foyuka tuk o, chin tvshka chipota ya pska il ipeta hinla cho? achi tok.

7. Mihma Kiteon vt, Yvmohmi ka Chihowa yvt Sebah, micha Salmunna ya svbbak fohkikma, yakni haiaka kvt, micha onush isht nihechi aiena ho hvchi nipi ya ishit hllilichi la chi hoke, achi tok.

8. Michu ymma vtvt vt Penuel a ona mv, yvmak inli ho i miha tok: mihma Penuel hatak vhleha hv afalamichit anumpuli kv, Sukkolh hatak vhleha hv afalamichit anumpuli tuk mak o chohmi tok.

9. Mihma Penuel hatak vhleha hak kia im anumpulit, Si achukmakvt falamvt vla likmv, holihta chaha ilvppa kinvfi la chi hoke, achi tok.

10. Mihma Sebah, micha Salmunna itatuklo kv, micha in tvshka chipota, hatak tahlepa sipokni auah talilapi foka hosh hvshi akochaka in chipota tvshka chipota laua yatuk a hlakofi tuk vt moma mak o aiena kv Kalko ak o aiasha tok; hatak bvshpo falaia ieshi vt tahlepa sipokni tahlepa achvfa cha, pokoli tuklo hosh akvma tuk oka.

11. Mihma Kiteon vt Nobah, micha Chokbehah hvshi akochaka imma vhtipo aiasha hina ia hosh tvshka chipota laua ya ont issot kanchi tok; tvshka chipota laua yvt ik nuktahlo hatuk oka.

12. Mihma Sebah, micha Salmunna vt tihlaiya ma, hlioli tok; micha Mitian miko tuklo Sebah, micha Salmunna yash ishi cha, tvshka chipota laua ya komuntvchit yuhli tok.

13. Mihma Choash ushi Kiteon vt hvshi vt ik kohcho kisha ho tenvp aya tuk vt falama tok.

14. Michu Sukkolh hatak vhleha ha ai achvfa hatak hi-

mita y_o hokli cha, i ponaklo tok: mihma Sukkolh pehlich i vhleha, micha hatak asvnonchi vhleha aiena yvmmvt pokoli untuklo cha, untuklo h_o holissochit anoli tok.

15. Mihma Sukkolh hatak vhleha h_a im ona cha, Yakeh Sebah, micha Salmunna yvmma isht hvsh yopulvt, Sebah, micha Salmunna ibbak vt chibbak a foka tuk o, hatak chi apehvt aya hoyvbi ka pvska il ipeta hinla cho? ishit hvs si ahanchi tuk mak oke, achi tok.

16. Mich a tumaha holihta hatak im asvnonchi vhleha yash ishi cha, yakni haiaka kvti, micha onush isht nihechi aiena h_o Sukkolh hatak vhleha h_a nan isht im avvchi tok.

17. Mihmvt Penuel holihta chaha y_a kinvffi cha, tumaha holihta yash hatak vhleha h_a vbi tok.

18. Yvmohmi mvt Sebah, micha Salmunna itatuklo ka, Tabo hvsh ai vbi kvt hatak katiohmi hatok o? im achi ma, afalamichit anumpuli mvt, Chi kaniohmi ka, yvmmak kia yohmi tok: miko y_o ushi vhleha nana chohmi bieka tok.

19. Mihma Kiteon vt, Itibapishi li vhleha ha tok, hvshki ushi vhleha ha tok oke: Chihowa yvt okchaya pulla ka apowvt ish okchalanchi tuk okma, hvchibe la he tuk keyu hoke, achi tok.

20. Mihmvt ushi uttahpi fehna Chehle y_a, Wakaya cha, vbi, im achi tok. Yohmi kia hatak himita vt bvshpo falaia y_a shufit ik esho tok: vlla fehna moma hatuk osh nukshopa hokvt.

21. Yohmi ma Sebah, micha Salmunna vt, Chishno vt ish wakaya cha, ish pi onvtolashke; hatak ak osh kaniohmikma, imi hlampko hvt yvmohmi chatuk oka, achi tok. Mihma Kiteon vt wakaya cha, Sebah, micha Salmunna y_a vbi mvt, nan isht il akshema i kamel inuchi tuk a im ai ishi tok.

22. Yohmi ma Israel hatak vhleha hvt Kiteon a, Ish pi pehlichashke, chishno, micha chiso, micha chiso h_a iso ak kia aiena kvt: chishno ak osh Mitian ibbak a ish pi hlakofichi tuk okvt; im achi tok.

23. Mihma Kiteon vt, Hvchi pehlich i la he keyu, svso hak kia hvchi pehlich a he keyu: Chihowa ak osh hvchi pehlich a hi oke, im achi tok.

24. Mihma Kiteon vt, Nana asilhha achvfa hq hvchim ahni lishke, yummvt hatak hvsh puta kv̄t na wehpoa haksobish takali immi aiyukali kv̄t hvs sv̄mashke, im achi tok. (Ishmaelait vhleha atuk okvt, tvli holisso lakna haksobish takali vt im āsha tok oke.)

25. Mihma afalamichit anumpuli mv̄t, Aiokpanchit e bohlahske, im achi tok. Mihmv̄t nafohka patali cha, hatak puta kv̄t na wehpoa haksobish takali immi aiyukali kv̄t pit fohki tok.

26. Mihma tvli holisso lakna haksobish takali asilhha tuk weki kv̄t tvli holisso lakna shekel tahlepa sipokni achvfa cha, tahlepa untuklo tok; nan isht il akshema puta, micha ikunla inuchi, micha nafohka hummaiyi Mitian m̄iko vlbeha tuk, micha itatakvi kamel vt inuchi tuk puta kv̄t aiena tok.

27. Mihma Kiteon vt efot a ai ikbi cha, in tv̄maha holihta, yummvt Oflah yak o bohli tok: mihma Israel moma kv̄t irt hault iakaiya tok: yummvt Kiteon, micha in chuka achvfa isht ai ibetv̄bli tok.

28. Yakohmi hosh Mitian vt Israel im vlla vhleha itikba ya i nutaka cha, i himmakma noshkobo ha ik akachakalecho tok. Mihma Kiteon i nitak afv̄m̄mi pokoli ushta ka yakni vt achukmv̄t talaia tok.

29. Mihma Chelub-baal Choash ushi vt irt ilap in chuka akinli hq ont ahanta tok.

30. Mihma Kiteon vt ilap nipi tobachi vt ushi nakni pokoli untuklo tok; tekchi vt in laua tok okvt.

31. Mihma im itaiena yvt Shechem a anta tuk osh, yvmak kia vlla nakni yo im eshi na, hohchifo ka Abimilech hochifo tok.

32. Mihma Choash ushi Kiteon vt sipokni achukma hosh illi cha, iki Choash im ahollopi yvt Oflah Abieslait vhleha yakni ahikia ka a hollopi tok.

33. Atuk o yakohmi tok, Kiteon vt illi mak inli hq, Israel im vlla vhleha hv̄t anonti falamvt hault ia cha, Baalim a iakaiya cha, Baal-belilh naholbvt toba ya aiokp̄r̄chi tok.

34. Micha Israel im vlla vhleha hv̄t Chihowa in Chito-

kaka yummak osh in tynep vt apakfoyupa tuk ibbak a ahla-kofichit kohonchi tuk a ik ithaiyano tok.

35. Micha Chelub-baal, yummvt Kiteon in chuka achvfa ya, yummvt Israel a i kana tuk a chiyuhmit okla i kana tok keyu hoke.

CHAPTA IX.

YUMOHMI ma Abimilech Chelub-baal ushi vt Shechem onvt, ishki itibapishi vhleha ha im ona cha, itim anumpulit, micha ishki ya iki in chuka achvfa moma ka itim anumpulit yak ahanchi tok.

2. Shechem hatak moma ka im anumpulit hvsh haklo-chashke, hvchim asilhha lishke, Chelub-baal ushi vhleha pokoli untuklo kak osh hvchi pehlichy kvv hvchim vhpiesak-ma, ak cho? achvfa hosh hvchi pehlichy kak oh cho? hvsh im achashke, micha vno chy foni, micha chy nipy ak inly sia ka, hvsh ithaiyanashke, chy tok.

3. Mihma ishki itibapishi vhleha hvv anumpa ilvppa puta ka Shechem hatak moma ka isht im anumpuly tok: mihma chukvsh vt Abimilech a iakaiya kak o nukfoyuka tok: Pitybapishi hoka, chy hatuk osh.

4. Micha tvly hvta tushahly pokoli untuklo ho Baal-belily in chuka ya a kohchit okla ima na yummak o Abimilech vt hatak makaly, micha hatak ilefenvchy ya ishit tohno na iakaiya tok.

5. Micha iki in chuka Oflah talaia ka ona cha, itibapishi vhleha Chelub-baal a ushi vhleha hatak pokoli untuklo ho tvly achvfa ho onochit vby tok: yohmy ky Chohlam Chelub-baal ushy ishtaiyopy vto hlakofy, luma hatuk osh.

6. Mihma Shechem hatak moma kvv ity hoyot itynaha, micha Mily in chuka moma aiena kvv itv, holihta Shechem talaia baiyy ya bilya kak o Abimilech a miko ay ikby tok.

7. Atuk o Chohlam a im anoly ma, itv Kelisim nvnily paknaka ont hiky chy, chitolit pahayvt, Hvs sa haponaklashke, Shechem hatak vhleha hvchy ma! yumohmy ho Chitokaka yvt hvchy haponaklashke.

8. Pehlichā chī ka iti putā kvt himonna mā nan ahemmit miko ikba chī hosh kohchvt ia tok: micha Alif vpi yā, Ish pī mikashke, im achi tok.

9. Yohmi kia Alif vpi vt, Sa nia yummak o Chitokaka, micha hatak aiena ka ishit holitoblichī chatuk a issa lish, ivt iti putā kak o pehliechit o wakayvt hikia la hinla cho? im achi tok.

10. Mihma iti putā kvt fik vpi yā, Ish la cha, ish pī mikashke, im achi tok.

11. Yohmi kia fik vpi vt, Sa champuli tuk, micha vni achukma hō vni li tuk vt kanchi lish, iti putā kak o pehliechit o wakayvt hikia la pinla cho? im achi tok.

12. Yvmohmi mā iti putā kvt paki vpi yā, Ish la cha, ish pī mikashke, im achi tok.

13. Mihma paki vpi vt, Ūm oka paki yā yummvt Chitokaka, micha hatak a chukvsh yukpali chatuk a issa lish, ivt iti putā kak o pehliechit o wakayvt hikia la hinla cho? im achi tok.

14. Yvmohmi mā iti putā kvt shumo yā, Ish la cha, ish pī mikashke, im achi tok.

15. Mihma shumo vt iti putā ka, Ahli mak osh hvchi pehlichī miko hrs sakbi hokmvt, vlt a hoshontika nutaka yā hvsh atukkashke: keyukma luak vt shumo yā akohcha cha, Lebanon chuahla yā hukmit tahlashke.

16. Yvmohmi ka himak a Abimilech a miko hvsh ikbi kvt, chukvsh ai ahli apissanli tuk okma, micha Chelub-baal, micha in chuka achvfa yā ai vlpiesa, micha ibbak asitvbi tuk vlpesa kak o hvsh i yvmohmi tuk okma,

17. (Aki vt hvchim itibit, im ilhfiopak a ishkvnapvchi fehvt, Mitian ibbak a ahlakofichit hvchi kohchichi tok.

18. Yvmohmi tok a himak nitak a aki in chuka achvfa yā i sanalit hvsh wakaya cha, ushi vhleha hatak pokoli untuklo hō teli achvfa onochit hvsh bi cha, in tishu ohoyo ushi Abimilech a hvch itibapishi hoka, Shechem hatak vhleha hā i miko hvsh ikbishke.)

19. Yvmohmi ka chukvsh ai ahli hosh himak nitak a Chelub-baal, micha in chuka achvfa yā hvsh i yvmohmi kvt

ahlikmut, yohmikmut Abimilech a hush a yukpakma, Abimilech vt hvchi a yukpashke.

20. Amba keyukma, luak vt Abimilech a akohcha hosh Shechem hatak vhleha, micha Millo in chuka ya hukmit tahlashke: micha luak vt Shechem hatak vhleha, micha Millo in chuka ya akohcha hosh Abimilech a hukmit tahlashke, in achi tok.

21. Mihmut Chohlam vt malelit knivt, Bee ak o ona cha, itibapishi Abimilech a i nukshopa kak osh yummak o vta tok.

22. Abimilech vt Israel a i miko tok afummi tuchina ma,

23. Yohmi ma Chitokaka yvt shilombish okpulo ya Abimilech, micha Shechem hatak vhleha ha itintakla ya pila tok; mihma Shechem hatak vhleha hvt ai vhpiesa keyu ho Abimilech a i yrmohmi tok.

24. Yrmohmi ho Chelub-baal ushi pokoli untuklo ka ilbvshali tok vt micha im issish vt itibapishi Abimilech yummak osh vbi tok a, micha Shechem hatak vhleha, yummvt itibapishi vhleha vbi ka apelvchi tok aiena ka ant onvtoyula chi hatok.

25. Mihma Shechem hatak vhleha hvt im aiehchi hatak a nvni paknaka ashachi na yumma pilla ka kva hosh ayakma, moma okla wehpuli tok: atuk o Abimilech vt im annoa tok.

26. Mihma Kaal Ebet ushi vt mintit itibapishi vhleha itapihvt Shechem a ona tok: mihma Shechem hatak vhleha hvt anukhieto tok.

27. Atuk osh kohchvt osapa ona cha, paki ya vmot tahli mut, ahvhlchi cha, chepullit nayukpvt aiasha tok: mihmut i naholbvt toba im aboha chukowa cha, impvt, nan ishkot aiasha mut, Abimilech a kalakshichit mihachi tok.

28. Mihma Kaal Ebet ushi vt, Abimilech vt kva ho? micha Shechem vt kva hatuk o il im antia hinla ho? Chelub-baal ushi keyu? Sebul ak osh im anumpeshi keyu ho? Hamo hatak vhleha Shechem iki ak o hush im antiashke: nanta katiohmi ho yumma il im antia hinla cho?

29. Mich a okla ilvppa sabbak a i nutakvchi tuk okbano,

yohmikma Abimilech a kuvvlicchi la hinla, achi tok: mih-mvt Abimilech a, Chin tvshka chipota ya ish lauachi cha, ish kohchashke, im achi tok.

30. Atuk o Sebul tmaha holihta pehlicchi vt, Kaal Ebet ushi im anumpa ha haklo mvt, im ai i nukkilli vt libbi tok.

31. Mihmvt Abimilech a anumpa shali vhleha ha lumvt i pilvt, Yakeh! Kaal Ebet ushi vt, micha itibapishi aiena kv Shechem a vlvshke; micha yakeh! chi sanalit tmaha holihta ya ai yimilichishke.

32. Yohmi ka inta! ninak a wakaya cha, chishno, micha okla chi apehvt aiasha aiena kv, micha osapa yak o hvsh im aiehchashke.

33. Atukma yakohma chi hoke, onnahinli hvshi kohcha mak inli ho onnahinli fehna ho wakayvt, tmaha holihta ya akanvllit ish fahamashke, micha yakeh! yvmma, micha okla apehvt aiasha kv kohchvt chitibikma, kaniohmi na ish pisakmvt, nana ho kaniohmichi chi brnnakmvt, ish yvmohmashke, achi tok.

34. Mihma Abimilech vt, micha okla apehvt aya tuk aiena kv ninak o wakaya, aya ushta hosh Shechem a im aiehchit aiasha tok.

35. Mihma Ebet ushi Kaal vt kohchvt tmaha holihta a chukowa holihta okhissa ya hikia tok: mihma Abimilech, micha okla apehvt aya tuk moma kv im aiehchit aiasha tuk vt wakaya tok.

36. Mihma okla ha Kaal vt pisa mvt, Sebul a, Yakeh! okla hv nvnih ha akowvt mintishke, im achi tok. Mihma Sebul vt, Nvnih hv hoshontika kak osh hatak ahoba ho ish pisa hoke, im achi tok.

37. Mihma anonti Kaal vt anumpulit, Pisá, okla hv bvcha i shahli ha minti ma, aya inla kv baiyi Meonenim pilla ho mintishke, achi tok.

38. Yvmohmi ma Sebul vt, Chitih isht anumpulit, Abimilech ak osh kvta hatuk o il im antia hinla cho? ish ahan-chi tuk mvto? okla ilvppak o ish shitilema tuk mak keyu? inta! himak a ish kohcha cha, ish itibashke, im achi tok.

39. Mihma Kaal vt Shechem hatak vhleha ha itikba ia cha, Abimilech a itibi tok.

40. Mihma Abimilech vt hlioli na i maleli ma; laua kut akakohvt, micha nvhlvt mahayvt holihta okhissa a chukowa ya ona tok.

41. Mihma Abimilech vt Alumah yak o vtta tok: mihma Sebul vt Kaal, micha itibapishi vhleha ha kohchichi na Shechem a vtta he keyu tok.

42. Atuk o yakohmi tok, onna ma okla hvvt kohchvt osapa ona tok: mihma Abimilech a im anoli tok.

43. Mihma okla ishit apelhichi tuchina ho ita kvshkoli mvt, im aiechhit hoyot osapa ya aiasha ma, yakeh! okla hvvt tmaha holihta ya kohcha tuk o pisa tok: mihma wakayvt itibi cha, issot kanchi tok.

44. Mihma Abimilech, micha aya achvfa apeha tuk vt yihlept tikba ivt, tmaha holihta okhissa achukowa ya hieli tok: mihma aya tuklo kvto okla moma osapa aiasha ka o yihlepa cha, vbit tahli tok.

45. Mihma Abimilech vt tmaha holihta ya itibi na nitak ymmvt shohbi tok: micha tmaha holihta ya ishi cha, okla aiasha ka vbit tahli mvt, tmaha holihta ya tivblit tahli cha, hvpi o fimmit tahli tok.

46. Mihma Shechem chuka chaha ai atoni hatak aiasha tuk vt ymma haklo mvt, naholvt toba Belilh in chuka holihta chaha nahalupa aiasha ya okla chukowa tok.

47. Mihma Shechem chuka chaha ai atoni hatak moma kvvt iti hoyot itnahvt aiasha ka, Abimilech a im anoli tok.

48. Mihma Abimilech vt ivt nvnih Salmon a oiyvt, ilap, micha okla apelvvt aya tuk moma kvvt ona tok; mikma Abimilech vt iskifa ishi cha, iti naksish chanlit tvblit ishi cha, tahchi onochi mvt, okla apelvvt aya tuk a, Nana kaniohmi li ka hvv sa pisa kvvt, tushptvvt nana kaniohmi li ka hvsh yv-mihchashke, im achi tok.

49. Mihma okla moma kvvt iti naksish tvbli ak inli bieka cha, Abimilech a iakaiya mvt, holihta chaha nahalupa aiasha ya ai itnahli cha, holihta chaha nahalupa aiasha ya luak on tikelichi tok: yohmi na Shechem chuka chaha ai atoni hatak aiasha tuk moma kvvt ymmak kia hatak, micha ohoyo tablepa sipokni achvfa foka hosh illit taha tok.

50. Yvmohmi ma Abimilech vt Hlebes a ona cha, Hlebes a abinachit itibi cha, ishi tok.

51. Yohmi kia tvmaha holihta ya chuka chaha ai atoni kello hosh talaia tuk o yvmmak o hatak, micha ohoyo moma, micha tvmaha holihta aiasha tuk moma kv yihlepvt chukowa cha, il on okhishta mvt, chuka chaha ai atoni paknaka ya ona tok.

52. Mihma Abimilech vt chuka chaha ai atoni ya ona cha, itibi mvt, luak ishit hukma chi hosh chuka chaha ai atoni okhissa ya bilika ona tok.

53. Mihma ohoyo achufa hosh tanchi afotoha teli tushafa yo Abimilech noshkobo ha ishit kahlaha chi hosh et pila tok.

54. Yohmi ma tushpa hosh in tishu hatak himita i nahalupa sholi ya i howvt, Chi brshpo falaia ya ish shufi cha, is subashke, yohmi na hatak vt, Ohoyo hosh vbi tuk ik si acho kashke, im achi tok. Mihma hatak himita ash osh ishit bahlit hlopullich na illi tok.

55. Yvmohmi ma Israel hatak vhleha hvt Abimilech vt illi na pisa mvt, iet airtta ai yukali ona tok.

56. Yakohmi hosh Chitokaka yvt Abimilech nan ashvchit iki ya nana kaniohmichit itibapishi pokoli untuklo vbi tok a onochi tok.

57. Micha Shechem hatak vhleha nana ik achukmo yvmohmi tuk puta ka Chitokaka yvt ilap noshkobo hak o onochi tok: mihma Chelub-baal ushi Chohlam vt nana ik achukmo ka he anumpa anumpuli tok mak osh onvtola hatok.

CHAPTA X.

YUMOHHI ma Abimilech a iakaiyvt Israel a apela chi kv Toto ushi, Puah ushi yosh Tola Issaka hatak osh hikia tok: micha Shami Eflaim nvni ak o vtta tok.

2. Micha Israel a afvmmi pokoli tuklo akucha tuchina ho nana im apesa mvt, illi cha, Shami yak o a hollopi tok.

3. Mihma iakaiya kv Chai Kileat hatak osh hikia cha, Israel a afvmmi pokoli tuklo akucha tuklo ho nana im apesa tok.

4. Mihma yummvt ushi vt pokoli tuchina hosh issuba haksobish falaia ushi vt i pokoli tuchina om binohli; micha tmaha holihta yvt pokoli tuchina himak nitak a Hafolh Chai hohchifo hosh Kileat yakni talaia yummak osh im aia-sha tok.

5. Mihma Chai vt illi cha, Kamon ak o a hollopi tok.

6. Mihma Israel im vlla vhleha hvt Chihowa itikba ya nana ik achukmo ka yvmohmit Baalim, micha Ashtaloh, micha Silia i naholbvt toba puta, micha Siton i naholbvt toba puta, micha Moab i naholbvt toba puta, micha Ammon in chipota i naholbvt toba puta, micha Filistin vhleha i naholbvt toba puta aiena kak o aiokprchi cha, Chihowa ya issa cha, ik im antio tok.

7. Mihma Chihowa im ai i nukkilli vt libbit Israel a i saneli cha, kanchit Filistin okla ibbak a fohki mvt, Ammon in chipota aiena ka ibbak a fohki tok.

8. Mihma afvmmi yvmma Israel im vlla vhleha ha afvmmi auah untuchina ho apistikelit ilbvshali tok, Israel im vlla vhleha moma Chatan mish tennvp Amolait vhleha i yakni Kileat aiasha kak atok.

9. Michā Ammon in chipota hvt Chatan a vbanvblit Chutah, micha Benchamin, micha Eflaim in chuka achufa ya itibi tok: yvmohmi ho Israel vt ilbvsha fehna tok.

10. Mihma Israel im vlla vhleha hvt Chihowa ya i pahayvt, Pin Chitokaka ya il issa cha, Baalim a il aiokprchi kak osh pi yoshuhumba tuk oke, achi tok.

11. Mihma Chihowa yvt Israel im vlla vhleha ha, Uno ak osh Echip okla, micha Amolait vhleha, micha Ammon in chipota, micha Filistin vhleha aiena ka a hvchi hlakofichi li tok keyu?

12. Sitonian vhleha ak kia, micha Amalekait vhleha, micha Maonait vhleha aiena kv hvch ilbvshali tok; mihma hvs sa pahaya ma, ibbak a ai i mokofit hvchi hlakofichi li tok oke.

13. Yohmi kia hvs sa kanchi cha, okla inla i naholbvt toba puta ka hvsh aiokpahanchi tuk oke: yvmohmi ka himakma hvchi hlakofichi la he keyu hoke.

14. Oh ia cha, naholbvt toba vhleha hvsh ahni tuk ak osh hvsh i pahayashke.

15. Mihma Israel im vlla vhleha hvt Chihowa ya, Pi yoshuhumba tuk oke: nana ho vhpesa ish ahnikmvt, ish pi yvmihchashke; peh himak nitak a ish pi hlakofichashke, e chim asilhvshke, im achi tok.

16. Mihmvt okla inla i naholbvt toba puta kvv im ai itintakla aiasha ka kanchi cha, Chihowa yak o im antia tok: mihma Israel vt ilbvsha kak o imi shilombish vt nukhaklo tok.

17. Mihma Ammon in chipota vhleha hvt itvnahvt, Kileat ak o abinachi tok. Mihma Israel im vlla vhleha hvt itiho-yot itvnaha cha, Mispeh yak o abinachi tok.

18. Mihma Kileat okla, micha pehlich i vhleha aiena kvv, Hatak kvta hosh Ammon in chipota ha itibit ishit wakaya chi cho? kvna hosh yohmikmvt, Kileat okla moma ka i noshkoboka ya chi hoke, im achi tok.

CHAPTA XI.

YOHMI ma Chefhlah Kileat hatak hlampko chilita nuk-wia iksho hosh ohoyo hau i ushi atok; mihma Kileat vt Chefhlah ya tobachi tok.

2. Mihma Kileat tekchi vt ushi vhleha im eshi tok; atuk osh tekchi ushi vhleha hvt hofantit taha mvt, Chefhlah ya kocha pit tobli cha, Piki in chuka achvfa ya ish ahalaia he keyu, ohoyo inla ushi chia hokvt, im achi tok.

3. Yvmohmi ma Chefhlah vt itibapishi vhleha ha i maleli cha, Tob yakni ak o ont ai vta tok: mihma hatak makali puta kvv Chefhlah ya im itvnaha cha, awant kohchvt ia tok.

4. Atuk o nitak inla ma yakohmi tok, Ammon in chipota hvt Israel a in tanampi tok.

5. Atuk ash o Ammon in chipota hvt Israel a in tanampi ma, Kileat hatak asvnonchi vhleha hvt Chefhlah ya Tob yakni ya ont ai isht vla chi hosh ia tok:

6. Micha Chefhlah ya, Ish minti cha, pi kvpitvni ish toba na Ammon in chipota ha il itibashke, im achi tok.

7. Mihma Chefhlah vt hatak asvnonchi vhleha hash, Hvs sa nukkilli cha, aki in chuka ya kocha pit hvs san tobli tok keyu? micha nanta katiohmi ho hvch ilbvsha mvto himak a hvs svm vla cho? im achi tok.

8. Yvmohmi ma Kileat hatak asvnonchi vhleha hash osh Chefhlah ya, Yvmohmi kak o pi awant ish ia cha, Ammon in chipota ha ish itibi cha, pi noshkoboka tobtv Kileat okla moma ish i shahla chi ho, himak a anonti filemtv e chi pi-hisvshke, im achi tok.

9. Mihma Chefhlah vt Kileat hatak asvnonchi vhleha hash, Ammon in chipota ha itibi la chi ka an chuka hvs vsst onatuk o, Chihowa hvv yvmma vma hokma, hvchi noshkoboka sia ha chi cho? im achi tok.

10. Mihma Kileat hatak asvnonchi vhleha hash ot, Chihowa ak osh pim atokolashke, chim anumpa ha ke yvmohmoka, im achi tok.

11. Mihma Chefhlah vt Kileat hatak asvnonchi vhleha awant ia ma, okla hvv i noshkoboka, micha kvpitvni ikbi tok: mihma Chefhlah vt Mispah ya ilap im anumpa moma Chihowa itikba ya ai anumpuli tok.

12. Mihma Chefhlah vt Ammon in chipota i miko ya anumpa shali vhleha i pila mvt, Nanta isht hvs si ahalaia hosh a yakni satibit ish la cho? achi tok.

13. Mihma Ammon in chipota i miko vt Chefhlah im anumpa shali vhleha ha afalamichit, Israel vt Echip a kohchvt aya kvv, a yakni ya vm ai ishi tok, Anon a vttvt ivt Chabbok, micha Chatan ona ai vhli ka yvmohmi tok: yvmohmi ka himak a it i kanvt yakni yvmma puta ka anonti hvsh falvmmichashke, im achi tok.

14. Mihma Chefhlah vt anonti anumpa shali vhleha ha Ammon in chipota i miko ya i pila tok.

15. Micha, Ilvppak o Chefhlah vt achishke, Israel vt Moab a yakni im ishi tok keyu, Ammon in chipota ha yakni ak kia im ishi tok keyu hoke.

16. Amba Israel vt Echip a kohchvt yakni haiaka nowvt aya mvt, Okhvta hvmma hlopullit Katesh a vla tok.

17. Yohmi mvt Israel vt Etom i miko ya anumpa shali

vhleha ha i pila mvt, Chi yakni ya hlopulli lashke, chim asilhha lishke, achi tok: yohmi kia Etom i miko vt i haponakla he keyu tok. Micha Moab i miko ma yummak inli chohmi ho i pila tok; yohmi kia vhpesa ahna he keyu tok. Mihma Israel vt Katesh ak o aiasha tok.

18. Yvmohmi mvt yakni haiaka hlopullit ivt Etom yakni, micha Moab yakni aiena ka apakfopa cha, Moab i hvshi a kochaka imma yo minti hosh Anon mish tennv a abinachi tok; yohmi kv Moab ai vhli fullota ka ont chukowa tok keyu: Anon yummak okvt Moab yakni ai vhli atuk oka.

19. Mihma Israel vt Sihon Amolait okla i miko, yummvt Heshbon i miko anumpa shali vhleha ha i pila tok; micha Israel vt, Chi yakni ya hlopullit pi yakni ya il onashke, e chim asilhhvshke, im achi tok.

20. Yohmi kia Sihon vt Israel a ik i yimmo hosh i yakni ya ik hlopulli, ik ahno tok: amba Sihon vt im okla moma ka hoyot itvnahli cha, Chahas a abinachi cha, Israel a itibi tok.

21. Mihma Israel Chihowa in Chitokaka yvt, Sihon, micha im okla moyuma ka Israel ibbak a fohki na okla issot kanchi tok: yohmi ho Israel vt yakni ymma okla Amolait vhleha i yakni moma ka ishit a binili tok.

22. Micha Amolait vhleha i yakni Anon vttvt ia kv Chabbok ont ai vhli, micha yakni haiaka vttvt ia kv Chatan ont ai vhli aiena ka okla ishit abinili tok.

23. Yvmohmi ka himak a Israel Chihowa in Chitokaka ak osh Amolait vhleha yakni ya im ishit im okla Israel a i kanvllichi tok a, chishno vt ish isha he vhpesa cho?

24. Chi naholbvt toba Chemosh vt chima tuk ak o ish iesha he vhpesa keyu? Yvmohmi ka kvna ho Chihowa pin Chitokaka yvt pi tikba a tihlelit kocha wehlikma ymmak oka il iesha chi hoke.

25, 26. Yohmi ka himak a chishno vt Sippo ushi Balak Moab i miko ya i shahli nanta chia hoh cho? Israel vt Heshbon, micha in tmahushi puta, micha Aloe, micha in tmahushi puta, micha tmaha holihta moma, yummvt Anon afullota ka talohvt aya ka afvmmi tahlepa tuchina ho aiasha

ka, Balak vt himonna kia Israel a itibit, keyukmut himonna kia in tanampi tok o? yvmohmi ka nanta katiohmi ho yvma ititakla ka falvmminchit hvch ik esho chatuk oh cho?

27. Yvmohmi hoka chi sai yoshuba tuk keyu hoke, amba is san tanampi kv chishno ak osh ai vhpiesa keyu ka is si yvmihchi hoke: Chihowa Nanapesa yak osh himak nitak a Israel im vlla vhleha, micha Ammon in chipota vhleha aiena ka ilvppa fehna ka nan im apesa yashke, im achi tok.

28. Yohmi kia Ammon in chipota i miko vt Chefhlah vt anumpa i pila tuk a i haponakla he keyu tok.

29. Yvmohmi ma Chihowa imi Shilombish vt Chefhlan ya onvtola na Kileat, micha Manasseh ya hlopullit, micha Mispah Kileat a talaia ya hlopulli cha, Mispah Kileat a talaia ya vttvt ia mvt, hlopullit Ammon in chipota ha im ona tok.

30. Mihma Chefhlah vt ilap im anukfila hosh Chihowa nan im issa he ahnit anumpa il onochit, Ammon in chipota ha svbbak a fohkit is soma kv ahlikma,

31. Yvmohmikma yakohma he, Ammon in chipota i yakni ya si achukmakvt falamvt vla likmt, nana hosh an chuka okhissa ya kohchvt si afama chi hosh mintikmt, Chihowa immi pulla chi hoke, mikma Chihowa ya im issvt hukmit isht aiokpvchi la hi oke, achi tok.

32. Yvmohmi hosh Chefhla vt Ammon in chipota ha itiba chi hosh hlopullit im ona tok: mihma Chihowa yvt ibbak a fohki tok.

33. Mihmvt issot kanchi kv Aloe ya vttvt isht ia kv Minnilh ish ona ka ont vlichit, tmaha holihta pokoli tuklo ho issot kanchi hosh paki ahollokchi yakni patali ya ont vlichit na illi kv laua fehna tok. Yakohmi hosh Ammon in chipota hv Israel im vlla vhleha ha i nutaka tok.

34. Mihma Chefhlah vt in chuka Mispah ya a talaia ka ona tok; mihma yakeh! ushetik vt timblel ieshit, hihihlv kohchvt afama chi hosh minti tok; yvmmt im vlla yvmak bieka hatok; inla yvt ushi, pev ushetik nana kia iksho tok.

35. Atuk o yakohmi tok, pisa mvt, im anchi ya ita hlilvffi cha, Ikikkeh! soso tek ma! akanlosi is svst onvshke, sa

nukhaklochi ya ish ibai achufa hoke: svtih ha wakummit Chihowa ya im anumpuli li tuk osh, falama la he keyu hokvt, achi tok.

36. Mihma, Aki ma! chiteh wakummit Chihowa ish anumpuli tuk okmvt, nana hosh chitih ha a kohcha tuk mvt is si yumihashe; Chihowa yvt chin tnvvp Ammon in chipota pulla ka chim il aiokha tuk oka, im achi tok.

37. Mihmvt iki ya, Ilvppak osh a yvmohmashke: Heshi tuklo ho ik anta is svm ahnashke; yohmi ho nvni chaha oiyvt, micha akowvt itafullokahanchit hatak ak halelo kv isht ile yayvt aya lashke, vno, micha ohoyo sa bika iti kana li aiena kv, im achi tok.

38. Mihma, Ia, im achi tok. Mihmvt hvshi tuklo ho kanimila tok: mihma ohoyo bika iti kana aiena kv ia chnvni chaha paknaka yak o hatak ik halelo kv isht ile yayvt aya tok.

39. Atuk o yakohmi tok, hvshi tuklo kv ont taha ma, falamvt iki ya im ona na ymmvt ilap im anukfila hosh Chihowa nan im issa he ahnit anumpa il onochi tuk mak osh yumihechi tok: mihma hatak a ik ithano tok.

40. Atuk o Israel a ai yvmohmi vt, Israel ushetik vheha hv afvmmikma ivt, Kileatait Chefhlah ushetik a afvmmi achvakma nitak ushta ho ishit yahaya tok.

CHAPTA XII.

YUMOHMI ma Eflaim hatak vheha hv iti hoyot itnaha cha, falmmi pilla ivt, Chefhlah ya, Nanta katiohmi ho Ammon in chipota ha itibit ia hosh hlopullit ish aya hokak osh, chi avant il ia chi ka chik pi hoyo tuk o? chin chuka ya e chi a hukmicha chi hoke, im achi tok.

2. Mihma Chefhlah vt, Vno, micha vm okla hv Ammon in chipota ha il itin tanampi fehna, mihma hvchi paya li ka, ibbak a a kohchit is sa hlakofichi tuk keyu hoke.

3. Mihma hv sa hlakofichi keyu ho pisa li mvt, vm ilhfiopak a subbak fohkit ieshit, hlopullit Ammon in chipota ha

itibi li ma, Chihowa yvt subbak a fohki tuk oke: yvmohmi ka nanta katiohmi hō himak nitak a hvs svtiba chī hosh hvs svm vla cho? im achi tok.

4. Mihmvt Chefhlah vt Kileat hatak moma ka hoyot itv-nahli cha, Eflaim a itibi tok: mihma Kileat hatak vhleha hvt Eflaim a issot kanchi tok: Kileatait hvchia hvt Eflaim i flvmmit tihlaya hvchia hosh Eflaimait vhleha, micha Manas-sait vhleha aiena ka itintakla hvsh ai asha hoke, achi kak atok.

5. Mihma Kileatait vhleha hvt Chatan okhina akocha wiha Eflaimait vhleha itikba ai ishi tok: atuk o Eflaimait vhleha hvt yvmvt hlakofi tuk vt, Ak kohchá, achikma, Kileat hatak vhleha hash osh, Eflaimait chia hoh cho? im achi tok. Mihma, Keyú, achikma,

6. Yohmi hokma, Himak a Shibbolelh achí, im achi tok: mihma ai vllpiesa ka miha he keyu hatuk osh Sibbolelh achi beka tok. Yohmikma ishi cha, Chatan okhina akocha taloha ka ai vbi beka tok. Mihma nitak yvmma Eflaim hatak vhleha hvt tahlepa sipokni pokoli ushta akucha tuklo hosh illit akakoha tok.

7. Mihma Chefhlah vt afvmmi hannali hō Israel a nan im apesa tok: mihmvt Chefhlah Kileatait vt illi cha, Kileat tmaha holihta puta achvfa ka a hollopi tok.

8. Mihma yvmma iakaiya kvv Belh-lehem ai vtta Ibsam vt Israel a nan im apesa tok.

9. Micha yvmvt ushi vt pokoli tuchina cha, ushetik vt pokoli tuchina tok: ushetik vhleha hā tmaha inla pila mvt, tmaha inla ohoyo pokoli tuchina hō ushi vhleha hā ai i hoyo tok: micha afvmmi untuklo hō Israel a nan im apesa tok.

10. Yohmi ma Ibsam vt illi cha, Belh-lehem ak o a hollopi tok.

11. Mihma yvmma iakaiya kvv Elon Sebulonait osh Israel a nan im apesa cha, afvmmi pokoli hō Israel a nan im apesa tok.

12. Mihmvt Elon Sebulonait vt illi cha, Aichalon Sebulun i yakni talaia kak o a hollopi tok.

13. Mihma yumma iakaiya kv̄t, Hillel' ushi Abton Pila-lonait osh Israel a nan im apesa tok.

14. Mihmvt yummvt ushi vt pokoli ushta, micha ibaiyi hvt pokoli tuchina aiena hosh issuba haksobish falaia ushi pokoli untuklo hq̄ on chieya tok atok: micha yummvt afv̄m-mi untuchina hq̄ Israel a nan im apesa tok.

15. Mihmvt Hillel ushi Abton Pilahlonait vt illi cha, Pilahlon Effaim i yakni Amalekait nvnih hak q̄ a hollopi tok.

CHAPTA XIII.

YUMOHMI ma Israel im vlla vhleha hvt anonti nana ik achukmo ka Chihowa itikba a yrmohmi tok: mihma Chihowa yvt afv̄m-mi pokoli ushta hq̄ Filistin okla hā ibbak fohki tok.

2. Mihma Tan ai in chuka achvfa Solah hatak achvfa hosh ahanta hosh hohchifo kv̄t Manoah atok; mikma yvm-ma tekchi vt vlla ik im iksho yatuk osh ik esho tok.

3. Mihma ohoyo hash Chihowa im enchil vt i haiaka cha, Yakeh! vlla ik im iksho chia yatuk osh chik eshoshke: yohmi kia vlla ish shali cha, vlla nakui yo ish esha ch̄i hoke,

4. Yrmohmi ka himak a ahah! ish ahni cha, oka paki, micha nan ishko kv̄llo nana kia chik ishko kashke, micha nana ik kashofo nana kia chik po kashke, chim asilhha lishke.

5. Yakeh! vlla ish shali cha, vlla nakni yq̄ ish esha ch̄i hoka: mikma nutakhish ishit shafi nana kia noshkobo hā onvtoyula he keyu hoke: vlla yummvt im oshvto foka mo-ma hosh Chitokaka i Nasalait ya ch̄i hoke: micha Israel a Filistin okla ibbak a a hlakofichit isht ia ch̄i hoke, im achi tok.

6. Yrmohmi ma ohoyo hash osh i hatak a ont im anolit, Chitokaka a minti hosh hatak vt vm vla kv̄t i nashuka yvt Chitokaka im enchil nashuka chiyuhmi, holitopa fehna tuk: yohmi kia a minti tuk a ak i ponaklo, hohchifo hak kia ik svm anolo tuk oke.

7. Yohmi kia, Yakeh! vlla ish shali cha, vlla nakni yo ish esha chi hoke; yohmi ka himak a oka paki, micha nan ishko kullo nana kia chik ishko kashke, micha nana ik kashofo nana kia chik po kashke: vlla yummvt im oshvto foka moma hosh Chitokaka i Nasalait osh ayvt illa hi oke, vm achi tuk oke, achi tok.

8. Yvmohmi ma Manoah vt Chihowa ya im asilhhvt, An Chitokaka ma! Chitokaka a minti hatak et ish pila tuk vt anonti pim vla cha, vlla vtta chi ka e kaniohmicha chi ka pim abvchashke, achi tok.

9. Mihma Chitokaka yvt Manoah vt anumpuli ka i hapo-naklo tok; atuk o anonti ohoyo hash osh osapa binili ma, Chitokaka im enchel vt im ona tok: yohmi kia i hatak Manoah vto iksho tok.

10. Mihma ohoyo hash osh tushpvt ivt malelit, i hatak a ont im anoli cha, Yakeh! hatak vt nitak inla kash vm vla kash osh a haiakvshke, im achi tok.

11. Mihma Manoah vt wakaya mvvt, tekchi ya awant ia cha, hatak ash im ona cha, Hatak chishno ak osh ohoyo ha im anumpuli tuk chia hoh cho? im achi ma, Mih sia hoke, achi tok.

12. Mihma Manoah vt, Yohmi ka himak a chim anumpa hvvt ont ai ahlashke. Katiohmi hosh vlla nana il im apesa chi cho? micha nanta ho il i katiohmicha chi cho? achi tok.

13. Mihma Chihowa im enchel vt Manoah ya, Nana moma ohoyo ha im achi li tuk a ithaiyanashke.

14. Paki vpi nana atoba imma ka vpa he keyu, oka paki, micha nan ishko kullo nana kia ik ishko kashke, micha nana ik kashofo nana kia ik po kashke: nana moma im apesa li tuk a ithaiyanashke, im achi tok.

15. Mihma Manoah vt Chihowa im enchel a, Chi ataklvmmmit issi kosoma ushi ya e chim atahli hayashke, chim asilhha lishke, im achi tok.

16. Mihma Chihowa im enchel vt Manoah ya, Chik si ataklvmmi hoh kia, chi pvska ya vpa la he keyu: yohmi ka nahukmit isht aiokpvchi ish im issa hokmvvt, Chihowa hak

o isht ish aiokprehashke, im achi tok. Chihowa im enchel oka, Manoah vt ik ithano hatuk oka.

17. Mihma Manoah vt Chihowa im enchel a, Chi hohchifo hvt nanta hoh cho? yohmi tukma nana ish achi tuk puta kv̄t ont ai ahlikma, e chi holitoblashke, im achi tok.

18. Mihma Chihowa im enchel vt, Nanta katiohmi ho sa hohchifo ha ish a ponaklo cho? na fehna yoka, im achi tok.

19. Yvmohmi ma Manoah vt issi kosoma ushi, micha nan il impa isht aiokprechi aiena ka ishi cha, tv̄li ai onochit Chihowa im issa tok: mihma enchel ash osh nana a fehna ka yvmihchi na Manoah, micha tekchi itatuklo kv̄t pisv̄t hieli tok.

20. Yakohmi tok oka, luak vt libbit alta takalit v̄ba pilla maya ma, Chihowa im enchel vt v̄ba iv̄t alta luak libbi ka itibafoykv̄t ia tok; mihma Manoah, micha tekchi vt pisa tok, mihmv̄t nashuka ya aka ishit hlipkv̄chi tok.

21. Yohmi kia Chihowa im enchel vt i himmakma Manoah, micha tekchi itatuklo ka ik i haiako tok. Yohmi ma Chihowa im enchel atuk a Manoah vt ithana tok.

22. Mihma Manoah vt tekchi ya, Pilli pulla chi hoke, Chitokaka ya e pisa hokv̄t, im achi tok.

23. Yohmi kia tekchi vt, Chihowa yvt pilla he ak o v̄lh-pesa ahni hokmv̄t, nahukmit isht aiokprechi, micha nan il impa isht aiokprechi aiena ka pibbak a ai ishit pim aiokprecha he tuk keyu; micha nana ilv̄ppa puta ka pi haiakv̄cha he tuk keyu, micha himak ak kia nana ilv̄ppa puta ka pim anola he tuk keyu, im achi tok.

24. Atuk o ohoyo hash osh v̄lla eshi cha, hohchifo ha Samson hochifo tok. Mihma v̄lla yvt hofantit isht ia ma, Chihowa yvt yukpali tok.

25. Mihma yvmv̄t Solah, micha Eshtaol ititakla Tan binah ha ahanta ma, nitak kanimikma Chihowa imi Shilombish vt ilhkolicht isht ia beka tok.

CHAPTA XIV.

MIHMA Samson vt Timnalh a ona cha, Filistin okla ushetik v̄hleha ha ai achv̄fa ohoyo ho Timnalh a a pisa tok.

2. Atuk osh falamvt vla mvt, iki, micha ishki itatuklo ka im anoli mvt, Filistin okla ushetik vhleha ha ai achvfa ohoyo ho Timnalh a a pisa li tuk: yvmohmi hoka himak a sa tekchi yachi ho ishit hrs smashke, achi tok.

3. Yvmohmi ma iki, micha ishki itatuklo kv, Chitibapishi vhleha, keyukmvt vm okla moma ka ushetik vhleha ha ohoyo hv iksho nanta ho, ivt hakshup ik tapo Filistin okla ha ohoyo ish ai isha chi cho? im achi tok. Mihma Samson vt iki ya, Isht is smashke, ahninchli fehna hoka, im achi tok.

4. Yohmi kia Chihowa yak atuk mak o Filistin vhleha ha nan isht mihvt i sanali anukfilli ka iki, micha ishki itatuklo kv ik akostinincho tok; nitak yvmmak oka Filistin okla hv Israel a i shahli tok.

5. Yvmohmi ma Samson, micha iki, micha ishki aiena kv Timnalh a ivt ona tok, micha Timnalh paki ahollokchi ya ona tok: mihma yakeh! koi chito himita yvt kilihivt afama tok.

6. Mihma Chihowa imi Shilombish vt onvtola fehna ma, issi kosoma ushi yokma yvmihcha he tuk vt chohmichit hli-lffi tok, yohmi kv ibbak a nana foka tok keyu: yohmi kia nana kaniohmichi tuk vt iki, micha ishki itatuklo ka im anoli tok keyu hoke.

7. Mihma ia cha, ohoyo hash ont it im anumpuli tok: mihmvt Samson vt ahninchli fehna tok.

8. Atuk osh nitak inla ma ohoyo hash isha chi hosh ia tuk osh koi chito illi yash pisa chi hosh fullota tok; micha yakeh! foishki, micha foi bila aiena kv koi chito illi yash anukaka ya aiasha tok.

9. Mihma ibbak isht ishi cha, ahampvt ia tuk osh, iki micha ishki itatuklo ai ashwa ka ona mvt, ima na vpv okla tok: yohmi kia foi bila ya koi chito illi yash anukaka ya ai ishi tuk vt ik im anolo tok.

10. Yohmi ma iki vt ohoyo ai vtt ka ona tok: mihma Samson vt ipetvchi ikbi tok: hatak himithoa yvmmak o yohmi beka tok oka.

11. Atuk o yakohmi tok, okla pisa mvt, itapeha chi ka it i kana pokoli tuchina ho okla isht vla tok.

12. Mihma Samson vt Inta! himak a nana it im ithana

hvehin takalichi lashke: hvsh yvmohma hinlakmvt, nitak untuklo ipetrchi itintakla ka hvsh ithana cha, hvs svm anoli pullakma, ilefoka lumbo pokoli tuchina, micha nafohka fohka pokoli tuchina hō hveh ima lashke:

13. Amba hvs svm anola he keyukmvt, hvchishno ak osh ilefoka lumbo pokoli tuchina, micha nafohka fohka pokoli tuchina hō hvs svmashke, im achi tok. Mihma, Nan it im ithana ya ish takalichikma, e haklashke, im achi tok.

14. Mihma yvmmak ash osh, Nan vpa ya ilhpak osh a kohcha tuk, micha kvilo ya na champuli yosh akohcha tuk oke, im achi tok. Mihma nitak tuchina ka nan it im ithana ya otrninchit anola he keyu tok.

15. Atuk osh nitak ont isht untuklo ma Samson tekchi ya, Chī hatak a ish haksichi na pim anolashke, keyukma chishno, micha chīki in chuka achvfa ya luak isht e chi hukma chī hoke: nana il ieshi tuk a hvsh pim ai isha chī kv̄t hvsh pi hoyo tuk o? yvmmak keyu? im achi tok.

16. Mihma Samson tekchi ash osh yayvt, Is s̄a nukkilli kak bano cha, is s̄a hullo keyu hoke: vm okla in chipota h̄a nan it im ithana ish in takalichi ho kak osh chik svm anoloshke, achi tok. Mihma, Yakeh! āki, micha hvshki okm̄a, ak im anolo kv̄t, chishno ya chim anoli la hinl̄a? im achi tok.

17. Mihma nitak untuklo ipetrchi isht āsha itintakla ka yahaya tok: atuk o yakohmi tok, nitak ont isht untuklo ma anumpulichi fehna hatuk o im anoli tok: mihma im okla in chipota h̄a nan it im ithana ya im anoli tok.

18. Mihma nitak ont isht untuklo kv̄t hvshi vt ik okatulo k̄isha hō tmaha holihta hatak vhleha hv̄t, Nanta hak osh champuli kv̄t foi bila ya i shahli cho? micha nanta hak osh kv̄llo kv̄t koi chito ya i shahli cho? im achi tok. Mihma, A wak-tek himita ishit hvsh patrffi keyu tuk mvt, a nan it im ithana ya hvsh ithana he tuk keyu, im achi tok.

19. Mihma Chihowa imi Shilombish vt onvtola ma, ivt Ashkelon ā hatak pokoli tuchina hō vbi cha, wehpulit, nan it im ithana yash ithanvt okla hv̄t otrninchī tuk a nafohka fohka kanohmi ka ima tok. Michā chukvsh libbi mvt, īki in chuka ia tok.

20. Amba Samson tekchi ano ai itapeha ymma i kana chohmichi kash o ima tok.

CHAPTER XV.

YOHMI tuk kia yakohmi tok, nitak i himmak foka ma onush vmo yo, Samson vt issi kosoma ushi ishi cha, tekchi ya i nowut ona tok; micha, Aboha ya chukowut, sa tekchi ya iba chukowa lashke, achi tok. Yohmi kia iki vt ik chukowá, ik im ahno ki tok.

2. Mihma iki vt, Ish shitlemut vmohmi ahni li kut ahli tuk; yvmohmi hatuk osh ish ai itapeha ya ima li tuk: nakfish vt aiokli kut i shahli keyu? atobbichit yummak o ish ishashke, chim asilhha lishke, achi tok.

3. Mihma Samson vt ymma isht anumpuli mut, Himak a nan ik im achukmo ka ak yvmihchi hoh kia, anumpa onvtola keyu kut Filistin vhleha ha i shahli la chi hoke, achi tok.

4. Mihma Samson vt ivt, chula tahlepa tuchina ho hokli cha, hasimbish bika ititikelichi cha, hasimbish tuklo ka itintakla pula ha takalichi tok.

5. Micha pula ha luak lapalichi cha, Filistin vhleha im onush hikia ka, pit tihleli na onush talakchi, micha hikia aiena, micha paki ahollokechi, micha alif aiena ka hukmit tahli tok.

6. Yvmohmi ma Filistin vhleha hut, Keta hosh yakohmichi cho? achi tok. Mihma afalamichit, Samson Timnait iyup ak oke, tekchi yatuk a im ishi cha, ai itapeha ya ima kak o yvmihchi hoke, achi tok. Mihma Filistin vhleha hut vlvut ymma, micha iki aiena ka luak ishit hukmi tok.

7. Mihma Samson vt, Ilvppak okvno hvsh yvmihchi ak inli kia, hvchishno ya il aiokha la chi hoke, micha i himmakma issa la chi hoke, im achi tok.

8. Mihmut lauachit vbi na iyubi achoshuli, micha iyubi aiena kut iti onvtola tok. Mihmut Etam tvli chiluk ona cha, ai vtta tok.

9. Yemohmi ma Filistin vheleha hvt ivt, Chutah ya a bi-nachi cha, Lehi ak o pataiyvt aya tok.

10. Mihma Chutah hatak vheleha hvt, Nanta katiohmi ho pitibit hvsh la cho? achi tok. Mihma afalamichi mvt, Samson ak o e takehi cha, nana pi kaniohmichi tuk a ilap ma e yrmihcha chi hosh e la hoke, achi tok.

11. Yemohmi ma Chutah hatak tahlepa sipokni tuchina hosh Etam tvi paknaka ona cha, Samson a, Filistin okla hvt pi shahli ya chik ithano ke tuk oh cho? ilvppvt nanta ho ish pi yrmihchi cho? im achi tok. Mihma, okla si yrmihchi tuk mak o yrmihchi li tuk oke, im achi tok.

12. Mihma, E chi takehi cha, Filistin okla ibbak e fohka chi hosh e la hoke, im achi tok. Mihma Samson vt, Anumpa kullo il onochit hrs svba he keyu kvt hrs sa mihashke, im achi tok.

13. Mihma im anumpulit, Keyu, amba kullochit e chi takehi cha, yemma ibbak a e chi fohka chi hoke; amba e chiba he keyu kvt ahli hoke, achi tok. Mihmvt aseta himona tuklo ho tvi ya ont ishit takehi cha, ai isht vla tok.

14. Atuk o Lehi ya vla ma, Filistin vheleha hvt i shakapa tuk: mihma Chihowa imi Shilombish vt onvtola fehna ma, aseta ishit talakchi kash osh nuchi yosh luak o ishit lua tuk chohmi tok: mihma ibbak ishit talakchi tuk vt mokohli tok.

15. Mihma issuba haksobish falaia nutakfa foni himona yo ahayuchi cha, ibbak a pit weli cha, ishi mvt, hatak tahlepa sipokni achvfa ho isht vbi tok.

16. Mihma Samson vt, Issuba haksobish falaia nutakfa foni yo itenahahchi vt itontvlhkvechi ka, issuba haksobish falaia nutakfa ya hatak tahlepa sipokni achvfa ho isht vbi lishke, achi tok.

17. Atuk osh yakohmi tok, anumpulit issa mvt, nutakfa foni ya kanchi cha, yemma Lamalh-lehi hochifo tok.

18. Mihmvt itukshila fehna mvt, Chihowa ya i pahayvt, A hlakofi chinto ilvppa chin tishu ha ibbak ish fohkishke: mihma himak a itukshila hosh svlli cha, hakshup ik tapo ibbak fohka la chi cho? achi tok.

19. Yohmi kia Chitokaka yvt nutakfa kulukbi ya pahlvlli

na oka yvt kocheha tok: mihma ishko mvt, im ilhfiopak vt anonti i falama cha, nipi okcha tok. Yvmohmi hq ymma hochifot Enhakkoli achi tok o, himak nitak a Lehi ya talaia hoke.

20. Micha Filistin okla i nitak a afvmmi pokoli tuklo hq yvmmak ash osh Israel a nan im apesa tok.

CHAPTA XVI.

ATUK osh Samson vt Kasa ya ona cha, ymma ohoyo havi pisa cha, iba chukowa tok.

2. Atuk o Kasait vhleha ha im anolit, Samson vt ilvppa vlushke, achi tok. Mihma afulloblit holihta okhissa im aiechhit aiasha na ninak achvfa tok: mihmvt, Onnahinli onnvt tahak mak o e bashke, achi mvt, nuktaiyalvt ai asha na on-na tok.

3. Mihma Samson vt itonla na ninak iklna tuk osh ninak iklna ma wakaya cha, holihta okhissa isht okshilita, micha iti hielit tuklo, micha iti okhowata aiena ka ishi cha, isht iabanali cha, isht ivt, nnvnh Heblon itikba hikia ka paknaka isht ona tok.

4. Atuk osh yakohmi tok, i himmakma Solek okfa ohoyo ymma hohchifo kvv Telilah ya anushkunna tok.

5. Mihma Filistin okla i hochitoka vhleha hvv im vla cha, Ish haksichi cha, isht im ai i hlampko chito kvv kanima yak o itola ka, micha kaniohmi kak osh il imaiya hinla aiena ka ish im akostininchi na e takehi cha, il ilbvshalashke; mikma e moyuma kvv tvli hvta tushahli tahlepa auah achvfa hq e chimashke, im achi tok.

6. Mihma Telilah vt, Samson a, Isht chim i hlampko chinto kvv kanima yak o itoyula hokma, micha nana hq isht chi talakchi na chilbvshala hinlakma is svv anolashke, chim asilhha lishke, im achi tok.

7. Mihma Samson vt fuli okchaki untuklo shileli tok keyu hq ishit sa takehi hokma, sa kotvt, hatak inla kak inli chohmi la hinla hoke, im achi tok.

8. Mihma Filistin okla i hochitoka yvt fuli okchaki untuklo shileli tok keyu hō isht im ona na ishit takchi tok.

9. (Atuk o hatak vt im aiehchi kvt aboha anukaka apehvt asha tok.) Mihma, Filistin vhleha hvt chishishke; Samson ma! achi tok. Mihma fuli okchaki tvptuli kvt nu-chi ponola hosh luak haleli cha, tvptua ka chohmichi tok. Yohmi hō a hlampko ka ik akostinineho tok.

10. Mihma Telilah vt Samson a, Yakeh! peh is sa yimmichi cha, is sa holabishke; himakvno nana hō ishit chi talakcha hinla ka is srm anolashke, chim asilhha lishke, im achi tok.

11. Mihma, Aseta himona nana ishit talakehi tok keyu hō kellochit ishit sa takchi hokma, sa kotvt, hatak inla kak inli chohmi la hinla hoke, im achi tok.

12. Yohmi ma Telilah vt aseta himona ishi cha, ishit takchi mvt, Filistin vhleha hvt chishishke, Samson ma! im achi tok. (Mihma im aiehchi vt aboha anukaka asha tok.) Mihma ponola nana chohmichit shakba ishit talakehi tuk vt tvblit kanchi tok.

13. Mihma Telilah vt Samson a, Himak a ant vhli is sa yimmichit is sa holabi bekvshke, nana hō ishit chi talakcha hinla kvt vm anoli, im achi tok. Mihma, Sa noshkobo pashi tvnna untuklo ka ponola vpi ish a tvnvechi hokmvno, im achi tok.

14. Mihma chofak ash isht a nvhlichit kellochi mvt, Filistin vhleha hvt chishishke, Samson ma! im achi tok. Mihma nusit itonla tuk vt nana atvna iti okhowata chofak ash, micha ponola vpi aiena ka ishit ia tok.

15. Mihma, Katiohmi kak osh, Chi hullo li, ish acha hinla? chi chukvsh vt svbafoka keyu kvt, im achi tok. Ilvpvt ont isht atuchina mak o is sa yimmichi cha, chim i hlampko chito vt ai itola ka chik srm anoloshke, im achi tok.

16. Atuk o yakohmi tok, onna hosh onnakma im anumpa ha isht im achibvt atushpalechi fehna tok; yohmi hō imi shilombish vt im okpulot illa he chiyuhmi tok:

17. Yohmi na chukvsh nana anukfohka tuk vt moma im anolit, Nutakhish ishit shafi vt sa noshkobo ha onttoyula

tok keyu chatuk oke: hvshki im oshvto fohka li moma hosh Chitokaka i Nasalait sia hatok okvt: sa shafa hokma, im i hlampko vt a knia cha, sa kotvt, hatak inla kak inli chohmi la hinla hoke, im achi tok.

18. Mihma chukvsh nana anukfoyuka hatuk vt moma im anoli na Telilah vt pisa mvt, Filistin okla i hochitoka vhleha ha i howvt hoyo cha, Himonna ilvppa hvsh lashke, chukvsh nana anukfoyuka kvt moma vm anoli hoka, achi tok. Yvmohmi ma Filistin okla i hochitoka vhleha hv tvli holisso ya ibbak isht ishit im vla tok.

19. Mihma iyikvlaha paknaka a nusichi tok; mihmvt hatak o hoyo cha, noshkobo pashi tenna untuklo kash shafichechi tok: micha hotopalit isht ia ma, im i hlampko vt i knia tok.

20. Mihma, Filistin vhleha hv chishishke, Samson ma! achi tok. Mihma nusi tuk vt okcha mvt, Tikba yohmi li beka tuk vt chohmi lish, kohevvt ile tahtoli lashke, achi tok. Micha Chihowa yvt issvt ia tuk a ik ithano tok.

21. Amba Filistin vhleha hv ishi cha, nishkin a fotohlit kocha wehli mvt, Kasa ya isht ona cha, asonak lakna ibbak a abehlit takchi tok; mihma aboha kvllo ya afotohli tok.

22. Yvmohmi kia noshkobo pashi vt shafa hayvt anonti offot isht ia tok.

23. Yvmohmi ma Filistin okla i hochitoka vhleha hv nan vbit isht aiokpvchi chinto ho i naholbvt toba Takon a im issvt na yukpvt ai asha chi hosh iti hoyot itenaha tok: mihmvt, Pi naholbvt toba yak osh Samson pin tenvp a pibbak a fohki tuk oke, okla achi hatuk okvt,

24. Mihmvt okla pisa mvt, i naholbvt toba ya ahninchit isht anumpuli tok: Pi naholbvt toba yak osh pin tenvp, micha pi yakni okpuni, lava ka pibi tuk a pibbak a fohki tuk oke, okla achi hatuk okvt.

25. Atuk o yakohmi tok, okla chukvsh yukpa mvt, Samson a ho hoyo na pim itukhlakavt pi yukpvchashke, achi tok. Mihma Samson a aboha kvllo kohevhit hoyo tok: mihma im itukhlakavt yukpvchi tok: mihma tonik tuklo ho ititakla hilechi tok.

26. Mihma Samson vt vlla ibbak hal'elli tuk a, Ulhpesa is sum ahni na tonik chuka vt onvtoyula ka potoli lish, ataya lashke, im achi tok.

27. Chuka yoka hatak, micha ohoyo aiena kv't alotowa tok: mihma Filistin okla i hochitoka moma kv't ymma asha tok: mikma hatak, micha ohoyo tahlepa sipokni tuchina foka hosh Samson vt im itukhlakafet yukprehi ka pisa kv't, aboha ishit holmo paknaka aiasha tok.

28. Mihma Samson vt Chihowa ya i paya cha, Chihowa Chitokaka ma! is svthaiyanashke, chim asilhha lishke, micha is sa hlampkodashke, chim asilhha lishke, yohmi na himonna ilvppak bano ho sa nishkin tuklo tuk a Filistin vhleha ha il aiokha lashke, Chitokaka ma! achi tok.

29. Mihmt Samson vt tonik tuklo iklena hiel chuka yvt on talavt vba takali tuk a ibbak isht impakimma achvfa ka isht ishi mvt, achvfa ya ibbak vlvfbekimma isht ishi tok.

30. Mihmt Samson vt, Filistin vhleha ha awant svllashke, achi tok. Mihmt alushummit il akachunolechi tok: mihma chuka vt hochitoka vhleha, micha okla moma aiena anuka asha tuk a o kinafa tok. Yohmi ho ambit illi na illi kak osh laua kv't okchaya mvt, vbi tuk ak kia i shahli tok.

31. Mihma itibapishi vhleha hv't, micha iki in chuka moma kv't ona cha, ishit iki Manoah im ahollopi Solah, micha Eshtaol itintakla yak o isht onvt a hohpi tok. Mihma Israel a afvmmi pokoli tuklo ho nan im apesa tok.

CHAPTA XVII.

MIHMA Eflaim nnih hatak osh anta ymma hohchifo kv't Mikah atok.

2. Mihma ymmak ash osh ishki ya, Teli hvta shekel tahlepa auah achvfa chim ishi na sa haksobish vt a haklo ho nana ik achukmo im ahnit ish mihachi chash yakeh! an tonla hoke; vno ak osh ishi li tok, im achi tok. Mihma ishki vt, Chihowa i holitopa chia hashke, svso ma! achi tok.

3. Atuk o tvli hvta auah achvfa kash falvmminchit ishki ya ima ma, ishki vt, Tvli hvta svbbak foyuka tuk vt Chihowa ya i hullochi li mak osh i hullochi li tuk o, svso hv tvhlt naholbvt toba, micha bilelit naholbvt toba itatuklo ka ikba chin tuk atuk oke : yohmi hoka himak a chi falvmmichi lashke, achi tok.

4. Yohmi kia tvli holisso yash ishki ya i falvmmichi tok ; mihma ishki vt tvli hvta shekel tahlepa tuklo ho ishi cha, tvli hvta ikbi ya ima na yvmmak ash osh tvhlt naholbvt toba, micha bilelit naholbvt toba itatuklo ka ikbi tok : mihma Mikah in chuka yak o hiel tok.

5. Mihma hatak Mikah yash osh, naholbvt toba puta in chuka yvt i hikia cha, efot, micha telafim aiena ka ikbi mv, ushi vhleha ha achvfa ho hullochi na yvmmak ash osh naholitompa isht vtta in toba tok.

6. Nitak yvmma foka ka Israel a miko vt iksho tok ; amba hatak puta kv ilap nishkin ai im vllhpiesa aiyukali hosh yvmohmi beka tok.

7. Mihma hatak himita yosh Behlehem-chutah minti, Chutah in chuka achvfa, yvmmvt Lefait osh yvmma ahanta tok.

8. Mihmv hatak yvmmak ash osh in tvmaha holihta Behlehem-chutah ya kohevvt kanima ai vtta ahayuchikmv, vtta chi hosh ia tok : atuk osh nowvt aya mv, Eflaim nvnih Mikah in chuka ya ona tok.

9. Mihma Mikah vt, Katima ish minti cho ? im achi tok. Mihma Lefait sia hosh Behlehem-chutah minti li hosh ai vtta kanima ahayuchi likmv, vtta la chi hosh aya li hoke, im achi tok.

10. Mihma Mikah vt, Sa takla ish vtta cha, aki, micha na holitompa isht vtta is san tobashke ; mikma afvmmikma tvli hvta shekel pokoli ho chima likmv, nafohka fohka achvfa, micha il impa aiena ka chima lashke, im achi tok. Yohmi ho Lefait ash osh chukowa tok.

11. Mihmv Lefait vt hatak ash takla ahanta kv im achukma tok ; mihma hatak himita yash osh yvmma ushi vhleha achvfa kak inli in chohmi tok.

12. Mihma Mikah vt Lefait ash hullochi tok ; mihma hatak himita yash osh na holitompa isht vtta in toba cha, Mikah in chuka ya ahanta tok.

13. Yohmi ma Mikah vt, Chihowa yvt nana achukma an yrmihcha chi ka himak ano ithana lishke, na holitompa isht vtta vt Lefait osh vm anta hokvt, achi tok.

CHAPTA XVIII.

NITAK ymma foka ka Israel a miko vt iksho tok : micha nitak ymma foka ka Tan aiunchololi hv yakni ai isha he vhpesa aiasha chi kvt hoyo tok ; nitak ymma ont vhli ka ai isha he vhpesa moma kvt Israel ai unchololi puta ka iba takvt, ik im vhpiso kisha hatuk okvt.

2. Mihma Tan im vlla vhleha hv in chuka achvfa ak inli ka aiasha ai vhli Solah, micha Eshtaol a hatak tahlapi, hatak chilita nukwia iksho yo yakni hoyot pisvt tahla chi ho a tihleli tok ; micha, Oh ia cha, yakni hvsh hoyashke, im achi tok : atuk o ymmak ash osh Eflaim nvni Mikah in chuka ona mvt, okla a nusi tok.

3. Mikah in chuka ya ona mvt, Lefait hatak himita yash anumpuli ka ithana tok : mihmvt ymmak o iba chukowa cha, Kvta hosh chisht vla tuk o ? ilvppa nanta ho isht ish vtta ho ? micha nanta hosh ilvppa chim aasha cho ? im achi tok.

4. Mihma, Yakohmi, micha yakohmi aiena kak o Mikah vt an yrmihchi cha, sa tohno ho naholitompa isht im vtta sia hoke, im achi tok.

5. Mihma, Il atia ymma il ia kvt pim aiahla chi hokma nana ka Chitokaka ya ish im a ponaklashke, im achi tok.

6. Mihma naholitompa isht vtta yash osh, Achukmakvt hvsh ayashke, hvch i hina ymma hvsh ia kvt Chihowa itikba yoke, im achi tok.

7. Yohmi ma hatak tahlapi kash osh ia mvt, Laish a ona cha, okla ymma aiasha kv ahah ! ahni iksho, Sitonian vhleha a ymohmi chatuk ak inli holba hosh nuktaiyalt, nuk-

tahla keyu hosh aiasha hō pisa tok; micha miko im aasha tuk osh im alvmma hinla kv̄t iksho tok: Sitionian okla hō i hopaki cha, hatak nana kia nana it i kaniohmi keyu tok.

8. Mihma itibapishi vhleha hv̄t Solah, micha Eshtaol aiasha ka im v̄la tok: mihma itibapishi vhleha hv̄t, Nanta hō hv̄sh achi cho? im achi tok.

9. Mihma, Hv̄sh wakaya na ivt ont iloh itibashke: yakni yā ont e pisa ka yakeh! achukma fehna: mihma lumvt hv̄sh aiasha cho? ivt ont hv̄sh chukowa cha, yakni yā ishi ka hv̄sh sv̄laha ná.

10. Hv̄sh iakmvt, okla nuk̄tahla keyu yosh aiasha, micha yakni chito hō hv̄sh ona ch̄i hoke: Chitokaka yvt hv̄ch ibbak a fohki tuk oka; yv̄mma nana hosh yakni moma aiasha kv̄t iksho keyushke, achi tok.

11. Mihma Tanait in chuka achv̄fa vt yv̄mma asht Solah, micha Eshtaol a a kohchvt ia kv̄t hatak tahlepa hannali hosh tv̄nvp aya nahalupa il apakshv̄nnit in taiyaha hosh ia tok.

12. Micha ia cha, Chutah yakni Kichalh-chealim a abinachi tok: yohmi hosh yv̄mma Mahaneh-Tan hochifo tok a himak nitak a moma hoke; yakeh! Kichalh-chealim im ashaka yā talaia hoke.

13. Micha yv̄mma asht ia mvt, Eflaim nv̄nih onvt, Mikah in chuka yā ona tok.

14. Yvmohmi ma hatak tahlapi Laish yakni pisvt aya tuk ash osh itibapishi vhleha hā, Chuka ilv̄ppa talohm̄aya ka efot, micha telafim, mikmvt tv̄hlt naholvt toba, micha bi-lvt naholvt toba aiena kv̄t aasha ka hv̄sh ithana cho? yvmohmi ka himak a nana hv̄sh kaniohma ch̄i kv̄t hv̄sh anuk-fillashke, im achi tok.

15. Micha yv̄mma pilla hō ivt, Lefait hatak himita yash in chuka, Micha in chuka yā ona cha, aiokp̄v̄chi tok.

16. Mihma hatak tahlepa hannali hosh tv̄nvp aya, nahalupa il apakshv̄nnit in taiyaha, Tan im v̄lla vhleha hash osh achukowa holihta okhissa yak o hiel̄i tok.

17. Mihma hatak tahlapi yakni pisvt aya tuk ash osh ivt, ont chukowa cha, tv̄hlt naholvt toba, micha efot, mikmvt

telafim, micha bilvt naholbvt toba aiena kash ishi tok: mihma naholitompa isht vtta yvt achukowa holihta okhissa hatak tahlepa hannali hosh tenvp aya nahalupa il apakshunnit in taiyaha kash takla hikia tok.

18. Mihma ilvppak osh Mikah in chuka ya ont chukowa cha, tvhlvt naholbvt toba, micha efot, micha telafim, micha bilvt naholbvt toba aiena kash ont isht kocha tok. Yohmi na naholitompa isht vtta yash osh, Katiohmi ho hvsh yvmihchi cho? im achi tok.

19. Mihma, Ish anumpuli kvv issá, chibbak a chiteh ha isht ish akamolashke, micha pi awant ish ia cha, piki, micha naholitompa isht pim vtta ish tobashke: hatak achvfa in chuka yo naholitompa isht vtta ak okmá, ak cho? Israel a chuka achvfa yvmmvt Israel a apehlichika achvfa naholitompa isht im vtta ak okmá, katimampo kak osh achukma kvv chim i shahli cho? im achi tok.

20. Mihma naholitompa isht vtta yash osh chukvsh yukpa mvt, efot, micha telafim, micha tvhlvt naholbvt toba aiena kash ishi cha, okla iklvna hiki vt ia tok.

21. Yohmi mvt okla filema cha, ia mvt, wak, micha vlla micha na-weki aiena ka tikba hilechi tok.

22. Atuk osh Mikah in chuka ya hopakichit tahli ma, hatak Mikah in chuka bilika chuka taloha aiasha tuk vt iti hoyot itvnaha cha, Tan im vlla vhleha ha ont sakki tok.

23. Mihma Tan im vlla vhleha ha i paya tok. Mihma okla et filema cha, Nanta chi katiohmi hosh okla yohmi ho pehlichit ish ia cho? im achi tok.

24. Mihma, naholbvt toba puta ikbi li tok, micha naholitompa isht vm vtta ya hvsh ishi cha, hvsh tvmoa tuk: yohmi ka himmakma nanta hosh vm asha cho? micha nanta katiohmi ho Chi katiohmi cho? ilvppa is svm achi kvv nanta hoh cho? achi tok.

25. Mihma Tan im vlla vhleha hvv, Chim anumpa ha pitakla ik a haklashke, hatak chukvsh homi vhleha hvv chi o maleli na chishno, micha chin chuka achvfa aiena kvv illi yoba ná, im achi tok.

26. Mihma Tan im vlla vhleha hvv ai ia hetuk vt ilhkoli

tok: mihma kullo kv̄t ilap a i shahli na Mikah vt pisa mv̄t, falamv̄t in chuka yā ona tok.

27. Mihma nana Mikah vt ikbi tuk, micha naholitompa isht im vtta aiena im vtta tuk a im ishi cha, Laish ckla nuktaiyalvt nuktabla keyu hosh aiasha ka ona tok: micha bv̄shpo falaia halupa isht issot kanchi cha, tvmaha holihta yash luak ishit hukmi tok.

28. Mihma hlakofeli vt iksho tok: Siton a i hopaki, micha hatak inla yā nana it i kaniohmi keyu; micha okfa yosh Belh-lehob bilika bachaya kak o talaia hatuk oka. Mihma tvmaha holihta ikbi cha, yvmmak o okla aiasha tok.

29. Mihmv̄t tvmaha holihta yā iki Tan Islael im vtta tok ak o a hochifochit Tan achi tok: yohmi kia tvmaha holihta hohchifo vt vmmona ka Laish atok.

30. Mihma Tan im vlla vhleha hv̄t tvhlvt naholbvt toba yā hilechi tok; mihma Manasseh ushi Keshom ushi Chonahlan yv̄mma, micha ushi vhleha aiena kak osh Tan ai unchololi yā naholitompa isht im ahāshwa na nitak yakni vt yuka ka ont vhli tok.

31. Mihma tvhlvt naholbvt toba Mikah vt ikbi tok a okla hilechi na, Chitokaka im aboha hv̄t Shiloh yā hikia moma ka hikia tok.

CHAPTA XIX.

A TUK o yakohmi tok, nitak yv̄mma Islael a miko vt iksho kisha ma, Lefait osh Eflaim nv̄nih chv̄kpatali yō vtta hosh yvmv̄t im it aiena Belhlehem-chutah yā ai ishi tok.

2. Mihma im it aiena vt havi in toba cha, i kv̄niv̄t iki in chuka Belhlehem-chutah yā ona cha, ahanta na hv̄shi ushta kv̄t hlopulli tok.

3. Mihma i hatak ash osh wakaya mv̄t, i kv̄nȳt im anum-pulit falv̄mminchit isht vla ch̄i hosh in tishu, micha issuba haksobish falaia tuklo aiena hō ishi cha, hoyot ia tok: mihma ohoyo hv̄t ilauelit iki in chuka isht ona tok: mihma ohoyo iki yash osh pisa mv̄t, itafama kv̄t nayukpa fehna tok.

4. Mihma ipochi, ohoyo himita iki vt hal'elli na nitak tuchina hō takla ahanta tok: yohmi hō impet, micha ishkot, a nusi tok.

5. Atuk o yakohmi tok, nitak ont ai ushta onnahninli tani ma, ia chi hosh wakaya tok: mihma ohoyo himita iki yash osh iyup a, Puska iskitini kia chi chukvsh isht ish hlampkochi hayak osh ish ayashke, im achi tok.

6. Mihma itatuklot impet, micha ishkot chieya tok: ohoyo himita iki vt hatak a, Chim vhpesa cha, ish anta na ont onnashke, micha chi chukvsh vt yukpashke, im achi tok.

7. Mihma hatak ash osh ia chi hosh wakaya ma, ipochi vt im achiba tok; yohmi na anonti a nusi tok.

8. Mihma nitak ont ishit tahlapi ma ia chi hosh onnahninli fehna wakaya tok; mihma ohoyo himita iki vt, Chi chukvsh a ish hlampkochashke, chim asilhha lishke, achi tok. Mihma itatuklo kvt impet oklet ahashwa na tabokoli ont ia tok.

9. Atuk o hatak ash osh ia chi hosh ilap, micha im it aiena, micha in tishu aiena kvt wakaya ma, ipochi, ohoyo himita iki vt, Yakeh! himak a nitak vt opiet isht ivshke; ish anta na ont onnashke, chim asilhha lishke: yakeh! nitak vt tahrt isht ivshke: ilvppa a chi nusi cha, chi chukvsh vt yukpashke: micha onna haya onnahninli chi hina fohkvst ish ia cha, chin chuka ya ish onashke, im achi tok.

10. Yohmi kia hatak ash osh ninak yummuno anta he keyu hosh, amba wakaya cha ia mvt, Chebus, yummvt Chelusalem a ona tok: mihma issuba haksobish falaia i potvlhpo tuklo hō, isht aya hō im it aiena takla aya tok.

11. Atuk osh Chebus a bilika ona ma, nitak vt taha fehna tok: mihma in tishu hvt, Himak a fullotvt Chebus okla in tmaha holihta yak o il ona cha, a pi nusashke, im achi tok.

12. Mihma i shahli ash osh, Okla inla Israel im vlla vhleha keyu ka fullotvt ivt, il iba chukowa he keyu; ont ivt Kibeah ya il onashke, im achi tok.

13. Mihmvt in tishu ha, Inta! Kibeah, keyukmvt Lamah ilvppa kanimampo kak o fullotvt il ona cha, a pi nusashke, im achi tok.

14. Micha ont ia tok; atuk osh Kibeah yummvt Benchamin immi hō ona ma, hvshi vt pit kunia tok.

15. Mihma Kibeah ak o chukowvt a nusa chī hosh pit fullota tok: atuk osh chukowa mvt, tmaha holihta ai itvnowa hina binili tok: hatak nana kia in chuka ishit chukowvt a nusecha hinla kvt iksho hatuk o.

16. Mihma yakeh! hatak sipokni, yummak kia Eflaim nvnihi a minti ak inli hosh Kibeah vttā yosh osapa toksvilit vttā tuk osh opivt taha ma vā tok; yohmi kia tmaha holihta āsha kvt Benchamait vhleha atok.

17. Atuk osh akachakalit hatak nowvt āya yvt tmaha holihta ai itvnowa hina yā binili hō pisa tok: mihmvt hatak sipokni yash osh, Katima ish ia cho? micha katima ish minti cho? achi tok.

18. Mihma, Belhlehem-chutah ashvt Eflaim nvnihi chvk-patali yak o ia hosh il āya, yummak o minti li yosh: Belhlehem-chutah yak o ia li tuk osh, amba himak ano Chihowa im aboha ia hosh āya li hoke: atuk o hatak nana kia in chuka ik chukowā, ik sm ahno hoke.

19. Yohmi kia hishunluk, micha issuba haksobish falaia vpa chī ka āsha; mikma puska, micha oka paki aiena kvt vno, micha chin tishu ohoyo, micha hatak himita chin tishu takla ahanta aiena hokvto im āsha, nana bunna hinla kvt iksho keyu hoke, im achi tok.

20. Mihma hatak sipokni vt, Chi nuktaiyalashke; yohmi kia nana chi bunna kvt vno ak o si onvtoyulashke: peh ai itvnowa hina yā ik chi nuso kashke, achi tok.

21. Yohmi mvt ilap in chuka ishit chukowa cha, issuba haksobish falaia ipeta tok: mihma iyi yā achifa cha, impvt, micha nan ishko tok.

22. Atuk osh chukvsh yukpalit chihīya ma, yakeh! tmaha holihta hatak vhleha Belial ushi vhleha yosh chuka yā a folubli cha, okhissa yā boli mvt, chuka pehlichī hatak sipokni yā im anumpulit, Hatak vt vlv, chin chuka ant chukowa tuk ā isht ish kocheha na il ithanashke, achi tok.

23. Mihma hatak chuka achvfa pehlichī yash osh kohchvt im ona cha, Keyú, itibapishi li vhleha ma! keyú, hvchim

asilhha lishke, nan ashvchi yakohmi ka hvsh yvmohmi ná : hatak ilvppvt an chuka ant chukowa hatuk oka, im anukfila iksho ilvppa hvchik yvmohmo kashke.

24. Yakeh ! svstok ohoyo himita, micha im it aiena yoke : yvmak o himak a ishit hvchi kohcha likma, hvsh hofahyalit, nana hosh hvchim achukmakmvt, hvsh yvmihchashke ; amba hatak ilvppak okvno nana ik achukmo yakohmi ka hvsh yvmihchi ná, im achi tok.

25. Yohmi kia hatak vhleha hv t i haponakla he keyu tok : yohmi ma hatak ash osh im it aiena ishit kohchvt isht im ona tok : mihma okla ithana cha, im ahlia na ont onna tok : atuk osh ont onvt mihinti ma ik iá, im ahni tok.

26. Mihma ohoyo hash osh onvt mihinti ma, vla cha, hatak ash in chuka i shahli hv ai itola kash okhissa ant itula cha, itonla na tohwikelit taha tok.

27. Atuk o i shahli hv onnahinli ma wakaya cha, chuka ash okhissa ya tiwi mvt, i hina ya ia chi hosh kohcha tok : mihma yakeh ! im it aiena ohoyo hash osh chuka okhissa yash ont itula tuk osh okhissa intola ya ibbak isht umbitepa hosh itoyula tok.

28. Mihma, Wakayá, mikma il ayashke, im achi tok. Yohmi kia afalamichit nana ik acho tok. Yohmi ma hatak ash osh ishi cha, issuba haksobish falaia onochi cha, hatak ash osh wakaya mvt, ai vta ya isht ona tok.

29. Atuk osh in chuka ont chukowa mvt, bvshpo ishi cha, im it aiena ya foni moma na tvptua auah tuklo hō tvptuli cha, Israel aiasha moma ka i pila tok.

30. Atuk o yakohmi tok, moma kv pisa mvt, Israel vt Echip yakni ya kohchvt vla tok nitak ilvppa ant ai vli ka yakohmi ka yvmihchi tok keyu, micha pisa tok keyu hoke : anukfihinlit it im anumpulit hvchim anukfila hā hvsh anum-pulashke, achi tok.

CHAPTA XX.

YUMOHMI ma Israel im vlla vhleha moma kv kohchvt ia tok ; micha okla moma kv hatak achufa chiyuhmit

iti hoyot Tan vttvt ia kv̄t Beesheba ont v̄hli, Kileat aiena hosh Mispeh yā Chihowa im ai itvnaha tok.

2. Mihma okla moma, Israel apēhlichī moma ka noshko-boka puta tahlepa sipokni tahlepa ushta, hatak aka āya bvshpo falaia ieshi hosh Chitokaka im okla hosh itvnahvt chieya tok.

3. (Mihma Benchamin im vlla vhleha hv̄t Israel im vlla vhleha hv̄t Mispeh yā ona ka haklo tok.) Yvmohmi ma Israel im vlla vhleha hv̄t, Nan ashvchi ilvppvt katiohmi hatuk ̄? pim anolī, achi tok.

4. Mihma ohoyo illi tuk ī hatak Lefait ash osh afalami-chit, Uno micha v̄m it aiena aiena kv̄t a pi nusa chī hosh Kibeah, yvmmvt Benchamin immi ak ̄ e chukowa tok.

5. Atuk ak ̄ Kibeah hatak vhleha hv̄t wakayvt ā sanali cha, ninak ̄ chuka yā afulloblit si apakfoyupa cha, svbi bv̄nna tok: micha v̄m it aiena yā im ahliā na illi tuk oke.

6. Mihma v̄m it aiena yā ishi lish, bvshlit tv̄ptulit tahli li mv̄t, Israel ai isha he v̄lhpesa yakni moma ka hlopullichit pila li tuk oke: haui toba, micha im anukfila iksho aiena h̄ Israel ā a yvmohmi hoka.

7. Yakeh! Israel im vlla vhleha hv̄chia hokvt, ilvppak oka hv̄chim anukfila, micha anumpa hā hv̄sh bohlashke, achi tok.

8. Mihma okla moma kv̄t hatak achvfa chiyuhmit wakaya cha, Pishno vt achvfa kia im v̄lbina hā il ona he keyu, micha achvfa kia fullotvt in chuka yā e chukowa he keyu:

9. Amba himak ā Kibeah yā ilvppak ̄ e yvmihchashke: na shoeli hosh ont il itibashke.

10. Micha Israel apēhlichī puta moma ka tahlepa achvfakma, hatak pokoli, micha tahlepa sipoknikma, tahlepa achvfa, micha tahlepa sipokni pokolikma, tahlepa sipokni achvfa il ai ishikma, okla pinak isht āyashke; yohmi h̄ Kibeah Benchamin ā onakmv̄t, nana ik achukmo Israel ā a yvmihchi tuk moma pulla mak ̄ yvmihchashke.

11. Yohmi ma Israel hatak moma kv̄t tv̄maha holihta yā ī sanalit itvnaha tuk vt hatak achvfa chiyuhmit iti halv̄lli tok.

12. Mihma Israel apēhlichī puta kv̄t Benchamin apēhlichī

moma ka hlopullichit hatak pilut, Nan ashvchi ileppvt nanta mak osh hvch itintakla a yvmohmi cho?

13. Yvmohmi hoka himak a hatak, Belial in chipota yvmvt Kibeah a₂sha ka, pibbak hvsh fohki na e bi cha, nana ik achukmo ya₂ Israel a ai isht e kanchashke, achi tok. Yohmi kia Benchamin im vlla vhleha hv₂t itibapishi vhleha Israel im vlla vhleha im anumpa ha i haponakla he keyu tok.

14. Amba Benchamin im vlla vhleha hv₂t iti hoyot, in tumaha holihta puta ka akohev₂t Israel im vlla vhleha ha itibit ia chi hosh Kibeah ya₂ ona tok.

15. Nitak yvmma Benchamin im vlla vhleha hv₂t in tumaha holihta puta a holhtina kv₂t tahlepa sipokni pokoli tuklo cha hannali tok; Kibeah vt ik iba holhtino ka, yvmak okvto holhtina kv₂t hatak aiyua vt tahlepa untuklo tok.

16. Okla moma ilvppa hatak aiyua tahlepa untuklo kv₂t afabi yosh tuli pila kv₂t, pashi achvfa kia ashvcha he keyu biega tok.

17. Mihma Israel im vlla vhleha hv₂t, Benchamin vt ik iba holhtino ka, bvshpo falaia ieshi kv₂t holhtina kv₂t tahlepa sipokni tahlepa ushta tok: ilvppa moma kv₂t hatak tenvp aya biega tok.

18. Mihma Israel im vlla vhleha hv₂t Chitokaka im aboha ona cha, Chitokaka im anukfila im asivhv₂t, Pi katima kak osh tikba ivt Benchamin im vlla vhleha ha il itiba chi cho? achi tok. Mihma Chihowa yvt, Chutah yak ashke, achi tok.

19. Mihma Israel im vlla vhleha hv₂t onnahinli wakaya cha, Kibeah ya₂ i sanalit binachi tok.

20. Mihma Israel hatak vhleha hv₂t Benchamin a itiba chi hosh kohv₂t ia tok: micha Israel im vlla vhleha hv₂t Kibeah aiasha ka itiba chi hosh achukmv₂t hiohli₂t taha tok.

21. Mihma Benchamin im vlla vhleha hv₂t Kibeah kohcha cha, nitak yvmma Israel okla ha hatak tahlepa sipokni pokoli tuklo akucha tuklo ho vbit akakohli tok.

22. Mihma okla, Israel hatak vhleha hash osh ilai yimitachi mv₂t, vmmona nitak a achukmv₂t a hiohli tuk ak inli ho itiba chi kv₂t achukmv₂t hiohli tok.

23. (Mihma Israel im vlla vhleha hvt Chihowa itikba ona cha, yahaya na ont opia mvt, Chihowa im anukfila im asilhhvt, Anonti ia lish, itibapishi li Benchamin im vlla vhleha ha itibi la chi cho? achi tok. Mihma Chihowa yvt, Itibit hvsh iashke, achi tok.)

24. Mihma nitak atukla ma, Israel im vlla vhleha hvt Benchamin im vlla vhleha ha itiba chi kvt bilika ona tok.

25. Mihma Benchamin vt nitak atukla ma Kibeah ya kohchvt ia cha, itibi tok; micha hatak tahlepa sipokni auah untuchina ho Israel im vlla vhleha ha vbit akakohli tok: ilvppa moma kvt bvshpo falaia ieshi atok.

26. Yohmi ma Israel im vlla vhleha, micha okla moma kvt ivt Chitokaka im aboha ona cha, Chihowa itikba chieyvt yahaya tok: micha nitak yvmma nahullochit aiasha na opia mvt, Chihowa itikba ya na hukmit isht aiokpvchi, micha it i nanaiyvchi isht aiokpvchi aiena ka ai imihisa tok.

27. Mihma Israel im vlla vhleha hvt Chihowa ya im a ponaklot, (Chitokaka it im apesa afohka itombi holitopa vt nitak yvmma yvmmak o talaia hatok.

28. Mikma Alon ushi Eleasa ushi Finehas ak osh nitak yvmma itikba hikia tok oka,) Anonti ia lish, itibapishi li Benchamin im vlla vhleha ha itibi la chi cho? ak cho? issa la chi cho? achi tok. Mihma Chihowa yvt, Hvsh iashke, onakma hvch ibbak a fohki la chi hoke, achi tok.

29. Mihma Israel vt im aiehchi ya Kibeah apakfoblit ashachi tok.

30. Mihma Israel im vlla vhleha hvt Benchamin im vlla vhleha ha itiba chi hosh tikba tuk ak inli chohmit nitak ont atuchina ma achukmvt hiohli cha, Kibeah ya itibi tok.

31. Mihma Benchamin im vlla vhleha hvt kohchvt okla ha itibi mvt, tmaha holihta ya issvt ia tok; hina takla achvfa kvt Chitokaka im aboha ia, achvfa kvt Kibeah osapa ia itatuklo ka foyukvt tikba tuk ak inli chohmit issot, micha vbit isht ia kvt hatak pokoli tuchina foka ho vbi tok.

32. Mihma Benchamin im vlla vhleha hvt, Tikba tuk a chohmit pi tikba akakohvshke, achi tok. Yohmi kia Israel im vlla vhleha hvt achi kvt, Kiloh i yihlepa cha, tmaha

holihta ya akohchit isht ivt hina takla isht il onashke, achi tok.

33. Mihma Israel hatak moma kvt aiasha tuk vt wakayvt ia mvt, Baal-tama yak o achukmvt hiohlit, mikma im aiehchi Israel Kibeah oktak aiasha tuk vt akohcha tok.

34. Mihma Kibeah itibi kvt hatak tahlepa sipokni pokoli aiya yosh Israel moma a kohcha hosh itibi na palvmmi felna tok: yohmi kia nana ik achukmo kvt i bilika kvt ik ithano tok.

35. Mihma Chihowa yvt Israel itikba ya Benchamin a issot kanchi tok: mihma Israel im vlla vhleha hvt nitak yvmma Benchamin a hatak tahlepa sipokni pokoli tuklocha, akucha tahlapi, micha tahlepa achvfa ho vbi tuk ilvppa moma bvshpo falaia ieshi atok.

36. Yohmi ma Benchamin im vlla vhleha hvt ilap ak o imaiya ka pisa tok: Israel hatak vhleha hvt im aiehchi Kibeah bilika okla ashachi tuk ak osh anukchieto hatuk osh Benchamin a i kanvlli tok oke.

37. Mihma im aiehchi vt tushpa hosh Kibeah ya o yihlepa tok; mihmvt im aiehchi yash osh auatvt maya mvt, tmaha holihta ya bvshpo falaia halupa ya isht issot kanchi tok.

38. Mihma Israel hatak vhleha, micha im aiehchi vhleha nan it im apesa kvt luak libbi chito ho ikbi na shobullit tmaha holihta akochvt vba ia he it im apesa tuk atok.

39. Mihma Israel hatak vhleha hvt itibi ka i kanvllit isht ia ma, Benchamin vt issot vbit isht ia kvt Israel hatak pokoli tuchina foka tok: Ummona tuk ak inli chohmit pi tikba ya illit akakoha hoka, achi hatok okvt.

40. Yohmi tuk kia tmaha holihta ya luak libbi, micha shobohli chito aiena hosh vba maya na Benchamait vhleha hvt ashaka pit filema ma, yakeh! tmaha holihta lua kvt vba ivt shutik a ona ho pisa tok.

41. Mihma Israel hatak vhleha hvt anonti falama ma, Benchamin hatak vhleha hvt nukhlakanha tok: nana ik achukmo kvt onvtola ka pisa hatuk osh.

42. Yvmohmi ma Israel hatak vhleha ha itikba ya i sha-

naiyvt, yakni haiaka pilla h_o ia tok: yohmi kia in tanampi kvt sakki tok; mikma tumaha holihta y_a kohcha ka ai ititakla vbit tahli tok.

43. Yakohmi hosh Benchamait vhleha h_a apakfopa cha, hliolit nana ik ahobo h_o Kibeah ichapaka i hvshi akocha imma y_o ai ahvhlichu tok.

44. Mihma Benchamin vt hatak tahlepa sipokni auah untuchina hosh akakoha tok; ilvppa moma kvt hatak chilita nukwia iksho bieka tok.

45. Okla filema cha, maleli mvt, yakni haiaka imma ivt Limmon tui y_a ona tok: mihma hina takla y_a vlvullit isht aya kvt hatak tahlepa sipokni tahlapi tok; micha ahliovt atikonofvt isht ayvt Kitom a isht onvt, hatak tahlepa sipokni tuklo vbi tok.

46. Yvmohmi h_o nitak yvmma Benchamin vt akakoha moma kvt bvshpo falaia ieshi vt hatak tahlepa sipokni pokoli tuklo akucha tahlapi tok: ilvppa moma kvt hatak chilita nukwia iksho bieka tok.

47. Yohmi kia hatak tahlepa hannali kvto falamvt malelit yakni haiaka Limmon tui yak o ona tok; micha Limmon tui yak o aiasha na hvshi ushta tok.

48. Mihma Israel hatak vhleha hvt falamvt, Benchamin im vlla vhleha h_a tumaha holihta puta hatak ak kia, nana vlvpoa ai itilauechit, micha nana h_o ibbak a fohkakma, bvshpo falaia halupa isht issot kanchi tok: micha tumaha holihta puta onakmvt, okla luak tikelichi tok.

CHAPTA XXI.

MIHMA Israel hatak vhleha hvt Mispah a_ha mvt, anum-pa kullo il onochi mvt, Il achvfa kia Benchamin a tekchi ya chi ka pim ushetik il ima he keyu, ai achi tuk atok.

2. Mihmvt okla hvt Chitokaka im aboha ona cha, Chitokaka itikba aiasha na opia tok: micha itih h_a vba takalechit vahaya fehna tok.

3. Mihmvt, Israel in Chitokaka Chihowa ma! nanta ka-

tiohmi ho Israel a ant a yakohmi na himak nitak a Israel a ap ehlich i achvfa kv t iksho cho? achi tok.

4. Atuk osh onna ma yakohmi tok, okla hv t onnahinli wakaya cha, alta ikbi cha, na hukmit isht aiokpvchi, micha isht it i nanaiyvchi isht aiokpvchi aiena ka im issa tok.

5. Mihma Israel im vlla vhleha hv t, Kvta hosh Israel ap ehlich i puta moma ka Chihowa im itvnaha ka takla kv t ik lo cho? achi tok. Anumpa kv llo fehna ile onochit, Kvna kia Misp eh ya Chihowa ya im ai itvnaha ka ik ayokmvt, illi pullashke, achi tuk atok okvt.

6. Mihma Israel im vlla vhleha hv t itibapishi Benchamin ak o ishit nukhaklo tok: micha, Israel a ap ehlich i achvfa kv t himak nitak a mosholishke.

7. Hiel i moma ka tekchi ya ch i kvno il i katiohmicha ch i cho? Chihowa pulla anumpa kv llo il onochit tekchi ya ch i ka piso tek a il ima he keyu, il achi tuk okvt, achi tok.

8. Micha anonti, Kvta achvfa hosh Israel ap ehlich i moma ka Misp eh ya Chihowa ya ik im ai vlo tuk oh cho? achi tok: mihma yakeh! achvfa kia Chabesh-kileat minti kv t abinanchit ai itvnaha ya ik lo tok.

9. Okla ha hotihna ma, yakeh! Chabesh-kileat okla hv t achvfa kia yvmma iksha tok.

10. Mihma okla itvnaha yash osh yvmma hatak tahlepa sipokni auah tuklo chilita nukwia iksho moma i shahli ka pila cha, im apesa mvt, Hvsh ia cha, Chabesh-kileat okla ohoyo, micha vlla aiena ka bvshpo falaia halupa isht vbit hvsh tahlashke.

11. Micha nana ilvppak o hvsh yvmihcha ch i hoke, Naki, micha ohoyo puta hatak apota tok puta ka vbit tahlit hvsh vmohmichashke, achi tok.

12. Atuk o Chabesh-kileat okla ha ohoyo himita tahlepa ushta hosh nakni nana kia iba tvshkit ithana tok keyu yo okla ahayuchi tok: mihmvt Shiloh vlhtipo holitopa ya yvmvt Kenan yakni talaia ka isht ona tok.

13. Mihma itvnahvt aiasha tuk moma kv t Benchamin im vlla vhleha, yvmvt Limmon tvi aiasha ka ont im anumpu-lit, i kanvt i howa ch i ho pila tok.

14. Mihma Benchamin vt nitak yvmma anonti vla tok: mihma Chabesh-kileat ohoyo apowvt okchalnchi tuk vt tekchi okla ima tok: yohmi kia yvmmvt okla ik im ono tok.

15. Mihma Benchamin a okla ishit nukhaklo tok; Chihowa yvt Israel apehlichy puta ai ititakla ya ashahbichy hatuk o.

16. Yvmohmy ma itvnaha aiasha tuk im asvnonchy vhleha hvt, Hiehy moma ka tekchy ya chy ka il i katiohmicha chy cho? Benchamin a ohoyo hvt illit taha hoka, achi tok.

17. Micha anonti, Ai isha he vhpesa vt Benchamin hla-kofi in talaia he vhpesa, yohmy ho apehlichy achvfa kvv Israel a illit ik taho kashke, achi tok.

18. Ik yohmy kia tekchy ya chy ka piso tek a il ima he keyu; Israel im vlla vhleha hvt anumpa kvllo il onochit, Kvna hosh Benchamin a tekchy imakmvt, okpulot tahrshke, achi tok.

19. Mihmvt, Yakeh! Shiloh ya yvmmvt Behlel a i falvmy in tvnvp hina Behlel a vttvt ivt Shechem ona ka hvshy akochaka imma in tvnvp, micha Lebonah im oka mahly imma ya afvmmikma Chihowa impvchy holitopa isht aiasha chatuk oke.

20. Yvmohmy ma Benchamin im vlla vhleha ha okla im apesvt, Hvsh ia cha, paki ahollokechy ya ont im aiehchit hvsh aiashashke.

21. Micha hvsh hopokoyashke, micha yakeh! Shiloh ushetik vhleha hvt kohchvt talovt hihla ya hihlvv ayakma; yohmikma paki ahollokechy yo hvsh kohchv, hatak hvsh moma kvv hvchy tekchy ya chy aiyukaly ka Shiloh ushetik vhleha ha hvsh hokly cha, Benchamin i yakny ya hvsh onashke.

22. Atuk o yakohmikma iki vhleha, keyukmvt, itibapishy vhleha hvt nana achit pim vlakma, Pishno ak atuk mak o hvsh i kanaske: il it in tanampy ka hatak tekchy aiyukaly ka kil im il atombo tuk oka; himak a hvsh ashvcha chy hosh hvsh ima tuk keyu hokvt, il im acha hy oke, achi tok.

23. Mihma Benchamin im vlla vhleha hvt yvmohmy cha, holhtina ka vhpisa ho tekchy ya chy ka hihlvv aya yvmmak oka hoklyt ay ishy tok: micha falamvt ia cha, ay isha he vhl-

pesa yakni yash ona cha, in tumaha holihta puta ka apoksi-
achi cha, aiasha tok.

24. Mihma Israel im vlla vhleha hvt nitak yvmma ashvt
tisheli mvt, hatak puta kvv im avehlichu ka, micha in chuka
achufa aiyukali kvv ona tok: micha yvmma ashvt okla ia
mvt, ai isha he vllhpesa aiyukali kvv ona tok.

25. Nitak yvmma foka hoka Israel a miko vt iksho tok:
hatak puta kvv ilap nishkin ai im vllhpiesa aiyukali hosh
yvmoimi beka tok.

LULH A

ISHT ANUMPA HOKE.

CHAPTA I.

A TUK o yakohmi tok, nan apesa vhleha hvt pehlichit maya nitak ma, yakni yumma hohchvfo chito tok. Mihma Belh-lehem chutah hatak osh yumma, micha tekchi, micha ushi tuklo aiena kv̄t irt, Moab yakni ya ont ahashwa tok.

2. Michā hatak yumma hohchifo kv̄t Elimelech okma, micha tekchi hohchifo kv̄t Naomi, micha ushi tuklo hohchifo kv̄t Mahlon, micha Chilion, Eflahlait okla Belh-lehem-chutah asha; yvmohmi mvt Moab yakni yummak o ona cha, ahashwa tok.

3. Atuk o Naomi i hatak Elimelech ash osh illi tok; yohmi na Naomi, micha ushi tuklo aiena ak illa hosh ahashwa tok.

4. Atuk o Moab ohoyo ha ishit itauwayvt okla tok; achvfa hohchifo kv̄t Opah yokma, anonti achvfa hohchifo kv̄t Lulh atok: micha yumma ahashwa na afummi pokoli foka tok.

5. Atuk osh Mahlon, micha Chilion ita tuklot illi ak inli tok; mihma ohoyo hash osh ushi tuklo, micha i hatak aiena kv̄t illi na ilap bano hosh ahanta tok.

6. Yvmohmi mvt ipok tuklo ka awant Moab yakni ya issvt falamvt ia chi hosh wakaya tok: Moab yakni anta mo-ma kv̄t Chihowa yvt im okla ha i nowa cha, pska ima tuk a haklo hatak.

7. Yvmohmi hosh ai vta tuk vt ipok tuklo ka awant kacha tok; mihmvt Chutah yakni falamvt ona chi hosh hina ya okla itvnohova tok.

8. Mihma Naomi vt ipok tuklo kash, Oh ia cha, falamvt hvch ishki bika in chuka ya hvsh onashke: illi chash, micha vno aiena ka hvs sa kana tuk a chiyuhmit Chihowa yvt hvchi kanashke.

9. Chihowa yvt vlhpesa ahnit hvch ima na afoha ahayuchit, hatak in chuka ya im achukmvt hvsh chieya bikashke, im achi tok. Mihmvt i suksowa ma, chitolit yaiyvt okla tok.

10. Mihmvt, Falamvt chim okla achvfa i yakni ish ia ka chi takla il ia pulla chi hoke, achit okla tok.

11. Mihma Naomi vt, Svso tek vhleha ma! hvsh falamashke; nanta katiohmi ho si awant hvsh ia hinla ho? himakma ushi vt vm oshvto ya vlhto tuk osh hvchi hatak toba hinla cho?

12. Falamvt hvsh iashke, svso tek vhleha ma! sa sipokni fehna hokvt hatak vm asha he keyu hoke. Yohma chi ahni li, micha himak ninak ak kia hatak vm asha cha, ushi vm asha chi achi li kia;

13. Hvsh im ashwa na hofantitaha hinla cho? hvsh im ashwa na hatak hvch ik auwayo ka hinla cho? Keyu, svso tek vhleha ma! hvchishno pulla kak o sa nukhaklo fehvshke, Chihowa ibbak vt si asanalit si onvtola hoka, im achi tok.

14. Mihma anonti chitolit yaiyvt okla tok. Mihmvt Opah hut ipokni ya i suksowa tok; amba Lulh vto heh ahnit asitia tok.

15. Mihma Naomi vt Yakeh! ish ita tuklo tuk vt falamvt im okla, micha i na holbut toba puta ka im ivshke: ish ita tuklo ka falamvt iakaiyvt ish iashke, achi tok.

16. Mihma Lulh vt, Chissa la he, micha chiakaiya li kv falama la he a chik svm asihhlo kashke: kanima ish ayakma, aya la chi; kanima ish ai vttakma, ahanta la chi; chim okla hak osh vm okla cha, chin Chitokaka ak osh an Chitokaka ha chi hoke.

17. Kanima a chillikma, a salla chi, micha yvmmak o a sa hollopa chi hoke: illi ak illa hosh chishno, micha vno pit i filvmmichi keyukma, Chihowa yvt yakohmi, micha i shakli kia si yvmihchashke.

18. Mihma ia pulla kak o kullot im anukfila na pisa mvt, im anumpuli kv̄t issa tok.

19. Yvmohmi ma itatuklot itiachi tuk osh Belh-lehem a ona tok. Atuk o yakohmi tok, Belh-lehem a itonachi ma, tumaha moma kv̄t a kv̄vllit, Ilvppvt Naomi o? okla achi tok.

20. Mihma *Naomi hvs si achi ná, †Mala hvs si achashke: Nana moma i shahli hv̄t homi hō si yvmihchi tuk oka.

21. Si alota hosh kohchvt ia li tok kia, iksho hō anonti an chuka Chihowa yvt svsht vlvshke: yohmi ka nanta kati-ohmi hō Naomi hvs si achi hō? Chihowa yvt si atokolit a sanali, micha Nana moma i shahli hv̄t svlvshali tuk oka.

22. Yvmohmit Naomi, micha ipok Lulh Moab ohoyo ita tuklot falamvt Moab yakni ya a kohchvt ona tok: micha bali ya bv̄shlit isht ia hō Belh-lehem a it onachi tok.

CHAPTA II.

MIHMA Naomi vt i hatak i kanomi yosh hatak holitompa im il a yak chito fehna Elimelech in chuka achvfa yosh anta tok; micha hohchifo kv̄t Boas atok.

2. Mihma Lulh Moab ohoyo hash osh Naomi ya, Himak a osapa ak ia chá, kv̄na hō i holhponayo hanta ai ahayuchi likmvt, onush noshkoba ya vlvllit iakaiya lashke, im achi ma, Iá, svsotek ma! im achi tok.

3. Mihma ia tuk osh ona cha, onush bv̄shli vhleha ha iakaiyvt osapa ya ai vlvlli tok: micha Boas Elimelech i kanomi im osapa kashapa yoba hō ona tok.

4. Yohmi ma yakeh! Boas vt Belh-lehem a minti hosh vla cha, onush bv̄shli vhleha ha, Chihowa yvt hv̄ch ibafo-yukashke, im achi ma, aalamichit, Chihowa yvt chi yukpalashke, okla im achi tok.

5. Yvmohmi ma Boas vt in tishu onush bv̄shli vhleha pehlichi ya, Ilvppvt kv̄ta ushetik o? im achi tok.

6. Mihma tishu onush bv̄shli vhleha pehlichi yash osh

* Achukma.

† Homi.

afalamichit, Moab ohoyo himita, Naomi vt Moab yakni kohchvt falamvt vla ma, takla vla tok mak oke.

7. Yohmi hosh, Onush bvshli vhleha ha iakaiyvt onush talakchi ai asha ka ak vlvlli, achi tuk; atuk osh vla cha, ahanta na onnahinli yatuk vt himakvshke, peh ik hopako ho chuka ya ont ashvt foha tuk oke, achi tok.

8. Yvmohmi ma Boas vt Lulh a, Chik haklo? svsotek ma! osapa inla ya vlvllit chik aiyo, micha ilvppa issvt chik aiyo hosh amba ohoyo himita vhleha ilvppa vm asha ka apotvt ish ahantashke:

9. A bvshli ka osapa ya chi nishkin a onochit ish pisa cha, ish iakaiyashke: hatak himita vhleha ha chi potola he keyu ka i miha li tuk keyu cho? micha chitukshilakmvt, oka ai vltto puta ka ishit hatak himita vhleha oka ochi tuk a ont ish ai ishkashke, im achi tok.

10. Yvmohmi ma akachunolit aka hlipvt, Nanta katiohmi ho chi holhponayo hanta a chi ahayuchi li, ithanvt is sa pisa cho? ohoyo ik ithano sia hoka, im achi tok.

11. Mihma Boas vt afalamichit, Chi hatak vt illi tok ititakla haya chipokni ya ish kaniohmihinchit tuk a, moma kvv atokowvt vm annoa tuk oke: yohmi kvv chiki, micha chishki, micha yakni ish ai vttat yatok a issvt okla chashpo ish ithana chatuk keyu kvv ant ish ibafokvshke.

12. Nana ish a kaniohmi tuk a Chihowa yvt chim atobbashke, micha Israel in Chitokaka Chihowa, yvma sanahchi a nutakvt ish a nukchieta chi hosh ish la tuk a vlttoba ai ona achukma ho chimashke, im achi tok.

13. Yvmohmi ma A shahli ma! chi holhponayo hanta ak chi ai ahayuchi, ohoyo himita vhleha chim aiasha ka achvfa ka chohmi li keyu kia, is sa hopohlvi hoka, micha chin tishu ohoyo ha i kanvt ish im anumpuli hoka, achi tok.

14. Mihma Boas vt, Impa ai ona ish la cha, pinak a vput, chi pvvka tushafa winaka ibai okvchit ish pashke, im achi tok. Mihma onush bvshli vhleha bilika binili tok: mihma yvmak ash osh onush vlvvsha pit ima na impvt fihopa ma, asha moma tok.

15. Mihma vlvlla chi hosh wakaya ma, Boas vt hatak

himita vhleha ha i mihvt, Onush talakchi ai asha kak kia ik vlbulli, micha hvsh hofahyali ná;

16. Micha ibbak alolua kanimi kia ik chilofá, ahnit asha-chit isht hvsh aya na vlbulla ehike; micha hvsh im olvbi ná, im achi tok.

17. Yohmi na osapa ya vlbullit ahanta na opivt taha ma, vlbulli tuk vt bolit nihechit tahli ma, bali vt efah achvfa foka tok.

18. Mihma ishi mvt, tmaha holihta yash ont chukowa tok: mihma ipokni vt vlbulli tuk a pisa tok; mihma fihopa mvt ilatomba tuk vt isht vltv ima tok:

19. Mihma ipokni vt, Katima yak o himak nitak a ish ai vlbulli tuk oh cho? mikmvt katima yak o ish a toksvli tuk o? kuna hosh yohmi, chi ahni tuk vt holitopashke, im achi tok. Mihma kuna ho iba toksvli tuk vt ipokni ya im anolit, Himak nitak a iba toksvli li tuk hohchifo ket Boas oke, achi tok.

20. Mihma Naomi vt ipok a, Hatak yummvt okchaya, micha illi tok aiena kash i kana ket Chihowa im aholitopashke, im achi tok. Micha Naomi vt, Hatak yummvt pi kanomi fehna, pi kanomi i shahli moma hoke, im achi tok.

21. Mihma Lulh Moab ohoyo hv, Ohoyo himita vhleha vm asha ka apotort ish ahanta na onush a bvshlit tahla chi hoke, vm achi tuk oke, achi tok.

22. Mihma Naomi vt ipok Lulh a, Ilvppak osh achukma, svsotek ma! ohoyo himita vhleha im ai asha kak o takla ish aya na osapa inla kanima ik chi ai itafamo kashke.

23. Yvmohmi na Boas ohoyo himita vhleha im ai asha kak o apotort vlbullit ahanta na bali bvshli; micha onush bvshli aiena ket ont taha tok; mihma ipokni takla ahanta tok.

CHAPTA III.

MIHMA ipokni Naomi vt, Svsotek ma! nana chim ai achukma hi a afoha chi hoyo la he keyu cho?

2. Yohmi ka himak a Boas yvma ohoyo himita vhleha

im aiasha kak o takla ish aya tuk vt pi kanomi keyu? yakeh! himak ninak a a nihechi ya bali muslichit isht anta hoke.

3. Yvmohmi hoka yupit pashi ahama il ai ahvmmit na-fohka ish fohka cha, a nihechi ya ish onashke; yohmi kia hatak vt impvt ishkot ik isso kisha ka ish im ile haiakvchi ná.

4. Yvmohmi tuk o tvshkikma, ai itola ka achukmalit ish pisa tuk osh, ish chukowa cha, iyi ompoholmo ka ish wakvmmi cha, ish tvshka chike; yohmikma ish kaniohma chi ka chim anola chi hoke, im achi tok.

5. Mihma, Nana is svm achi tuk a moma ka yvmihchi la chi hoke, im achi tok.

6. Mihmvt a nihechi ya ona cha, ipokni vt nana i miha tuk moma ka yvmihchi tok.

7. Yvmohmi tuk o Boas vt impvt nan ishkot, chukvsh yukpvt taha mvt, ivt onush nihi itvnahachi vhli ont tvshki tok: mihma lumvt ivt iyi ompoholmo ya wakvmmi cha, tvshki tok.

8. Atuk o yakohmi tok, ninak iklvna ma hatak ash osh nukshopa cha, filema tok: mihma yakeh! ohoyo hvv iyi ya itoyula tok.

9. Mihma, Kuta chia hoh cho? achi ma, afalamichit, Chin tishu ohoyo Lulh sia hoke: yvmohmi hoka chin tishu ohoyo ha ish anchi vhli ka et si onochi; a kanomi fehna chia hokvt.

10. Mihma Chihowa i holitopa chia hashke, svvotek ma! hatak limita ilbvsha yokmá, nana in laua yokmá nana kia chik iakaiyo hosh, vmmona tuk ak kia i shahlichit ishtaiyopi ka is sa kana hokvt.

11. Yvmohmi ka inta! svvotek ma! chi nukshopa ná; nana is svm ahni tuk a moma chi yvmihchi lashke: ohoyo kostini chia ka vm okla moma tvmah holihta ai asha kvv ithana hoka.

12. Yohmi ka chi kanomi fehna sia kvv ahli: yohmi kia chi kanomi a shahli kvv anta hoke.

13. Himak ninak a ish anta tuk o onnahinlikma, i kanomi

nana a kaniohmichi chatuk a chi yohmikma vlhpesa chi: i kanomi nana akaniohmichi chatuk a yohmashke: amba i kanomi nana akaniohmichi chatuk a chi yohma he keyukma, vno ak osh i kanomi nana akaniohmichi chatuk a, Chihowa yvt okchaya pulla ka, chi yohmi la chi hoke; ish itonla na onnashke, achi tok.

14. Mihma iyi ya itoyula na onna tok: mihmut achufa kvt inla ya ithana he keyu moma ho wakaya tok. Mihma a nihechi ya ohoyo hvt vla tuk a, kuna kia ik akostinincho kashke, achi tok.

15. Micha, Anchi ish anchi kvt isht vla cha hahanli, achi tok. Mihma halanli ma, bali vlhpisa hannali ho apesa cha, shalichi tok: mihma tumaha holihta yash ont chukowa tok.

16. Mihma ipokni ya im ona ma, Kuta chia hoh cho? svsotek ma! achi tok. Mihma hatak ash osh nana akaniohmi tuk a moma im anoli tok.

17. Micha Bali vlhpisa hannali ilvppa vma tuk oke: nana iksho ho chipokni ya chik im ono kashke, vm achi hatuk okvt.

18. Yohmi ma Svsotek ma! lumvt asha cha, nana kvt kaniohmi na ish pisashke; hatak yummvt nana ka himak nitak a ik tablo kvt achukmt binila chi keyu hoka.

CHAPTER IV.

YOHMI ma Boas vt vt holihta okhissa yummak o ont binili tok: mihma yakeh! i kanomi Boas vt anoli tuk ash osh ant ia tok; yummak ash o, Yakeh! chishno ya; fullotvt ilvppa ant binili, im achi ma, fullotvt binili tok.

2. Yohmi ma tumaha holihta yash hatak im asvnonchi pokoli ho hoyo cha, Ilvppa ho binohli, achi ma, okla binohli tok.

3. Mihma i kanomi yash, Naomi, yummvt Moab yakni kohchvt salamvt vla kash osh, yakni kashapa pitibapishi Elimelech inmi atok a, kanchi mak oke.

4. Yvmohmi hō atokolit chim anolit, okla itikba, micha vm okla im asvnonchi vhleha itikba a chumpá, achi la hō ahni li tuk oke. Falaminchit chumpa lashke, ish ahnikmvt, falaminchit ish chumpashke; amba falaminchit ish chumpa he keyukmvt vm anolí, yohmi na haklo lashke: falaminchit chumpa inla kv̄t iksho, chishno ak illa hoka; mikma vno ak osh chiakaiya li hoke, im achi tok. Mihma falaminchit chumpa lashke, achi tok.

5. Mihma Boas vt, Nitak kaniohmi hō osapa yash Naomi ish in chumpakmvt, Moab ohoyo Lulh illi tok tekehi ak kia ish in chumpa cha, illi tok hohchifo hā im ikbit ī yakni ya ish ai o hilechi pullashke, achi tok.

6. Mihma ī kanomi yash osh yakni ieshi li v̄lhpesa kash okp̄ni la hinla hatuk osh, vno yak inli hokvto falaminchit chumpa la he keyu; vmmi v̄lhpesa tuk a chishno yak osh falaminchit chumpvt ish ishashke; falaminchit chumpa la he keyu hoka, achi tok.

7. Yohmi ka Israel a nitak chashpo ka na falaminchit chumpa, micha nan itatoba puta aiena ka ai āblichā chī kv̄t yakohmi beka tok, hatak vt ī shulvsh a shūfi cha, in chuka a bilika hatak a ima beka tok: mihma ilvppak o Israel okla hv̄t ai yvmohmi beka tok.

8. Yvmohmi hō ī kanomi hash osh Boas a, Chimmi ha chī hosh ish chumpashke, im achi tok. Yohmi mvt ī shulush a shūfi tok.

9. Mihma Boas vt hatak asvnonchi puta, micha okla moma aiena ka, Himak nitak fehna ka hv̄sh p̄isa hō, nana Elimelech immi hatok moma, micha Chilion immi hatok moma, micha Mahlon immi hatok moma aiena ka Naomi ya in chumpa lishke.

10. Micha illi tok hohchifo hā im ikbit ī yakni ya ai o hilechi la chī hosh Lulh Moab ohoyo, Mahlon tekehi atok a, sa tekehi ya chī hosh chumpa lishke; yohmi hō illi tok hohchifo hv̄t itibapishi vhleha ai ititakla, micha ai v̄tta tok holihta okhissa ya ik kv̄nio kashke; himak nitak a p̄isa hv̄chia hoke, im achi tok;

11. Mihma okla moma holihta okhissa hielī tuk, micha

asnonchi aiena kv̄t, Pīsa pia hoke. Ohoyo chin chuka chukowa ka Chihowa yvt Lechel, micha Leah, tuklo yrm-mak osh Islael chuka achvfa yā ikbi tok oka ymmak o chohmichashke: mikma Eflatah yā ish a holitopashke, micha Belh-lehem a chi hohchifo kv̄t ai annohowashke:

12. Michā chin chuka yvt chim ishtatiaka Chihowa yvt ohoyo himita ilvppa ai isht chima chī kv̄t Tama yvt Chutah yā im eshi tok Fales in chuka yak o chohmashke, okla achi tok.

13. Yvmohmi ma Boas vt Lulh a ishi na tekchi tok: atuk osh iba chukowa ma, Chihowa yvt vlpesa ahni na vlla shali tuk osh, vlla nakni yō eshi tok.

14. Mihma ohoyo vhleha hv̄t Naomi yā, Chihowa yvt holitopashke; yvmmvt himak nitak fehna ka i kanomi iksho ik chi kanchō hō, Islael okla hā hohchifo kv̄t holitopvt ai annohowa chī hoke.

15. Michā falaminchit okchalinchī chin chiyuhma chī hoke, micha chī sipoknit taiyaha ka chī shoyuli yā chī hoke: heh chī ahni kv̄t ushi untuklo chim i shahli chipok vt chim eshi tuk okvt, im achi tok.

16. Mihma Naomi vt vlla yash ishi cha, ikkishi hā onochi cha, vlla yā shoyulit hofantichi tok.

17. Michā chuka abilika ohoyo vhleha hash osh, Naomi vt ushi ashvshke, mihmvt hochifot Obet achi tok: ymmak osh Chesse Lewi iki yā iki yoke.

18. Yohmi ka Fales ishtatiaka yvt ilvppak oke: Fales vt Heslon a tobachi tok,

19. Mihma Heslon vt Lam a tobachi tok, mihma Lam vt Amminatab a tobahechi tok,

20. Mihma Amminatab vt Nahshon a tobachi tok, mihma Nahshon vt Salmon a tobachi tok,

21. Mihma Salmon vt Boas a tobachi tok, mihma Boas vt Obet a tobachi tok,

22. Mihma Obet vt Chesse yā tobachi tok, mihma Chesse vt Lewi yā tobachi tok.oke.

THE
FIRST AND SECOND BOOKS OF SAMUEL.

AND THE
FIRST BOOK OF KINGS,

TRANSLATED INTO
THE CHOCTAW LANGUAGE.

SAMUEL I HOLISSO
UMMONA, ATUKLA ITATUKLO,

MICHA
MIKO UHLEHA,
ISHT ANUMPA UMMONA

AIENA KUT TOSHOWET
CHAHTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1913.

SAMUEL

I HOLISSO UMMONA HOKE.

SAMUEL

I HOLISSO UMMONA HOKE.

CHAPTA I.

MIHMA hatak achvfa kv̄t Lamahlaim-sofim Eflaim nv̄nih minti hosh hohehifo kv̄t, Elkanah Eflahlait hatak osh ahanta tok, yv̄mmvt Cheloham ushi, yv̄mmvt Elihu ushi, yv̄mmvt Tohu ushi, yv̄mmvt Suf ushi atok.

2. Micha yv̄mma tekchi vt in tuklo tok; achvfa hohehifo kv̄t Hannah yokma, achvfa vto hohehifo kv̄t Peninnah atok: mihma Peninnah vt vlla im ashakma, amba Hannah vto vlla ik im iksho ki tok.

3. Mihma hatak ilv̄ppvt afv̄mmikma in tumaha holihta ya kohev̄t Shiloh ya onvt, vba nan okluha il ai eshi Chihowa aiōkpv̄chit nan vbit isht aiōkpv̄chi beka tok. Mihma Hofni, micha Finehas Eli ushi tuklo Chihowa nan isht im ashwa vt yv̄mma ashwa tok.

4. Atuk ō Elkanah vt nan vbit isht ai aiōkpv̄chi nitak vt v̄la ma, tekchi Peninnah, micha ushi v̄hleha moma, micha ushetik v̄hleha aiena ka i hopela tok.

5. Amba Hannah ano, holhpela tuklo hō ima tok: Hannah ya i hullo hatuk okvt; yohmi kia Chihowa vt im oshvto ya im okhishta tok.

6. Mihma ichapa yvt Chihowa vt im oshvto im okhishta kak ō chukv̄sh okpulochi feh̄v̄t nokov̄chi tok.

7. Mihma afv̄m̄mi hosh afv̄mmikma Elkanah vt yv̄mohmi hatuk ō, Chihowa im aboha ya onakm̄v̄t, yv̄mohmit chukv̄sh okpulōhonchi beka tok; yv̄mohmi ma yaiya cha, impa he keyu tok.

8. Mihma i hatak Elkanah vt, Hannah ma! nanta katiohmi h_o ish yaiya cha, ish impa he keyu cho? micha nanta katiohmi h_o chi chukvsh vt nukh_haklo cho? ushi pokoli kak kia chim i shahli li keyu cho? im achi tok.

9. Yvmohmi ma Shiloh ya nan ai imput, micha nan ish-kot issa ma, Hannah vt wakaya tok: (mihma Eli na holi-tompa isht vtta yvt Chihowa in tempel tonik bilika ai om binili hikia h_o om binili tok.)

10. Mihma Hannah ash osh chukvsh nukhahvmmi cha, Chihowa im asihihlv_t yahaya fehna tok.

11. Mihmut ilap im anukfila hosh Chihowa im ai ahlich_a he anumpa il onochit, Uba nan okluha il aieshi Chihowa ma! chin tishu ohoyo ilbvsha ka ish pisa pulla mvhli, micha is svthaiyana cha, chin tishu ohoyo h_a ik chim ahakso hosh, amba chin tishu ohoyo h_a vlla nakni y_o ish ima pullakma, yvmohmikma okchayvt ahanta nitak moma ka Chihowa ya ima la hi oke; mikma nutakhish ishit shafa yvt noshkobo onvtoyula hi keyu hoke, achi tok.

12. Atuk o yakohmi tok, Chihowa itikba ya anumpa ilbvsha anumpohonli imoma ma, Eli vt itih ha atokolit pisa tok.

13. Mihma Hannah vt chukvsh ak inli anumpohonli tok; itivlbi ak illa hosh ilhkoli ma, amba im anumpa hano ik haklo tok: yohmi hatuk osh Eli vt haksi h_o im ahoba tok.

14. Mihma Eli vt, Chi haksi na hopaki kv_t katiohma chi cho? chim oka p_aki ya ish kanvllichashke, im achi tok.

15. Mihma Hannah vt afalamichit, Keyú, a shahli ma! ohoyo chukvsh nukh_haklo sia hoke: oka p_aki, micha nan ishko kvllo nana kia ishko li tuk keyu hoke, amba Chihowa itikba ya sa chukvsh a kocha pit fohobli li hoke.

16. Chin tishu ohoyo h_a Belial ushetik chik si apeso kashke: nana a nukh_haklo, micha isht a svlvsha kv_t laua kak osh anohonlit anumpohonli li himakvshke, achi tok.

17. Mihma Eli vt afalamichit, Chi nuktaiyalvt ish ayashke: mikma Israel in Chitokaka vt nan asilhha ish im asilhha tuk a chimashke, achi tok.

18. Mihma, Chin tishu ohoyo hv_t chi tikba ya isht i kana

yā ai ahayuchashke, achi tok. Yumohmi mut ohoyo hash osh ia cha, impa mut, himmakma nashuka ik il apisso tok.

19. Mihma onna hā onnahinli moma hō okla wakaya cha, Chihowa itikba ai aiokpuchi mut, falamut in chuka Lamah hā ona tok: mihma Elkanah vt tekchi Hannah yā ithana tok; mihma Chihowa vt ithaiyana tok.

20. Yumohmi hō ont yakohmi tok, Hannah vt vlla shali havt nitak ont ai vhpiesa ma, vlla nakni yō eshi cha, Samuel hochifo tok; Chihowa yā im asilhha li tuk okvt, achi tok.

21. Mihma hatak Elkanah ash osh, micha in chuka achvfa aiena kvt afummikma, nan vbit isht aiokpuchi im issa chī, micha ilap im anukfila hosh Chihowa nan im issa he anumpa il onochit ai ahlichā chī hosh ia tok.

22. Yohmi kia Hannah vt ik aiyo tok: i hatak ā, Ulla vt pishit ik isso kisha ka ia la he keyu; yohmi ka yohmik mvno, Chihowa itikba hikia he, micha yummak o ahanta na bilia hi o isht ona la hi oke, im achi tok.

23. Mihma i hatak Elkanah vt, Nana chim vhpesa kak osh ish yumihashke; ish antvt vlla pishi ka ish issvchi ha yashke; peh Chihowa yak osh im anumpa hā ai ahlichashke: im achi tok. Yohmi hō ohoyo hash osh ahantvt vlla yā pishechi tuk osh issvchi tok.

24. Atuk osh pishechi tuk vt issvchi mut, ishi cha, wak hobvk himita tuchina, micha bota tohbi efah achvfa, micha okapaki kotoba achvfa aiena ka ishi cha, Chihowa in chuka Shiloh yā isht ona tok: mihma vlla yash osh himita tok.

25. Mihma wak hobvk himita achvfa hō okla vbi cha, vlla yash Eli yā isht im ona tok.

26. Mihma Hannah ash osh, A shahli ma! chimi shilombish vt okchaya pulla ka ā shahli ma! vno ak osh ohoyo hut chī bilika ilvppa Chihowa yā im asilhhvt hikia tok mih sia mak oke.

27. Ulla ilvppak o asilhha li tok oke: atuk o Chihowa vt nan asilhha im asilhha li tok ā vma tok oke.

28. Yumohmi hoka Chihowa yā im pota li ak inli hoke: okchaya ititakla ka Chihowa yā im pota li hoke. Mihma yummak o Chihowa yā ai aiokpuchi tok.

CHAPTA II.

MIHMA Hannah vt anumpa ilbvsha anumpulit, Sa chvkvsh vt Chihowa ya ai yukpvshke, an lapish okvt Chihowa ya a chahvshke; svtih hvt wakamvt an tvnvp vhleha ha o wlvpli hoke; is si apelvchi tuk a sai yukpa hokvt.

2. Nan ashvchi iksho Chihowa ohmi kvv iksho hoke: inla yvt iksho ho, chishno ak bieka hokvt: micha tvli chaha nana kia pin Chitokaka chohmi kvv asha keyu hoke.

3. Himak pilla ka yohmit ile chahvchi atampa fehvt hvsh anumpuli na: ilefehvtchi anumpa hvt chitih ha ik kohcho kashke: Chihowa vt Chitokaka nan ithana yosh yvmmak osh nana kaniohmi puta ka wekichu hoka.

4. Hatak hlampko imiti tanampo puta kvv kobahlishke, mikma hliposhi tuk vt hlampko yo isht vskofvchishke.

5. Kaiya tuk vt pvsha ya asitvba chi hosh inla im ile tohnoshke; mikma hohchvfo tuk vt ik yohmoshke: yvmohmi ho vlla ik im iksho vt untuklo ho eshi ma, vlla in laua tuk vt hliposhit isht ivshke.

6. Chihowa ak osh illichu hoke, mikmvv okchalinchi hoke: akovvchit ahollopi isht ona hoke, mikmvv wakayvchi hoke.

7. Chihowa vt ilbvsha ikbi hoke; mikmvv nan in laua ikbi hoke: akanlosechi hoke, mikmvv wakayvchi hoke.

8. Hatak ilbvsha ya hituk chubbi ya akohchit wakayvchi hoke, micha hatak nan asilhha vt chopilhkvsh ititakla binili tuk a wakayvchi cha, hochitoka takla binilichit ai om binili holitompa ieshichu hoke: yakni in tonik puta kvv Chihowa yak o immi hokvt, micha yvmmak osh yvma vba puta ya ai on talali hoke.

9. Yvmmvv ilap i holitopa vhleha iyi ya im atona hi oke; mikma nan ashvchi vhleha hvt ai okhlilika aiashvt chulusa hi oke; ilap imi hlampko ak inli kvv kvna hosh imaiya he keyu hoke.

10. Chihowa i sanali vhleha hvt kobahlit taha hi oke: vba shutik o et ai o hiloha hi oke: Chihowa vt yakni ont ai chli ka nan im apesa hi oke; miko ya atokoli tuk vt hlamp-

ko ima cha, Nan ahamvt im vlhtoka in lapish a chahvcha hi oke, achi tok.

11. Mihma Elkanah vt in chuka Lamah ya ona tok. Mihma vlla yash osh Eli naholitompa isht vtta itikba ya ahanvt Chihowa nan isht im vtta tok.

12. Mihma Eli ushi tuklo kv Belial ushi atok: micha Chihowa ya ik ithano tok.

13. Mihma naholitompa isht vtta yvt okla ha na kaniohmichi kv, yvmvt hatak nana hosh nan vbit isht aiokprechi ya im issakma, naholitompa isht vtta in tishu hv nipi vt wahlvlli moma na, nipi ishit bihli noti tuchina ibbak foyuka hosh vla beka tok.

14. Mihmvt asonak mahaia, keyukmvt asonak lakna, keyukmvt shuti mahaia chito, keyukmvt shuti iyi asha yokma, nanakma bihlikma, nipi ishit bihli vt ishit kohchikma, moma naholitompa isht vtta yvt ilap achi hosh ishi beka tok. Yvmohmit Islaelait moma kv Shiloh ona ka okla yvmihchi beka tok.

15. Mikmvt nia ya ik hukmo kisha ho, naholitompa isht vtta in tishu hv vla cha, hatak nan vbit isht aiokprecha chi kash, Naholitompa isht vtta yvt apushla chi ka nipi ima, honni ya chim isha he keyu hoka, amba okchaki ya, im achi beka tok.

16. Atuk o hatak nana hosh, Chekosi nia ya ik hukmo ki na, yohmikmeno laua kaniohmi ho chi chukvsh vt ahnikmvt, ish ishashke im achikma: yvmohmikma afalamichit, Aha himonasi ya issvmashke: keyukma afoa hosh ishi la chi hoke, im achi beka tok.

17. Yvmohmi hosh hatak himita tuklo kash osh nan ashvchi kv Chihowa itikba ya chito fehna tok: hatak vhleha hv Chihowa nan im issa ya shitlema tok oka.

18. Amba Samuel vto Chihowa itikba ya vlla yosh linen tvna efot isht vskofaiyachi hosh nan isht ahanta tok.

19. Yohmi ma ishki vt nafohka iskitini afvmmi hosh afvmikma i hatak vt afvmmi aiyukali nan vbit isht aiokprechi im issvt ayakma, isht im ona beka tok.

20. Mihma Eli vt Elkanah, micha tekchi ya yukpalit

anumpulit, Chihowa vt ohoyo ilvppa ai unehololi a chimashke, nan im pota yvmma Chihowa ya hvsh im pota tuk oka, achi tok. Mihma in chuka akinli itonachi tok.

21. Mihma Chihowa vt Hannah im aya na, vlla shahanli cha, ushi tuchina, micha ushetik tuklo hō eshi tok. Mihma vlla Samuel vt Chihowa itikba ya hofantit ahanta tok.

22. Mihma Eli vt sipokni fehna tok; micha ushi tuklo kv̄t Israel moma ka kaniohmichi moma ka, micha ohoyo hv̄t okla moma im vlhtipo holitopa okhissa ya ai itahoba ka iba tvshkit okla aiena ka haklo tok.

23. Micha, Nanta katiohmi hō ilvppa ehohmi ka hvsh yvmihchi cho? nana ik achukmo hvsh yvmihinchī ka okla ilvppa moma ka a hahaklo li hoka.

24. Keyú, svso vhleha ma! nan annoa achukma keyu hō haklo li hoka; Chihowa im okla hā hvsh yoshublishke.

25. Hatak achvfa hosh inla ya nan im ashvchi hokma, nan apesa yosh nan im apesa hi oke; amba hatak vt Chihowa ak ǒ i yoshuba hokmvno, kv̄ta hosh isht anumpula hinla cho? im achi tok. Yohmi kia iki im anumpa hā haponakla he keyu tok, Chihowa vt vba chī kv̄t ai ahni tuk oka.

26. Mihma vlla Samuel vt hofantit mahaya mv̄t, Chihowa, micha hatak vhleha aiena ka i holitopa tok.

27. Mihma hatak Chitokaka im antia yosh im vla cha, Chihowa vt yak ahanchishke, Chīki in chuka achvfa ya Echip Feleo in chuka ahanta ma i haiaka li tuk mv̄hli keyu cho?

28. Micha Israel apelihchi puta ka naholitompa isht vm ahanta yosh, vm alta ya ai onochit vm issvt, na balama hukmit, efot foyukvt sa tikba hikia chī hō ai atokoli li tok keyu cho? micha chīki in chuka achvfa ya Israel im vlla vhleha hv̄t i na hukmit isht aiokpv̄chi moma ka ima li tok keyu cho?

29. Yohmi ka nanta katiohmi hō nan vbit ishit si aiokpv̄chi, micha nan vm issa an chuka ai apihisa li tuk a ish habli cha, chiso vhleha hak ǒ ish holitobli kv̄t is s̄a shahlichī cha, vm okla Israel vt nan vm issa ya achukma moma i shahli kak ǒ isht hvsh ile niachi cho?

30. Yrmohmi hoka Israel in Chitokaka Chihowa vt yak achishke, Chin chuka achvfa, micha chiki in chuka achvfa vt sa tikba a nohowa na bilia hi oke, achi li mvhli tok: yohmi tok kia himak ano Chihowa vt achi kv, Ak yohmo kashke; sa holitoblikma, yummak oka holitobli la he, micha kvna hosh sa shitilemakmv, ik ahobo ka hi oke.

31. Yakeh! chin chuka achvfa ya hatak sipokni vt iksho ka hi o, chishakba ya tvbli likmv, chin chuka achvfa shakba ya a tvbli la he nitak vt mintishke.

32. Mikma nana hochukma puta Chihowa vt Israel a ima he tuk kia ai vta li ya tvnv osh aiasha na ish pisa hi oke: yohmikma chin chuka achvfa ya hatak sipokni vt iksho ho bilia hi oke.

33. Hatak chishno akinli yosh vm alta ya ai ahanta ka fiopa ak in tvbli kv, ymmvt chi nishkin illicha he, micha chi chukvsh nukhaklocha he ak achi hoke: chin chuka achvfa ai unchololi vt hatak im ahli moma hosh ihinla hi oke.

34. Mikma ilvppak osh nan isht chim atokowa yosh chiso tuklo Hofni, micha Finehas itatuklo ka onvtola chi hoke: nitak achvfa ho itatuklot illa chi hoke.

35. Mikma naholitompa isht vta ai ahli nana vm anuk-fila, sa chukvsh aiena a sa nukfoyuka kak o a yvmihchi ho il atokolit hilechi la hi oke; mikmv chuka kvllot hikia ho im ikbi la hi oke: mikma Nan ahamvt vm vlhtoka itikba ya a nohowa na bilia hi oke.

36. Atukma yakohma hi oke, chin chuka achvfa kv asha tuk puta kv ont im akachunolit, tvli hvta tushafa, micha pska iskitini i bnnvt, Naholitompa isht vta ahikia achvfa ka is sa fohkashke, yohmi na pska tushafa vpa lashke, chim asilhha lishke, acha hi oke, im achi tok.

CHAPTA III.

MIHMA vlla Samuel vt Eli itikba ahantvt Chihowa ya nana isht im ahanta tok. Mihma nitak yemma Chi-

howa im anumpa hvt achafqa tok; Chihowa nana otvninchi vt tiapa tok keyu hoke.

2. Atuk o nitak yumma yakohmi tok, Eli vt ai itola ya itoyula mvt, nishkin vt knivt isht ia na pisa he keyu tok;

3. Mihma Chitokaka i pula hvt Chihowa in tempel Chitokaka im itombi holitopa a talaia ya hikia tuk vt ik mosho! kisha ho, Samuel vt nusa chi hosh tvshki tok.

4. Mihma Chihowa vt Samuel a i howa tok: mihma afa-lamichit, Yak itonla lishke, achi tok.

5. Mihma malelit Eli ya im ona cha, Yak hikia lishke, is sa howa tuk oka, achi tok. Mihma, Chi howa li tuk keyu, anonti tvshki, achi tok. Mihma ia cha, ont tvshki tok.

6. Mihma himakma anonti Chihowa vt i howvt, Samuel ma! achi tok. Mihma Samuel vt wakayvt, Eli ya im ona cha, Yak hikia lishke, is sa howa tuk oka, achi tok. Mihma afa-lamichi mvt, Chi howa li tuk keyu, svso ma! anonti tvshki, achi tok.

7. Mihma Samuel vt Chihowa ya ik ithano kisha, mihma Chihowa im anumpa hvt ik im otaiyano kisha hatok.

8. Mihma Chihowa vt ont atuchina ma, Samuel a i howa tok. Mihma wakaya cha, Eli ya im ona mvt, Yak hikia lishke, is sa howa tuk oka, achi tok. Mihma Eli vt Chihowa ak osh vlla ya i howa tuk a akostininchi tok.

9. Yvmohmi hatuk osh Eli vt Samuel a, Ish ia cha, ish tvshkashke: atukma yakohma chi hoke, chi howakma, Anumpuli, Chihowa ma! chin tishu hvt haklo hoka, ish achashke, im achi tok. Yohmi ma Samuel vt ai itola ya ona cha, tvshki tok.

10. Mihma Chihowa vt ont hikivt, tikba tuk a chohmit i howvt, Samuel, Samuel, achi tok. Yohmi ma Samuel vt afa-lamichit, Anumpuli, chin tishu hvt haklo hoka, achi tok.

11. Mihma Chihowa vt Samuel a, Yakeh! Islael nana a yvmihchi la hi oke; yumma kana kia haklokmvt, hakso-bish vt itichampvt chasa hi oke.

12. Nitak yumma nana moma Eli in chuka pulla ka anumpuli li tuk vt yvmihchit Eli ya onochi la hi oke: micha ishit wakaya likmvt, ont vhlichhi la hi oke.

13. Nan ashvchi ithana ymma pulla kak o in chuka achvfa ya nan im apesa li bilia chi kvt im anoli li tok: ushi vhleha hvt ile hofahyali ma, ik im olabo chatuk oka.

14. Mihma yvmohmi kak o Eli in chuka achvfa ya anum-pa kvlo il onochit, Eli in chuka achvfa nan ashvchi nan vbit isht ai okprehi, micha ilhpak isht aiokprehi ya ishit kashofa he keyu bilia hi oke, achi li tuk, im achi tok.

15. Mihma Samuel vt itonla na onna tok; mihmvt Chihowa im aboha okhissa ya tiwi tok: mihmvt Samuel vt Eli ya Chihowa nan otvnnichi ash im anoli kvt nukshopa tok.

16. Yohmi ma Eli vt Samuel a i howa cha, Samuel, srso ma! achi tok. Mihma afalamichit, Yak hikia lishke, achi tok.

17. Mihma Eli ash osh, Nanta ho CHIHOWA vt chim achi tuk o? is san luhmi ná, chim asilhha lishke: nana chim achi tuk moma ka nana kia is san luhmikma, Chitokaka vt yakohmi, micha i shahli kia chi yvmihchashke, achi tok.

18. Mihma Samuel vt lushummit im anoli cha, nana kia ik in luhmo tok. Mihma yvmmak ash osh, Chihowa yoke, im vlpiesa kak osh yvmihchashke, achi tok.

19. Mihma Samuel vt hofantit ia tok; mihma Chihowa vt ibafoyuka cha, im anumpa hvt achvfa kia aka ik itulá, im ahni tok keyu hoke.

20. Mihma Israel moma kvt Tan vttvt ivt Bee-sheba ont vhli kvt, Samuel vt Chihowa i hopaii tobt ai ahli ka ithai-yana tok.

21. Mihma Chihowa vt Samuel a anonti Shiloh ya ai i haiaka tok: Chihowa vt Shiloh ya ai im ile haiakvchit; Chihowa im anumpa isht im ile haiakvchi tok oke.

CHAPTA IV.

MIHMA Samuel im anumpa hvt Israel moma ka im ona tok. Mihma Israel vt Filistin okla ha itiba chi hosh kohchvt ia cha, Ebenese bilika binachi tok: mihma Filistin okla hvt Afek ak o binachi tok.

2. Mihma Filistin okla hvt Israel a itiba chi kvt im vlhta-

hvt hieli tok: mihmvt itibit itafama ma, Israel vt Filistin okla itikba akakoha tok; micha ai itibi yumma tushka chipota ya tahlepa sipokni ushta foka ho okla vbi tok.

3. Mihma okla hvt falamvt im vlbina ha ona ma, Israel hatak im asvnonchi vhleha hvt, Katiohmi ho Chihowa vt himak nitak a Filistin okla itikba ya issot pi akakohliche cho? Chihowa nan it im apesa afoyuka itombi holitopa ya Shiloh ya ont ai isht iloh vlashke, yohmi na pititakla vlakmvt, pin tenvp ibbak a kohehit pi hlakofichashke, achi tok.

4. Yumohmi mvt vba nan okluha il aieshi Chihowa che-lubim ititakla ahanta i nan it im apesa afoyuka itombi holitopa ya ont ai isht vla chi ho Shiloh ya pila tok: mihma Eli ushi tuklo Hofni, micha Finehas itatuklo kvv Chitokaka nan it im apesa afoyuka itombi holitopa ya takla ashwa tok.

5. Atuk o Chihowa nan it im apesa afoyuka itombi holitopa vt binah ha vla ma, Israel moma kvv shakapa chito shakapa tok; yohmi ho anonti yakni vt winihvchi tok.

6. Mihma Filistin vhleha hvt shakapa ka haklo cha, Heblu vhleha i binah ha shakapa chito ilvppvt nanta hoh cho? achi tok. Mihma Chihowa im itombi holitopa vt binah vla ka akostininchi tok.

7. Mihmvt Filistin vhleha hvt nukshopa tok; Chitokaka hvt binah ha vlshke, okla achi hatuk osh. Mihmvt, Na palvmmi vt pi onvtolvshke! tikba ka nana ilvppa chohmi kvv yakohmi tok keyu hoka.

8. Na palvmmi vt pi onvtolvshke! Kvta hosh Chitokaka nana moma imaiya vhleha ilvppa ibbak a a kohehit pi hlakoficha chi cho? Chitokaka vhleha ilvppak osh Echip okla ha yakni haiaka ya na palvmmi puta isht issot kanchi tuk mak oke.

9. Hvsh kvllashke, micha nakni hvsh chiyuhmashke, Filistin hvchia ma! Heblu vhleha hvt yumohmi tuk a chohmit in tishu ha hvch ik tobo kashke: nakni chiyuhmit hvsh itibashke, achi tok.

10. Mihmvt Filistin vhleha hash osh itibi ma, Israel vt akakoha tok: mihmvt okla yihlepa cha, hatak vt i binah ai-yukali ka ona tok: mihma illi kvv laua fehna tok; Israel vt

hatak aka aya vt tahlepa sipokni pokoli tuchina hosh aka-koha tok oke.

11. Mihma Chitokaka im itombi holitopa ya ishi tok: mihma Eli ushi tuklo, Hofni, micha Finehas itatuklo ket illi tok.

12. Mihma Benchamin hatak osh tvshka chipota aiasha ka hiki vt maleli mvt, mih nitak akinli hq Shiloh ya i nafohka vt hlilafa cha, lukfi vt noshkobo ha onvtoyula hosh ona tok.

13. Atuk osh ona ma, yakeh! Eli vt hina apota ka hopokoyo hosh ai om binili on asha tok; Chitokaka im itombi holitopa pulla kak o chukvsh vt wvnhinchu hatuk osh. Atuk o hatak ash osh tmaha holihta ya ont chukowa cha, anoli na tmaha holihta moma ket chitoli hosh yaia tok.

14. Mihma yaivt shakapa na Eli vt haklo mvt, Nanta katiohmi hq shakapa yakohmi ket yohmi cho? achi tok. Mihma hatak ash osh tvshpa hosh chukowa cha, Eli ya im anoli tok.

15. Mihma Eli vt afvmmi pokoli chakkali akucha untuchina tok; micha nishkin vt tohbi cha, nana pisa he keyu tok.

16. Mihma hatak ash osh Eli ya, Uno ak osh tvshka chipota aiasha ka kohcha li tuk oke, micha himak nitak ak o tvshka chipota aiasha ka kohchvt maleli li tuk oke, im achi tok. Mihma, Nanta hq katiohmi cho? svso ma! achi tok.

17. Mihma anumpa shali yash osh afalamichit, Israel vt Filistin vhleha itikba ya yihlepshke; micha illi ket laua fehvshke; mihma chiso tuklo Hofni, micha Finehas itatuklo kak kia illishke; mihma Chitokaka im itombi holitopa ya ishishke, achi tok.

18. Atuk o yakohmi tok, Chitokaka im itombi holitopa ya isht anumpuli ma, holihta okhissa lapali ka ai om binili on asha tuk vt olvvhpevt ivt ont itula mvt, ikunla vt tilofa cha, illi tok: hatak sipokni yosh weki hatuk okvt. Michu Israel a afvmmi pokoli ushta hq nan im apesa tuk atok.

19. Mihma ipok Finehas tekchi vt vlla shali tuk osh eshi ahosi tok: atuk osh Chitokaka im itombi holitopa ya ishi tuk annoa ka haklo, micha invfo, micha i hatak aiena ket

illi tuk a haklo mvt, aka chunoli cha vlla eshi tok; nukhvni vt ant onvtoyula hatuk okvt.

20. Atuk osh illi fokali ma, ohoyo bilika' hieli kash osh, Chi nukshopa ná, vlla nakni yō ish eshi hokvt, im achi tok. Yohmi kia afalamichi kvt nana ik acho, micha nana yohmi ik ahno tok.

21. Mihmvt, Israel isht a holitopa vt knivshke, achi hosh vlla ya Ikabot hochifo tok. (Chitokaka im itombi holitopa ya ishi, micha imvfo, mikmvt i hatak aiena hatuk pulla kak o.)

22. Mihmvt, Israel isht aholitopa vt knivshke: Chitokaka im itombi holitopa ya ishi hoka, achi tok.

CHAPTA V.

MIHMA Filistin vhleha hvt Chitokaka im itombi holitopa ya Ebenese ya ai ishi cha, Ashtot a isht ona tok.

2. Filistin vhleha hvt Chitokaka im itombi holitopa ya ishi mvt, Takon im aboha okla isht ona cha, Takon apotolit talali tok.

3. Atuk o Ashtot asha tuk vt onna ma onnahinli fehna wakaya ma, yakeh! Takon vt Chihowa im itombi holitopa itikba ya nashuka ya ishit hlipivt aka itula tuk achini tok. Mihma Takon a okla ishi cha, aiasha ya anonti hilechi tok.

4. Atuk osh onna kvt onnahinli moma na wakaya ma, yakeh! Takon vt Chihowa im itombi holitopa itikba ya nashuka ishit hlipivt aka itula tuk achini tok: mihma Takon noshkobo, micha ibbak pvtha vt iti champa aiena kvt tvptua tuk osh okhissa in tola yak o kahvt maya tok: Takon vt peh haknip ak bano hosh itonla tok.

5. Yvmohmi tok o Takon i naholitompa isht asha, micha kana kia Takon im aboha ya chukowakmvt, Takon im aboha Ashtot hikia ka okhissa in tola ya ik a nowo tuk osh himak nitak ak kia yvmohmi momvshke.

6. Yvmohmi kia Chihowa ibbak vt Ashtot ai asha ka i weki fehna tok; micha okpvni cha, Ashtot, mikmvt ai vlli fullota ka isht asha hlachowa onochi tok.

7. Mihma Ashtot hatak vhleha hvt yvmohmi na pisa mvt, Israel in Chitokaka im itombi holitopa vt pi takla talaia he keyu: ibbak vt weki fehna hosh pishno, micha Takon pi na holbvt toba aiena ka pi onvtoyula hoka, achi tok.

8. Yvmohmi hō hoyot Filistin okla i hochitoka puta ka itvnahli cha, Israel in Chitokaka im itombi holitopa ya e katiohmicha chī cho? achi tok. Mihma afalamichit, Israel in Chitokaka im itombi holitopa ya falvmmichit Kalh a isht onashke, achi tok. Mihma Israel in Chitokaka im itombi holitopa ya yvmma isht ona tok.

9. Atuk o yakohmi tok, yvmma isht ona haya, Chihowa ibbak vt tmaha holihta yash im i sanalit nukhlakvshli fehna tok: micha tmaha holihta hatak chipunta, micha hochito moyuma ka isso na isht asha ya okla hlachowa vbi tok.

10. Yvmohmi ma Chitokaka im itombi holitopa ya Eklon ak o pila tok. Atuk o yakohmi tok, Chitokaka im itombi holitopa vt Eklon a vla ma, Eklonait vhleha hash osh payvt, Israel in Chitokaka im itombi holitopa ya pishno ma, micha pim okla aiena ka isht vbit pi tahla chī hosh ishit pim vlvshke, achi tok.

11. Yvmohmi hō pilt, Filistin okla i hochitoka vhleha puta ka okla hoyot itvnahli cha, Israel in Chitokaka im itombi holitopa ya hvsh pila na atalaia he vlvpesa kv anonti onashke, yvmohmi hosh pishno, micha pim okla aiena ka ik pe bo kashke; tmaha holihta moma afullota ka ililli okpulo vt ishit nukhlakanchit ihinli tok oka; Chitokaka ibbak vt yvmmak kia weki fehna tok.

12. Mihma hatak vhleha hvt ik illo tuk a isht asha hlachowa isht vbichi tok: mihma tmaha holihta yaiya kv shutik a ona tok.

CHAPTA VI.

MIHMA Chihowa im itombi holitopa vt Filistin okla i yakni ya aya na hvshi untuklo tok.

2. Mihma Filistin okla hvt naholitompa isht asha vhleha, micha hatak fvppo vhleha ha i howa cha, Chihowa im

itombi holitopa ya e katiohmicha chi cho? pim anoli, katiohmit atalaia he vlhpesa ka e pila chi cho? achi tok.

3. Mihma afalamichit, Israel in Chitokaka im itombi holitopa ya hvsh pila hokmut, nana iksho ka hvch ik pelo kashke: amba ik kaniohmi kia nan ashvchi isht vlhtoba ya hvsh i falvmminchī pullashke: yvmohmikma hvchi hlakofa hi oke; micha kaniohmi kak o ibbak vt ik hvchi kanvlo tuk a hvsh ithana hi oke, achi tok.

4. Mihma afalamichit, Nanta ho nan ashvchi isht vlhtoba ya-il i falvmminchā chi cho? achi tok. Mihma afalamichit, Hlachowa yash tvli holisso lakna yosh holbvt toba tahlapi, micha tvli holisso lakna yosh pinti holbvt toba tahlapi, Fili-stin okla i hochitoka vhleha holhtina kak inli chohmi ho ililli okpulo achvfa hosh hvsh moma, micha hvchi hochitoka aiena ka onvtoyula beka hatuk oka, achi tok.

5. Yvmohmi hoka hvchi hlachowa yash holba ho ikbit, micha hvchi pinti yakni okpvi yash holba ho hvsh ikbashke; micha Israel in Chitokaka ya hvsh holitoblichashke: yohmi na ibbak vt hvchi onvtoyula tuk vt shohhvlachit hvchi ai ishit hvchi naholbvt toba puta ka ai ishit, micha hvchi yakni aiena ka ai ishi yoba ná.

6. Yvmohmi hoka nanta katiohmi ho Echip okla, micha Feleo aiena kv̄t chukvsh kv̄llochi tok chohmichit hvchi chukvsh a hvsh kv̄llochi cho? Ai ititakla ya nana afehna ka yvmihinchī ma, ik iá okla im ahni na ia tok keyu cho?

7. Yvmohmi hoka himak a itichanvlli himona ikbi cha, wak tek pishinchī tuklo ikunla abana vt, onvtola tok keyu yo ishit, wak tek ash itichanvlli ya hvsh a takchichashke; micha ushi ya im ai ishit pehlichit i holihta ya isht hvsh lashke.

8. Micha Chihowa im itombi holitopa ya itichanvlli ya hvsh on talali cha, nan ashvchi isht vlhtoba tvli holisso lakna yash hvsh i falvmminchī kv̄t itombi iskitini yo vlhto ho apotolit hvsh talalashke; micha hvsh pila na iashke.

9. Micha hvsh pisashke; ilap im ai vhli Belh-shemesh iakma, yohmikma nan ik achukmo fehna ilvppa pi yvmihchi tuk achi hoke; amba keyu hokma, peh yohma he yoba

tuk osh pī ymohmi; yumma ibbak ak osh pisso tok keyu ka il ithaiyanashke, achi tok.

10. Mihma hatak vhleha hvt yumihechi tok: micha wak tek pishinchi tuklo hō ishi cha, itichanvlli yā a takchichi cha, ushi ano i holihta apittvt im okshilita tok.

11. Mihmvt Chihowa im itombi holitopa yā, micha itombi iskitini tvi holisso lakna pinti, micha hlachowa holba vt vhtō yash aiena ka itichanvlli yā on talali tok.

12. Mihma wak tek ash osh apissanlit Belh-shemesh pilla ia tok; micha hina takla yā wohohvt aya mvt, isht impakimma, micha vlfvbekimma kia naksika pit fullota keyu hosh ia ma, Filistin okla i hochitoka vhleha hvt iakaiyvt ia mvt, Belh-shemesh ai vli ka ona tok.

13. Mihma Belh-shemesh asha yvt onush bvshli hosh okfa hā māya tok: atuk osh akachakali cha, itombi holitopa yash pisa mvt, pisa kv na yukpa tok.

14. Mihma itichanvlli ash osh Choshua Belh-shemait im osapa yō ont chukowa cha, tvi chito ai itola hō yvmak o ont hikia tok: mihma itichanvlli iti yā puhli cha, wak tek ash hukmit isht aiokpuchi yō Chihowa yā im issa tok.

15. Mihma Lefait vhleha hvt Chihowa im itombi holitopa yash, micha itombi iskitini tvi holisso lakna ai vhtō kash aiena ka avchi cha, tvi chito yā on talali tok: mihma Belh-shemesh hatak vhleha hash osh nitak yvmak inli ka na hukmit isht aiokpuchi, micha nan vbit isht aiokpuchi yā Chihowa yā im issa tok.

16. Mihma Filistin okla i hochitoka tahlapi kash osh pisa mvt, mih nitak akinli hō falamvt Eklon ā ona tok.

17. Mihma tvi holisso lakna yosh na hlachowa holvt toba ilvpak o nan ashvchi isht vhtoba yā Chihowa yā i falumminchi tok: Ashtot ā achvfa, Kasa yā achvfa, Ashkelon ā achvfa, Kalh ā achvfa, Eklon ā achvfa tok.

18. Micha tvi holisso lakna pinti vt Filistin okla in tvmaha holihta moma holhtina ka vlpisa, hochitoka tahlapi ka immi, tvmaha holihta kvlo, micha kocha tvmahushi aiena, tvi chito Abel yvmak o Chihowa im itombi holitopa on

talali tok ont ai vhli ak atok oke ; tvi yummt himak nitak a Choshua Belh-shemait im osapa ya talaia hoke.

19. Mihma Belh-shemesh hatak vhleha ha Chihowa im itombi holitopa anukaka ya pisa tuk pulla mako, okla tahlepa sipokni pokoli tahlapi cha, pokoli untuklo ho vbit tahli tok. Mihma Chihowa vt issot kanchi na illi kvv lau feha hatuk o, okla hvv yahava tok.

20. Mihma Belh-shemesh hatak vhleha hvv, Kvva hosh Chitokaka Chihowa nan ashvchi iksho ilvppa itikba ya hikia hinla cho ? micha pissvt kvva hak o im ia chi cho ? achi tok.

21. Mihmvv anumpa shali vhleha ha Kichalh-chealim okla ha pit i pila cha, Filistin okla hvv falvmminchit Chihowa im itombi holitopa ya isht vlvshke ; ho minti cha, ant isht hvsh ai asha ka isht hvsh onashke, achi tok.

CHAPTER VII.

MIHMA Kichalh-chealim hatak vhleha hvv vla cha, Chihowa im itombi holitopa ya ant isht ona cha, Abinatab a in chuka nvvni paknaka talaia ya isht ona mvv, ushi Eleasa ak o Chihowa im itombi holitopa ya iesha chi ho hullochi tok.

2. Atuk o yakohmi tok, itombi holitopa yvt Kichalh-chealim talaia na hopaki tok ; avvmmi pokoli tuklo tok oka : mihma Israel in chuka achvfa moma kvv i palatvt Chihowa ya im itnaha tok.

3. Mihma Samuel vt Israel in chuka achvfa moma ka im anumpulit, Hvchi chukvsh isht ai oklvhchit Chihowa ya falamvt hvsh im ona hokmvv, oklushi inla i na holvvt toba, micha Ashtaloh aiena ka hvch ititakla ya hvsh a kanchi cha, hvchi chukvsh a Chihowa ya hvsh im atahli cha, yvmmak bano ho hvsh aiokpvchashke ; mikma Filistin okla ibbak a akohchit hvchi hlakoficha chi hoke, achi tok.

4. Yvmohmi ma Israel im vlla vhleha hvv Baalim, micha Ashtaloh a kanvllichi cha, Chihowa ak bano ho aiokpvchi tok.

5. Mihma Samuel vt, Israel moma ka Mispah ak o hvsh

ai itnashlashke, mikmut ishit huchi anumpulit Chihowa ya im ilbusha lashke, achi tok.

6. Mihma iti hoyot Mispah ak o itnaha cha, oka ya ochi mut, Chihowa itikba ya hlatvli tok; micha nitak ymma na hulochi cha, Chihowa ya il i yoshuba tuk oke, ymma ai achi tok. Mihma Samuel vt Israel im vlla vhleha ha Mispah ya nan im ai apesa tok.

7. Atuk o Israel im vlla vhleha hvt iti hoyot Mispah a ai itnaha ka Filistin okla hvt haklo mut, Filistin okla i hochitoka yak osh Israel itibit ia tok. Atuk o Israel im vlla vhleha hvt haklo mut, Filistin vhleha ha i nukshopa tok.

8. Mihma Israel im vlla vhleha hvt Samuel a, Isht ish pi anumpohonlit pin Chitokaka Chihowa ya ish i pahaya kv chik isso kashke, ymmohmi na Filistin vhleha ibbak a akochit pi hlakofichashke, okla im achi tok.

9. Mihma Samuel vt chukfllhpoa ushi pishi yo ishi cha, hukmit isht aiokpachit mominchit Chihowa ya im issa tok; mihma Samuel vt Israel a isht anumpulit Chihowa ya i pahaya tok; mihma Chihowa vt i haponaklo tok.

10. Mihma Samuel vt na hukmit isht aiokpachi yash im issv isht anta ma, Filistin vhleha hvt Israel a itiba chi hosh akanvllit bilika vla tok; yohmi tuk kia Chihowa vt hiloh-hvchit hiloha chinto ho Filistin vhleha ha et onochi cha, komuntvchit yuhli tok; mihma Israel itikba ya akakoha tok.

11. Mihma Israel hatak vhleha hvt Mispah ya kohcha cha, Filistin vhleha ha hlioli cha, issot kanchit ishit mayvt Belhka nuta ya ona tok.

12. Ymmohmi ma Samuel vt tvi ishi cha, Mispah micha Shen ititakla ya hilechi cha, Ebenese hochifot, Ilvppa ant vli ka Chihowa vt pi apelvshke, achi tok.

13. Ymmohmit Filistin vhleha ha imaiya na himmakma Israel im ai vli ha ik chukowo tok: mihma Samuel vt ahanta nitak moma ka Chihowa ibbak vt Filistin okla ha i sanali tok.

14. Mihma tmaha holihta puta Filistin okla hvt Israel a im ishi tok vt Israel a i falvmminchit tok, Eklon vttvt ivt Kalh ont vli tok; micha ai vli ka Israel vt Filistin okla

ibbak a a mokofit im ishi tok. Mihma Israel, micha Amolait okla aiena kut it i nanaiya tok.

15. Mihma Samuel vt okchayvt ahanta nitak moma ka Israel a nan im apesa tok.

16. Mikmut afvmmi hosh afvmmikma ivt Behlel, micha Kilkal, micha Mispheh aiena ka fullota cha, tvmaha holihta yvmma moma ka Israel a nana im ai apesa beka tok.

17. Michā falamakmut, Lahā ak o ona beka tok; yvm-mak o in chuka yvt talaia hatuk cka; micha yvmmak o Israel a nan ai im apesa tok; micha yvmmak o Chihowa ya alta ya ai im ikbi tok.

CHAPTA VIII.

ATUK o yakohmi tok, Samuel vt sipoknit taiyaha mut, ushi vhleha ha Israel nan im apesa ikbi tok,

2. Michā tika im vttā yvt Choel hohchifo hokma, im atukla yvt Abiah hohchifo hatok: Bee-sheba ak o nan im ai apesa yatok.

3. Mihma ushi vhleha hash osh a nohowa tok ik ayo hosh, amba naksika fullotvt nana ahayuchi ai vlhpesa keyu asitia, micha habenvchi ishi cha, ai vlhpesa ka shanaiyrchi tok.

4. Yvmohmi ma Israel im asvnonchi vhleha hvit iti hoyot itvnaha cha, Samuel ai vttā Lahā ya ona tok.

5. Michā, Yakeh! sipoknit chi tahrshke; mikma chiso tuklo kut ish ataya ya ik a nowoshke: himak a miko ish pim ikbi na oklushi moma kut a yohmi chatuk chohmit na pim apesashke, im achi tok.

6. Yohmi kia, Miko ish pima na nana pim apesashke, okla achi ma, Samuel vt nana isht ik im vlhpeso tok. Mihma Samuel vt Chihowa ya im ilbvshvt anumpuli tok.

7. Mihma Chihowa vt Samuel a, Okla im anumpa nana chim ahanchi ka moma ish i haponaklashke: chishno ak o chi kanchi keyu hoka, amba vno ak osh i miko la chi keyu ka ahnit, sa kanchi hoke.

8. Pehlichit Echip a kohcha li tok nitak minti kv̄t himak nitak ant v̄hli ka nana toksv̄li puta ȳvmihinchit sa kanchi cha, naholbvt toba puta ka aiokpv̄chi chatuk mak osh chish-no yak kia chi a ȳvmihchi akinlishke.

9. Yohmi hoka himak a im anumpa h̄a ish i haponaklashke; yohmi kia atokolit v̄lhpesa keyu ish im achashke, micha m̄iko vt m̄ika ch̄i kv̄t nana akaniohmi ȳa ish im anolashke, im achi tok.

10. Mihma Samuel vt Chihowa im anumpa moma ka okla m̄iko im asilhha kash im anoli tok.

11. Mihmvt, M̄iko hv̄ch̄i m̄iko nana akaniohmi vt ilvppak ahi oke: Chiso v̄hleha h̄a ishi cha, ilap apistikeli, micha im itichanv̄lli apistikeli, micha im issuba om binili ȳa ch̄i aiena ka atokola hi oke; mikma kanimi kv̄t im itichanv̄lli itikba chahafa ȳa hi oke.

12. Michā tahlepa sipokni i kv̄pitv̄ni, micha pokoli tahlapi i kv̄pitv̄ni il atokola hi oke; mikmvt yakni in lapushkichit onush i bv̄shlit, micha tv̄nv̄p isht itibi, micha tv̄nv̄p itichanv̄lli isht halv̄lli aiena ka ikba hi o apesa hi oke.

13. Michā hv̄ch iso tek v̄hleha hv̄t ilimpa champuli ikbi, micha hoponi, micha pv̄ska ikbi aiena ya ch̄i h̄o isha hi oke.

14. Michā hv̄chim osapa puta ka, micha p̄aki hv̄chim ahollokechi, micha alif hv̄chim ahollokechi aiena achukma i shahli kia ishi cha, in tishu v̄hleha h̄a ima hi oke.

15. Michā nawaya ishit pokoli, micha p̄aki hv̄chim ahollokechi ishit pokoli aiena ka ishi cha, im aboha apistikeli v̄hleha, micha in tishu v̄hleha aiena ka ima hi oke.

16. Michā hatak hv̄chin tishu v̄hleha, micha ohoyo hv̄chin tishu v̄hleha, micha hatak himithoa achukma hv̄chim i shahli, micha hv̄chim issuba haksobish falaia aiena ka ishit ilap nana toksv̄li im atahla ch̄i h̄o hilecha he;

17. Michā hv̄chin chukfv̄lhpoa ishit pokoli ka isha he: mikma in tishu v̄hleha hv̄chia hi oke.

18. Mikma nitak ȳmma hv̄ch̄i m̄iko hv̄sh il atokoli tuk ash pulla kak o hv̄sh pahaya hi oke; mikma nitak ȳmma Chihowa vt hv̄ch̄i haponakla he keyu hoke, achi tok.

19. Yohmi kia okla hv̄t Samuel im anumpa h̄a im antia

ik benno ki tok: micha, Ahá; yohmi kia miko yosh pi peh-
lichi vt pim asha eki hoke;

20. Yymohmi ho pishno ak kia oklushi inla moma ka e
chohma hi ak oke; yohmikma pi miko vt na pim apesvt,
micha pi tikba kohchvt ia cha, pin tenvp a itiba he ak
oke, achi tok.

21. Mihma Samuel vt okla im anumpa moma ka haklo
cha, Chihowa haksobish a haklohonchi tok.

22. Mihma Chihowa vt Samuel a, Im anumpa ha ish i
haponaklo cha, miko ish im ikbashke, im achi tok. Mihma
Samuel vt Israel hatak vhleha ha, Hatak hvsh puta kvv hvsh
ia cha, hvchin tmaha holihta aiyyukali hvsh onashke, im
achi tok.

CHAPTER IX.

MIHMA Benchamin hatak, Kish hohehifo, hatak holitom-
pa fehna im ilayak chito hosh anta tok; yummvt Abiel
ushi yokma, yummvt Selo ushi yokma, yummvt Becholah
ushi yokma, yummvt Benchamait Aphiah ushi atok.

2. Mihma yummvt Sal hohehifo hosh ushi vt im anta
tok, hatak himita achukma, micha pisa aiokli hatok; Israel
im vlla vhleha ha hatak aiokli yumma achukma i shahli kvv
iksho tok: tahchi vttvt vba ia kvv chaha kvv okla moma ka i
shahli tok.

3. Atuk o Sal iki Kish im issuba haksobish falaia vt ta-
moa tok: mihma Kish vt ushi Sal a, Himak a tishu vhleha
ha achvfa ka ish ishi cha, wakayvt, ivt issuba haksobish
falaia puta kash hoyot hvsh iashke, im achi tok.

4. Mihma Effaim nvniha ha hlopullit, Shalisha yakni ya
hlopullit aya kia, ik ahayuchot okla tok; yohmi mvt Shalim
yakni ya hlopullit ayvt okla ma, yumma iksho tok; micha
Benchamait vhleha i yakni ya hlopullit aya kia, ik ahayu-
chot okla tok.

5. Atuk osh Suf i yakni ya ona ma, Sal vt in tishu awant
aya tuk a, Inta! e falamashke; aki vt issuba haksobish

falaia puta anukfilli kash osh issa cha, pishno ak o nukhaklot pi anukfilli yoba ná, im achi tok.

6. Mihma, Yakeh! himak a tvmaha holihta ilvppa hatak Chitokaka im antia hosh anta kv̄t hatak holiťompa hoke; nana moma ahanchi kv̄t ont ai ahli pulla chatuk oke: himak a yvmmak o il iashke; hina il atia he vlhpesa pim anola hinla yoba ká, im achi tok.

7. Yohmi ma Sal vt in tishu ha, Yohmi kia yakeh! il iakmvt, hatak a nanta ho isht il im ona chi cho? pvska vt pim ai vlhto ya tahrshke, mikma hatak Chitokaka im antia ya nana kia isht im onvt e habenvcha hi vt ikshoshke; nanta ho il ishi cho? im achi tok.

8. Mihma tishu hash osh afalamichit anonti Sal a, Yakeh! tvli hvta shekel kvshkoa ai ushta kv̄t ilvppa svbbak fohkvshke; yvmmak o hatak Chitokaka im antia hv̄t hina il atia chi ka pim anola chi ka ima lashke, im achi tok.

9. (Nitak tikba ka hatak vt Chitokaka ya i ponaklot iakmvt, Inta! napisa yak o kil im oná, achi beka tok: himak a hopaii achi vt chashpo hokvno napisa achi beka tok.)

10. Yvmohmi ma Sal vt in tishu ha, Anumpa hv̄t achukmvshke; inta! kil iá, im achi tok. Yohmi ma itiachit tvmaha holihta hatak Chitokaka im antia aivtta ya it onachi tok.

11. Atuk osh nv̄nih ha oiyvt tvmaha holihta ia hosh maya mvt, ohoyo himithoa yosh oka ochit kohchvt aya ho pisa tok; micha, Napisa vto anta cho? im achi tok.

12. Mihma okla afalamichit, Antvshke; yakeh! hv̄chi tikba anta hoke: himak a hv̄sh tushpashke, himak nitak ak o tvmaha holihta ya vla hoka; okla hv̄t nan vbit isht aiokpv̄chi ya himak nitak a achahaka ya isht asha hoka.

13. Tvmaha holihta ya ont hv̄sh chukowa mak inli hosh achahaka ya oiyvt impvt ik aiyo kisha ho hv̄sh ahayucha chi hoke: ik lo kisha ka okla hv̄t impa he keyu hoka, nan vbit isht aiokpv̄chi ya aiokpv̄chi chatuk oka; mikma i himmak o im annoa tuk vt impa chatuk oke. Yohmi hoka himak a hv̄sh oiyashke; himak a foka kak o hv̄sh ahayucha hinla hokvt, im achi tok.

14. Mihma pit oiyvt tmaha holihta ya chukowa tok: micha tmaha holihta ya ont chukowa ma, yakeh! Samuel vt achahaka yash ona chi hosh kohehvt ont afama tok.

15. Nitak achvfa tikbanli Sal vt ik lo kisha ho, Chihowa vt Samuel a haksobish a haklochit,

16. Onnaha himak a chohmi fokakma Benchamin i yakni ya a kohchit hatak a et chi pila la chi hoke; mikma yvm-ma bila ahvmmitt ish atokoli na vm okla Israel a pehliechi cha, vm okla ha Filistin okla ibbak a a mokofit hlakofichashke: pahaya kvv vm ahanla hatuk o, vm okla ha pihisa li hoke, achi tuk atok.

17. Atuk o Samuel vt Sal a pisa ma, Chihowa vt, Yakeh! hatak chim anoli li kash pisa; ilvppa fehna hosh vm okla ha i mika chi hoke, im achi tok.

18. Mihma Samuel vt holihta okhissa hikia na Sal vt i bilika ona cha, Vm anoli, chim asilhha lishke, katima yak osh napisa in chuka yoh cho? achi tok.

19. Mihma Samuel vt afalamichit Sal a, Vno ak osh napisa sia hoke: sa tikba ivt achahaka yash ish onashke; himak nitak a is svbai impa chi hoka: atukma onnakma ik ia, chim ahni la chi hoke; micha nana moma chi chukvsh foka ka chim anoli la chi hoke.

20. Yehmi ka chim issuba haksobish falaia nitak tuchina kash tamoa tuk ak heno chik anukfillo kashke; haiaka tuk oka. Yohmi ka Israel moma aiahni kvv kvta hak oh cho? Chishno, micha chiki in chuka achvfa kak keyu cho? achi tok.

21. Mihma Sal vt afalamichit, Vno vt Benchamait sia keyu? Israel avehlichit puta ka moma ik lauwo keyu cho? micha Benchamin avehlichit chuka achvfa puta ka an chuka achvfa ak osh moma ik lauwo keyu cho? yohmi ka nanta katiohmi ho yakohmichit is svv anumpuli cho? achi tok.

22. Mihma Samuel vt Sal, micha in tishu vehlichit ai impa aboha isht ona cha, im annoa tuk vt hatak pokoli tuchina foka hosh chieya ka ai ititakla ai ombinili holitopa i shahli kak o binohlichit tok.

23. Mihmvt Samuel vt hoponi ya, Kvshkoa achvfa ka

chima lish, Naksika talali, chim achi li kash isht vlá, im achi tok.

24. Mihma hoponi yash osh fullup a, micha nana onvtola tuk a aiena ka ishi cha, Sal a itikba talali tok. Mihma Samuel vt, Yakeh! yvmma il atomba tuk mak oke; chi tikba talali cha, impá: chishno ak o, Okla ha hoyo lishke, achi li tuk itintakla ka chin talaia tuk oke, achi tok. Yohmi ho Sal vt nitak yvmma Samuel a ibai impa tok.

25. Atuk osh achahaka ya akowvt vmaha holihta ya chukowa ma, Samuel vt aboha pakna ai itim anumpuli tok.

26. Atuk osh onnahnli fehna ho wakayvt okla tok: atuk o yakohmi tok, nitak vt onvt mihinti foka ma, Samuel vt aboha paknaka Sal a ai i howet, Wakayá, yohmi na chi pilá likma, ish ayashke, achi tok. Mihma Sal vt wakaya ma, itatuklot kohevvt it iachi mv, yvmma, micha Samuel itatuklot yakni haiaka itonachi tok.

27. Atuk osh okvtahvt ivt vmaha holihta ai vli ka ona ma, Samuel vt Sal a, Tishu ha tikba ia chi ka, i mihá, (mihma ia tok:) amba chishno vto lumvt hikia na Chitokaka im anumpa ha chim anoli lashke, im achi tok.

CHAPTER X.

YUMOHMI ma Samuel vt kotoba bila vlhto ho ishi cha, noshkobo ha on hlatvbli tok; mihmv i suksowa cha, Ai isha he vlhpesa ya pehliehi chia ha chi ho Chihowa vt bila ishit chi a hvmmi tuk kak keyu cho?

2. Himak nitak a a filvmmi ish iakmv, hatak tuklo kv Lechel im ahollopi bilika Benchamin im ai vli Selsah hinli na hvsh ahayucha chi hoke; mikma, Issuba haksobish falaia puta kash hoyot hvsh ia tuk vto haiaka tuk oke: mikma yakeh! chiki vt issuba haksobish falaia puta anukfilli tuk vt issa cha, ishit chi nukhaklot, Svso hano katiohmi la chi cho? ahanchishke.

3. Yohmikma yvmma ont hielit ont hvsh iakmv, Tabo yakni patvsvchi ya hvsh ona chi hoke; mikma hatak tu-

china kut Behlel a Chitokaka im ia kut hvchi afama chi hoke; achvfa kut issi kosoma tuchina ho ieshikma, achvfa kut pvska lumbo tuchina ho ieshikma, achvfa kut oka paki kotoba achvfa ho iesha chi hoke.

4. Mikmut okla chi aiokpuchi cha, pvska lumbo tuklo ho chima chi hoke, ymma ibbak a ish im ai isha chi hoke.

5. Yohmi hayokma, Chitokaka i nvni Filistin holihta atalaia ya hvsh ona chi hoke; atukma yakohma chi hoke, tvmaha holihta ymma ish onakma, hopaii kanohmi kut achahaka ashvt salteli, micha vhlpushi, micha oskula, micha hap aiena tikba isht aya hosh akowvt minti ho ish afama chi hoke; mikma Shilombish anukfoyukt Chihowa aiokpahancha chi hoke.

6. Mikma Chihowa imi Shilombish vt ant chi onvtolakmut, takla Chihowa ish aiokpahanchi cha, hatak inla ish toba chi hoke.

7. Atukma nan isht atokowa puta ilvppvt chim vlakma, yakohma chiké, nana ish a yvmohma he vhlpiesa kut ish pisakmut, ish yvmohmashke, Chitokaka yvt chiba foyuka hoka.

8. Micha sa tikba Kilkal a ish ona chi hoke; mikma chim ona lish, na hukmit isht aiokpuchi, micha isht it i nanaiyvchi vbit isht aiokpuchi ya isht vta la chi hoke: nitak untuklo ho ish ahanta na chim vla lish, nana ish akaniohma hi ya chim anoli la chi hoke, achi tok.

9. Atuk o yakohmi tok, filemt Samuel a i filvmmi ia ma, Chitokaka vt chvksh inla ima tok: atuk o nitak yvmak inli ho nan isht atokowa ymma puta kut ont ai ahli tok.

10. Atuk o mintit nvni ha vla ma, yakeh! hopaii kanohmi kut afama tok; mihma Chitokaka imi Shilombish vt onvtola ma, ibataklvt Chihowa ya aiokpahanchi tok.

11. Atuk o yakohmi tok, nitak tikba ithana tok moma kut, yakeh! hopaii vhleha taklvt Shilombish anukfoyukt anumpuli na pisa mut, ilap bika it im achit, Ilvppak osh nanta hosh Kish ushi yash im vla cho? Sal ak kia hopaii iba holhtina cho? achi tok.

12. Mihma ai achvfa akinli hosh afalamichit, Amba iki ak osh kvta hō? achi tok. Yvmohmi hō Sal ak kia hopaii vhleha iba holhtina hō? achi anumpa hvt ai imomvt taha tok.

13. Atuk o Shilombish anukfoyukvt anumpulit im vlhta-ha mvt, achahaka ya ona tok.

14. Mihma Sal imoshi vt ymma, micha in tishu ha, Katima hvsh ia tuk o? im achi tok. Mihma, Issuba haksobish falaia puta kash hoyot il ia tuk; atuk o kanima iksho kmohmi na e pisa mvt, Samuel ak o il im ona tuk, achi tok.

15. Mihma Sal imoshi vt, Samuel vt nana chim achi tuk a vm anoli, chim asilhha lishke, achi tok.

16. Mihma Sal vt imoshi ya, Issuba haksobish falaia puta kash ot haiaka tuk a atokolit pim anoli tuk oke, im achi tok. Yohmi kia ilap vt miko vlhtoka tuk Samuel vt isht anum-puli tuk ano ik im anolo ki tok.

17. Mihmt Samuel vt okla ha i howvt, Mispah yak o Chihowa ya im ai itvnahli tok.

18. Mihmt Israel im vlla vhleha ha, Israel in Chitokaka Chihowa vt yak ahanchishke, Uno ak osh Israel a Echip a akohechi li tok, micha Echip okla ibbak a ai i mokofit hlakofichit oklushi puta, micha hvch ilbvshali ya ibbak a a mokofit hvchi hlakofihinchli li tok oke.

19. Atuk o himak nitak fehna hvchin Chitokaka, yvmmt ilap akinli hosh nan isht hvch ilbvsha, micha nan isht hvchi palvmmi ya a hvchi kohchi tok a hvsh shitilemvshke; micha, Aha! yohmi kia miko ak o pim ikbi, hvsh im achi tuk oke. Yvmohmi hokvt himak a hvchim apelhlichika, micha hvchin tahlepa sipokni aiyukali kv, Chihowa itikba ya ont hvsh ile haiakvchashke, im achi tok.

20. Mihma Samuel vt apelhlichli moma ka bilika akanvllichi ma, Benchamin apelhlichika ak osh vlhtoka tok.

21. Mihma Benchamin apelhlichika ya kvshkoa yak o bilika akanvllichi ma, Matli in chuka achvfa yak osh vlhtoka tok; mihma Sal Kish ushi yak osh vlhtoka tok: atuk o hoyo ma, haiaka he keyu tok.

22. Yvmohmi hoka hatak ash osh vla chi ak inlikma,

nana ka achakalechit Chihowa ya okla i ponaklo tok. Mihma Chihowa vt afalamichit, Yakeh! nan chukushpa a luma tuk oke, achi tok.

23. Mihma okla yihlept ia cha, ont isht vla tok: mihma okla takla wakayvt hikia mut, tahchi vttvt vba ia kvv chaha kvv okla moma ka i shahli tok.

24. Mihma Samuel vt okla moma ka Chihowa vt atokoli tuk chiyuhmi kvv okla moma ka iksho hq hvsh pisa hoh cho? im achi tok. Mihma okla moma kvv shakapa cha, Chihowa vt miko ya okchalinchashke, achi tok.

25. Yvmohmi ma Samuel vt miko apelhlichika akaniohmi ya im anoli cha, holissochit nolisso afohki mut, Chihowa itikba bohli tok. Mihmut Samuel vt okla moma ka in chuka aiyukali pit tihleli tok.

26. Mihma Sal ak kia in chuka Kibiah ya ona tok; mihma hatak kaniohmi kvv Chitokaka yvt chukvsh a anukfohki tuk a awant ia tok.

27. Yohmi kia Belial ushi vhleha hvv, Katiohmi kak osh hatak ilvppvt pi hlakoficha hinla cho? achi tok. Michia okla shitilema mut, na hvlbina isht ik im ono tok. Yohmi kia nana ik acho tok.

CHAPTER XI.

YOHMI ma Nahash Ammonait vt vla cha, Chabesh Kileat i sanalit ont binanchi tok: mihma Chabesh hatak moma kvv Nahash a, Nana it im vlvvisa ish pit im apesa na e chim antiashke, im achi tok.

2. Mihma Nahash Ammonait ash osh afalamichit, Ilvppak ok mak o Israel moma ka ishit hofahya yosh in takala chi hq hvchi nishkin isht impakimma moma ka kocha wehli li hok mak osh nana it im vlvvisa ya hvch itim apesa la chi hoke, im achi tok.

3. Mihma Chabesh im asvnonchi vhleha hvv, Nitak untuklo hq ish pima na Israel aiasha fullota anumpa shali vhleha ha e tihlelashke: yvmohmi na hatak pi hlakoficha hinla kvv ikshokmak o e chi kohchashke, im achi tok.

4. Yvmohmi ma anumpa shali vhleha hash osh Kibeah Sal ai vtta ona tok; micha anumpa hash okla a haklo ho anoli tok: mihma okla moma kut chitolit yaiya tok.

5. Mihma yakeh! Sal vt wak a iakaiyvt yakni haiaka ya kochevt minti tok; mihma Sal vt, Okla hvv nanta i katiohmi hosh yaiya cho? achi ma, Chabesh hatak vhleha hvv anum-pa anoli kash im anoli tok.

6. Mihma Sal vt anumpa yvmma haklo ma, Chitokaka imi Shilombish vt onvtola tok, mihma nukhobelvt chukvsh libbi fehna tok.

7. Micha wak toksvli yok achvfa ho ishi cha, bvshlit tushahlichit taiyahli cha, anumpa shali vhleha ibbak fohkit, Israel abinili fullota ka pivt, Kvna hosh Sal, micha Samuel itatuklo ka kochevt ik iakaiyokma, i wak toksvli ya yakoh-michashke, achi tok. Mihma Chihowa i nukwia kut okla ha onvtoyula cha, achvfa chiyuhmit okla kocheha tok.

8. Yvmohmi ma Besek a a hotihna ma, Israel im vlla vhleha hvv tahlepa sipokni tahlepa tuchina ma, Chutah hatak vhleha hvv tahlepa sipokni pokoli tuchina tok.

9. Micha anumpa shali vhleha vla kash, Chabesh Kileat hatak vhleha ha ilvppak o hvsh im achashke, Onnahv lvsh-pvt tahakma hvchi apela vt ona chi hoke, im achi tok. Atuk o anumpa shali vhleha hash osh Chabesh hatak vhleha ha ont im anoli tok: mihma okla na yukpa tok.

10. Yvmohmi ma Chabesh hatak vhleha hvv, Onna ha ya e chi kochehakma, nana ho vlvpesa hvsh ahnikmvt, hvsh pi yvmilchashke, achi tok.

11. Atuk o onna ma yakohmi tok, Sal vt okla apehlichit tuchina ho hilechi tok; micha onnahinli atoni yo in tvnvp ititakla ka iba chukowa cha, Ammonait vhleha vbit isht ivv nitak lvshpa taha ka isht ona tok: atuk o yakohmi tok, hla-kofi tuk vt itafimimpvt taiyaha cha, tuklot itachenaiyvt aya kut iksho ki tok.

12. Mihma okla hvv Samuel a, Kvta hosh Sal vt pi miko ya chi cho? achi tuk mvto? yvmma achi tuk hatak vhleha ha isht hvsh la na e bashke, im achi tok.

13. Mihma Sal vt, Himak nitak a hatak nana hosh illa

he keyu ; himak nitak a Chihowa ak osh Israel a hlakofichi hoka, achi tok.

14. Yvmohmi ma Samuel vt okla ha, Inta ! Kilkal ak o kiloh ia cha, miko ya himonvehit il atokolashke, im achi tok.

15. Mihma okla moma kvv Kilkal a ona tok : micha Kilkal yvmmak o Sal a Chihowa itikba ya miko okla ai ikbi tok : micha yvmmak o it i nanafvchi isht aiokpvchi ya vbit Chihowa itikba isht ai asha tok ; micha yvmmak o Sal micha Israel hatak vhleha moma kvv na yukpa fehnvt aiasha tok.

CHAPTA XII.

MIHMA Samuel vt Israel moma ka, Yakeh ! nana hvs svm achi tuk chim anumpa moma ka hvchi haponaklo li tuk oke : micha miko hvchi pehlich i ikbi li tuk oke.

2. Yvmohmi ka Yakeh ! himak a miko vt hvchi tikba a nowvshke : mikma sa sipoknit noshkobo tohbit sa taiyahvshke : mikma yakeh ! svso vhleha hvv hvchi takla ahvshvshke : micha vlla sa momvt mihintit himak nitak a ont vlli ka hvchi tikba a nohwa li tuk oke.

3. Yakeh ! yak hikia lishke : kvna i wak a ishi li tok o ? keyukmvv kvna im issuba haksobish falaia ya ishi li tok o ? kvta hak o haksichi li tok o ? kvta hak o ilbvshali li tok o ? kvta ibbak o nahvlbina ya ai ishi lish, sa nishkin a isht luhmichi li tok oh cho ? Chihowa, micha ahamvt im vlhtoka itikba aiena ka hvs si atokolashke ; mikma hvchi falvmmichi lashke, im achi tok.

4. Mihma, Ish pi haksichi tok keyu hoke, micha ish pilbvshali tok keyu hoke, micha nana achvfa kia hatak kvna ibbak o ish ai ishi tok keyu hoke, okla achi tok.

5. Mihma, Nana achvfa kia svbbak a foka ka hvsh ahayuchi tuk keyu, Chihowa vt hvchi atokoli yoke, micha ahamvt im vlhtoka vt hvchi atokoli yoke, achi tok. Mihma afalamichit, Atokoli yoke, okla achi tok.

6. Mihma Samuel vt okla ha, Chihowa ak osh Moses,

micha Alon a holitoblit hilechi tok oke, micha hvch iki vhleha Echip yakni ya apelihit kohcha tok oke, im achi tok.

7. Yumohmi hoka himak a lumvt hvsh hieli na Chihowa vt hvchishno, micha hvch iki vhleha ai vllhpiesa ho hvchi yumihinechi tok a Chihowa itikba ya atokolit hvchim anum-pohonli lashke.

8. Chekob vt Echip a ona tok; atuk o hvch iki vhleha hv Chihowa ya i pahaya tok: mihma Chihowa vt Moses, micha Alon itatuklo ho pit pila na, hvch iki vhleha pehlit Echip a ai ishit kohcha cha, ilvppa binohlichei tok.

9. Atuk o in Chitokaka Chihowa ya im ahahaksi ma, kanchit Sisela Haso tvshka chipota i kupitni yo ibbak fohki cha, Filistin okla ibbak fohki mv, micha Moab i miko ibbak fohki na itibit in tanahampi tok.

10. Mihma Chihowa ya i pahaya cha, Pi yoshuba tuk oke, Chihowa ya e kanchi cha, Baalim, micha Ashtaloh il aiokpvchi tuk oket: yohmi kia himak ano pin tenvp ibbak a ish pi ahlakofichikma, e chi aiokpvchashke, achi tok.

11. Mihma Chihowa vt Chelub-baal, micha Betan, micha Chefhlah, micha Samuel aiena ka hvchi pila na hvchin tv-nvp ibbak hvch ahlakofichit afullolichi na achukma ho hvsh aiasha tuk oke.

12. Micha Ammon in chipota i miko Nahash vt ant hvchin tanampi na hvsh pisa mv, hvchin Chitokaka Chihowa vt hvchi miko yokak o, hvchishno vt, Aha! amba miko yosh pi pehlichei chi hoke, hvsh achi tok.

13. Yumohmi hoka himak a miko hvsh atokoli tuk, micha hvsh ahni tuk vt hvsh pisashke, micha yakeh! Chihowa vt miko hvchi pehlichei hvchi hilechishke.

14. Chihowa ya hvsh holitobli cha, i nutakvt im anumpa ha im antivt, Chihowa i nan vllhpisa hvch ik kobvffo, yumoh-mikmv hvchishno, micha miko hvchi pehlichei aiena kv hvchin Chitokaka Chihowa ya iakaiyvt hvsh mahaya chi hoke.

15. Amba Chihowa im anumpa ha hvsh im antia keyu hosh, amba Chihowa i nan vllhpisa ha hvsh kobvffikma, hvch

iki vhleha i sanali tok a chohmit Chihowa ibbak vt hvch i sanala hi oke.

16. Yvmohmi ka himak ano hielit nana afehna Chihowa vt hvchi nishkin itikba ya a yvmihcha chi ka hvsh pisashke.

17. Himak nitak vt onush vmo keyu? Chihowa ya i paya likma, hiloha, micha umba aiena ka et pila chi hoke; yvmohmi ho miko hvsh asilhha kut, Chihowa itikba nana hvsh ashvchi kut chinto fehna ka hvsh ithaiyanashke, im achi tok.

18. Yvmohmi ho Samuel vt Chihowa ya i paya tok; mihma Chihowa vt nitak yvmma hiloha, micha umba aiena ka et pila tok: mihma okla moma kut Chihowa, micha Samuel aiena ka i nukshopa fehna tok.

19. Mihma okla moma kut Samuel a, Chin tishu vhleha ha isht anumpulit, chin Chitokaka Chihowa ya ish im asilh-hashke, yohmi na ik p'lo kashke: miko il asilhha kut nan il ashvchi ya il iba fohki tuk okvt, achi tok.

20. Mihma Samuel vt okla moma ka, Hvchi nukshopa na; nan ashvchi ilvppa moma ka hvsh yvmihchi tuk oke: yohmi kia Chihowa ya hvsh iakaiya kut, naksika hvch ik shanaiyo hosh, amba chukvsh ai okluha hosh Chihowa ya hvsh im antiashke.

21. Michi naksika hvch ik shanaiyo kashke: yvmma hvsh yvmohmikmut, nana ik ahobo, nana apela he keyu, micha na hlakoficha he keyu aiena ka hvsh asitia hinla hokvt; nana ik ahobo hoka.

22. Chihowa vt ilap hohchifo holitopa ak atuk pulla kak o im okla ha kancha he keyu: Chihowa vt vlhpesa ahni pulla cha, im okla hvch ikbi tuk okvt,

23. Michi vno vt anumpa ilbvsha isht hvchi anumpuli li kut issa lish, Chihowa ya i yoshuba la hi a Chitokaka yvt vm olvbashke; amba achukma, micha aivlhpiesa hina yak o hvch ithvnanchi la chi hoke.

24. Peh Chihowa ya hvsh i nukwia cha, aiahlit chukvsh okluha hosh hvsh im antiashke: nana achinto fehna hvchim atahli tuk a hvsh anukfillashke.

25. Amba nana ik vlhpeso hvsh yvmohmi kut imomak-

mut, hvchishno, micha hvchi miko aiena kut illit taha hi oke, im achi tok.

CHAPTA XIII.

SAL vt afvmmi achvfa hō miko tok; mihmut afvmmi tuklo hō Israel a i miko mut,

2. Sal vt Israel a hatak tahlepa sipokni tuchina hō il atokoli tok: yvmma tahlepa sipokni tuklo hosh Sal a apehvt Mikmash, micha Behlel nvni hā aśha ma, tahlepa sipokni achvfa kut Chonahlan ak o apehvt Benchamin yakni Kibeah yak o aśha tok: micha okla inla kuno im vlbina aiyyukali pit tihleli tok.

3. Mihma Chonahlan vt Filistin vhleha i holihta Keba hikia ka issot kanchi tok; mihma Filistin vhleha hvt haklo tok. Mihma Sal vt yakni moma afullota ka hlopullichit isht pufa ya olachit, Heblu vhleha hvt haklashke, achi tok.

4. Mihma Israel moma kut, Sal vt Filistin vhleha i holihta ya issot kanchi na Filistin vhleha hvt Israel a i yuwalvshke, achi hō haklo tok: mihma okla hvt im annovt Sal a iakaiyvt Kilkal a ai itvnaha tok.

5. Mihma Filistin okla hvt Israel a itiba chi hosh itihoyot, tvnvp itichanvlli tahlepa sipokni pokoli tuchina, micha issuba om binili hatak vt tahlepa sipokni hannali, micha okla hvt apakna kut shinuk osh okhvta vhli aiasha kak o chiyuhmi hosh itvnaha tok: micha mintit vla' cha, Belh-afen i hvshi akochaka imma Mikmash ak o a binachi tok.

6. Israel hatak vhleha hvt ai itikonofa hō hiel kut pisa mut, (okla komunta hokvt,) yohmi mut okla hvt hichukbi, micha kohchi foka, micha achahaka, micha yakni chiluk aiena ka a luma tok.

7. Mihma Heblu kanihmi kut Chatan a hlopullit Kat, micha Kileat a ona tok. Sal vto Kilkal akinli hō anta moma ma; okla moma kut wvnihinchi hosh iakaiya tok.

8. Mihma nitak untuklo hō Samuel vt apesa tuk mak o ahanta tok: yohmi kia Samuel vt Kilkal a ik ono tok. mihma okla hvt ita fimimpvt taha tok.

9. Mihma Sal vt, Na hukmit isht aiokpuchi, micha nan isht itinanaiyvchi isht aiokpuchi ishit hvs sum vlashke, achi tok. Michā na hukmit isht aiokpuchi ya im issa tok.

10. Atuk o yakohmi tok, na hukmit isht aiokpuchit issa mak inli ma, yakeh! Samuel vt vla tok: mihma Sal vt aiokpucha chi hosh kolchvt afamvt ia tok.

11. Mihma Samuel vt Sal a, Nanta mak o ish yvmihchi cho? im achi tok. Mihma Sal vt, Okla hvt a filmmvt ita fimimpvt taha, mihma nitak vllpisa tuk ont ai vllpisa ma chik lo, mihma Filistin vhleha hvt iti hoyot Mikmash a itv-naha ka pisa li hokvt,

12. Yohmi kak o, Himak a Filistin vhleha hvt mintit Kilkal a vlvvt, si onvtola chi hokak o Chihowa ya ak im asilh-hoshke, achi li hosh vllpisa keyu ahni li ak inli kia, nahukmit isht aiokpuchi ya im issa li tuk oke, achi tok.

13. Mihma Samuel vt Sal a, Im anukfila iksho chiyuhmi hosh ish yvmihchishke; chin Ch'tokaka Chihowa i nan vllpisa chim apihisa tuk a chik holitobloshke: himak a Chihowa vt Israel ish apehlichika kvlochi na hikia kvt bilia hetuk oka.

14. Amba himak ano ish apehlichika vt mahaya he keyushke. Chihowa vt hatak ilap chukvsh ak inli iakaiya yo hoyo tuk oke; micha yvmmak osh im okla i miko tobtv pehliecha chi ho Chihowa vt apesa tuk oke; Chihowa vt nana chim apihisa tuk a chik im antio tuk oke, im achi tok.

15. Mihma Samuel vt wakayvt Kilkal a vttvt Benchamin i yakni Kibeah ya ona tok. Mihma Sal vt okla apehvt asha moma ka hotihna ma, hatak tahlepa hannali foka tok.

16. Mihma Sal, micha ushi Chona'han, micha okla apehvt asha tuk vt Benchamin yakni Kibeah yak o aiasha tok: amba Filistin vhleha hvto Mikmash ak o binachit aiasha tok.

17. Mihma na wehpuli vt aya tuchina hosh Filistin vhleha i binah ha kolchvt minti tok; aya achvfa kvv fullotvt Shual yakni Oflah ona hina hak o ia tok.

18. Mikma aya achvfa kvv fullotvt Belh-holon pilla ho ia tok: mikma aya achvfa kvv fullotvt yakni vlli Seboim okfa pit bachaya yakni haiaka pilla hina yak o ia tok.

19. Yvmohmi ma teli boli vt Islael yakni moma ka iksho tok: (Filistin okla hvt Heblu vhleha hvt bvshpo falaia, micha tvbi teli halupa on tula ya ikbi yoba ná, achi hatok oka.)

20. Yohmi kia Islael moma kv̄t i yakni isht patafa, micha in chahe iskifa, micha im iskifa, micha i yakni isht patafa tikba hikia aiyukali ka halupala ch̄i hosh Filistin aiasha ka ona beka tok.

21. Yohmi kia yakni isht patafa tikba hikia, micha in chahe iskifa, micha tvli chulakto, micha iskifa, micha ishit bahli ishit halupacha ch̄i kv̄t ishit mihlofa ya ieshi tok.

22. Atuk o yakohmi tok, itibi nitak a okla Sal, micha Chonahlan apehvt āsha ka bvshpo falaia kia, micha tvbi teli halupa on tula nana kia iksho tok: amba Sal, micha ushi Chonahlan ak illa hosh īshi tok.

23. Mihma Filistin tvshka chipota vt kohehvt ivt Mik-mash ahlopulli ya ona tok.

CHAPTA XIV.

ATUK o yakohmi tok, nitak kaniohmi ma Chonahlan, Sal ushi vt hatak himita i na halupa shoyuli ya, Inta! Filistin tvshka chipota aiasha tennvp talaia ka kil iá, im achi tok. Yohmi kia īki ya ik im anolo ki tok.

2. Mihma Sal vt Kibeah ont v̄hli pomeklanat iti Miklon hikia ka nutaka yak o ahanta tok: mikma okla apehvt āsha kv̄t hatak tahlepa hannali foka tok.

3. Mihma Ahiah, Ikabot itibapishi Ahitvb ushi Chihowa i naholitompa isht v̄tta efot fohka hosh Shiloh ya ahanta tok: Ahitvb yvmmvt Finehas ushi okma, anonti yvmmvt Eli ya ushi atok. Mihma Chonahlan vt kv̄nia tuk a okla hvt ik akostinincho tok.

4. Atuk o ahlopullit ia Chonahlan vt hlopullit Filistin tvshka chipota ai asha ka ona bunna ka in tennvp a teli halupa vt hikiakma, anonti in tennvp a teli halupa vt hikia tok: micha achvfa kv̄t hohchifo kv̄t Boses okma, achvfa yvt hohchifo kv̄t Seneh atok.

5. Asanali achvfa kv̄t falvmmi imma Mikmash ichapa hosh pit talaia^{kma}, anonti asanali achvfa kv̄t oka mahli imma Kibeah ak o ichapa hosh pit talaia tok.

6. Mihma Chonahlan vt hatak himita i nahalupa shoyuli ash, Inta! hakshup ik tapo ilvppa i holihta ya il onashke; Chihowa vt pi apela hinla yoba ka: Chihowa vt laua hokma, ik lauo hokma, nana ho isht hlakoficha hi vt im itilau i hokvt, im achi tok.

7. Mihma i nahalupa shoyuli ash osh, Nana ho chi chukvsh foyuka moma kv̄t ish yvmihchashke: ish iashke: yakeh! nana chi chukvsh ai akni ka chiba foyuka li hoke, im achi tok.

8. Mihma Chonahlan vt, Yakeh! hatak ilvppa aiasha ka il ona cha, il i haiakashke, im achi tok.

9. Mikma, Hvsh hinli na e hvchim onashke, pim achi hokma, yohmikma il a hiel i akinli ka lumvt e hinli cha, oiyyt kil im ono kashke.

10. Amba, Oiyvt hvsh pim vlashke, achi hokma, yohmikma oiyyt il iashke: Chihowa vt pibbak a fohki hoka: mikma ilvppak osh nan isht pim vhlpisashke, achi tok.

11. Mihmvt itatuklot Filistin tvshka chipota ya ont im ile haiakvchi tok: mihma Filistin vhleha hv̄t, Yakeh! Heblu vhleha hv̄t chiluk a luma tuk vt kocha wihvshke, achi tok.

12. Micha holihta hatak vhleha hash osh Chonahlan, micha i nahalupa shoyuli itatuklo ka, Oiyvt hvsh pim vla na nana e hvchi pisachashke, achi tok. Mihma Chonahlan vt i nahalupa shoyuli ya, Is siakaiyashke, Chihowa vt Israel ibbak a fohki hoke, im achi tok.

13. Mihmvt Chonahlan vt ibbak, iyi aiena isht oiya hosh ayvt ia ma, i nahalupa shoyuli vt iakaiyvt ia tok: mihma Chonahlan itikba ya akakoha ma, i nahalupa shoyuli vt iakaiyvt vbi tok.

14. Micha Chonahlan, i nahalupa shoyuli itatuklo kv̄t vbi vmmona ka hatak pokoli tuklo foka tok; yakni eka iklvna wak toksvli yok achvfa kv̄t patvffa hinla ohmi ho a yvmihchi tok.

15. Mihma tvshka chipota ash osh, micha bilika aiasha,

micha okla moma kut wunihinchi tok : holihta aiasha, micha wehpuli vhleha yummak kia wunihinchi ma, yakni vt winakahanchi tok ; yvmohmi ho wunichi chito fehna tok.

16. Mihma Sal nan im atoni vhleha hut Benchamin yakni Kibeah ya asha tuk osh hopokoyo tok ; mihma yakeh ! okla chito vt bilvt ivt, bolit itikahanchit ia ho pisa tok.

17. Yvmohmi ma Sal vt okla apeha tuk a, Himonasi ya ho hotihna cha, kvna pi filvmmmit ia tuk okma, ho pisá, im achi tok. Mihma hotihna ma, yakeh ! Chonahlan, micha i nahalupa shoyuli itatuklo kut yvmma iksho tok.

18. Mihma Sal vt Ahiah ya, Chitokaka im itombi holitopa ya isht ish lashke, im achi tok. Nitak yvmma Chitokaka im itombi holitopa vt Israel im vlla vhleha hak o takla talaia tok oka.

19. Atuk o yakohmi tok, Sal vt naholitompa isht vtta ya im anumpuli hosh isht anta moma ho, Filistin tvshka chipota vt shakapa ishit mahayvt isht i shahlit ia tok. Mihma Sal vt naholitompa isht vtta ya, Chibbak a ishi, im achi tok.

20. Mihma Sal, micha okla apehvt asha kash osh itahoba cha, ont itibi tok ; mihma yakeh ! hatak moma i bvshpo falaia aiyyukali kut ilap bika yash i sanali tok ; mihma nukhlakanchvt komunta fehna tok.

21. Mihma chashpo ka Heblu kaniohmi kut yakni afullota ka ashvt Filistin vhleha ha takla ivt, ont iba binanchi tuk vt yummak kia filemvt Israel okla yvmmvt Sal, micha Chonahlan apeha tuk a ont ibafohka tok.

22. Mikma Israel hatak vhleha moma kut Eflaim nvnihlumboa tuk mvt, Filistin vhleha hut yihlepa na haklo mvt, yummak kia ahliovt sakkít in tanampi tok.

23. Yvmohmi ho Chihowa vt nitak yvmma Israel a hlakofichi tok : mihma itin tanampi kut Belh-afen a isht ona tok.

24. Mihma Israel hatak vhleha hut nitak yvmma tikambit ilbvsha tok ; Sal vt okla ha anumpa kullo il onochichi hosh, Opiá itintakla ka nan vpa nana kia vpakmvt, na palvmmi kut onvtolashke ; yvmohmi ho an tvnvp a il aiokha lashke, achi

tuk atuk oka. Yumohmi hō okla hā kuna kia nan vpa hā vput ik peso ki tok.

25. Mihma yakni yummak inli yatuk moma kv̄t kowi yā ona tok; mihma foi bila vt aka yā aiasha tok.

26. Atuk o okla hv̄t kowi yā ona ma, yakeh! foi bila vt hohōiya tok; yohmi kia hatak kuna kia ishit itih hā isht ik ono tok: okla hv̄t anumpa kv̄llo yatuk a i nukshopa hokvt.

27. Yohmi kia iki vt okla hā anumpa kv̄llo il onochichi tuk a Chonahlan vt ik haklo tok: yohmi hatuk osh tv̄bi ishi tuk vt welit foi bila okvchi cha, ibbak a itih hā isht ona tok: micha nishkin vt okcha tok.

28. Mihma okla hash achvfa kv̄t im afalamichit, Chīki vt atokolit anumpa kv̄llo il onochichit, Hatak nana hosh nan ilhpak vpakmvt, na palummi kv̄t onvtolashke, im achi tuk oke, achi tok. Mihma okla hv̄t tikambit ilbvsha tok.

29. Mihma Chonahlan vt, Aki vt yakni yā ilbvshalishke: foi bila ilvppa iskv̄tinosi ishit vpa li mvt, sa nishkin vt okcha ka ho pisa, hv̄chim asilhha lishke;

30. Okla hv̄t himak nitak a in tv̄vp imilayak na wehpoa yā vpa fehna tuk ok makheto himak a Filistin v̄hleha hā vbi kv̄t i shahlichī fehna hetuk keyū? achi tok.

31. Mihma nitak yumma Filistin v̄hleha hā vbi kv̄t Mikmash v̄tv̄t isht ia hosh Aichalon a isht ona tok. Mihma okla tikambi fehna tok.

32. Mihma okla hv̄t na wehpoa o yihlept chukfv̄lhpoa, micha wak, micha wak ushi aiena ka ishi cha, yumma inli ka vbit aka bohli tok: mihma okla hv̄t issish a aieninchit vpa tok.

33. Yohmi ma Sal a im anolit, Yakeh! okla hv̄t issish a aieninchit vpa hosh Chihowa yā i yoshubv̄shke, achi tok. Mihma, Hv̄ch ik aiahloshke; himak nitak a tv̄li chito tonolichit ishit hv̄s sv̄m vlashke, achi tok.

34. Michā Sal vt, It i filamolit okla hā ibachukowvt, Hatak puta kv̄t i wak, micha hatak puta kv̄t in chukfv̄lhpoa yā ilvppa isht vm v̄la cha, vbit vpashke, micha issish a aieninchit vpa hosh Chihowa yā hv̄ch ik i yoshubo kashke,

achi tok. Mihma okla moma kash hatak vt i wak aiyukali ket ninak yemma isht ula cha, yemma ai vbi tok.

35. Mihma Sal vt alta ya Chihowa ya im ikbi tok; yummvt alta vmmona mak o Chihowa ya im ikbi tok.

36. Mihma Sal vt, Ninak a Filistin vhleha ha kiloh iakai-ya cha, keho wehponli na onnashke, mikma hatak achvfa kia ke hlakoficho kashke, achi tok. Mihma, Nana hosh achukma chim ahobakmvt, ish yvmihchashke, okla achi tok. Yohmi ma naholitopa isht vta yvt, Chitokaka ak o akanv-
lit il onashke, achi tok.

37. Mihma Sal vt Chitokaka im anukfila ha i ponaklot, Filistin vhleha ha iakaiyvt ia la chi cho? Israel ibbak a ish fohka hinla cho? achi tok. Yvmohmi kia nitak yvma anumpa falama ya ik emo ki tok.

38. Mihma Sal vt, Okla pehlichu moma ket akanvllit bilika hvsh lashke; micha himak nitak a nan ashvchi ket kanima hatukma pisvt hvsh ithaiyanashke.

39. Yummak osh Israel a hlakofichi tuk osh Chihowa vt okchaya pulla hoka svso Chonahlan ak atuk oh kia illi pul-lashke, achi tok. Yohmi kia okla moma itintakla ka hatak achvfa kia nana ik acho ki tok.

40. Yohmi ma Israel moma ka, In tennvp achvfa ka hvsh hielikma, vno micha Chonahlan svso itatuklo li ket in tennvp e hielashke, im achi tok. Mihma okla hv Sal a, Nana ka achukma ish aiahni kak osh ish yvmihchashke, im achi tok.

41. Yvmohmi ma Sal vt Israel in Chitokaka Chihowa ya, Na shoeli ahli kak o ish imashke, im achi tok. Mihma Sal, micha Chonahlan ak o ishi tok: amba okla hvto hlakofi tok.

42. Mihma Sal vt, Uno, micha Chonahlan svso hak o na shoeli ish pi onochashke, achi tok. Mihma Chonahlan ak o onvtola tok.

43. Mihma Sal vt Chonahlan a, Nana ish yvmihchi tuk vt vm anoli, im achi tok. Mihma Chonahlan vt im anolit, Peh foi bila iskvtnosi ho tvi subbak fohka tuk a wishakehi a okvchvt isht vpa li tuk, atuk osh yakeh! sella chishke, achi tok.

44. Mihma Sal vt afalamichit, Chitokaka yvt yakohmi,

micha i shahli kia yvmihchashke, chilli pulla chi hoke, Chonahlan ma! achi tok.

45. Mihma okla hvt Sal a, Chonahlan, yvmmak osh Israel hlakofichi chito ilvppa atahli tuk vt illa chi cho? ik yohmo pullashke; Chihowa vt okchaya pulla ka noshkobo ha pa-shi o hiel kvt achvfa kia aka itula he keyu keke; himak nitak a Chitokaka iba toksvli tuk oka, okla im achi tok. Yvmohmi hosh Chonahlan a okla hlakofichi na ik illo ki tok.

46. Yvmohmi ma Sal vt Filistin vhleha iakaiya kvt fala-ma tok: mihma Filistin vhleha hvt ilap aiasha ya ona tok.

47. Yohmi ho Sal vt apehlichika ishit Israel a pehliechi cha, in tvnvp moma afolubli ka itibit, Moab, micha Ammon in chipota, micha Etom, micha Sobah i miko vhleha, micha Filistin okla aiena ka itibi tok; micha kanima yo pit filemakmvt, imaiya tok.

48. Michā tvshka chipota itvnahli cha, Amalek okla ha issot kanchi cha, Israel wehpuli tuk vhleha ibbak a hlakofichi tok oke.

49. Yohmi ka Sal ushi vhleha hvt Chonahlan, micha Ishui, micha Melchi-shua: mikma ushetik tuklo hohchifo kvt Melab, mikma nakfish hohchifo kvt Michal atok.

50. Mikma Sal tekchi hohchifo kvt Ahinoam, Ahimaas ushetik atok: mikma tvshka chipota i kvpetvni vt Sal imoshi Ne hak o ushi yosh Abne hohchifo tok.

51. Mikma Kish ak osh Sal a iki atok: mikma Abne iki Ne vt Abiel ushi atok.

52. Mihma Sal i nitak moma ka Filistin okla ha itin tanampi kvt palvmmi fehna tok: mihma Sal vt hatak hlampko, keyukmvt hatak chilita nukwia iksho kia pisakmvt, il ai ishi beka tok.

CHAPTA XV.

MIHMA Samuel vt Sal a, Nana ahvmmi miko chi atokoli li, im okla Israel a ish pehliecha chi ho, Chihowa vt sa pila tuk oke: yvmohmi koka Chihowa im anumpa ola ka ish haklashke, im achi tok.

2. Ūba nan okluha il aieshi Chihowa vt, Amalek vt Israel a kaniomichi tok, Echip a kohchvt minti ma, hina takla im aiehchi tok a ithaiyana lishke.

3. Himak a ish ia cha, Amalek a issot ish kanchashke, vmohminchit nana im aasha moma ka okpvnit ish tahlashke: micha ish apoahanchi ná; amba hatak, micha ohoyo, vlloši, micha pishi, wak, micha chukfulhpoa, kamel, micha issuba haksobish falaia aiena ka vbit ish tahlashke, achi tok.

4. Mihma Sal vt okla ha hoyot itvnahli cha, Telaim a hatak aka hika vt tahlepa sipokni tahlepa tuklo, micha Chutah hatak vt tahlehpa sipokni pokoli a hotihna tok.

5. Michā Sal vt Amalek in tmaha holihta ya ona cha, okfa ha im aiehchi tok.

6. Mihma Sal vt Kenait okla ha, Oh íá, kanima hvsh iashke, Amalek okla ai ititakla ya kohchvt i filvmmi hvsh iashke; keyukma aieninchit vbit hvchi tahli li ná; Israel im vlla vhleha hv Echip a kohchvt aya moma ka hvsh i kana tok oka, im achi tok. Mihma Kenait vhleha hv Amalek okla ai ititakla ya kohchvt ia tok.

7. Mihma Sal vt Amalek okla ha issot kanchit, Hafilah ai isht ia mvt, Shu ish ona Echip ont ichapaka ya isht ona tok.

8. Michā Amalek okla i miko Akak a okchaya ho ishi cha, vmohminchit okla moma ka bvshpo falaia halupa isht vbit tahli tok.

9. Yohmi kia Sal, micha okla aiena kv, Akak, micha chukfulhpoa hochukma i shahli, micha wak, micha wak himithoa, micha chukfulhpoa ushi aiena achukma i shahli ka ai ishit, micha nana achukma moma ka apoanchi cha, vmohminchit vbit ik tahlo ki tok: amba nana okpulo puta a shitilema yano vmohminchit okpvnit okla tahli tok.

10. Yvmohmi ma Chihowa im anumpa hv Samuel a im vlv, yak ahanchi tok.

11. Sal a miko ikbit hilechi li tuk vt sa nukhakloshke: siakaiya he tuk vt a filvmmi cha, a nan vlpisa ya ik yvmihcho hoka. Mihma Samuel vt nukhaklo tok: micha Chihowa ya ilbvshvt i pahaya na ninak achvfa kv hlopulli tok.

12. Micha onna mvt onnahinli fehna moma hō Samuel a im anoli kvt, Sal vt Kamel a vla cha, yakeh! in tenvp imaiya isht ithana ya hilechi cha, fullotvt, hlopullit ivt, Kilkal a onvshke, achi tok.

13. Mihma Samuel vt Sal a im ona tok; mihma Sal vt, Chihowa i holitopa chia ma! Chihowa i nan vllhpisa ya yvmihchi lishke, im achi tok.

14. Mihma Samuel vt, Yohmi hokak o katiohmi hō chukfulhpoa yahaya kvt sa haksobish a chukohowa cho? micha wak wohoha ka haklo li cho? achi tok.

15. Mihma Sal vt, Amalek okla ha ai ishit okla isht vla tuk oke: chukfulhpoa hochukma i shahli, micha wak hochukma i shahli aiena ka chin Chitokaka Chihowa ya isht aiokpucha chi hosh okla ak osh apoanchi tuk oka; amba inla kno vmohminchit vbit e taiyahli tuk oke, achi tok.

16. Mihma Samuel vt Sal a, Ish hikiakma, himak nitak a Chihowa vt nana vm achi tuk a chim anoli lashke, im achi tok. Mihma, Anoli, im achi tok.

17. Mihma Samuel vt, Chishno ak jnli ish ile pisa kvt chiskitinesi mvt, Israel apelihchi puta ka noshkobo ha ish toba tok keyu hō? yohmi ma Chihowa vt nan ahvmmi Israel i miko chi atokoli tok keyu cho?

18. Atuk o Chihowa vt nowvt ish aya chi ka chi pila cha, Iá, micha Amalek okla nan ashvchi ya vmohminchit vbit ish tahlashke, micha ish in tanahampi na ont lushumashke, chim achi tok.

19. Yvmohmi hokak o nanta katiohmi hō Chihowa im anumpa ola ka chik im antio hosh, na wehpoa ya o yihleptv hvsh ishi cha, nana ik achukmo ka Chihowa itikba ya hvsh yvmihchi tuk oh cho? im achi tok.

20. Mihma Sal vt Samuel a, Ahli, Chihowa im anumpa ha im antia li tuk, micha yvmma pilla sa pila tuk mak o ia li tuk oke; micha Amalek i miko Akak a isht vla li tuk; micha Amalek okla ha vmohminchit vbit tahli li tuk.

21. Yohmi kia okla hak osh na wehpoa katiohmi, chukfulhpoa, micha wak hochukma i shahli, yvmvt okpulot tahvt vmohma he atuk ak o, chin Chitokaka Chihowa ya

Kilkal a isht ai aiokprecha chi hosh ishi tuk oke, im achi tok.

22. Mihma Samuel vt, Chihowa vt na hukmit isht aiokprechi, micha nan vbit isht aiokprechi aiena ka aiokpanchi kv, Chihowa im anumpa im antia ka im itilau i ho? Yakeh! im antia kak osh nan vbit isht aiokprechi ya i shahlikma, haponaklo kak osh chukfvlhpoa nakni i nia ya i shahli hoke.

23. Chihowa imi sanali kv isht ahullo nan ashvchi yak o chohmikma, chukvsh ilapunla vt nan ik vlhpeso yrmihchi, micha naholbt toba aiokprechi yak o chohmi hoke. Chihowa im anumpa ha ish kanchi tuk oka, ilap ak kia miko ish hikia tuk a chi kanchishke, achi tok.

24. Mihma Sal vt Samuel a, Sai yoshuba tuk oke: Chihowa i nan vlhpisa, micha chim anumpa ha kobvfi li hokvt: okla hak o i sa nukshopa cha, im anumpa ha haklo li hatuk osh.

25. Yvmohmi hoka himak a nan ashvchi li ya is sa kashofi cha, filemvt is srba fohka na Chihowa ya aiokprechi lashke, chim asilhha lishke, im achi tok.

26. Mihma Samuel vt Sal a, Chi awant falamvt ia la he keyu: Chihowa im anumpa ish kanchi na Chihowa vt Israel i miko yosh ish pehliechi tuk a chi kanchi hoke, im achi tok.

27. Micha Samuel vt ia chi hosh filema ma, im anchi wishakchi ya halvli na hlilafa tok.

28. Mihma Samuel vt, Chihowa vt himak nitak a Israel apelihchika ya chim ai ishi cha, hatak ish ai itilau achukma kv chi shahli ho imvshke,

29. Micha Israel imi Hlampko hv holaba he keyu, micha im anukfila hv inla he keyu: hatak keyu hokvt, im anukfila hv inla he keyu hoke, im achi tok.

30. Yvmohmi ma, Sai yoshubvshke: yohmi kia himak ano vm okla im asvnonchi vhleha itikba, micha Israel itikba ya is sa holitoblit, fullotvt si awant ish ia na chin Chitokaka Chihowa ya aiokprechi lashke, chim asilhha lishke, achi tok.

31. Yohmi ho Samuel vt fullotvt Sal a awant ia tok; mihma Sal vt Chihowa ya aiokprechi tok.

32. Yohmi ma Samuel vt, Amalek okla i miko Akak a isht hvs svm vlashke, achi tok. Mihma Akak vt yuppulit mintit im vla tok. Mihmut Akak vt, Illi homi kut ant ia tuk pullvshke, achi tok.

33. Mihma Samuel vt, Chi bvshpo falaia vt ohoyo ha vlla ik im iksho ikbi chatuk oka, chishki vt ohoyo takla vlla ik im iksho ya chi hoke, achi tok. Mihmut Samuel vt Akak a Kilkal ak o Chihowa itikba ya a chanlit tushahlichit taiyahli tok.

34. Yvmohmi mut Samuel vt Lamah ya ona tok; mikma Sal vto in chuka Sal in tumaha Kibeah ya ona tok.

35. Mihma Samuel vt Sal a i himmak ma pisvt ayvt ik ono hosh illi tok: yohmi kia Samuel vt Sal a ishit yahaya tok: mihma Chihowa vt Sal a Israel i miko ikbi hatuk osh nukhaklo tok.

CHAPTA XVI.

YUMOHHI ma Chihowa vt Samuel a, Katiohmi foka no Sal a isht ish yahaya chi cho? Israel pehliechi tuk a kanchi li tuk oka; chin lapish a bila yo alotuli cha ia; Chesse Behlehemait a pit chi pila la chi hoke: yvmma ushi vhleha hak o miko ai il ahayuchi li tuk oke, im achi tok.

2. Mihma Samuel vt, Katiohmit ia la hinla? Sal vt haklokmut, svba hinla hoke. Mihma Chihowa vt, Wak tek himita ish ishi cha, ish iashke; micha, Nan vbit Chihowa isht aiokpvchit aya li hoke, ish achashke, achi tok.

3. Micha Chesse ya ish hoyo na nan vbit isht aiokpvchi ya onashke; mikma nana ish kaniohma hi a chim anoli la chi hoke: mikmut kanima ho chi hochifo likma, nan ahvmit is svm atokola chi hoke, achi tok.

4. Mihma Samuel vt Chihowa vt im achi tuk mak o yvmohmi cha, Behlehem a ona tok. Mihma ona ma, tumaha hatak im asvnonchi vhleha hvv wvnihinchi cha, Achukma ahni hosh ish aya cho? achi tok.

5. Mihma, Achukma ahni hosh aya li: nan vbit Chihowa

isht aiokpuchit aya li hoke: hvsh ile hullochi cha, nan vbit isht aiokpuchi ya si awant hvsh onashke, achi tok. Mihmvt Chesse, micha ushi vhleha ha hullochi cha, nan vbit isht aiokpuchi ya ona chi ka im anoli tok.

6. Atuk o yakohmi tok, okla vla ma, Eliab a atokolit pisa mvt, Nan ahamvt Chihowa im vlhtoka yvt itikba ya hikia pullvshke, achi tok.

7. Yohmi kia Chihowa vt Samuel a, Nashuka, micha chahaka atokolit ish pisa na; ak aiokpacho tuk oka: Chihowa vt nana pisa kvh hatak na pisa ka chohmi keyu hokvt; hatak vto nashuka ya pisa hoke, amba Chihowa vto chukvsh oka atokolit pisa hoke, im achi tok.

8. Yohmi ma Chesse vt Abinatab a i howa cha, Samuel itikba ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

9. Yohmi ma Chesse vt Shammah ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

10. Anonti Chesse vt ushi untuklo ka mominchit Samuel itikba ya ont iachi tuk. Mihma Samuel vt Chesse ya, Ilvppak kia Chihowa hv atokoli tuk keyu hoke, im achi tok.

11. Mihma Samuel vt Chesse ya, Ilvppa asha kvh chim vlla moma ho? im achi tok. Mihma, Nakfish ishtaiyopi yosh chukfvlhpoa apistikeli hosh antvshke, achi tok. Mihma Samuel vt, Pit hoyot isht ish lashke; ilvppa ik lo kisha ka e binila he keyu hoke, im achi tok.

12. Mihma pit hoyo cha, isht vla tok. Mihma nashuka hummvt, nashuka aiokli pisa achukma tok. Mihma Chihowa vt, Wakaya cha, ish ahvm mashke: ilvppak osh mih mak oka, achi tok.

13. Yohmi ho Samuel vt bila lapish vlhto kash ishi cha, itibapishi ai ititakla ahvmmi tok: mihma nitak yvma i himmak ia ka Chihowa imi Shilombish vt Lewi ya onvtoyulvt isht ia tok. Yohmi ho Samuel vt wakaya cha, Lamah ya ona tok.

14. Amba Chihowa imi Shilombish vt Sal a issvt ia na

Chihowa vt ik yohmí ahni na shilombish okpulo yosh nukhlakvshli tok.

15. Mihma Sal in tishu vhleha hv́t, Yakeh! himak a shilombish okpulo yosh Chitokaka yvt ik yohmi ahni na chi nukhlakvshlvshke.

16. Yohmi ka pî shahli hv́t in tishu vhleha hã itikba aia-sha ka ik im apesa na hatak hap` olachi imponna ka ik im ahayuchí; atukma yakohma hi oke, shilombish okpulo yosh Chitokaka vt ik yohmi ahni na chi onvtolakma, ibbak a isht olacha hi oke, mikma nuktvla hi oke, im achi tok.

17. Yvmohmi ma Sal vt in tishu vhleha hã, Himak a nan olacñi imponna ka hvs sv́m ahayuchi cha, isht hvs sv́m vlashke, im achi tok.

18. Yvmohmi ma in tishu vhleha hã ai achvfa kv́t afalaminchit, Yakeh! Behlehem hatak Chesse ushi yosh nan olachi kv́t imponna, micha hatak hlampko, chilita, nukwia iksho, micha hatak tv́nvp, micha anumpuli kv́t imponna, micha hatak pisa achukma hoke, yohmi hõ Chihowa vt ibafoyuka hoke.

19. Yvmohmi hõ Sal vt Chesse ya anumpa shali ya pit in tihleli cha, Chiso Lewi chukfv́lhpoa pehliechit ahanta ka et is sa pilashke, achi tok.

20. Mihma Chesse vt issuba haksobish falaia ya puska shapolichi mvt, oka paki vt kotoba achvfa, micha issi kosoma ushi vt achvfa hõ ushi Lewi ibbak a fohki cha, Sal a pit i pila tok.

21. Mihma Lewi vt Sal a im ona cha, itikba ya hikia tok; mihma heh ahni fehna tok: mihma na halupa i shoyuli toba tok.

22. Mihma Sal vt Chesse ya pit im anolit, Lewi vt sa tikba ik hikiá, ish im ahnashke, a holhponaya hanta si ai ahayuchi hoka, achi tok.

23. Atuk o yakohmi tok, shilombish okpulo vt Chitokaka vt ik yohmí ahni na Sal a onvtolakma, Lewi vt hap ishi cha, ibbak isht olachi beka tok: yohmi hõ Sal vt okcha cha, nuktvlakma, shilombish okpulo vt i filvmmmit kv́nia beka tok.

CHAPTA XVII.

YUMOHHMI ma Filistin okla hvt itiba chi hosh tushka chipota ya hoyot itvnahli tok: micha Ephes-tammim yakni Shochoh, yummvt Chutah immi ho iti hoyot ai itv-naha cha, Shochoh, micha Asekah ititakla yak o binanchi tok.

2. Mihma Sal, micha Israel hatak vhleha hvt iti hoyot itv-naha cha, Elah okfa bilika yak o binanchi cha, Filistin vhleha ha itiba chi kv achukmalit hilechit il atahli tok.

3. Mihma Filistin vhleha hvt in tennvp nnih ho hielikma, Israel vt in tennvp nnih ho hielit tok: mihma okfa hosh ititakla ya talaia tok.

4. Mihma Filistin vhleha im vlbina ha hatak chito yosh hoehifo kv Koliah Kalh vta achi hosh, chaha kv kubit hannali cha, span achvfa aiena hosh kohchvt ia tok.

5. Michi asonak lakna iahlipa ho iahlipeli mv, tvi kello tenna nafohka isht im vltaha tok; nafohka vt asonak lakna yosh weki kv shekel tahlepa sipokni tahlapi tok.

6. Michi iyubi hoyolo kv asonak lakna shulush falaia yokma, telihpa vt asonak lakna yosh shinak ha ititakla ala-taya tok.

7. Mikma in tvi tvi halupa ontela vpi vt nan tenna okh-wata yak o chiyuhmi tok; mikma in tvi tvi halupa ontela noshkobo hvt tvi yosh shekel tahlepa hannali tok: mihma telihpa i shoyuli kv itikba ya aya tok.

8. Michi hiki vt Israel tushka chipota ha chitolit i pahaya cha, Katihmi ho kohchvt hvsh itiba chi kv il atahlit hvsh hielit cho? Uno vt Filistin hatak sia keyu? mikma hvchishno vt Sal in tishu hvchia keyu? hatak achvfa ka hvsh il ai atokoli na kohchvt mintit vm vlashke.

9. Satibi cha, sva hinla hokma, yohmikma hvchin tishu e tobashke: amba imaiya lish, vbi likma, pin tishu hvsh to-ba cha, hvsh pi nutaka chi hoke, im achi tok.

10. Mikmv Filistin ash osh, Himak nitak a Israel tushka

chipota ya pafi lishke; hatak achufa ka is sama na itibi lashke, achi tok.

11. Sal, micha Israel moma kv̄t Filistin ash im anumpa yv̄mma haklo mvt, chukvsh ielli cha, nukshopa fehna tok.

12. Yohmi ka Lewi yv̄mmak ash osh Eflahlait Behlem-chutah hatak Chesse hohchifo hō ushi atok: micha yv̄mmvt ushi vhleha hvt untuchina hosh im asha tok: mihma hatak ash osh Sal vt ahanta nitak a hatak sipokni vlhpisa hosh hatak takla aya beka tok.

13. Mihma Chesse ushi vhleha akni tuchina kv̄t Sal a iakaiyvt itiba chī hosh ia tok: ushi tuchina itiba chī hosh ia tok hohchifo kv̄t akni v̄mmona vt Eliab okma, pit iakaiya kv̄t Abinatab okma, ont atuchina kv̄t Shammah atok.

14. Mihma Lewi ak osh nakfish ishtaiyopi atok: mikma akni fehna tuchina kak osh Sal a iakaiya tok.

15. Amba Lewi vto ia tuk vt iki in chukv̄lhpōa Belh-lehem asha hō ipeta chī hosh Sal a i filv̄mmit falamvt ia tok.

16. Mihma Filistin ash osh onnahinli, micha opiakma a kv̄nv̄llit bilika ia mvt, nitak pokoli ushta hō ile haiakvchi tok.

17. Mihma Chesse vt ushi Lewi ya, Onush vlwvsha ilv̄ppa efah achufa hō, micha pv̄ska lumbo pokoli ilv̄ppa ishi cha, maleli hosh chitibapishi im v̄lbina hā ish iashke.

18. Michā pishukchi palv̄ska pokoli ilv̄ppa in tahlepa sipokni i kv̄pitv̄ni ya isht ish im ona cha, chitibapishi hvt kaniohmi hosh mayakma ish pisa cha, beh ahni isht akostinichi ish im isha chike, im achi tok.

19. Yohmi ka Sal, micha yv̄mmak ash osh, micha Israel hatak puta moma kv̄t Filistin vhleha hā itibi hosh Elah okfa hak o aiasha tok.

20. Atuk o Lewi vt onna ha onnahinli hō wakaya cha, chukv̄lhpōa ya apistikeli im ashachi mvt, iki vt im apesa tuk mak o ishi cha, ia tok: micha itichanv̄lli aiasha ya ona ma, tvshka chipota vt itiba chī hosh im vlhtahvt achukmvt hiohli hosh itiba chī kv̄t shakapa tok.

21. Israel, micha Filistin vhleha aiena kv̄t itiba chī kv̄t

hiohli il atahli tok; mikma tvshka chipota laua bika hosh itichapvt hiohli tok.

22. Mihma Lewi vt nan isht aya tuk vt nan isht aya apistikeli ibbak a fohki cha, malelit ia hosh, tvshka chipota vt itiba chi hosh im vlhtahvt achukmvt hiohli ka ont ibachukowa cha, itibapishi vhleha ha aiokpvchi tok.

23. Atuk osh anumpulit hikia ma, yakeh! Filistin hatak Kalh ai vtta Koliah hohchifo kash osh Filistin tvshka chipota laua ya kohchvt minti tok; micha anumpa yummak ash inli ho anumpohonli tok: mihma Lewi vt haklo tok.

24. Mihma Israel hatak moma kvv hatak ash pisa mvt, i yihlepa cha, nukshopa fehna tok.

25. Mihma Israel hatak vhleha hvv, Hatak ilvppvt vla ka hvsh pisa cho? Israel a pafa chi hosh vla pullvshke: atuk o yakohma chi, hatak nana hosh vbikma, miko vt imilayak chito ishit holitobla chi hoke, micha ushetik a imakmvt, iki in chuka achvfa ya noshkobo atobbi ya issvcha hi oke, achi tok.

26. Mihma Lewi vt hatak bilika hieli tuk a im anumpuli mvt, Hatak kvna hosh Filistin ilvppa vbi cha, Israel ishit hofahya ka ishit kanchikma, i katiohma chi cho? Filistin hatak hakshup ik tapo ilvppvt kvta hatuk osh Chitokaka okchaya in tvshka chipota ya pafa hinla cho? achi tok.

27. Mihma okla hvv afalamichit, Hatak kvna hosh vbikma, ilvppa chohmi kash o yvmihcha chi hoke, im achi tok.

28. Mihma akni fehna, Eliab vt hatak vhleha ha im anumpuli ma, haklo tok; mihmvt Eliab vt Lewi ya i nokowa kvv libbi fehna cha, Nanta katiohmi ho mintit ish la tuk o? micha kvta hak osh apistikela chi ho chukfelhpoa kanomosi kash yakni haiaka ya issvt ish minti tuk o? ish ilefehvvchi, micha chi chukvsh ik achukmo ka ithana li; itibi kak o pisa ka ish ahni hosh ish la hoka, achi tok.

29. Mihma Lewi vt, Himak a nanta ho katiohmi li ho? yvmohma he ai vlhpiesa kvv asha keyu cho? achi tok.

30. Michi filema mvt, inla ho anumpa yummak ash inli ho anumpuli tok: mihma okla hvv tikba kash chohmichit anonti afalamichit anumpuli tok.

31. Mihma Lewi vt anumpuli tuk vt annoa ma, okla vbi-telit Sal a im anoli tuk ; mihma Sal vt pit hoyo tok.

32. Mihma Lewi vt Sal a, Yvmmak o mvhli ho hatak kva kia chukvsh ik iello kashke ; chin tishu hak osh ia cha, Filistin ilvppak ash itibashke, im achi tok.

33. Mihma Sal vt Lewi ya, Filistin ilvppa itibi ka nana ish kaniohma he keyu, peh vlla chia fehnakma, yvmvto hatak tvnvp vlla moma isht auehinchu tok oke, im achi tok.

34. Mihma Lewi vt Sal a, Chin tishu hvv iki in chuk-fulhpoa apistikeli hosh anta tuk o, koi chito, micha nita ita-tuklo kvv alokoli achvfa ka chukfulhpoa ushi achvfa ka a kohchit ishi tok oke.

35. Mihmvv kohevvt iakaiyvt vbi lish, itakha foyuka tuk a hlakofichi li tok oke : micha wakayvt si afama ma, nutak-hish a hoklit ishi lish, issot vbi li tok oke.

36. Chin tishu hvv koi chito, micha nita ya itaieninchit vbi li tok oke : micha Filistin hakshup ik tapo ilvppvt yvm-ma achvfa ka chohma chi hoke ; Chitokaka okchaya in tvsh-ka chipota ya pafi tuk okvt, im achi tok.

37. Micha Lewi vt achakalinchu mvv, Chihowa, yvmmak osh koi chito ibbak, micha nita ibbak a a sa hlakofichi tuk vt Filistin ilvppa ibbak ak kia a sa hlakoficha chi hoke, achi tok. Mihma Sal vt Lewi ya, Iá, mikma Chihowa vt chiba foyukashke, im achi tok.

38. Micha Sal vt ilap i nahalupa akinli Lewi ya fohkv-chi mvv, asonak lakna iahlipa ha noshkobo iahlipelichi mvv, tvli kvvlo tvnna nafohka ya fohkvchi tok.

39. Micha Lewi vt tvnvp nafohka paknaka ya bushpo falaia ya il isht vskofvchi mvv, hvv pisa tok ; avchit ik peso kisha hatuk okvt. Mihmvv Lewi vt Sal a, Ilvppa ieshi li kvv ia la he keyu, avchit ak peso kisha hatuk okvt. Micha Lewi vt shoeli tok.

40. Mihmvv tvbi ya ishi mvv, bokushi tvli halushki tahlapi ho ai aiowa cha, chukfulhpoa apistikeli i bahta, bahta ishi tuk mak osh apitta tok : micha ishit pila vt ibbak a foka tok ; mihmvv Filistin ash bilika ia tok.

41. Mihma Filistin vt minti mvt, Lewi ya bilika vla tok; mihma telihpa i sholi yash osh tikba ia tok.

42. Atuk o Filistin ash osh filemvt Lewi ya pisa mvt, ik ahobalot shitilema tok: peh himita fehna cha, nashuka humma, micha pisa ha okshauanli hatuk oka.

43. Micha Filistin ash osh, Ofi sia ho tvbi ish ieshi hosh is svm vla cho? im achi tok. Mihmvt Filistin vt i nahol-bvt toba puta ka hochifot Lewi ya kalakshichit mihachi tok.

44. Micha Filistin vt Lewi ya, A minti, mikma chi nipi ya hushi puta vba itnnowa, micha nampoa puta yakni haiaka aiasha ka ipeta lashke, im achi tok.

45. Yohmi ma Lewi vt Filistin a, Bvshpo falaia, micha tvbi tvli halupa ontvla, micha telihpa aiena ho ish ieshi hosh is svm vlvshke: amba vno vto vba nan okluha il aieshi Chihowa, micha Israel tvshka chipota in Chitokaka ish pafi tuk mak o hochihifo hosh chim vla lishke.

46. Himak nitak a Chihowa vt chishno ya svbbak a chi fohki na issot chi kanchi likmvt, chi noshkobo ha tvbli la chi hoke; micha Filistin tvshka chipota nipi illi ya hushi puta vba itnnowa, micha nampoa nukshopa puta yakni aiasha ka ipeta la chi hoke; yohmi ho Chitokaka vt Israel i yakni ya ahanta ka yakni moma kv ithaiyanashke.

47. Micha okla ilvppa aiasha kv Chihowa vt bvshpo falaia, micha tvbi tvli halupa ontvla ishit hlakofichi keyu ka ithaiyanashke: itibi kv ont a kaniohma hi a Chihowa immi hokvt, hvchishno ya pibbak a hvchi fohka chi hoke, im achi tok.

48. Atuk o yakohmi tok, Filistin ash osh wakaya mvt, Lewi ya afama chi hosh akanvllit minti ma, Lewi vt tvshpa hosh malelit tvshka chipota vt itiba chi hosh im vlhtahvt hiohli ka kv, Filistin ash afama chi hosh ia tok.

49. Micha Lewi vt ibbak a bahta ya pit shamvllichi cha, tvli ya kohchit ishi cha, pila mvt, Filistin ash ibitakla isso na tvli vt ibitakla ya chukowvt oka kenia tok: mihma nashuka ishit hlipvt aka itula tok.

50. Yohmi hosh Lewi vt ishit pila, micha tvli yo ieshi hosh Filistin ash imaiya cha, Filistin ash isso cha, vbi tok;

yohmi kia Lewi ibbak a bvshpo falaia vt foka tok keyu hoke.

51. Yrmohmi hosh Lewi vt malelit, Filistin a ont o hikia cha, i bvshpo falaia ya i shukcha ya shufit ishi cha, vbi mvt, ishit chanlit noshkobo ha tvbli tok. Mihma Filistin vhleha hvt hatak in chaha yash osh illi na pisa mvt, yihlepa tok.

52. Mihma Israel hatak vhleha, micha Chutah hatak vhleha aiena kvv wakaya cha, shakampa mvt, hliolit isht ia hosh okfa ish ona ka, micha Eklon holihta okhissa ya isht ona tok. Mihma Filistin vhleha hvt nvhlvt chilofvt maya kvv, Shaalaim pilla mayvt Kalli, micha Eklon a ont vlli tok.

53. Mihma Israel im vlla vhleha hvt Filistin vhleha ha hlioli tuk vt falama cha, im vlhtipo puta ka wehpuli tok.

54. Mihma Lewi vt Filistin ash noshkobo ya ishi cha, Chelusalem a isht ona tok: amba i nahalupa hano im vlhtipo yak o ashachi tok.

55. Mihmvt Lewi vt kohevvt Filistin ash itibit ia na Sal vt pisa mvt, tvshka chipota i kvpitvni Abne ya, Abne ma! hatak himita ilvppvt kvta hak o ushi yo? im achi tok. Mihma Abne yvt, Chi shilombish vt okchaya pulla ka anoli la he keyushke, miko ma! achi tok.

56. Mihma miko vt, Hatak himita yash osh kvna ushi yokma ponakló, achi tok.

57. Atuk o Lewi vt Filistin ash vbit falama ma, Abne vt ilauelit Filistin ash noshkobo ya ieshi ho Sal itikba ya isht vla tok.

58. Mihma Sal vt, Hatak himita chia ma! hatak nanta ushi chia ho? im achi tok. Mihma Lewi vt aalamichi mvt, Chin tishu Chesse Behlehemait ushi sia hoke, achi tok.

CHAPTA XVIII.

ATUK o yakohmi tok, Sal a im anumpuli tuk vt ont tahli ma, Chonahlan imi shilombish vt Lewi imi shilom-

bish a abonutvt kunia tok; micha Chonahlan vt heh ahni kvt ilap imi shilombish ak inli chiyuhmi tok.

2. Mihma Sal vt nitak ymma ishi cha, himmakma iki in chuka ya ik ia, ik im ahno ki tok.

3. Mihma Chonahlan, micha Lewi itatuklo kvt nana it im vhpisa it im apesa tok, i hullo kvt ilap imi shilombish ak inli chiyuhmichi hatuk okvt.

4. Mihma Chonahlan vt anchi holitopa foyuka tuk vt shufi cha, Lewi ya ima tok; micha i nafohka, micha i bvsh-po falaia, im iti tanampo, micha im vskofvchi aiena kash kia ima tok.

5. Mihma Lewi vt kanima yo Sal vt pilakma, ihiya hosh ahanta cha, ile hopoyuksvli tok: mihma Sal vt hatak tenvp aya ya pehlichikma, Sal in tishu vhleha hak kia pisa kvt aiokpanchikma, Sal in tishu vhleha hak kia pisa kvt aiokpanchi tok.

6. Atuk o yakohmi tok, Filistin hatak ash vbit aya tuk vt Lewi vt falamvt vla ma, ohoyo vhleha hut Israel in tvmaha holihta puta ka kohchvt talovt, hihlv, ahlepushi puta, micha nan isht taloa ieshi hosh, nayukpa hosh miko Sal a afama chi hosh minti tok.

7. Mihma ohoyo vhleha hash osh nan isht taloa olanchit, iti falamolichit achi kvt, Sal vt tahlepa sipokni ho vbikma, Lewi vto tahlepa sipokni pokoli ho vbishke, achi tok.

8. Mihma Sal vt nukhobela fehna cha, nan achi kash ik im vhpeso tok; micha, Lewi ano tahlepa sipokni pokoli ho i hotihna hokak osh, vno ano tahlepa sipokni bano ho a hotihnvshke, achi tok: ymma i shahli ho ishi kvt nanta hinla cho? apelihika yak keyu kvt?

9. Michi Sal vt nitak ymma vttvt isht ia ka Lewi ya i nuktrhla tok.

10. Atuk o onna ma yakohmi tok, shilombish okpulo vt, Chitokaka yvt ik yohmi ahni na Sal a ont onvtola tok; mihma aboha ikvna tasimbota anumpuli tok: mihma Lewi vt tikba chatuk akinli chohmit ibbak a isht olachi tok: mihma Sal ibbak a tvi tvli halupa ontvla vt foka tok.

11. Mihma Sal vt tvi tvli halupa ontvla ya pila tok;

Lewi ya issot aboha okhowata ya anvhlichi lashke, achi hatuk osh. Mihma Lewi vt hitukla ha i kanvllit kohcha tok.

12. Mihma Sal vt Lewi ya i nukshopa tok; Chihowa vt ibafoyuka cha, Sal ano i filummi hatuk o.

13. Yvmohmi kak o Sal vt ilap ai ititakla ya kanvllichi cha, tahlepa sipokni pehliecha chi ho i kvpitvni ikbi tok: micha okla itikba ya akohchit ivt ont chukohowa tok.

14. Mihma Lewi vt nana a kaniohmi puta kvt ile hopoyuksvli tok; mihma Chihowa vt ibafoyuka tok.

15. Yvmohmit ile hopoyuksali fehna na Sal vt pisa mv, i nukshopa tok.

16. Yohmi kia itikba ya akohchvt ivt, ant chukohowa hatuk o, Israel moma, micha Chutah moma aiena kvv Lewi ya holitobli tvk.

17. Mihma Sal vt Lewi ya, Yakeh! suso tek akni Melab yvmvt chi tekchi ya chi ho chima la chi hoke: peh nukwia ikshot is svm in chilitvt Chihowa im itibi ya ish itibashke, im achi tok. Subbak vt ik onvtolo kashke, amba Filistin okla ibbak ak osh onvtolashke, Sal vt achi hatuk okvt.

18. Mihma Lewi vt Sal a, Kvta sia hoh cho? Israel ai ititakla ha vm ilhfiopak, micha aki in chuka achufa vt nanta hatuk o miko ya iyupi la hinla cho? im achi tok.

19. Atuk oh kia yakohmi tok, Sal ushetik Melab a Lewi ya ima he vvhpesa ak inli kia, Meholahlait hatak Atliel ak o tekchi yachi ho ima tok.

20. Mihma Michal Sal ushetik vt Lewi ya anushkunna tok: mihma Sal a okla im anoli ma, nana ka im vvhpesa tok.

21. Mihma Sal vt, Yvmmak o ima lashke, yohmikma isht ibetvbli na Filistin okla ibbak vt im asanalashke, achi tok. Yvmohmi hosh Sal vt Lewi ya, Himak nitak a tuklo ka achufalit is svm iyupa chi hoke, achi tok.

22. Mihmv Sal vt in tishu vvhleha ha im apesvt, Lewi ya lumvt hvsh im anumpulit, Yakeh! miko vt chi ahninchishke, mikma in tishu vvhleha hvv chi holitoblishke: yvmohmi hoka himak ano miko ya ish iyupashke, hvsh achashke, achi tok.

23. Mihma Sal in tishu vhleha hvt anumpa yemma Lewi haksobish a haklochit anumpuli tok. Mihma Lewi vt, Miko iyupi ka nana ik ahobo hvehim ahoba cho? vno vto hatak ilbvsha, holitopa keyu sia hoka, achi tok.

24. Mihma Sal in tishu vhleha hvt im anoli kv, Ilvppak o Lewi vt anumpulishke, achi tok.

25. Mihma Sal vt, Ilvppak o hvsh im achashke, miko vt ohoyo vltoba hvna keyu, amba miko vt in tenvp a ilai-okha chi kv, Filistin tikba hakshup tahlepa achvfa ho ahni hoke, achi tok. Yohmi kia Sal vt Filistin okla ibbak ak o isht akvma hi a ahni tok.

26. Atuk o in tishu vhleha hvt Lewi ya anumpa ilvppa im anoli ma, Lewi vt miko iyupi ka im vlpesa fehna tok: atuk o nitak vlpisa vt ont ik taho kisha tok.

27. Yvmohmi ma Lewi, micha hatak apeha tuk aiena kv wakayvt ilhkoli cha, Filistin tahlepa tuklo ho vbi tok: micha Lewi vt tikba hakshup isht vla tok; mihma holh-tina ont ai vlpiesa ho miko ya ant okla ima tok, yohmi na miko iyupa chi hatok. Mihma Sal vt tekchi yachi ho ushetik Michal a ima tok.

28. Mihma Chihowa vt Lewi ya ibafoka, micha Sal ushetik Michal vt Lewi ya anushkunna ka piset ithana tok.

29. Yohmi mvt Sal vt isht i shahlit Lewi ya i nukshopa tok: micha Sal vt Lewi ya in tenvp toba kv i shahlit mahaya tok.

30. Yohmi ma Filistin pehlichu vhleha hvt kohchvt ia tok: atuk o yakohmi tok, kohchvt ia haya, Lewi vt ile hopoyuksali kv Sal in tishu vhleha moma ka i shahli tok: yohmi ho kohchifo hvt holitopa fehna tok.

CHAPTA XIX.

YUMOHHI ma Sal vt ushi Chonahlan, micha in tishu vhleha moma ka im anumpulit, Lewi ya vba chi ka i miha tok.

2. Yohmi kia Chonahlan, Sal ushi vt Lewi ya ahninchu

fehna tok: micha Chonahlan vt Lewi ya im anolit, Aki Sal vt chiba chi hosh chi hoyoshke: yohmi hoka himak a ahah! ish il aiahni na onnahinlashke, micha ish luma cha, alumaka ish ahantashke.

3. Micha kohchvt ia lish, ish ai anta osapa ya aki ont apontvt hikia lish, it im anumpuli lashke; micha nana ho pisa likmvt, yvmmak o chim anoli la chi hoke, achi tok.

4. Mihmvt Chonahlan vt iki Sal a im anumpulit anumpa achukma ho Lewi ya isht anumpuli mvt, Miko vt in tishu Lewi ya na kaniohmichit ik im ashvcho kashke; nana chim ashvchi tuk keyu hoka; micha nana isht ahanta kv achukma fehna kak o chi ahni tuk oka.

5. Ilap im ilhfiopak a ibbak fohkit ieshi cha, Filistin ash vbi tuk oka; mihma Chihowa vt Israel moma ka ahlakofi chito ho im atahli tuk oke: chishno vt ish pisa cha, chi yukpa tuk oke: yohmi ka nana kaniohmi keyu ka Lewi ya ish bi cha, nan okprni keyu issish a hlatvblit chi yoshuba chi cho? im achi tok.

6. Mihma Sal vt Chonahlan a i haponaklo tok: micha Sal vt anumpa kvlo il onochit anumpulit, Chihowa vt okchaya pulla ka illa he keyu, achi tok.

7. Mihma Chonahlan vt Lewi ya i howa cha, Chonahlan vt yvmma moma ka im anoli tok. Micha Chonahlan vt Lewi ya Sal a isht im ona na tikba chatuk a chohmit takla ahanta tok.

8. Atuk o anonti tvnvp vt asha tok: mihma Lewi vt kohchvt ia cha, Filistin okla ha itibi cha, vbit tahli na illi kv laua fehna tok: mihma okla i yihlepa tok.

9. Mihma Chihowa vt ik yohmi ahni na shilombish okpulo vt, Sal vt tvbi tvli halupa ontvla vt ibbak foyuka hosh im aboha asha ma onvtola tok: mihma Lewi vt ibbak isht olachi tok.

10. Mihma Sal vt Lewi ya tvbi tvli halupa ontvla aboha okhowata ka isht anvhichi bunna tok: yohmi kia Sal itikba ya i kannakli na aboha okhowata ka tvbi tvli halupa ontvla nvhlit a hilechi tok: mihma Lewi vt maleli cha, ninak yvmma hlakofi tok.

11. Micha Lewi in chuka im aiehchi cha, onnahinlikma vba chī hō Sal vt anumpa shali ya pit tihleli tok; micha Michal Lewi tekchi vt im anolit, Himak ninak a chik il ok-chalinchokmvt, onnaha ma chilla chī hoke, achi tok.

12. Yohmi mvt Michal vt Lewi ya okhissushi pit kohchit akowvchi tok: mihma ia cha, malelit hlakofi tok.

13. Mihma Michal vt naholbvt toba yō topa hash bohli cha, issi kosoma hishi vllpishi yō vllpishichichi cha, nantvna isht ompohomo tok.

14. Atuk o Lewi ya isha chī ka Sal vt anumpa shali ya tihleli ma, Abeka hoke, achi tok.

15. Mihma Lewi ya pisa chī hō Sal vt anonti anumpa shali ya tihleli cha, Topa ha on itonla hō ishit hvs sum vla na vbi lashke, achi tok.

16. Atuk o anumpa shali vhleha hvt ont chukowa ma, yakeh! naholbvt toba hvt topa hash issi kosoma hishi vllpishi yō vllpishi hosh itonla tok.

17. Mihma Sal vt Michal a, Nanta katiohmi hō yakohmichit is sa haksichi cha, an tvvp a ish chvffichi na hlakofi cho? im achi tok. Mihma Michal vt afalamichit Sal a, Ak iá, nanta katiohmi hō chibi la chī cho? vm achi tuk oke, achi tok.

18. Yohmi hō Lewi vt maleli cha, hlakofit, Samuel vt Lamah ya anta tuk o im ona cha, Sal vt kaniohmichi tuk a moma im anoli tok. Mihmvt yvmmvt, micha Samuel itatuklo kvv itv Naiolh ak o ont ashwa tok.

19. Mihma Sal a im anolit, Yakeh! Lewi vt Lamah yakni Naiolh ak o antvshke, achi tok.

20. Mihma Lewi ya isha chī hō Sal vt anumpa shali ya tihleli tok: atuk o hopaii kaniohmi kvv Shilombish anukfo-yukvt anumpuli ma, Samuel vt vlltoka tuk osh pehliechit hikia na okla pisa ma, Chitokaka imi Shilombish vt Sal im anumpa shali vhleha ha onvtola ma, yvmmak kia Chihowa ya aiokpahanchi tok.

21. Atuk o Sal a im anoli ma, anumpa shali inla yō tihleli ma, Shilombish anukfo-yukvt okla anumpuli ak inli tok. Mihma Sal vt anonti ont atuchina ma, anumpa shali ya

tihleli ma, Shilombish anukfoyukvt okla anumpuli akinli tok.

22. Yohmi ma ilap ak kia ivt, Lamah ya ona cha, kvli chito yosh Sechu a hikia hō ona tok: micha ponaklot, Samuel, micha Lewi itatuklo mvto? achi tok. Mihma achvfa hosh, Yakeh! Lamah yakni Naiolh ak o ashwa hoke, achi tok.

23. Mihma Lamah yakni Naiolh ak o ona tok: mihma Chitokaka imi Shilombish vt onvtola akinli tok, micha Shilombish anukfoyukvt anumpulit mahayvt Lamah yakni Naiolh a ona tok.

24. Micha im anchi yak kia shoelit tahli cha, Samuel itikba ya Shilombish anukfoyukvt anumpuli ak inli tok; micha nipi bieka chiyuhmi hosh itoyula na nitak yvmmt shoyuhbi cha, ninak yvmmt ont hlopulli tok. Yvmohmi hō achi kv, Sal ak kia hopaii vhlheha hā ibafoyuka cho? okla achi tok.

CHAPTA XX.

MIHMA Lewi vt Lamah yakni Naiolh a issvt, malelit Chonahlan a, Nanta hō katiahmi li tuk oh cho? nana ashvchi li kv nanta hō? micha chiki itikba ya nana ik vhlpeso yvmohmi li kv nanta hō vm ilhfiopak a hoyo cho? ont achi tok.

2. Mihma, Ik yvmohmo kashke, chilla he keyushke: yakeh! aki vt nana chito hokmá, keyukmv itkitini hokmá, nana kia ik svm anolo kv yvmihcha he keyu hoke: micha nanta katiahmi hō aki vt ilvppa an luhma hinla cho? yohma he keyú, im achi tok.

3. Mihma Lewi vt anumpa kvllo il onochit anumpulit, Issa kana ka chiki vt ithana kv ahli; atuk osh achi kv, Chonahlan vt ik nukhaklo ka chi kv ilvppa ik ithano kashke: yohmi kia Chihowa okchaya pulla ka, micha chimi shilombish vt okchaya pulla ka, peh ahabli achvfa ohmi hosh ailli, micha si ititakla ya takali hoke, achi tok.

4. Yohmi ma Chonahlan vt Lewi ya, Nana h_o chimi shi-lombish vt ahnikma, ch_i yvmihchi lashke, im achi tok.

5. Mihma Lewi vt Chonahlan a, Yakeh! onna hayvt hushi talali yoke, yohmi ka m_iko vt imp_{et} binilikma, takla binili la he v_lhpesa: yohmi kia, Ak ia cha, yakni haiaka ya ak luma na nitak ont atuchina ik opiá.

6. Ch_iki vt iksho si ahni yobakma, yohmikma yak ish achashke, Lewi vt malelit Behlehem in tumaha holihta ya ona hi a achunanchit v_m asilhha tuk oke: yv_mma in chuka achvfa moma kv_t afv_mmikma nan vbit isht aiokprechi isht asha hoka.

7. Yakohmikma, V_lhpesa, achikma, chin tishu hv_t it i kana ha ch_i hoke: amba nuklibesha fehnakmv_t, nana ik achukmo anukfilli ka ish ithaiyanashke.

8. Yvmohmi hoka chin tishu h_a ish i kanashke; Chihowa itikba ya chin tishu h_a nana it im v_lhpisa ish it im apihisa tuk okv_t: yvmohmi ak inli kia nan ashvchi vt si atakalikma, chishno akinli hosh is svbashke; nanta katiohmi h_o ch_iki ya sv_sht ish im ona hinla cho? im achi tok.

9. Mihma Chonahlan vt, Ik ch_i yvmohmo kashke; nana ik achukmo kv_t chi onv_tola hi a a_ki vt anukfilli ka ithana li fehnakmv_t, ak chim anolo ka hinla cho? achi tok.

10. Yvmohmi ma Lewi vt Chonahlan a, Kv_ta hosh v_m anola ch_i cho? micha ch_iki vt kv_llochi hosh chim anumpulik mv_{no}? im achi tok.

11. Mihma Chonahlan vt Lewi ya, Inta! yakni haiaka ya kil ia, im achi tok. Mihma itatuklot kohev_t i_{vt} yakni haiaka ya ona tok.

12. Mihma Chonahlan vt Lewi ya, Israel in Chitokaka Chihowa ma! onna ha foka kanima, keyukmv_t nitak ont atuchina ka a_ki im anukfila h_a akostininch_i li ka, yakeh! achukma h_o Lewi ya im anukfilli hokma, et ch_i p_{il}vt ak chim anolokma,

13. Chihowa vt yakohmi, micha i shahli fehna kia Chonahlan a yvmihchashke: amba a_ki vt im v_lhpesa cha, nana ik achukmo ch_i yvmihcha he ahni, yohmikma chim anoli lish, chi pila likma, chi achukmakv_t ish ayashke: mikma

aki ya ibafoyuka chatuk a chohmit Chihowa vt chibafoyukvshke.

14. Mikma ik sello ka hi a si okchaya itintakla ka Chihowa itikba ya is sa kana kak illa he keyu,

15. Amba an chuka achvfa ak kia ish i kana cha, chik isso ho biliashke: keyu, Chihowa vt Lewi in twnvp vhleha yakni paknaka ai asha ka mominchit vbit taiyahli haya kia, achi tok.

16. Yohmi ho Chonahlan vt Lewi in chuka achvfa ya rana it im vhlpisa it im apesa kv, Chihowa ak osh Lewi in twnvp vhleha ibbak ak o ai im a hoyashke, achi tok.

17. Mihma Chonahlan vt i hullo hatuk osh, anonti Lewi ya anumpa kullo ya il onochichi tok; ilap shilombish i hullo kak inli kv i hullo hatuk okvt.

18. Yohmi ma Chonahlan vt Lewi ya, Onna hayvt hvshi talali yoke; mikma iksho hacha, chi ahna chi hoke, ish ai om binili vt peh talaia chi hoke.

19. Atuk o nitak tuchina ho ish ahanta tuk mvt, tushpvt ivt, nana isht il ashwa ma ish a luma tuk vt ish ona cha, vli Esel bilika yak o ish ahantashke.

20. Atuk ma oski naki tuchina ho nana ho hysa itilauechit ichapaka pila la chi hoke.

21. Mikma yakeh! hatak himita chvffichi lish, Ia cha, oski naki ont ahayuchi, achi lashke. Atokolit hatak himita ya, Yakeh! oski naki vt ish ahikia ka ola ashvshke, ishi, im achi likma, yohmikma ish mintashke: Chihowa vt okchaya pulla ka chi kana cha, anumpa nana kia chi onocha he keyu hoke.

22. Amba hatak himita yash, Yakeh! oski naki vt ish ahikia ka mish a shvshke, im achi likma, ish iashke: Chihowa vt kanima pit chi chvffichi hoka.

23. Micha nana ka chishno, micha vno il itatuklo kv isht il anumpuli kamo, yakeh! Chihowa vt chishno, micha vno il itatuklo ka pititakla hikia na biliashke, im achi tok.

24. Yohmi ho Lewi vt yakni haiaka ya luma tok: atuk o hvshi talali vt vla ma, miko ash osh impa chi hosh binili tok.

25. Mihmvt miko ash osh yohmi chatuk vt im ai-om-binili, yummvt aboha okhowata bilika yak o om binili tok: mihma Chonahlan vt wakaya ma, Abne vt Sal a apontvt binili ma, Lewi ai asha vt peh talaia tok.

26. Yohmi kia nitak yumma Sal vt nana ik acho tok: Nana i kaniohmi tuk, ik kashofo; ik kashofo pullvshke, ahni hatuk osh.

27. Atuk o onna ma yummvt hvshi nitak atukla ho yakohmi tok, Lewi ai asha vt peh talaia tok: mihma Sal vt ushi Chonahlan a, Nanta katiohmi ho pilashash, micha himak nitak aiena ka Chesse ushi vt imvt ik lo cho? im achi tok.

28. Mihma Chonahlan vt afalamichit Sal a, Lewi vt Behlehem a ia hi vt achunanchit vm asilhha tuk oke.

29. Micha, Ak ia, chim asilhha lishke; pin chuka achvfa vt vmaha holihta ya nan vbit isht aiokprechi isht asha hoka; micha itibapishi li hvv ona la hi a a miha tuk oke: yohmi ka chi holhponayo hanta a chi ahayuchi li tuk okmvt, ak ayá, chim asilhha lishke, micha itibapishi li vhleha ha ont pisa lashke, achi tuk oke. Yvmohmi tuk osh miko im ai impa ya ik lo hoke, im achi tok.

30. Mihma Sal vt Chonahlan a i nokowa kvv libbi fehna cha, Ohoyo isht acheba, micha miko im asanali ushi chia hvv nan ishit chi hofahya he, micha chishki vt nipi banot ishit hofahya hi a Chesse ushi ya ish il ai ishi ka ithana li keyu?

31. Chesse ushi vt yakni paknaka ya okchayvt ai ahanta takla ka, chishno, micha ish apehlichika yvt kvllot hikia he keyu koke. Yvmohmi hoka himonasi ya pit hoyot isht vm vla, illi pulla chi hoke, im achi tok.

32. Mihma Chonahlan vt iki Sal a afalamichit, Nanta katiohmi ho illa chi cho? nanta ho yvmihchi tuk o? im achi tok.

33. Mihma Sal vt tvbi tvli halupa ontvla ishit nvhla chi hosh pila tok: yummak o iki vt Lewi ya vbi pulla kak o ahni ka Chonahlan vt isht ithaiyana tok.

34. Yohmi ho Chonahlan vt nokowa kvv libbi fehna hosh

ai impa ya wakaya cha, lvshi nitak atukla ka ik impo tok : Lewi ak o ishit nukhaklo hatuk osh, iki vt hofahyali kak atok.

35. Atuk o onnahnli ma yakohmi tok, Lewi ya nitak it im apesa tuk a ont ai vlhpiesa ma, Chonahlan vt vlla nakni ya ilauei cha, kohchvt ivt yakni haiaka ya ona tok.

36. Micha im vlla nakni ya, Malelit ia cha, oski naki ya pila li ka ont ahayuchi, im achi tok. Atuk o vlla nakni yash osh maleli ma, oski naki ya vbanvblichit pila tok.

37. Atuk o vlla nakni ash osh oski naki Chonahlan vt pit pila tuk a ai ona ma, Chonahlan vt iakaiyachit i payvt, Oski naki vt ish a hikia ka misha keyu ? achi tok.

38. Micha Chonahlan vt vlla nakni ya iakaiyachit i payvt, Pulhki, tushpa, ish hikia na, achi tok. Mihma Chonahlan im vlla nakni vt oski naki yash aiowa cha, i shahli ya im vla tok.

39. Yohmi kia vlla nakni vt nana ik ithano tok : Chonahlan, micha Lewi ak illa hosh nana ka ithana tok.

40. Mihma Chonahlan vt im oski naki yash im vlla nakni ya ima cha, ia cha, tumaha holihta ya isht ona, im achi tok.

41. Atuk o vlla nakni vt ia mak inli ho Lewi vt oka mahli imma talaia ho wakayvt kohcha cha, aka itulvt nashuka ishit hlipia cha, hituchina ha akachunoli tok : micha it i suksowa mv, itiba yahaya ma, Lewi ak osh isht atampa tok.

42. Mihma Chonahlan vt, Chi achukmakvt ish ayashke ; il itatuklo kv Chihowa hochifot anumpa kullo il onochit, Chihowa vt vno, micha chishno ya pititakla ya, micha vm isht atiaka, micha chim isht atiaka itintakla ya hikia na biliashke, il achi tuk oka, im achi tok. Mihma wakaya cha, ia tok : mihma Chonahlan vt tumaha holihta ya ont chukowa tok.

CHAPTA XXI.

YUMOHHI ma Lewi vt Ahimelech vt Nob a anta tuk o im ona tok : mihma Ahimelech vt Lewi ya itafama mv,

nukshopa cha, Nanta katiohmi hō chishno ak bano ma, hatak nana kia chi apihvt ik ayo cho? im achi tok.

2. Mihma Lewi vt Ahimelech naholitompa isht vtta ya, Miko vt nana vm apesa cha, Nana a kaniohmi hō tohnot chi pila li, micha nana chim apesa li tuk a kva kia ik ithano kashke: yohmi hosh an tishu vhleha ha yumma, micha yumma achit im apesvt tahli li tuk oke, vm achi tok.

3. Yumohmi hoka himonasi ya nanta hosh chibbak a foka cho? pvska lumbo tahlapi hō subbak a ish fohkashke, keyukmvt kaniohmi hosh chiyakma, im achi tok.

4. Mihma naholitompa isht vtta ash osh afalamichit Lewi ya, Pvska ik hullocho vt subbak a ik foko, amba pvska hullochi yak illa hosh asha hoke; hatak himithoa ak osh ohoyo ik ahalaio tuk okma, im achi tok.

5. Mihma Lewi vt afalamichit naholitompa isht vtta yash, Ahli hoke; nitak tuchina kohchvt minti li tuk itintakla ka pi ahalaia tuk keyu hoke, micha hatak himithoa nan im aivlhto puta kvv kashofa hoke, mikma pvska vt ik hullocho ohmi hosh akinli, ahli himak ak o nan aivlhto foka na hullochi tuk oh kia, im achi tok.

6. Yumohmi hō naholitompa isht vtta yash osh pvska hullochi ya ima tok: yumma pvska vt iksho hatuk oka; amba pvska otrni Chihowa itikba ya ai ishi tuk, micha pvska lvshpa talali nitak mak inli yummak illa hosh asha hatuk oka.

7. Yohmi ma Sal in tishu vhleha ha ai achvfa hatak achvfa hosh Chihowa itikba nana isht vtta hosh nitak yumma anta tok; micha hohchifo kvv Toek Etomait atok, nana vhpōa apistikeli Sal vt im aiasha ka i shahli fehna tok.

8. Mihma Lewi vt Ahimelech a, Michā tvbi tvli halupa ontvla, keyukmvt bvshpo falaia vt chibbak a foka cho? miko nana akaniohma he ahni kak osh anukwaya hatuk o, am bvshpo falaia, micha nahalupa nana kia ak esho tuk oka.

9. Mihma naholitompa isht vtta yash osh, Yakeh! Koliah Filistin hatak a Elah okfa ha isht ish ai vbi tok bvshpo falaia ak osh nantvna abonunta hosh efot ashaka takanlishke: yummak o ish isha hinlakmvt, ishi: inla yvt iksho, yummak

illa ilvppa itonla hoka. Mihma Lewi vt yumma chohmi kut iksho hoka vma, achi tok.

10. Mihmut Lewi vt Sal a i nukshopa hatuk osh wakaya cha, nitak yumma malelit, Achish Kalh i miko ya im ona tok.

11. Mihma Achish in tishu vhleha hut, Ilvppvt Lewi yakni yumma i miko keyu cho? ishit hihlv, it in talohovvt Sal vt tahlepa sipokni ho vbikma, Lewi vt tahlepa sipokni pokoli ho vbishke, achi tok mak keyu? im achi tok.

12. Mihma Lewi vt anumpa ilvppa chukvsh fohkit ieshit aya cha, Kalh i miko Achish a i nukshopa fehna tok.

13. Micha nana akaniohmi chatuk vt itikba ya im il inlvchi cha, ibbak foka kut tasimbo im ilahobit, holihta okhissa isht vlvkma ya kvllit, itukchi ya yanvllichi na nutakhish a o yanvlli tok.

14. Yumohmi ma Achish vt in tishu vhleha ha, Yakeh! hatak vt tasimbo yoke: yumohmi hoka nanta katiohmi ho isht hvs svm vla tuk oh cho?

15. Hatak tasimbo sa bvna ho ilvppa isht hvsh la na sa tikba a ile tasimbohit anta cho? hatak ilvppvt vm aboha chukowa chi cho? im achi tok.

CHAPTA XXII.

YUMOHMI ho Lewi vt yumma vttvt ivt, Atullam hichukbi ont chukovvt hlakofi tok: atuk o itibapishi vhleha, micha iki in chuka achvfa vt haklo mvt, yummak o ivt im ona tok.

2. Yohmi ma ilbvsha puta, aheka in takanli puta, micha chukvsh ik im achukmo puta kut im itahoba tok; mihma i kvpitvni toba tok; mihma hatak tahlepa ushta foka hosh apeha tok.

3. Mihma Lewi vt yumma vttvt ia mvt, Moab yakni Mipeh ak o ona tok: micha Moab i miko ya, Aki micha hvshki vt kohchvt vla cha, chi apehvt ahashwa tuk o Chitokakayvt nana ho a kaniohmicha chi hatukma akostinichi lashke, chim asilhha lishke, im achi tok.

4. Micha Moab i miko itikba ya isht im ona tok: micha Lewi vt hichukbi foyuka moma ho yvmmak o apehvt aiasha tok.

5. Mihma hopaii Kat vt Lewi ya, Hichukbi yo chik anto kashhe; ish ia cha, Chutah yakni ya ish onashke, im achi tok. Yvmohmi ma Lewi vt ia cha, Halelh kowi haiaka ya ont chukowa tok.

6. Atuk o Sal vt Lewi, micha hatak apehvt aya tuk vt haiaka ho haklo mvt, (mihmvt Sal vt tvi tvi halupa ontula ibbak a foyuka hosh Lamah yakni Kibeah ak o iti nuta ahanta tok, mihma in tvshka vhleha hvt afolublithieli tok.)

7. Yvmohmi ma Sal vt in tishu vhleha hvt afolublithieli tuk a, Himak ano hvsh haiyaklashke, Benchamait vhleha ha hvchia ma! Chesse ushi vt hvsh moma ka osapa, micha pakvpi ahollokchi puta ka hvch ima cha, tahlepa sipokni i kvpitvni, micha tahlepa i kvpitvni hvch ikba hinla ho?

8. Yohmi ho hvsh moyuma kvv im anukfila achvvt hvs sum asanali cha, hvsh achvfa kia svso hvt Chesse ushi ya anumpa it im ai achvfa ka hvs sum anoli keyu, micha hvsh achvfa kia hvs sa nukhaklo cha, svso hvt an tishu ya nukfohkichit vm i sanalichina himak nitak ak kia vm aiehinchi ka hvch ik sum anolo cho? im achi tok.

9. Yohmi ma Etomait hatak Toek, yvmvt Sal in tishu vhleha puta pehlichivlhtoka ash osh afalamichit, Chesse ushi vt Nob a vlt, Ahitvb ushi Ahimelech a im ona ka pisa li tok.

10. Mihma Chihowa ya im i ponaklo cha, ilhpak a ima mvt, Filistin hatak Koliah i bvshpo falaia aiena ka ima ho pisa li tok oke, im achi tok.

11. Yohmi ma miko vt naholitompa isht vta Ahimelech, Ahitvb ushi, micha iki in chuka achvfa, naholitompa isht asha vhleha Nob aiasha tuk vt moyuma ka pit hoyo tok: mihma okla moyuma kvv miko ya im ona tok.

12. Mihma Sal vt, Himonasi ya ish haiyaklashke, Ahitvb ushi chia ma! achi tok. Mihma afalamichi mvt, Yak hikia lishke, a shahli ma! achi tok.

13. Mihma Sal vt, Nanta katiohmi hq chishno, micha Chesse ushi hvsh itatuklo kv̄t im anukfila hvsh it im ai achv̄ft hv̄s sv̄m asanali cho? micha pv̄ska, micha bv̄shpo falaia aiena ka ish ima cha, Chitokaka ish im i ponaklo na wakayvt v̄m i sanali cha, himak nitak ak kia aiehchi cho? im achi tok.

14. Yohmi ma Ahimelech vt afalamichit miko ya, Mikma kv̄ta hosh chin tishu vhleha puta ka chim ai ahli kv̄t Lewi chohmi kv̄t anta? yvm̄mak okv̄t miko iyup, micha, Kanima ish iashke, ish i miha na ia hoke, micha chin chuka achv̄fa ya holitopa hosh ahanta hoke.

15. Yohmi ka yvm̄mak o Chitokaka ya imi ponaklot isht ia li tuk o? yvm̄mak oka chik si ahno kashke. Miko vt in tishu ha, micha iki in chuka achv̄fa moyuma ka nana kia ik onochokashke: chin tishu hv̄t ilv̄ppa moma ka akostininchi tuk keyu, ola takla, micha atampa kia, achi tok.

16. Mihma miko vt, Chilli pulla chi hoke, Ahimelech ma! chishno, micha chiki in chuka achv̄fa moma kv̄t, im achi tok.

17. Mihma miko vt hatak aka hika afolublit hiel̄i tuk a, Ho filema cha, Chihowa naholitompa isht asha vhleha ha hv̄sh bashke; yvm̄ma ibbak ak kia Lewi yak o ibafoka hoka, micha maleli ka okla ithana ak inli kia, ik sv̄m anolo hatuk oka, im achi tok. Yohmi kia miko in tishu vhleha hv̄t ibbak a pit o weli cha, Chihowa i naholitompa isht asha vhleha ha onvtola he keyu tok.

18. Mihma miko vt Toek a, Chishno ak osh ish filema cha, naholitompa isht asha vhleha ha ish onvtolashke, im achi tok. Mihma Toek vt filema cha, naholitompa isht asha vhlehai hash onvtola mv̄t, nitak yvm̄ma hatak pokoli untuchina akucha tahlapi hosh linen efot vlbeha ha vbi tok.

19. Mihma naholitompa isht asha in tvm̄aha holihta Nob a bv̄shpo falaia isht issot kanchi mv̄t, hatak, micha ohoyo, vlla, micha na pishi puta, micha wak, micha issuba hakso-bish falaia, micha chukfulhpoa aiena ka bv̄shpo falaia halupa ya isht vbit tahli tok.

20. Mihma Ahitub ushi Ahimelech a ushi vhleha ha

achvfa kv̄t Abiahla hohchifo hosh hlakofi cha, malelit, Lewi yā iakaiya tok.

21. Micha Abiahla vt Sal vt Chihowa ī naholitompa isht asha vhleha yā vbi tuk ā Lewi yā im anoli tok.

22. Mihma Lewi vt Abiahla ya, Nitak yv̄mma Etomait hatak Toek vt yv̄mma anta tuk vt, Sal ā im anoli pulla chi ka ithana li tok: vno ak ō pulla hō chiki in chuka achvfa puta kv̄t isht illit tahvshke.

23. Sa takla ish ahantashke, chi nukshopa ná: v̄m ilhfiopak ā hoyo kv̄t chim ilhfiopak ā hoyo hoka: yohmi kia is sv̄bafoyakma, chi atona chi hoke, im achi tok.

CHAPTA XXIII.

YOHMI ma Lewi yā okla im anolit, Yakeh! Filistin okla hvt Keilah yā in tanampi cha, nan-anihechi yā wehpulishke, achi tok.

2. Yohmi hō Lewi vt Chihowa yā ī ponaklot, Ia lish, Filistin vhleha ilv̄ppa issot kanchi la chi cho? achi tok. Mihma Chihowa vt Lewi yā, Ia cha, Filistin vhleha hā issot ish kanchi cha, Keilah yā ish hlakofichashke, im achi tok.

3. Mihma Lewi in tv̄shka vhleha hvt, Yakeh! pi nukshopa hosh Chutah ilv̄ppa il ai asha: yohmi kv̄t Keilah yā onvt Filistin tv̄shka chipota itibi hokak heno il ī nukshopa kv̄t ī shahli fehna v̄lhpesa keyu? im achi tok.

4. Yohmi ma Lewi vt himakma anonti Chihowa yā ī ponaklo tok. Mihma Chihowa vt afalamichit, Wakaya cha, ivt Keilah yā ish onashke; Filistin vhleha hā chibbak ā fohki la chi hoke, im achi tok.

5. Yohmi hō Lewi, micha in tv̄shka vhleha aiena kv̄t Keilah yā ona cha, Filistin vhleha hā itibi mvt, issot kanchi na illi kv̄t laua fehna tok; micha ī wak ā pehlichit ishit minti tok. Yohmi hosh Lewi vt Keilah okla aiasha ka hlakofichi tok.

6. Atuk ō yakohmi tok, Ahimelech ushi Abiahla vt malelit, Lewi vt Keilah yā anta tuk ō im ona mvt, efot vt ibbak ā foyuka hosh ona tok.

7. Mihma Lewi vt Keilah ya ona ka Sal a im anoli tok. Mihma Sal vt, Chitokaka yvt subbak a fohki hoke: tumaha holihta okhissa, micha okhowatkvechi isht ashana asha ka chukowa kv̄t im okshilita hoka, achi tok.

8. Mihma Sal vt, Keilah ya ona cha, Lewi micha in tvshka vhleha ha in tanampit afolubla chi hosh okla moma ka hoyot itvnahli tok.

9. Mihma Sal vt lumvt nana ik achukmo ka yvmihchit i sanali ka Lewi vt ithana tok: micha Abiahla naholitompa isht v̄tta ya, Efot a isht ish lashke, im achi tok.

10. Yohmi ma Lewi vt, Israel in Chitokaka Chihowa ma! chin tishu vt Sal vt vno pulla kak o Keilah ya vla cha, tumaha holihta ya okpv̄nit tahli b̄v̄nna ka haklo tuk pulla hoke.

11. Keilah hatak vhleha hv̄t ibbak a sa fohka chi cho? chin tishu hv̄t haklo tuk a Sal vt vla chi mv̄hli cho? Israel in Chitokaka Chihowa ma! chin tishu ha ish im anolashke, chim asilhha lishke, achi tok. Mihma Chihowa vt, Ula chi hoke, achi tok.

12. Mihma Lewi vt, Keilah hatak vhleha hv̄t vno, micha an tvshka vhleha ha Sal ibbak a pi fohka chi cho? achi tok. Mihma Chihowa vt, Chishit ibbak a chi fohka chi hoke, achi tok.

13. Yohmi ma Lewi, micha in tvshka vhleha yvm̄vt tahlepa hannali foka hosh wakaya cha, Keilah ya kohchvt ia cha, kanima yo ia hinlakm̄vt, okla ia tok. Atuk o Lewi vt Keilah ya kohchvt kv̄nia ka Sal vt im annoa tok: micha kohchvt ia chi im anukfila tuk vt issa tok.

14. Mihma Lewi vt yakni haiaka ai atuko kv̄llo ahanta cha, Sif yakni haiaka nv̄nih foka yak o ahanta tok. Mihma Sal vt nitak moma ka hohoyo kia, Chitokaka vt ibbak a ik fohko tok.

15. Mihma Sal vt im ilhfopak a hoyo hosh kohchvt minti ka Lewi vt akostin̄inchi tok: micha Lewi vt Sif yakni haiaka kowi ahanta tok.

16. Mihma Sal ushi Chonahlan vt wakaya cha, ivt kowi Lewi ai v̄tta ka im ona tok; micha Chitokaka pulla ka ibbak a ishit hlampkochi tok.

17. Micha, Chi nukshopa ná: aki Sal ibbak vt chi aha-yucha he keyu: mikma Israel a ish miko yahi oke, mikma pit chi chapa la hi oke: micha yummak kia aki Sal vt ithana hoke, im achi tok.

18. Micha tuklo kvt nan it im vlhpisa it im apesvt okla tok: mihma Lewi vt kowi ahanta ma, Chonahlan vt in chuka ia tok.

19. Mihma Sifait vhleha hvt, Kibeah Sal ai vtta ka ona cha, Lewi vt pi takla kowi Hachilah nvni, yummvt Cheshimon a im oka mahli yak o nvni paknaka ai atuko alumvt ahanta keyu?

20. Yvmohmi hoka himak ano miko ma! chi chukvsh nana aiahni tuk pulla mak osh chim vlhpesvt ish onashke; mikma pishno yokvto miko ibbak a e fohki kak a hi oke, achi tok.

21. Mihma Sal vt, Chihowa ya i holitopa hvchia hashke; hvs sa nukhaklo hokvt.

22. Oh ia, hvchim asilhha lishke, anonti hvchim vlhtaha cha, ai vtta, aluma aiena, micha krna hosh ymma anta ka pisa tukma, hvsh akostininchashke; i kostini fehna ho vm annoa hoka.

23. Yvmohmi hoka aluma in talohvt aluma chatuk puta ka yakohmi ahnit, pisvt hvsh tahlikmt, anonti atokowa ant hvs svm anolikma, hvchi awant ia lashke: atukma yakni ya ahantakma, Chutah tahlepa sipokni puta ka mominchit a hoyot hlopulli lashke, achi tok.

24. Mihma okla wakaya cha, Sal a tikba yvt, Sif a ona tok: yohmi kia Lewi, micha in tvshka vhleha aiena kvt Maon yakni haiaka yakni patali yosh Cheshimon im oka mahli imma yak o aiasha tok.

25. Sal ak kia, micha in tvshka vhleha aiena kvt hoyot ilhkoli tok. Mihma Lewi ya im anoli tok: yvmohmi ma akowvt hichukbi ont chukowa cha, Maon yakni haiaka yak o ahanta tok. Atuk o Sal vt ymma haklo mvt, Lewi ya Maon yakni haiaka ai iakaiya tok.

26. Mihma Sal vt nvni ha ilvppa in tnnvp a ia ma, Lewi, micha in tvshka vhleha aiena kvt ymma in tnnvp a ia tok: mihma Lewi vt Sal a i nukshopa hatuk osh, tvsh-

pvt i filummit ia tok ; Sal, micha in tvshka vhleha aiena kv̄t Lewi, micha in tvshka vhleha aiena ka isha ch̄i kv̄t afolubli hatuk oka.

27. Yohmi tuk kia anumpa shali vt Sal a im vla mvt, Tvshpvt ish mintashke, Filistin vhleha hv̄t yakni ya iba chukowa hoka.

28. Yvmohmi h̄o Sal vt Lewi ya ahlioa tuk vt falama cha, Filistin vhleha ak o itibit ia tok : yvmohmi h̄o yvmma Sela-hammah-lekolh okla hohehifo tok.

29. Mihma Lewi vt yvmma vttvt ia mvt, ai atuko kv̄llo En-keti yak o ona cha, ahanta tok.

CHAPTA XXIV.

A 'TUK o yakohmi tok, Sal vt Filistin vhleha h̄a iakaiyv̄t aya tuk vt falama ma, im anolit, Yakeh ! Lewi vt En-keti yakni haiaka yak o antvshke, achi tok.

2. Yohmi ma Sal vt Israel moma ka hatak aiyua tablepa sipokni tuchina h̄o ai ishi cha, Lewi, micha in tvshka vhleha aiena issi kosoma nukshopa aiasha tvi foka ona cha, a hoyo tok.

3. Atuk osh takla ya chukfvlhpoa i holihta vt a taloha ma, yvmma hichukbi vt hikia tok : mihma Sal vt iyi ya om-pohoma ch̄i hosh pit chukowa tok : mihma Lewi, micha in tvshka vhleha aiena kv̄t hichukbi anukaka v̄hli aiasha tok.

4. Mihma Lewi in tvshka vhleha hv̄t, Yakeh ! himak nitak ak o Chihowa vt, Yakeh ! chin tv̄v̄p a chibbak a fohki lik-ma, nana h̄o v̄lhpesa ish ahnikmvt, ish yvmihcha hi oke, achi tok mak oke, im achi tok. Yohmi ma Lewi vt wakaya cha, lvmvt Sal im anchi wishakchi ya tv̄bli tok.

5. Atuk o yakohmi tok, i himmak a Sal im anchi wishakchi ya tv̄bli tuk ak osh chukvsh vt nv̄hla tok.

6. Michā yvmmak ash osh in tvshka vhleha h̄a, A shahli Chihowa nan ahamvt im vlhtoka ya sv̄bbak a o welit im i sanali la hi a Chihowa vt vm olvbashke, Chihowa nan ahamvt im vlhtoka yoka, im achi tok.

7. Yohmi hosh Lewi vt anumpa yakohmi kak o in tishu vhleha h₂ isht im alummi cha, wakayvt Sal a im i sanala hi a ik im ahno tok. Amba Sal vto wakaya cha, kohchvt ia tok.

8. Mihma Lewi ak kia i himmak a hichukbi y₂ kohchvt ia cha, Sal a iakaiyachit i payvt, A shahli m₂ko ma! achi tok. Atuk o Sal vt filemvt olbvl pit pisa ma, Lewi vt aka nashuka ishit hlipia cha, im aka chunoli tok.

9. Micha Lewi vt Sal a, Nanta katiohmi h₂ hatak im anumpa hvt, Yakeh! Lewi vt chi hotopali bvnrvshke, achi ka ish i haponaklo cho?

10. Yakeh! himak nitak a Chihowa vt hichukbi y₂ subbak a chi fohki tuk a, himak nitak a chi nishkin vt pisvshke: micha kanimi kvv chibi la hi a a miha tuk oke; yohmi kia sa nishkin vt chi apovchi tuk oke: micha, Subbak a wieli lish, a shahli h₂ im i sanali la he keyu, Chihowa nan ahamvt im vlhtoka yoka, achi li tuk oke.

11. Micha aki ma! pisá, ahli, chim anchi wishakchi vt subbak foka ka pisá: chim anchi wishakchi yak o tvbli lish, ak chi bo ketuk oka, nan ik achukmo, micha m₂ko i filvmmi i sanali aiena kvv subbak a foyuka keyu ka ish pisa cha, ish ithaiyanashke; micha ch₂ yoshuba li tuk keyu hoke; yohmi kia vmi shilombish a ishi chi bvnna cha, ish im aiehinchishke.

12. Chihowa yak osh pititakla y₂ nana pim apesashke, micha Chihowa ak osh chishno a vm il aiokhashke: amba subbak vt chi onvtola he keyu hoke.

13. Nitak chashpo nan achi vt, Nan ashvchi vt nan ashvchi yak o a minti hoke, achi chatuk oka: amba subbak okvto chi onvtola he keyu hoke.

14. Israel i m₂ko vt kvta h₂ hoyo hosh kohchvt aya ho? kvta h₂ iakaiyvt ish hlioli h₂? ofi illi y₂ ish hoyo cho? kvshiti h₂ ish hoyo cho?

15. Yvmohmi hoka Chihowa ak osh nan apesa yashke, micha vno, mikmvt chishno pititakla nana pim apesa cha, pisashke, micha si apehpoashke, micha chibbak a si a hla-kofichashke, im achi tok.

16. Atuk o yakohmi tok, Lewi vt Sal a anumpa yakohmi im anumpulit ont tahli ma, Sal vt, Ilvppvt chiteh hoh cho?

svso Lewi ma! achi tok. Micha Sal vt chitoli hosh yaiya tok.

17. Micha Lewi ya, Chi ai vlhpiesa kv̄t vno ya is sa shahlshke: achukma h̄o is sa falvmm̄inchi hokvt, ik achukmo h̄o ch̄i falvmm̄inchi li kia.

18. Micha himak nitak a ai vlhpiesa h̄o is si yvm̄ih̄inchi chatuk vt ish otv̄n̄inchishke; Chihowa vt chibbak a sa foyuki kia, chik sv bo hokvt.

19. Hatak vt in tv̄nv̄p a ahayuchi kv̄t, achukmakvt ik iá, ahna hinla cho? yvmohmi hoka Chihowa vt achukma h̄o ch̄i falvmm̄inchashke, yvm̄mak o himak nitak a is si yvm̄ih̄inchi hoka

20. Micha yakeh! m̄iko ish toba pulla ch̄i, mikma Israel ap̄ehlichika yvt chibbak ak o kv̄llot afoyuka ch̄i ka ithana li fehn̄vshke.

21. Yvmohmi hoka Chihowa pulla h̄o anumpa kv̄llo il onochit, vm̄ ishtatiaka siakaiya ka chik hokofo ka he, m̄icha sa hohchifo h̄a āki in chuka achv̄fa ish a mosholicha he keyu ka is sa m̄ihashke, achi tok.

22. Mihma Lewi vt anumpa kv̄llo il onochit Sal a i miha tok. Mihma Sal vt in chuka ia tok: amba Lewi, m̄icha in tv̄shka v̄hleha hv̄t ai atuko ona tok.

CHAPTA XXV.

ATUK o Samuel vt illi tok: mihma Israelait moma kv̄t iti hoyot it̄naha cha, ishit yaiyvt, in chuka Lamah ya hohpi tok. Mihma Lewi vt wakaya mvt, ivt Palan yakni haiaka ya ona tok.

2. Mihma Maon v̄tta hatak osh im̄ilayak vt Kamel ak o āsha tok: m̄icha hatak yvm̄mvt im̄ilayak chinto fehna cha, chukfv̄lhpoa vt tahlepa sipokni tuchina, m̄icha issi kosoma tahlepa sipokni achv̄fa aiena hosh im̄ āsha tok: m̄icha Kamel ak o chukfv̄lhpoa hishi vmo hosh anta tok.

3. Micha hatak vt hohchifo kv̄t, Nabal atok; m̄icha tekchi vt hohchifo kv̄t Abikail atok: m̄icha ohoyo im̄ anukfila

achukma cha, pisa aiokli hatok: amba hatak vto bash ik-sho, micha nana akaniohmi kvt ik achukmo hatok; micha Kaleb in chuka achvfa ai achvfa hatok.

4. Mihma Nabal vt chukfvlhpoa hishi vmo h_o Lewi vt yakni haiaka antvt haklo tok.

5. Mihma Lewi vt hatak himithoa pokoli h_o pila cha, Lewi vt hatak himithoa ya, Kamel a oh ona cha, Nabal a im onvt, sa hochifot hvsh aiokprchashke.

6. Micha hatak nan im vlhtaha achukma hosh ahanta ka, Achukmakvt ish ahantashke, chin chuka achvfa vt achukmakvt aiashashke, micha nana chim a_usha moma kvt achukmakvt aiashashke, hvsh im achashke.

7. Himak a chukfvlhpoa hishi vmo vt chim a_usha miha ka haklo lishke: yohmi ka chin chukfvlhpoa apistikeli vhleha hvt pi takla aiasha ma, e hotopali tok keyu; micha Kamel a aiasha moma ma, nana achvfa kia i k_unia tok keyu hoke.

8. Hatak himithoa puta chim a_usha ka ish i ponaklokma chim anola hinla hoke. Yvmohmi ka nitak achukma h_o e la hoka, hatak himithoa vt chi holhponayo a chi ahayuchashke, chim asilhha lishke: nana hosh chibbak ont fokakmvt, hatak himithoa, micha chiso Lewi ya ish imashke, hvsh im achashke, im achi tok.

9. Atuk o hatak himithoa Lewi im a_usha tuk vt ona mvt, anumpa ilvppa puta kak o Lewi hochifot anumpulit ont tahli mvt, issa tok.

10. Mihma Nabal vt afalamichit, Lewi in tishu vhleha ha, K_uta hosh Lewi y_o? micha k_uta hosh Chesse ushi y_o? nitak himak a fokali ka tishu laua kvt i shahli ha i mokofvt k_unia hosh aiashvshke.

11. Yohmi ka am pvska, micha vm oka, micha a nipi yvmma chukfvlhpoa hishi vm vmo yak o im vbi li tuk vt ishi lish, hatak kanima minti ya ak ithano kvt ima la hinla cho? achi tok.

12. Yohmi h_o hatak himithoa Lewi ya im a_usha yash osh filema cha, anonti ia tok; micha ona mvt, anumpa ilvppa puta ka im anoli tok.

13. Mihma Lewi vt in tvshka vhleha hash, Hatak puta

kvt i bvshpo falaia ya isht il vskofvchashke, im achi tok. Mihma hatak puta kvt i bvshpo falaia aiyukali ka okla isht il vskofvchi tok: mihma Lewi ak kia i bvshpo falaia ya isht il vskofvchi tok: mihma Lewi ya iakaiyvt ia kvt tahlepa ushta foka ma, tahlepa tuklo kvt o i nachukushpa yak o aiasha tok.

14. Yohmi kia hatak himithoa ai achvfa kvt Nabal tekehi Abikail a im anolit, Yakeh! Lewi vt yakni haiaka vttvt anumpa shali ya pi shahli ya et in tihleli tuk ak o i noko-vvt hofahyalit namihachi fehna tuk oke, achi tok.

15. Amba hatak vhleha yummvt achukma fehna hatuk ak o ik pi hotopalo ketuk; micha yakni haiaka ya il asha moma cha, it apehvt il asha moma kvt, nana kia ik pi kvnio tok.

16. Chukfvlhpoa il apistikeli takla kvt il aiasha moma ma, ninak, micha nitak aiena ka holihta pin chiyuhmi tok.

17. Yvmohmi hoka himak a ish anukfilli cha, nana ish kaniohma chi kvt ish ithaiyanashke: nana ik achukmo ho pi shahli, micha in chuka achvfa aiena ka im anukfilvt isht i sanali hoka: Belial ushi ak o ohmi ka kvna hosh im anum-pula he keyu hoka, achi tok.

18. Mihma Abikail vt tushpvt pvska lumbo tahlepa tuklo, micha oka paki kotoba tuklo, micha chukfvlhpoa vt bvshvt vlhtaha vt tahlapi, micha onush vlwtsha vt vlhpisa tahlapi, micha paki shila champuli lokoli vt tahlepa achvfa, micha fik palvska tahlepa tuklo aiena ka ishit issuba haksobish falaia shapolichi tok.

19. Michu in tishu vhleha ha, Sa tikba oh ia: yakeh! chiakaiyvt maya la chi hoke, im achi tok. Yohmi kia i hatak Nabal a ik im anolo tok.

20. Atuk o yakohmi tok, issuba haksobish falaia om binilit aya mvt, nvni ai atuko ho ont apakfopa tok; mihma yakeh! Lewi, micha in tvshka aiena kvt ichapaka minti ma ont afama tok.

(21. Lewi vt, Peh pilla ho hatak ilvppa nana im asha moma ka yakni haiaka ya ai im apistikeli li nana kia immi hvt ik kvnio toshke: micha nana achukma kash ik achukmo ho a falvmminchishke.

22. Yakohmi, micha i shahli kia Chitokaka vt Lewi in tnvvp a yvmihcashke, onnahinli tohwikeli itintakla ka nana hosh im aiasha tuk moma nakni kia apoanchilikma, achi hatuk atok.)

23. Mihma Abikail vt Lewi ya pisa mvt, tushpvt issuba haksobish falaia ya akowa cha, Lewi itikba ya nashuka ishit hlipvt, aka pit akachunoli tok;

24. Micha iyi itikba hlipia cha, A shahli ma! nanashvchi ilvppvt vno ak o, vno pulla kak o si onvtolashke: micha ish haklo na chin tishu ohoyo hvt anumpulashke, micha chin tishu ohoyo im anumpa ha ish haklashke, chim asilhha lishke.

25. A shahli hvt Belial hatak ilvppa Nabal fehna ka na yakohmi ik ahno kashke, chim asilhha lishke: hohchifo hvt yvmak okvt im ahli hoka: hohchifo kvt Nabal atuk osh im anukfila iksho hoke: amba chin tishu ohoyo sia hokvto a shahli hvt pit pila tuk hatak himithoa ya ak peso tuk oke.

26. Yvmohmi hoka himak a a shahli ma! Chihowa vt okchaya pulla ka, micha chimi shilombish vt okchaya pulla ka, Chihowa vt chi katvbli na vlvvt issish chik hlatvblo, micha chishno chibbak akinli ho ishit chik ilaiokhoshke; yohmi ka chin tnvvp puta, micha a shahli ha nana ik achukmo ka im ahni puta kvt Nabal ak o chohmashke.

27. Micha himak a nahvlbina chin tishu ohoyo hvt a shahli ha isht im aya tuk a hatak himithoa vhleha a shahli iakaiya tuk ak o imashke.

28. Chin tishu ohoyo nan ashvchi ya ish i kashofashke, chim asilhha lishke: Chihowa vt a shahli ha chuka kvllot hikia ho im ikba chi pulla hoka: a shahli hvt Chihowa ya im itibi cha, chi nitak moma ka nana ik achukmo kvt chi a takalit haiaka tok keyu hoka,

29. Yohmi kia hatak vt wakaya cha, chi hliolit, chimi shilombish a hohoyoshke: yohmi kia a shahli imi shilombish vt chin Chitokaka Chihowa im ai okchaya talakchi ya iba talaiyakcha hi oke; micha chin tnvvp imi shilombish okvno ishit pila pilvt kanchi kvt ishit pila iklvna yo fohki cha, pila ka chohmicha hi oke.

30. Atukma yakohma he, Chihowa vt a shahli ha nana achukma puta yvmihcha he miha tok puta kv̄t aiahlichi cha, Israel pehlichi chi atokolikma.

31. Nana kaniohmi keyu hō issish hlatv̄bli tok osh, keyukmvt a shahli hv̄t ilap akinli hosh il aiokha tok osh ilv̄ppa isht ik chi nukh̄aklo cha, a shahli hv̄t chukv̄sh ik nv̄hlo kashke: amba Chihowa vt achukma hō a shahli ha yvmih-chikma, chin tishu ohoyo ha ish ithaiyanashke, achi tok.

32. Yohmi ma Lewi vt Abikail a, Israel in Chitokaka Chihowa, yvmmak osh et chi pila na himak nitak a is si afama tuk vt holitopashke.

33. Micha chim anumpa is sa miha kv̄t holitopashke, micha chishno vt chi holitopashke, chishno pulla hosh a katv̄bli na himak nitak a issish ak hlatv̄blo, micha subbak akinli hō isht ak il aiokhoshke.

34. Ahli fehna, tushpa hosh issi afama keyu tuk ma, Israel in Chitokaka Chihowa yvmmak osh chi hotopali la chin tuk a katv̄bli tuk vt okchaya pulla ka onnahinli tohwikeli itintakla ka nakni kia Nabal a im okchaya hetuk keyushke, im achi tok.

35. Isht im aya tuk a ibbak foyuka ka Lewi vt ishi cha, Chi achukmakv̄t chin chuka ish iashke: yakeh! chim anumpa ha haklo lish, chi aiokpv̄chi li hoke, im achi tok.

36. Mihma Abikail vt Nabal aiv̄tta ka ona tok: mihma yakeh! Nabal vt miko impv̄chi chohmit in chuka ya ai impv̄chi hosh ahanta tok: mihmvt Nabal vt chukv̄sh im achukma tok haksi fehna hatuk osh: yvmohmi ma nana ola takla, micha atampa kia ik im anolo hō, ont onnv̄t tohwikeli tok.

37. Atuk oh kia yakohmi tok, onnahinli ak o oka paki vt i kv̄niv̄t taha ma, tekchi vt ilv̄ppa puta ka im anoli ma, chukv̄sh vt illi mvt, tuli nana kia chohmi tok.

38. Atuk o yakohmi tok, nitak pokoli foka ma Chihowa vt Nabal a isso na illi tok.

39. Mihma Nabal vt illi na Lewi vt haklo mvt, Nabal ibbak pulla hō ishit sa hofahya tuk a Chihowa vt si apehpoa, micha in tishu nana ik achukmo yvmohma hetuk a i

katvbli kv̄t holitopashke: Chihowa vt Nabal nan ashvchi tuk a ilap noshkobo ak inli hō onochi hoka, achi tok. Mih-mvt Lewi vt Abikail a ishit itauwaya chī hosh anumpa pilvt it im anumpuli tok.

40. Atuk o Lewi in tishu vhleha hv̄t Abikail ai vtta Kamel a ona mvt, im anumpulit, Lewi vt isht e chi ona na ish auwaya chī hō et chī pi pilvshke, achi tok.

41. Mihma wakaya mvt, nashuka yā aka pit isht akachunoli cha, Yakeh! chin tishu ohoyo hv̄t peh tishu hosh a shahli in tishu vhleha hā iyi yā achifa yashke, achi tok.

42. Mihma Abikail vt tushpvt wakayvt, issuba haksobish falaia om binili ma, ohoyo himithoa tahlapi hosh iakaiya tok; mihma Lewi im anumpa shali vhleha hā iakaiyvt ia cha, tekchi toba tok.

43. Mihma Lewi vt Chesleel ohoyo Ahinoam ak kia ishi tok; mihma itatuklot tekchit okla tok.

44. Amba Sal vt ushetik Michal Lewi tekchi yatuk a Laish ushi Falti Kallim vtta yak o i bohli tok.

CHAPTA XXVI.

MIHMA Sifait vhleha hv̄t Sal aivtta Kibeah yā ona cha, Lewi vt Hachilah nv̄nih Cheshimon itikba aluma keyu? achi tok.

2. Yohmi ma Sal vt wakaya cha, Sif yakni haiaka yā ivt, Israel hatak aiyua tahlepa sipokni tuchina hō pehlichī cha, Sif yakni haiaka yak o Lewi yā a hoyā chī hosh ona tok.

3. Mihma Sal vt Hachilah nv̄nih Cheshimon ichapaka hina takla yak o binanchi tok. Amba Lewi vto yakni haiaka ahanta cha, Sal vt hoyot yakni haiaka yā minti ka pisa tok.

4. Yohmi ma Lewi vt napisa yā tihleli tok; atuk osh Sal vt vla kv̄t ahli fehna hō haklo tok.

5. Atuk osh Lewi vt wakaya mvt, Sal vt abinanchi tuk a ona tok: micha Sal, micha Ne ushi Abne tvshka chipota i kvpitvni aiena kv̄t ai itola ka Lewi vt pisa tok. Mihma

Sal vt itichanvlli hiohlit apakfoyupa hō anykaka itoyula ma, okla hv̄t binanchit apakfoyupa tok.

6. Yohmi ma Lewi vt Ahimelech Hitait a, micha Seluiah ushi Abishai, Choab itibapishi itatuklo ka, Kvta hosh Sal im vlbina hā si awant ia chī cho? im achi tok. Mihma Abishai vt, Ūno ak osh ia lashke, achi tok.

7. Yohmi hō Lewi, micha Abishai itatuklo kv̄t ninak o okla hash itonachi tok: mihma yakeh! Sal vt itichanvlli hiohlit apakfoyupa hō anykaka itonlv̄t nusi ma, micha tv̄bi tv̄li halupa ontv̄la vt im v̄lhpishi bilika yō yakni ishit nv̄hlit hikia na itoyula tok: mihma Abne, micha okla aiena kv̄t kahv̄t apakfoyupa tok.

8. Mihma Abishai vt Lewi yā, Chitokaka yv̄t himak nitak a chin tv̄nv̄p a chibbak a fohkishke: yohmi hoka himak a tv̄bi tv̄li halupa ontv̄la yā himonna achv̄fa hō ishit nv̄hlit yakni pit shamv̄llichī lashke, chim asilhha lishke, micha hitukla ha isso la he keyu, achi tok.

9. Mihma Lewi vt Abishai ya, Ish bi ná: kv̄ta hosh Chihowa nan ahamv̄t im v̄lhtoka yā ibbak a o w̄elit i sanali kv̄t nana ik ashv̄cho ka he keyu hoka, im achi tok.

10. Michā Lewi vt achakalinchit, Chihowa vt okchaya pulla kv̄t Chihowa vt issa hi oke; keyukma illa he nitak vt im v̄la hi oke: keyukmv̄t tv̄nv̄p ia cha, illa hi oke.

11. Chihowa nan ahamv̄t im v̄lhtoka yā sv̄bbak a o w̄elit i sanali la he a Chihowa vt v̄m olv̄bashke: yohmi kia tv̄bi tv̄li halupa ontv̄la vt im v̄lhpishi bilika hikia kak o ish ishi cha, isht ishko oka v̄lhto kak o ish ishi na il iashke, achi tok.

12. Yohmi hō Lewi vt tv̄bi tv̄li halupa ontv̄la, micha isht ishko oka v̄lhto im v̄lhpishi bilika talaia tuk a ishi tok: yohmi cha iv̄t okla tuk kia, hatak nana kia ik peso, micha ik akostininecho, micha ik okcho tok: momv̄t nusit aiasha hatuk osh; Chihowa vt ik yohmī ahni na nusi kv̄llo kv̄t onv̄tola hatok oka.

13. Yohmi ma Lewi vt misha tv̄nnv̄p ona cha, nv̄nih hopaki paknaka hō o hikia tok, ititakla chito yosh takanli tok.

14. Mihma Lewi vt okla hā, micha Ne ushi Abne yā pit

i payvt, Abne chia hvt anumpa falama ka chik anumpulo cho? im achi tok. Yohmi ma Abne vt afalamichit, Kuta chia hosh miko ya ish i paya cho? achi tok.

15. Mihma Lewi vt Abne ya, Nakni chia keyu cho? micha Israel a kuta hosh chishno chohmi kv̄t anta cho? Yvmohmi hokak osk nanta katiohmi hō chī shahli miko ya chik apistikelo tuk oh cho? miko chī shahli hā okla hash ai achvfa kv̄t vba chī hosh ona tuk oka.

16. Ilvppa nana ish yvmihchi tuk vt vlhpesa keyushke. Chihowa nan ahamvt im vlhtoka hvchī shahli hā hvch ik apistikelo kv̄t, Chihowa hvt okchaya pulla ka hvch illa he vlhpesvshke. Yohmi ka himak a pisá, miko in tvbi tvli halupa ontula, micha im isht ishko oka vlhto im vlhpishi bilika talaia tuk mvto? im achi tok.

17. Mihma Sal vt Lewi itih hā ithana cha, Svso Lewi ma! ilvppvt chiteh hoh cho? achi tok. Mihma, Svte hoke, a shahli miko ma! Lewi vt achi tok.

18. Michā, Nanta katiohmi hō a shahli hvt in tishu hā hliolit ish aya chō? nanta hō katiohmi li tuk oh cho? ak cho? nana ik achukmo nanta hosh subbak a foyuka cho?

19. Yvmohmi ka himak a a shahli miko yvt in tishu im anumpa hā haklashke, chim asilhha lishke. Chihowa ak osh is sv̄m asanala chī hō chi nukfohki hatuk okma, nan isht aiokpv̄chi ya aiokpv̄chashke: amba hatak im vlla vhleha ak atuk okmv̄t, Chihowa itikba ya na palvmmi kv̄t onvtolashke: Chihowa im ai isha he vlhpesa ya ahanta la hetuk a himak nitak a kohchit sa chvffichi cha, Ivt okla inla i naholbvt toba puta yak o im antiá, vm achi hokvt.

20. Yvmohmi ka himak a vm issish vt Chihowa nashuka itikba ya aka ik itolo kashke: Israel i miko vt, achvfa hosh nv̄nih foka kofi hoyot aya chohmit, kv̄shti hō hoyā chī hosh kohchvt aya hoka, achi tok.

21. Yohmi ma Sal vt, Sai yoshubvshke: falamá, sv̄sso Lewi ma! himmakma chi hotopali la he keyu hoka, himak nitak a chi nishkin vt pisa ka vmi shilombish vt holitopa tuk oka: yakeh! im anukfila iksho a yvmohmi yō si yvmohmi cha, ashvchi li fehnvshke, achi tok.

22. Mihma Lewi vt afalamichit, Yakeh! miko in tvbi tuli halupa ontula yash, hatak himithoa ai achvfa kv̄t ant isht ik oná.

23. Chihowa vt ai vlhpiesa, micha ai ahli kak o hatak puta ka im apesashke: himak nitak a Chihowa vt svbbak a chi fohki kia, Chihowa nan ahamvt im vlhtoka ya svbbak a o wielit i sanali li tuk keyu hoka.

24. Micha yakeh! himak nitak a chim ilhfiopek a sa nishkin vt holitobli fehna tuk oka, yvmohmit vm ilhfiopek a Chihowa nishkin vt holitobli fehna cha, nana ai ilbvsha moma ka sa hlakofichashke, achi tok.

25. Yohmi ma Sal vt Lewi ya, Chi holitopashke, svso Lewi ma! nana chinto ka ish yvmihchi cha, ish imaiya akinla chi hoke, achi tok. Yohmi ma Lewi vt i hina fehkv̄t ia ma, Sal vt falamvt aivtta ya ona tok.

CHAPTA XXVII.

MIHMA Lewi vt chukvsh anykaka anukfillit, Nitak kani-ma ka Sal ibbak a ishit svlla chi hoke: chekosi malelit Filistin okla i yakni ya ona li kak osh vm vlhpesa hoke; mikma nantihma wa! Sal vt si ahnikmvt, himmakma Islael aiasha fullota ka ik sa hoyo ka chi hoke: yohmi hosh ibbak a i hlakofi lashke, achi tok.

2. Micha Lewi vt wakaya cha, hatak tahlepa hannali apehvt aiasha tuk a ishit hlopullit ivt, Maoch ushi Achish Kalh i miko ya im ona tok.

3. Micha Lewi vt Achish a takla Kalh a ahanta tok, yvmma, micha in tvshka vhleha aiena, hatak puta kv̄t in chuka achvfa pehlichy biega hosh, Lewi ak kia tekchi tuklo, Chesleel ohoyo Ahinoam, micha Kamel ohoyo Nabal tekchi atok Abikail aiena pehlichy hosh aiasha tok.

4. Atuk o Lewi vt malelit Kalh a ona ka Sal a im annoa tok: micha himmakma anonti ik hoyo tok.

5. Mihma Lewi vt Achish a, Chi nishkin isht i kana chi ai ahayuchi li tuk okma, yakni haiaka tumaha ya okla vmak-

ma, yummak o ai vta lashke: nanta katiohmi ho miko in tmaha holihta chi takla ahanta la hinla cho? im achi tok.

6. Yohmi ma Achish vt nitak ymma Siklak ak o ima tok: yvmohmi tok o Siklak vt Chutah i miko vhleha ha im aiena kvt himak nitak a imoma hoke.

7. Mihma Lewi vt Filistin okla i yakni ahanta kvt afm-mi achvfa vhpiesa cha, hvshi ushta tok.

8. Mihma Lewi, micha in tvshka vhleha aiena kvt ivt Keshulait okla, micha Keslait okla, micha Amalekait okla aiena ka in tanampit ibachukowa tok: oklushi yvmvt yakni ymma Shu ya ish ia kvt Echip yakni ont vhli ka chashpo pilli inli ho aiasha atok.

9. Mihma Lewi vt yakni aiasha ka vbit tahli cha, hatak, micha ohoyo aiena ka ik apoancho tok; micha chukvhlpoa, micha wak, micha issuba haksobish falaia, micha kamel, micha nafohka aiena ka ishi cha, falamvt Achish aivtta ya ona tok.

10. Mihma Achish vt, Katima yak o himak nitak a in tanampit ont ish falama cho? achi tok. Mihma Lewi vt, Chutah im oka mahli, micha Chelahmeelait okla im oka mahli, micha Kenait okla im oka mahli ak atuk oke, achi tok.

11. Mihma Lewi vt achi kvt, Pi anolit yak ahanchi yoba na, Lewi vt yakohmichishke yohmi kvt Filistin okla i yakni ahanta takla kvt yummak o yohma chi hoke, achi hosh anumpa Kalh a isht ona hi a, hatak, micha ohoyo aiena ka ik okchalincho ki tok.

12. Mihma Achish vt Lewi ya i yimmi cha, im okla Israel a yuwalvchit kaiyanchishke; yohmi hoka an tishu bilia chi hoke, achi tok.

CHAPTA XXVIII.

ATUK o nitak ymma yakohmi tok, Filistin okla hvv tanampit Israel a itiba chi hosh tvshka chipota laua ya hoyot itvnahli tok. Mihma Achish vt Lewi ya, Chishno,

micha chin tvshka vhleha aiena kv̄t si awant itibit hvsh ia ch̄i kv̄t ish ithaiyana pullashke, im achi tok.

2. Mihma Lewi vt Achish a, Chin tishu hv̄t kaniohmicha hinla ka ish ithana pulla ch̄i hoke, achi tok. Mihma Achish vt, Sa noshkobo atoni bilia chikbi la ch̄i hoke, im achi tok.

3. Mihma Samuel vt illi na Israel moma kv̄t ishit yaiya cha, Lamah in tv̄maha holihta ak inli hohpi tok atok. Mihma Sal vt nana a hulhkunna puta, micha ishtahullo puta aiena ka yakni yash akohchi tuk atok.

4. Mihma Filistin vhleha hv̄t itihoyot itvnaha cha, Shunem ak ō ont a binanchi tok; mihma Sal vt Israel moma ka hoyot itvnahli cha, Kilboa yak ō abinanchi tok.

5. Mihma Sal vt Filistin tvshka chipota laua ya pisa mvt, nukshopa cha, chukvsh vt wv̄nihinchi fehna tok.

6. Mihma Sal vt Chihowa ya ī ponaklo kia, Chihowa vt afalamichit nana ik acho tok, holhpokna hokma, Ulim okma, hopaii okma, nana kia isht ik im anolo tok.

7. Yohmi ma Sal vt in tishu vhleha ha, Ohoyo nana a hulhkunna ya hv̄s sā hoyashke; mikma im ona lish, ī ponaklo lashke, im achi tok. Mihma in tishu vhleha hv̄t, Yakeh! ohoyo nana a hulhkunna vt Ento yak ō antvshke, im achi tok.

8. Mihma Sal vt inla ilahobit nafohka inla fohka mvt, hatak tuklo hō pehlichī cha ia mvt, ninak ō ohoyo yash ai v̄tta ka ona tok: micha, Ishtahullot, kv̄na hō ch̄i hochifo likma, is san tanichashke, chim asilhha lishke, achi tok.

9. Mihma ohoyo hash osh, Yakeh! Sal vt kaniohmichi tuk ā ish ithanvshke, nana a hulhkunna puta, micha hatak ishtahullo puta aiena ka mominchit yakni yash v̄bit tahli tuk oke; yohmi ka nanta katiahmi hō nan ishkanvpa ishit s̄ulla ch̄i ka sa tikba is sā bohli chō? im achi tok.

10. Mihma Sal vt Chihowa hochifot anumpa kv̄llo il onochit ī miha cha, Chihowa vt okchaya pulla ka nana ilvppak oka na hotopa nana kia ishit chi onvtola he keyu hoke, achi tok.

11. Yohmi ma ohoyo hash osh, Kuta hō chin tanichi la

chi cho? achi tok. Mihma yummak ash osh, Samuel ak o an tanichi, achi tok.

12. Mihma ohoyo hash osh Samuel a pisa mvt, chitoli hosh paya tok: micha ohoyo hash osh Sal a im anumpulit, Nanta katiohmi ho is sa haksichi cho? Sal chia hoke, achi tok.

13. Mihma miko ash osh, Chi nukshopa na, nanta ish pisa cho? im achi tok. Mihma ohoyo hash osh Sal a, Chitokaka holba hosh yakni ya a kohcha ho pisa lishke, im achi tok.

14. Mihma Sal vt, Pisaka katiohmi cho? im achi tok. Mihma, Hatak sipokni yosh kohchvt minti mvt, anchi yo ai anchishke, achi tok. Mihma Sal vt Samuel atuk o akostinichi mvt, nashuka ak o pit ishit hlipia cha, akachunoli tok.

15. Mihma Samuel vt Sal a, Nanta katiohmi ho si ataklvmmmit is sa tanichi cho? im achi tok. Mihma Sal vt afa-lamichit mvt, Sa komunta fehna hoke: Filistin okla hv an tanampi ma, Chitokaka yvt a filvmmi cha, himakma hopaii, keyukmvt holhpokna hoh kia anumpa falama ka isht ik samoshke: yvmohmi kak o nana kaniohmi la chi ka is svm anola chi ho, chi hoyo li tuk oke, achi tok.

16. Yohmi ma Samuel vt, Chihowa vt chi filvmmi cha, chin tvnvp toba hokak o, nanta katiohmi ho is sam ponaklo cho? achi tok.

17. Micha Chihowa vt sa tohno na anumpuli li tok mak o yvmihinchi hoke: Chihowa vt apehlichika ya mokofit chim ai ishi cha, ish ai itilau Lewi yak o ima tuk oke.

18. Chihowa im anumpa ha chik im antiot, im ai i nuk-killi libbi ya aiahlichit Amalek a chik onochok tok; yohmi tok ak o himak nitak a Chihowa vt chi yakohmichishke.

19. Micha Chihowa vt Israel, micha chishno aiena ka Filistin vhleha ha ibbak a chi fohka chi hoke; micha on-nakma chishno, micha chiso vhleha hvsh aiena kv hvsvba fohka chi hoke. Chihowa vt Israel tvshka chipota vhleha hak kia Filistin vhleha ibbak a fohka chi hoke, achi tok.

20. Yohmi ma Sal vt yakosi ititakla chisemo hosh aka ont itola cha, Samuel vt anumpuli tuk ak o nukshopa fehna

tok: micha imi hlampko vt iksho tok; nitak achvfa ka shoh-bit, micha ninak achvfa ka ont hlopullit pvska ik po hatuk okvt.

21. Mihma ohoyo hash osh Sal ai itonla ka ona cha, nuk-shopvt wnnihinchi fehna hō pisa mvt, Yakeh! chin tishu ohoyo hvt chim anumpa hā im antivt, vm ilhfiopak a subbak a fohkit ieshi lish, ish anumpuli ka haklo li tuk oke.

22. Yvmohmi hoka himak a chin tishu ohoyo anumpuli ka ish haklo ak inlashke, chim asilhha lishke; mikma pvska tushafa chi tikba talali lashke: mikma ish impa cha, ish ataya hetuk vt chimi hlampko asha hosh ish ayashke, im achi tok.

23. Yohmi kia ik haklo hosh, Impa la he keyu, achi tok. Yohmi kia in tishu vhleha, micha ohoyo hash aiena kv̄t im achunanchi na im anumpa hā haklo tok. Yohmi mvt aka itoyula tuk vt wakaya cha, topa pakna binili tok.

24. Mihma ohoyo hvt wak ushi nia yosh aboha ya im anta tok; micha tushpvt vbi tok, micha bota tohbi ishi cha, yamv̄sli mvt, pvska ik shatv̄mmo yō pvska tok.

25. Mihmvt Sal, micha in tishu vhleha itikba ya ant talali na okla impa tok. Yohmi mvt okla wakaya cha, ninak yvmmak inli hō ilhkoli tok.

CHAPTA XXIX.

MIHMA Filistin okla hvt in tvshka chipota moma ka hoyot Afek ak o ai itv̄nahli tok: mihma Islaelait vhleha hvto Chesleel kv̄li hikia hō a binanchi tok.

2. Mihma Filistin hochitoka vhleha hvt tahlepa puta, micha tahlepa sipokni puta chohmi hosh mahaya tok: amba Lewi, micha in tvshka vhleha aiena kv̄t Achish a apehvt ishtaiyopi hō maya tok.

3. Mihma Filistin pehlichī vhleha hvt, Heblu vhleha ilv̄pvt nanta katiohmi hosh yak asha hō? achi tok. Mihma Achish vt Filistin pehlichī vhleha hā, Ilv̄ppvt Israel i miko Sal a in tishu hosh sa takla ahanta tok a nitak kaniohmi,

micha afummi kaniohmi hō subbak a foka tok itintakla nana ashvchi na ak ahayucho himak nitak a ant vhli keyu cho? im achi tok.

4. Mihma Filistin pehlichi vhleha hvt i nokowa tok: mihma Filistin pehlichi vhleha hash osh, Hatak ilvppa falvminchi na ai vta ish im apesa tok ak o anonti, ont ik antá, micha itibit ia kvno pi takla ik aiyo kashke, keyukma itibikma, pin tanampa hinla yoba ká: nanta hak o i shahli hā isht il yukpala hinla? hatak ilvppa puta noshkobo hak a hinla keyu?

5. Ilvppvt Lewi yvmmak o hihla mvt, isht it in talovt, Sal vt tahlepa sipokni hō vbikma, Lewi vt tahlepa sipokni pokoli hō vbi yoke, it im achi tok mak keyu? im achi tok.

6. Mihma Achish vt Lewi ya i howa cha, Chihowa vt okchaya pulla ka ai vhpiesa bieka hosh ish aya tuk, micha sa tikba tvshka chipota vhleha hā awant kohchvt ish ia, mikmvt ant ish chukowa aiena kvv sa nishkin itikba ya achukma bieka tuk pullvshke; nitak yvmma is svv vla tok ititakla ka nan ik achukmo ka ak chi ahayucho hoke; yohmi kia hochitoka yvt ik chi ahninchoshke.

7. Yvmohmi hoka ish falama cha, it i kanvt ish ayashke, yohmi hosh Filistin hochitoka vhleha hā chik nokovvcho kashke, im achi tok.

8. Mihma Lewi vt Achish a, Nanta hō yohmi li tuk oh cho? chi takla ahanta li itintakla himak nitak a ant vhli ka chin tishu hā nanta hō ish ai ahayucho tuk o, a shahli miko in tvvvp a itibit ia la he keyu cho? im achi tok.

9. Mihma Achish vt afalamichit Lewi ya, Sa nishkin itikba ya chi achukma, Chitokaka im enchil ak inli chohmi tuk oke: yohmi akinli kia Filistin pehlichi vhleha hvt, Itibit ia ka pi awant ia he keyú, achi tuk oka, im achi tok.

10. Yvmohmi hoka onna hayvt onnahinli moma na ish wakaya cha, chi shahli in tishu vhleha hvt chitapehvt vla tuk a pehlichit, micha onnahinli moma na hvsh tani cha, hvchin tohwikelikmvt, hvsh iashke, im achi tok.

11. Yohmi hō Lewi, micha in tvshka vhleha aiena kvv falamvt, Filistin okla i yakni ia chi hosh onna hayvt onna-

hinli moma na wakaya tok. Mihma Filistin vhleha hash osh Chesleel a ona tok.

CHAPTA XXX.

ATUK o yakohmi tok, Lewi, micha in tvshka vhleha aiena kvt nitak ont atuchina ho Siklak a ona ma, Amalekait vhleha hvt oka mahli, micha Siklak a issot kanchi cha, luak ishit hukmit tahli tok.

2. Micha ohoyo yvmma aiasha tuk a yukachit ishi; hohito, micha chipuntasi kia ik bo hosh, amba ishi cha, i hina fohkvt okla ia tok.

3. Yvmohmi tuk o Lewi, micha in tvshka vhleha aiena kvt tmaha holihta ya ona ma, yakeh! luak ishit lurt taha tok: mikma tekchi vhleha, micha ushi vhleha, micha ushetik vhleha aiena ka yukachit ishi tok.

4. Yohmi ma Lewi, micha okla apelvut aya tuk aiena kvt chitolit yahaya kvt, polaka yaiya he keyut taha tok.

5. Mihma Lewi tekchi tuklo Ahinoam, Chesleel ohoyo, micha Abikail Nabal, Kamelait tekchi atok itatuklo ka yukachit isht ia tuk atok.

6. Mihma Lewi vt ilbvsha fehna tok: hatak puta kvt ushi vhleha, micha ushetik vhleha aiyukali hatuk pulla kak o, okla moma kvt chukvsh nukhaklo hatuk osh, tvli ishit boli ka miha tok oka, yohmi kia Lewi vt in Chitokaka Chihowa ya ile hlampkochi tok.

7. Mihma Lewi vt Ahimelech ushi Abiahla naholitompa isht vttā ya, Efot a isht vm vlā, chim asilhha lishke, im achi tok. Mihma Abiahla yvt Lewi ya efot a isht im vla tok.

8. Mihma Lewi vt Chihowa ya im a ponaklot, Tvshka nawehpuli ilvppa hlioli la chi cho? sakki la chi cho? achi tok. Mihma afalaminchī mvt, Ish hliolashke; ish sakki pulla cha, ik kaniohmi kia mominchit falvmminchit ish isha chi hokvt, im achi tok.

9. Yohmi ho Lewi, micha hatak tahlepa hannali apelvut

aya tuk ash aiena kvt ia mvt, bokushi Beso ya ona ma, yvmma olbul asha chin tuk vt asha tok.

10. Amba Lewi, micha hatak tahlepa ushta aiena kvt hlioli tok: tahlepa tuklo hokvto hoyvbli fehna hatuk osh, Beso bokushi ya vbanvblit ont ia he keyu hatuk osh olbul asha tok.

11. Mihma yakni haiaka ya Echip hatak o ahayuchi cha, Lewi ya isht im ona ma, pvska ipeta na vpa tok; micha oka ishkochechi tok.

12. Micha fik palvska tushafa, micha paki shila cham-puli lokoli tuklo ho ima na vpa mvt, anonti imi hlampko kvt falamvt im vla tok: nitak tuchina, micha ninak tuchina ho pvska vpa tuk keyu, micha oka kia ishko tuk keyu hokvt.

13. Mihma Lewi vt, Kvta hak o immi chia hoh cho? micha katima ish minti cho? im achi tok. Mihma, Echip hatak himita sia, micha Amalekait hatak in tishu sia hoke, atuk o a shahli hvv nitak tuchina kash si abeka tuk ak o, sa kanchi tuk oke.

14. Chelehlait okla im oka mahli imma, micha Chutah i yakni ai vhli, micha Kaleb im oka mahli imma yak o il iba chukova cha, Siklak a luak ishit hukmit e tahli tuk oke, achi tok.

15. Mihma Lewi vt, Tvshka nawehpuli ilvppa isht is si ona hinla cho? im achi tok. Mihma Chitokaka ishit hochifot anumpa kvlo il onochit, is svba he keyu, micha a shahli ibbak a is sa fohka he keyu is sa mihakma, tvshka nawehpuli ilvppa chisht ona lashke, achi tok.

16. Atuk osh isht ona ma, yakeh! hlahvt pataiyvt ayvt fullota mvt, Filistin yakni, micha Chutah yakni aiena kak o, nawehpoa chinto fehna ho ai ishit kohcha tuk okvt, impvt, nan ishkot, micha hihlvv aiasha tok.

17. Mihma Lewi vt okpolusbit taha ho issot kanchit isht ia mvt, onna kvt opia tok: mihma hatak achvfa kia ik hla-kofo, amba hatak himithoa tahlepa ushta hosh kamel om binili tuk osh yihlepa kak illa tok.

18. Mihma Amalekait vhleha hvv isht ia tuk a mominchit

Lewi vt falvmminchit ishi tok: micha Lewi vt tekchi tuklo ka hlakofichi tok.

19. Mihma nana iskitini hokmá, chito hokmá nana kia, micha ushi vhleha, micha ushetik vhleha, micha nawehpoa, micha nana kia ishi tuk moma hokvt ik im iksho kv̄t iksho tok: Lewi vt moma falvmminchit ishi tok.

20. Mihma Lewi vt chukfvlhpoa aya kaniohmi, micha wak aya kanohmi aiena ka wak inla kash, itikba tihlelit isht ia mvt, Ilvppvt Lewi i nawehpoa yoke, achi tok.

21. Mihma Lewi vt hatak tahlepa tuklo hoyvbli fehna hatuk osh Lewi ya iakaiya he keyu ma Beso bokushi ya asha ch̄i h̄o ashachi tuk a im vla tok; mihma yvmmak ash osh Lewi ya afama ch̄i, micha apehvt aya tuk a afama ch̄i hosh okla ia tok: atuk o Lewi vt okla hash bilika vla mvt, aiokpr̄chi tok.

22. Yohmi ma hatak nan ashvchi, Belial hatak vhleha Lewi ya apehvt aya ka takla aya tuk momvt afalamichit, Pi apehvt ia tuk keyu hoka, nawehpoa falvmminchit il ishi tuk vt nana achvfa kia il ima he keyu, amba tekchi aiyukali, im vlla aiyukali kak o il imakma, ishi cha, iashke, achi tok.

23. Yohmi ma Lewi vt, Itibapishi li vhleha ma! Chihowa yvmmak osh pi hlakofichi cha, okla pin tanampi tuk a pibbak a fohki cha, nana pima tuk oka ishit hvsh yvmihcha he keyu pullashke.

24. Kv̄ta hosh ilvppa hv̄ch̄i haponakla hinla hotuma? amba itibit ia tuk ak osh kaniohmikma, na chukushpa apistikelit asha tuk ak kia i yvmohma ch̄i ak inli hoke: itilau hosh okla itakvshkoa ch̄i hoke, achi tok.

25. Atuk o nitak yvma i himmak mahaya ka yvmohmi bieka h̄o nan vlhpisa bilia Israel im ikbi tok o himak nitak a ant vhli hoke.

26. Atuk o Lewi vt Siklak a vla mvt, nawehpoa ash Chutah hatak im asvnonchi vhleha it i kana vhleha hash pit i pila cha yak achi tok, Yakeh! nan isht aiokpr̄chi Chihowa in t̄v̄vp i nawehpoa tuk vt hv̄ch̄ immi hoke;

27. Behlel asha tuk, micha Lamolh im oka mahli asha tuk, micha Chatti asha tuk,

28. Micha Aloe a_śha tuk, micha Sifmolh a_śha tuk, micha Eshtemoa a_śha tuk,

29. Micha Lachel a_śha tuk, micha Chelahmeelait v_hleha in tvmaha holihta puta a_śhā tuk, micha Kenait v_hleha in tvmaha holihta puta a_śha tuk,

30. Micha Holmah a_śha tuk, micha Cholashan a_śha tuk, micha Ahlach a_śha tuk,

31. Micha Heblon a_śha tuk, micha Lewi vt, micha in tvshka aiena kv̄t ai ashvt aya chatuk puta ka pit pila tok.

CHAPTA XXXI.

YOHMI ma Filistin v_hleha hv̄t Israel a itibi tok: mihma Israel hatak v_hleha hv̄t Filistin v_hleha itikba yihlepa ma, Kilboa nv̄nih hā ai vbi na akakoha tok.

2. Mihma Filistin v_hleha hv̄t Sal, micha ushi v_hleha hak o hliolit sakki tok: micha Filistin v_hleha hv̄t Sal ushi v_hleha, Chonahlan, micha Abinatab, mikmvt Malchishua aiena ka vbi tok.

3. Micha itibi kv̄t Sal a i kv̄llo fehna cha, iti tanampo sholi v_hleha hv̄t nv̄hli tok: mihma iti tanampo sholi v_hleha hv̄t nv̄hli na hotopa fehna tok.

4. Yohmi ma Sal vt i nahalupa sholi yā, Chī bvshpo falaia yā shufi cha, isht is sā bahlashke: keyukma hakshup ik tapo v_hleha ilvppvt v̄la cha, bahlit sv̄s sikkopali ná, im achi tok. Yohmi kia i nahalupa sholi vt nukshopa fehna hatuk osh yvmihcha he keyu tok. Yvmohmi ma Sal vt bvshpo falaia yā ishi cha, onvtola tok.

5. Mihma i nahalupa sholi yash osh Sal vt illi na pisa mvt, yvmmak kia i bvshpo falaia yā onvtola cha, awant illi tok.

6. Yohmi hosh Sal, micha ushi tuchina, micha i nahalupa sholi, mikmvt in tvshka v_hleha hv̄t nitak yvmmak inli hō moma kv̄t it apihvt illi tok oke.

7. Mihma Israel hatak v_hleha okfa in tvnnvp a_śha tuk, micha Chatan misha tvnnvp a_śha tuk vt Israel hatak v_hleha hv̄t yihlepa, micha Sal, mikmvt ushi v_hleha aiena kv̄t illi na

pisa mvt, tumaha holihta puta ka issa cha, yihlepa tok : mihma Filistin okla hvt vla cha, ai asha tok.

8. Atuk o yakohmi tok, onna ma Filistin vhleha hvt illi tuk a wehpula chi hosh vla mvt, Sal, micha ushi tuchina aiena kvt Kilboa nvniha kaiyaha na ahayuchi tok.

9. Micha noshkobo ha tvbli cha, i nahalupa ya shufit ishi mvt, Filistin i yakni pilla fullolechit naholbvt toba puta ai asha chuka puta, micha okla ha im anolit isht aya tok.

10. Micha i nahalupa yash Ashtaloh in chuka okla bohli mvt, haknip ash Belh-shan holihta naksika ya apotolit anv- hlichhi tok.

11. Atuk o Chabesh-Kileat okla hvt, Filistin vhleha hvt Sal a yvmihchi tuk a haklo mvt,

12. Hatak chilita nukwia iksho moma kvt wakaya cha, ninak a aya na onna hosh ivt, Sal haknip ash, micha ushi vhleha haknip ash aiena Belh-shan holihta naksika atakali tuk a ont ishit, Chabesh a isht vla cha, yvmmak o a hukmi tok.

13. Mihmvt foni ya okla ishi cha, Chabesh iti hikia ho nutaka ya hohpi cha, nitak untuklo ho nahullochi tok.

S A M U E L

I H O L I S S O A T U K L A H O K E.

CONTENTS

CHAPTER I. THE HISTORY OF THE

SAMUEL

I HOLISSO ATUKLA HOKE.

CHAPTA I.

ATUK o yakohmi tok, Sal vt illi ha ya, Lewi vt Amalek okla vbit aya tuk vt falamvt vla cha, nitak tuklo ho Siklak a ahanta tok.

2. Micha nitak ont atuchina ho yakohmi tok, yakeh! hatak vt Sal im vlbina ha akohchvt minti hosh, i nafohka hvv hlilafa cha, lukfi pushi vt noshkobo onvttoyula hosh vla tok: atuk osh Lewi ya im vla mvv, yakohmi tok, aka pit hlipia cha, aiokpvchi tok.

3. Mihma Lewi vt, Katima ish minti cho? im achi tok. Mihma Sa hlakofi cha, Israel im vlbina hak o akohchvt aya li hoke, im achi tok.

4. Mihma Lewi vt, Nana kvv katiohmi tuk oh cho? vm anoli, chim asilhha lishke, im achi tok. Mihma afalami-chi mvv, Okla hvv itibi tuk vt yihlepa cha, okla laua kvv akakohvt illi ma; Sal micha ushi Chonahlan itatuklo kak kia illishke, achi tok.

5. Mihma Lewi vt nan im anoli tuk hatak himita yash, Katiohmi kak osh Sal, micha ushi Chonahlan itatuklo kvv illi ka ish ithana cho? im achi tok.

6. Mihma hatak himita nan im anoli yash osh, Kilboa nvvni h a ona li yoba ho yakeh! Sal vt in tvbi tvli halupa ontvla ya onvtola tuk oke; mihma yakeh! tvvvp itichanvlli puta, micha issuba om binili vvleha aiena kvv hliolit sakki tok.

7. Atuk o im ashaka pilla pit hopokoyo cha, sa pisa mvv,

a howa tuk oke. Mihma afalamichit, Yak hikia lishke, im achi li tuk oke.

8. Mihma, Kvta chia hoh cho? vm achi ma, afalaminchit, Amalekait hatak sia hoke, im achi li tuk oke.

9. Mihma anonti, Is si o hikia cha, is svbashke, chim asilhha lishke: vm ilhfioyak vt achukma hosh sa foka moma hatuk osh, shimoha kv si onvtola hoka, vm achi tuk oke.

10. Yohmi ho akama ha yokvt okchaya heto, ithana li hatuk osh o hikia lish, vbi li tuk oke: micha iachuka noshkobo on talaia tuk, micha shakba abeha tuk aiena ka ishi li tuk osh, a shabli ha isht im vla lishke, achi tok.

11. Yohmi ma Lewi vt i nafohka ya halvllit hlilvffi tok; mihma hatak apehvt aiasha tuk kak kia moma kvt yvmihchi tok.

12. Mihmvt Sal, micha ushi Chonahlan, mikma Chihowa im okla vhleha, micha Israel in chuka achvfa aiena ka bvshpo falaia isht akakoha pulla kak o ishit nukhaklot yayvt, ik impo hosh okla anta na opia tok.

13. Mihma Lewi vt hatak himita im anoli kash, Katima ish minti cho? im achi tok. Mihma afalamichi mvt, Oklu-shi inla ushi Amalekait sia hoka, achi tok.

14. Mihma Lewi vt, Chihowa ahamvt im vlhtoka ya chibbak a o wielit vbi ka katiohmi ho ik chi nukshopo tuk oh cho? im achi tok.

15. Mihmvt Lewi vt hatak himithoa ai achvfa ka, Bilika ish ona cha, ish onvtolashke, im achi tok. Mihma isso na illi tok.

16. Mihma Lewi vt, Chim issish vt chi noshkobo ak inli onvtoyulashke; chishno chitih ak inli hosh chi atokolit, Chihowa ahamvt im vlhtoka ya vbi li tuk oke, achi hoka, im achi tok.

17. Mihmvt Lewi vt Sal, micha ushi Chonahlan a ishit yayvt ilvppa ahanchi tok.

18. Michā Chutah im vlla vhleha ha iti tanampo ieshi ka ithvnancha he im apesa tok: yakeh! Chashe i holisso ha a holissot takali hoke.

19. Israel isht aholitopa vt chim achahaka ai illishke: ikikkeh! chilita nukwia iksho vhleha hv akokahvshke!

20. Kalh a hvsh ai anoli ná, Askelon hina puta ai itvnowa ya ai anolit hvsh yukpvchi ná; yohmi na Filistin ushetik vhleha hv t nan ishit yukpa ná, yohmi na hakshup ik tapo ushetik vhleha hv t ishit hihla ná.

21. Kilboa nvni h vhleha hvchia ma! fichak vt ik hvchi onvtolo kashke, micha umba kv t ik hvchi onvtolo kashke, micha na wayahpi nan im issa ai offo osapa vt ai iksho kashke; yvmmak o hatak chilita nukwia iksho in teli hpa, Sal in teli hpa, bila ahamvt vlhtoka keyu chohmichit ik ahobalot a kanchi tuk oka.

22. Illi im issish a, micha hatak chilita nukwia iksho vhleha ha nia ya Chonahlan im iti tanampo vt i fullotvt falama tuk keyu hoke; mikma Sal i bvshpo falaia vt iksho ho falama tuk keyu hoke.

23. Sal, micha Chonahlan ita tuklo kv t okchayvt ashwa mv t, holitopa, micha achukma tuk oke, atuk osh illi mv t, ik it i filvmmo tuk oke; shinimpa kv t ossi ya i shahlit okla cha, kv llo kv t koi chito ya i shahlit okla tuk oke.

24. Israel ushetik vhleha hvchia ma! Sal ak osh na tishepa hvchi fohkvchit, nan isht aiyukpa inla aiena ka hvchim atahli tuk, yvmmak osh hvchi nafohka ya tvli holisso lakna ya ishit shemvchi tuk oka, ishit hvsh yaiyashke.

25. Ikikkeh! itibi ai ititakla ya chilita nukwia ashwa tuk vt akakohvshke; Chonahlan ma! chim achahaka ya a chilli tuk oke.

26. Itibapishi li Chonahlan ma! chisht svlvshvshke: is sv m achukma fehna tuk oke: is sa hullo kv t atampa fehna kv t, ohoyo na heh ahni ka i shahli tuk oke.

27. Ikikkeh! chilita nukwia iksho ashwa tuk vt akakohvshke: mikma na halupa isht itibi vt okpulot tahvshke.

CHAPTA II.

A TUK osh ilvppa i himmak a yakohmi tok, Lewi vt Chihowa ya i ponaklot, Chutah in tmaha holihta kanima ka ona la chi cho? achi tok. Mihma Chihowa vt, Iá, im

achi tok. Mihma Lewi vt, Katima yak o ia la chi cho?
 achi tok. Mihma Heblon a achi tok.

2. Yohmi ho Lewi vt, tekchi tuklo, Chesleel ohoyo Ahi-noam, micha Kamel ohoyo Abikail, Nabal tekchi atok aiena kvt yummak o ona tok.

3. Micha in tvshka vhleha apeha tuk vt in chuka achvfa aiyukali ishi ho Lewi vt isht vla na Heblon tvmaha holihta puta yak o aiasha tok.

4. Mihma Chutah hatak vhleha hvt vla cha, yummak o Lewi ya nan ahvmmi Chutah in chuka achvfa ya i miko atokoli tok. Mihma Lewi ya im anolit, Chabesh-kileat hatak vhleha yummak osh Sal a hohpi tok, achi tok.

5. Mihma Lewi vt Chabesh-kileat hatak vhleha ha anum-pa shali vhleha ha i pila mvt, Chihowa i holitopa hvchia hashke, hvchi shahli Sal fehna ka hvsh i kana cha, hvsh hohpi tuk okvt.

6. Yohmi ka himak a Chihowa vt hvchi kana cha, aiahli ka hvchi yvmihchashke: nana ilvppa hvsh yvmihchi tuk oka, i kana ilvppa vno ak kia hvchim atobbi la chi hoke.

7. Yvmohmi hoka himak a hvch ibbak vt hlampkashke, micha chilitvt nukwia iksho hosh hvsh aiashashke: hvchi shahli Sal vt illi hoka; mikma Chutah in chuka achvfa yvt nan ahvmmi i miko si atokoli akinlishke, im achi tok.

8. Yohmi kia Ne ushi, Abne Sal in tvshka chipota i kvtvni vt Sal ushi Ishboshelh a ishi cha, pit hlopullichit Mahanaim a isht ona tok.

9. Micha Kileat, mikmvt Ashulait vhleha, micha Chesleel, micha Eflaim, micha Benchamin, micha Israel moma ka i miko ikbi tok.

10. Sal ushi, Isboshelh vt afvmmi pokoli ushta hosh Israel, i mikot isht ia tuk osh, afvmmi tuklo miko tok: amba Chutah in chuka achvfa yvt Lewi ak o iakaiya tok.

11. Mihma Lewi vt Chutah in chuka achvfa ya i miko hosh Heblon a ahanta kvt afvmmi untuklo cha hvshi han-nali tok.

12. Mihma Ne ushi Abne, micha Sal ushi Ishboshelh in tishu vhleha aiena kvt Mahanaim a akohchvt, Kibeon a ona tok.

13. Mihma Seluiah ushi Choab, micha Lewi in tishu vhleha aiena kut kohchvt ia cha, Kibeon oka talaia hō bilika ont ai itafama tok: micha achvfa kut oka talaia in tnnvp achvfa ka chieya ma, achvfa kut oka talaia in tnnvp a chieya tok.

14. Mihma Abne vt Choab a, Hatak himithoa vt ik wakaya cha, pi tikba ya ik ai ihlovli, im achi tok. Mihma Choab vt, Ik wakaya, achi tok.

15. Yohmi ma holhtina hosh Benchamin a ai achvfa kut auah tuklo hosh Sal ushi Ishboshelh a ibafoyuka tuk vt, micha Lewi in tishu vhleha ha ai achvfa kut auah tuklo aiena hosh wakaya cha, ivt ont itafama tok.

16. Micha ilap aiyyukali kut noshkobo ha ishi mvt, bushpo falaia isht iti bahli tok: yohmi hosh itapihvt akakoha tok: yvmohmi hō ymmvt Helkallh-hassulim hohchifo hosh Kibeon a talaia tok.

17. Mihma nitak ymma itibi kullo fehna tok; mihma Lewi in tishu vhleha hut Abne, micha Israel hatak vhleha ha imaiya tok.

18. Mihma Seluiah ushi tuchina hosh Choab, micha Abishai, micha Asahel vt ymma asha tok: mikma Asahel vt iyi shohhvla kut issi nukshopa yak o chohmi tok;

19. Atuk osh Asahel vt Abne ya hlioli tok: micha hlioli kut isht impakimma, micha vlfvbe kimma kia pit fullotvt ik aiyo tok.

20. Yohmi ma Abne vt im ashaka pit filema cha, Asahel chia hoh cho? achi tok. Mihma afalamichit, Mihiyo sia hoke, achi tok.

21. Mihma Abne vt, Ishtimpakimma, keyukmvt vlfvbe kimma ya pit ish fullota cha, hatak himithoa ai achvfa kak o ish halvli cha, i nahalupa ya ish ishashke, im achi tok. Yohmi kia Asahel vt iakaiya kut naksika pit fullota he keyu tok.

22. Mihma Abne vt Asahel a, Is siakaiya kut naksika ish fullotashke: nanta katiohmi hō issot chi akvchi li pulla chi cho? yohmikmvt katiohmi kak osh chitibapishi Choab a im aka chakali la hinla cho? anonti im achi tok.

23. Yohmi kia naksika pit fullota he keyu tok: yohmi ma Abne vt tvbi tvli halupa ontvla ya wishakchi ashaka ya naksi foni ishit tahlapi nuta ya ishit bahli na hlopullit ashaka ont kohcha tok: mihma yvmmak o itula cha, yvmmak inli ho ai illi tok: atuk o yakohmi tok, Asahel vt ai itulvt illi tuk a laua kaniohmi kvt ant pisakmvt, hikia beka tok.

24. Mihma Choab, micha Abishai itatuklo kvt Abne ya hlioli tok: atuk osh Ammah nvnihi yvmmvvt Kiah itikba bachaya Kibeon yakni haiaka hina ya ona ma, hvshi vt oka tula tok.

25. Mihma Benchamin im vlla vhleha hvt iti hoyot itvnaha cha, Abne ya iakaiyvt tvshka chipota aya achvfa toba cha, nvnihi paknaka ya o hieli tok.

26. Yohmi ma Abne vt Choab a pit i payvt, Bvshpo falaia yvt ambi na bilia chi cho? ont ishtaiyopi kvno homi ha chi ka chik ithano cho? yohmi ka katiohmi fokak mak o okla hvt itibapishi vhleha ha iakaiya kvt falama chi ka ish im apesa chi cho? achi tok.

27. Mihma Choab vt, Chitokaka vt okchaya pulla ka chik anumpulo ke tuk okma, okla puta kvt onnahinlik mak o itibapishi vhleha ha iakaiya kvt falama hetuk pulla hoke, achi tok.

28. Mihma Choab vt isht pufa ya olachi ma, okla moma kvt hieli cha, Israel a himakma ik iakaiyo tok, micha himakma ik itibo tok.

29. Mihma Abne, micha in tvshka vhleha aiena kvt ninak yvma ayvt onnvvt yakni patali hlopullit, Chatan a vbanvblit, Bilh-lon moma ka hlopulli cha, Mahanaim a okla ona tok.

30. Mihma Choab vt Abne ya iakaiya tuk vt falama tok: atuk osh okla moma ka hoyot itvnahli ma, Lewi in tvshka vhleha ha hatak auah chakkali cha, Asahel aiena kak osh iksho tok.

31. Amba Lewi in tvshka vhleha hvt Benchamin, micha Abne in tvshka vhleha ha fahamvt kanchi na hatak tahlepa tuchina cha, pokoli hannali aiena hosh illi tok.

32. Mihma Asahel a okla ishi cha, iki ahollopi Behlehem

a hikia ka isht onvt hohpi tok. Mihma Choab, micha in tvshka vhleha aiena kvt ninak a aya na hlopulli mvt, onvt mihinti hō Heblon a ona tok.

CHAPTER III.

YUMOHMI ma Sal in chuka achvfa, micha Lewi in chuka achvfa aiena kvt itin tanampi na hopaki tok: yohmi kia Lewi vt kvlllo kvt isht i shahlit isht ia ma, Sal in chuka achvfa vto ik kvlllo kvt isht i shahlit isht ia tok.

2. Mihma Lewi vt Heblon a ushi vhleha im ai asha tok: micha akni fehna vt Chesleel ohoyo Ahinoam vt im eshi tok Amnon ak atok.

3. Mihma im atukla kvt Kamelait hatak Nabal tekchi atok Abikail vt im eshi tok Chileab ak atok: mikma atuchina kvt Keshu i miko Talmai ushetik Maakah a ushi Absalom ak atok.

4. Mikma ont ai ushta kvt Hakkilh a ushi Atonichah ak atok; mikma ont ishit tahlapi kvt Abital a ushi Shefatiah ak atok.

5. Mikma ont ishit hannali kvt Lewi tekchi Eklah vt im eshi tok Ilhleam ak atok. Ilvppa puta kak osh Lewi vt Heblon ak o im ai asha tok.

6. Atuk o yakohmi tok, Sal in chuka achvfa, micha Lewi in chuka achvfa vt itin tanampi moma ma, Abne vt ile kvlllohonchit Sal in chuka achvfa ya apelvchi tok.

7. Mihma Sal vt im itaiena vt Aiah ushetik osh yvmma hohchifo kvt Lispah osh im asha tok: atuk o Ishboshelh vt Abne ya, Nanta katiohmi hō aki im itaiena ya ish iba nusi tuk oh cho? im achi tok.

8. Mihma Ishboshelh vt im anumpuli tuk pulla kak o, Abne vt nukhobela kvt libbi fehna mvt, Uno vt ofi noshko-bo sia hoh cho? Chutah ya im asanalit chiki Sal in chuka achvfa, itibapishi puta, micha i kana puta aiena ka i kanvt Lewi ibbak a ak chi fohko hokak o, ohoyo ilvppa nan ashvchi iti yvmohmi li tuk a is sa miha cho? achi tok.

9. 10. Chihowa vt anumpa kello ya il onochit, Lewi ya im achi tok a vno ak kia yvmihchi lashke, yohmi kv̄t Sal in chuka achvfa apchichi ka tosholit, Lewi ak o im ai om binili holutompa hilechit Tan vttvt ia kv̄t, Beesheba ont ai v̄hli Israel, micha Chutah aiena ka pehlichy ikbi lashke; ak yvmihchokma yakohmi, micha i shahli kia Chitokaka yvt Abne ya yvmihchashke, achi tok.

11. Mihma i nukshopa hatuk osh, Abne ya anonti afalamichit anumpa achvfa im acha he keyu tok.

12. Mihma Abne vt ilap ahni kv̄t Lewi ya anumpa shali v̄hleha ha i pila cha, Yakni vt kv̄ta hak o immi hoh cho? anumpa itibai achvfa is sv̄t im apesakma, micha yakeh! sv̄bbak vt chibafoyuka cha, Israel moma ka fullolichit ishit chim v̄la lashke, achi tok.

13. Mihma, Ome; anumpa itibai achvfa chit im apesa lashke: yohmi kia nana achvfa ho ch̄i hoyo lishke, yvm̄vt iluppak oke, sa nashuka ya pisvt ish ayakmvt, Sal ushetik Michal a tikba isht is sv̄m v̄lá, keyukmvt, sa nashuka ya ish pisa he keyushke, achi tok.

14. Mihma Lewi vt Sal ushi Ishboshelh a anumpa shali v̄hleha ha i pila cha, Sa tekchi Michal a Filistin tikba hakshup tahlepa achvfa ho isht il ai apovchi li tok a, sv̄bbak a ish fohkashke, achi tok.

15. Mihma Ishboshelh vt pit hoyot, i hatak Laish ushi Faltiel a im ishi tok.

16. Mihma i hatak vt iakaiyvt olbul a yahayvt ayvt, Bahulim a ona tok. Yohmi ma Abne vt, Falamit iá, im achi tok. Mihma falama tok.

17. Mihma Abne vt Israel im asv̄nonchi v̄hleha ha anumpa it imvt, Chashpo ka Lewi ya hv̄chi m̄iko ya ch̄i ho hv̄sh hoyo tok oke.

18. Yvmohmi tok okvt himak a hv̄sh yvmihchashke: Chihowa vt Lewi ya isht anumpulit, An tishu Lewi ibbak ak o v̄m okla Israel a Filistin okla ibbak, micha in t̄v̄vp moma ibbak a akohchit ishit hlakofichi la hi oke, achi tok oka, achi tok.

19. Mihmvt Abne vt Benchamin ak kia haklochit im

anumpuli tok: micha Abne vt Heblon a ia cha, Lewi ak kia haklohit Israe^l a kaniohmi kak osh im vllhpesa moma ka, micha kaniohmi kak osh Benchamin in chuka achvfa moma kv^t im vllhpesa ka im anumpuli tok.

20. Yohmi hosh Abne, micha hatak pokoli tuklo aiena hosh Lewi vt Heblon a anta tuk o im ona tok: mihma Lewi vt Abne, micha hatak apehvt aya tuk aiena ka impvchi tok.

21. Mihma Abne vt Lewi ya, Wakaya lish, ia likmvt, Israe^l moma ka a shahli miko ya, im itvnahli lashke; mikma anumpa itibai achvfa okla chit im apesakma, chi chukvsh ahni kv^t moma ish pehliechashke, im achi tok. Mihma Lewi vt Abne ya pila na iti kanvt aya tok.

22. Mihma yakeh! Lewi in tishu vhleha, micha Choab aiena kv^t nawehpuli aya achvfa ka hlioli tuk vt falama cha, na wehpoa chinto isht vla tok: yohmi kia Abne vt Lewi Heblon anta ka takla ik anto tok; yvmmvt pila na iti kanvt aya tuk atuk okvt,

23. Atuk o Choab, micha tvshka chipota apehvt aya tuk vt vla ma, Choab a im anolit, Ne ushi Abne vt miko im vla tuk o, pila na iti kanvt ia tuk oke, achi tok.

24. Yohmi ma Choab vt miko ya im vla cha, Nanta mak o ish yvmihchi cho? yakeh! Abne vt chim vla tuk oke; nanta katiohmi ho ish pila na ivt kvnia cho?

25. Ne ushi Abne ya ish im ithanvshke, yvmmvt chi haksichit, kohchvt ish ia, micha ant ish chukowa aiena, micha nana ish kaniohmi moma ka akostinineha chi hosh vla tuk oke, achi tok.

26. Atuk osh Choab vt Lewi ya i filvmmⁱt kohcha mvt, anumpa shali vhleha ha pila na yvmmvt Silah kvli hofobi yak o ont ai ishit, anonti isht vla tok: yohmi kia Lewi vt ik ithano tok.

27. Atuk o Abne vt falamvt Heblon a vla ma, Choab vt lumvt im anumpula chi hosh naksika holihta okhissa ya isht ona cha, itibapishi Asahel im issish atuk pulla mak o naksi foni ont ishit tahlapi nuta ya bahli na illi tok.

28. Atuk o Lewi vt himmak o haklo cha, Chihowa itikba

ya vno, micha vm apelihika aiena kut Ne ushi Abne im issish a a si ahalaia keyu a bilia hoke.

29. Choab noshkobo, micha iki in chuka achufa moma kak o onvtoyulashke; micha Choab in chuka achufa ya haiyehchi okehusbut yanvlli, keyukmvt leplosi vbi, keyukmvt tvbi ieshi, keyukmvt bvshpo falaia onvtola, keyukmvt pvska ik im ono aiena kut ik im iksho kut iksho kashke, achi tok.

30. Yvmohmi hosh Choab, micha itibapishi Abishai itatuklo kut Kibeon a ai itibi ma itibapishi Asahel a vbi tok ak o Abne ya vbi tok.

31. Mihma Lewi vt Choab, micha okla moma ka, Hvchi nafohka ya hvsh hlilvffit, nahishi nantvna ishit hvsh vskofvchi cha, Abne itikba ya hvsh yaiyashke, im achi tok. Mihmvt miko Lewi ak kia nipi illi om bohlit isht ia ya iakaiya tok.

32. Mihma Abne ya Heblon ak o okla hohpi tok: mihma miko vt chitolit Abne ahollopi ya a yaiya tok; mihma okla moma kut yaiya tok.

33. Micha miko vt Abne ya ishit yaiyvt, Im anukfila iksho illi hak inli ho chohmit, Abne vt illi keyu cho? achi tok.

34. Chibbak vt talakchi tuk keyu, micha chiya ak kia tvli vlbeha tuk keyushke: hatak osh hatak haksi yo itikba itula kak inli chohmit chitulvshke, achi tok. Mihma okla moma kut anonti ishit yaiya tok.

35. Mihma okla moma kut Lewi ya nitak talaya moma ho impvcha chi hosh vla ma, Lewi vt anumpa kvlo il onochit anumpulit, Yakohmi, micha i shahli kia Chitokaka vt si yvmihchashke, hvshi vt ik okvtulo kisha ho pvska, keyukmvt nana hoh kia vpvt pisa likma, achi tok.

36. Mihma okla moma kut yohmi ahnit pisa mvt, aiokpanchi tok: yohmit miko vt nana ho yohmikma, okla moma kut aiokpanchi atuk okvt.

37. Miko vt Ne ushi Abne ya vbi ka ahni tuk keyu ka nitak yvma okla moma, micha Israel moma kut ithaiyana hatuk okvt.

38. Mihma miko vt in tishu vhleha ha, Israel a hatak holitompa, micha hatak chito hosh himak nitak a itula ka hvchik ithano cho?

39. Yohmi na himak nitak a nan ahamvt miko si vlhtoka ak inli kia, ik sa kulloshe: micha Seluah ushi hatak vhleha ilvppvt a kullo atvpvshke. Nana ik achukmo yvmihchi nan ashvchi tuk ai it vlhpiesa kak o Chihowa vt im atobba hi oke, im achi tok.

CHAPTA IV.

ATUK o Sal ushi vt, Abne-vt Heblon a ai illi tuk a haklo mvt, ibbak vt kota tok; mihma Isael moma kvv komunta tok;

2. Mihma Sal ushi vt hatak tuklo hosh aya achvfa i kupitvni bika yosh im ashwa tok: achvfa hohchifo kvv Baanah okma, achvfa hohchifo kvv Lechab Beelohlait hatak Limmon ushi tuklo, Benchamin im vlla vhleha ai achvfa hatok: (Beeloh ak kia Benchamin iba holhtina tuk oka.

3. Atuk osh Beelohlait vhleha hvv yihlepvv Kiltaim a ona tuk osh, yvmmak o aiasha na himak nitak a ant ai vhli hoke.)

4. Mihma Sal ushi Chonahlan vt ushi yosh iyi imomokpulo yosh im anta tok: yvmvvt afvmmi tahlapi ho, Sal, micha Chonahlan itatuklo ka annoa kvv Chesleel a minti hosh vla ma, ilauei vt sholi cha, maleli tok: atuk o yakohmi tok, tvshpvv maleli ma, ont itula cha, iyi imomokpulo tok. Mich a yvma hohchifo kvv Mefiboshelh atok.

5. Mihma Beelohlait hatak, Limmon ushi Lechab, micha Baanah itatuklo kvv kohchvt, nitak lvshpvv taha foka ho Ishboshelh in chuka itvlachi tok: yvmvvt tvbokoli ho in topa ho itonla tok.

6. Atuk o onush a isht ia chi chohmi hosh aboha yash iklena ya ant chukowa tok; atuk osh naksi foni ishit tahlapi nuta ya issot okla tok: micha Lechab, micha itibapishi Baanah itatuklo kvv tihlaya tok.

7. Aboha ya ant chukowa ma, aboha a nusi ya in topa itonla tuk oka issot vbi mvt, noshkobo ha tvbli mvt, noshkobo ha ishi cha, yakni patali ya hlopullit ninak a aya na onna tok.

8. Mich a Lewi vt Heblon a anta tuk o Ishboshelh nosh-

kobo ha isht im ona tok; micha miko ya, Yakeh! chin twnvp chim ilhfiopak hohoyo tuk Sal ushi Ishboshelh noshkobo yoke; mihma Chihowa vt a shahli miko ya himak nitak a im il aiokhvt Sal, micha im ai unchololi ya onochishke, im achi tok.

9. Mihma Lewi vt aalamichit Beelohlait hatak Limmon ushi tuklo Lechab, micha itibapishi Baanah ya, Chihowa vt okchaya pulla ka, yvmmak osh vmi sbilombish a ai ilbvsha puta ka a sa hlakofichi tok pulla ka,

10. Achvfa kvv nana achukma ho vm anoli im ahobvt, Yakeh! Sal vt illishke, achi ma, ishi lish, nana vm anoli ka im atobbi la hi a im ahoba tuk kia, Siklak a ai vbi li tuk oka:

11. Hatak haksi vhleha yosh hatak vlhpesa ya ilap in chuka, micha in topa itonla ho ai vbi kvv i shahli onvtola he vlhpesa keyu cho? yvmohmi hoka im issish a hvch ibbak a a hoyo lish, yakni ya a kohchit ishit hvchi kanchi la he vlhpesa keyu cho? im achi tok.

12. Mihmvt Lewi vt hatak himithoa im asha tuk vt im apesa ma, okla vbi cha, ibbak, micha iyi aiena ka tvptuli cha, Heblon oka talaia ka paknaka takohlichi tok: amba Ishboshelh noshkobo hano okla ishi cha, Abne im ahollopi Heblon ak o a hohpi tok.

CHAPTER V.

YOHMI ma Israel apehlichi puta moma kvv Lewi vt Heblon anta tuk o im ona cha, im anumpulit, Yakeh! chi foni pia, micha chi nipi pia yoke.

2. Michā Sal vt pi miko moma ma, chishno ak osh Israel a pehlichit ish kohoncha, micha pehlichit ish ahanla tok: mihma Chihowa vt, Vm okla Israel a is sam pehlicha chi hoke, micha Israel a ish i miko ach i hoke, achi tok.

3. Yvmohmi hosh Israel im asvonchi vhleha hvv miko Heblon anta tuk o im ona tok; mihma miko Lewi vt Heblon ak o Chihowa itikba ya anumpa ai itibai achvfa it im apesa tok: mihma Lewi ya nan ahvmmitt Israel i miko okla atokoli tok.

4. Lewi vt afummi pokoli tuchina hosh mīkot isht ia tuk osh, afummi pokoli ushta hō mīko tok.

5. Heblon a ahantvt afummi untuklo, micha hvshi han-nali hō Chutah ya i mīko tok; micha Chelusalem a ahantvt afummi pokoli tuchina cha, akucha tuchina hō Israel moma, micha Chutah ya i mīko tok.

6. Mihma mīko, micha in tvshka vhleha aiena kv̄t Che-lusalem a onvt yakni yv̄mma ai oklv̄t aiasha Chebusait vhleha hā im ona tok: yv̄mmak ash osh Lewi ya im anum-pulit, Ik hoponayo, micha imomokpulo aiena kak o ishit ish kanchi keyukmvt, ilv̄ppa ish chukowa he keyu, achi tok: Lewi vt ont chukowa he keyu, im ahoba cha.

7. Yohmi kia Lewi vt Sion holihta kello ya ishi tok: yv̄mmak osh Lewi in tmaha holihta mak oke.

8. Mihma nitak yv̄mma Lewi vt, Kv̄na hosh oka ai ya-nv̄lli ya oiya cha, Chebusait vhleha, micha imomokpulo, micha ik hoponayo aiena Lewi imi shilombish i nukkilli ka issot kanchikmvt, i shahli, micha kv̄pitvni ya chī hoke, achi tok. Ik hoponayo, micha imomokpulo aiena yv̄mmak kia chuka yash chukowa he keyu, achi hatuk oke.

9. Mihma Lewi vt holihta yash ai v̄tta cha, Lewi in tma-ha holihta hochifo tok. Mihmvt Lewi vt chuka ikbit apak-foblit, Millo yak o ai isht iv̄t anyakaka isht ia tok.

10. Mihmvt Lewi vt isht i shahlit chitot ishit mahaya tok; mihma vba nan oklv̄ha il aieshi Chitokaka Chihowa vt ibafoyuka tok.

11. Mihma Hilam Taia i mīko vt Lewi ya anumpa shali vhleha ha i pila mvt, chuahla iti, micha chuka ikbi, micha tv̄li toksv̄li aiena puta ka i pila tok.

12. Mihma Lewi vt, Chihowa vt Israel i mīko ikbit kv̄l-lochit hilechi tuk, micha im okla Israel pulla kak o im apeh-lichika ya kv̄llochit hilechi ka ithaiyana tok.

13. Mihmvt Lewi vt Heblon a ai v̄ttvt v̄la ha yv̄t himak-ma tekchi, micha im itaiena ka Chelusalem a ai ishi tok: micha Lewi vt ushi vhleha, micha ushetik vhleha aiena kv̄t himakma im asha tok.

14. Chelusalem a ai im asha tok vt hoh hifo kv̄t ilv̄ppak

oke; Shammah, micha Shobab, micha Nahlan, micha Solomon,

15. Michā Ibha, micha Elishua, micha Nephek, micha Chaphia,

16. Michā Elishama, micha Eliata, micha Eliphalet ak atok.

17. Mihma Lewi ak o nan ahvmm̄it Is̄rael ī m̄iko atokoli tok a Filistin okla hvt haklo mvt, Filistin moma kv̄t Lewi yā hoyot v̄la tok; mihma Lewi vt haklo mvt, holihta yash ont chukowa tok.

18. Mihma Filistin vhleha hak kia okfa Lefaim ak o ant ile patali tok.

19. Mihma Lewi vt Chihowa yā ī ponaklot, Filistin vhleha aiasha ka ia la ch̄i cho? svbbak a ish fohka ch̄i cho? achi tok. Mihma Chihowa vt, Ish iashke, chibbak a fohki li pulla ch̄i hoka, im achi tok.

20. Mihma Lewi vt Baal-pelasim ona cha, ai issot kanchi tok; micha, Chihowa vt sa tikba yā an tv̄nvp a o kinafa kv̄t oka kinafa kak inli chiyuhmishke, achi tok. Yvmohmi hatuk o yv̄mma Baal-pelasim hochifo tok.

21. Mihma yv̄mmak inli ī naholvt̄ toba puta ka kanchi tok; mihma Lewi micha in tv̄shka vhleha hvt hukmi tok.

22. Atuk o Filistin vhleha hvt himakma anonti v̄la cha, okfa Lefaim ak o ile patali tok.

23. Mihma Lewi vt Chihowa yā ī ponaklo ma, Ish ia hē keyu: amba apakfopvt asha ka ish ona cha, bihi iti foka ichapaka yak o ish a sakka ch̄i hoke.

24. Atuk o yakohma chiké, ia na bihi iti puta paknaka yā ish a haiyaklokmt̄, ish ile tv̄shp̄rlehashke; yohmikma Chihowa vt chi tikba kohchvt̄ Filistin tv̄shka chipota yā issot kancha ch̄i hosh ia ch̄i hoke, achi tok.

25. Mihma Lewi vt Chihowa vt ī miha tuk mak o yvmohmi tok; micha Filistin vhleha hā issot kanchit, Keba vttvt̄ isht ia kv̄t Kase ish ona ka isht ona tok.

CHAPTER VI.

ANONTI Lewi vt hatak aiya hochukma moma tahlepa sipokni pokoli tuchina hō hoyot itv̄nahli tok.

2. Micha Lewi vt wakaya cha, okla apehvt ai asha aiena moma kv̄t Chitokaka im itombi holitopa, yemma hohchifo kv̄t vba nan okluha il ai eshi Chihowa hohchifo ka, a hohchifo hosh chelubim ititakla ai ahanta yash, im itombi holitopa ya isht vla chī hosh Chutah yakni Baale ya okla minti tok.

3. Mihmvt Chitokaka im itombi holitopa ya Abinatab in chuka Kibeah a talaia ka akohchit itichanvlli himona yō on talali cha, ishit minti tok: mihma Abinatab ushi tuklo, Ussah, micha Ahio itatuklo kak osh itichanvlli himona ya isht aya tok.

4. Mihmvt Abinatab in chuka Kibeah a talaia ka okla akohchit isht ia cha, Chitokaka im itombi holitopa ya apehvt aya tok: mihma Ahio vt itombi holitopa itikba ya aya tok.

5. Mihma Lewi, micha Israel in chuka achvfa moma kv̄t nan isht olachi il ai yukali tiak holba toba, hap puta, micha salti puta, micha vhlepushi puta, micha ishit sumahvchi puta, micha simbal puta aiena ka olachi tok.

6. Atuk osh Nachon onush anihechi vla ma, wak toksvli vt winalichi hatuk o, Ussah vt ibbak a pit weli cha, Chitokaka im itombi holitopa ya hoklit ishi tok.

7. Mihma Chihowa im ai i nukkilli vt Ussah ya i sanalit libbi mvt, ashvchi pulla kak o Chitokaka vt yemma ai vbi tok; mihma Chitokaka im itombi holitopa bilika yak o ai illi tok.

8. Mihma Lewi vt Ussah ya Chihowa vt o kinafa tuk ak o ik im vlhpeso fehna tok: micha Peles-Ussah hochifo tok o himak nitak a moma hoke.

9. Mihma Lewi vt nitak yemma Chihowa ya i nukshopa cha, Katiobmi hosh Chihowa im itombi holitopa vt vm vla chī cho? achi tok.

10. Yohmi hosh Lewi vt Chihowa im itombi holitopa ya Lewi in tmaha holihta ya isht ona ik bnno tok: amba Lewi vt naksika isht ivt Kittait hatak Obet-etom in chuka yak o isht ona tok.

11. Mihma Chihowa im itombi holitopa yvt hvshi tuchina ho Kittait hatak Obet-etom in chuka ya talaia tok: mihma Chihowa vt Obet-etom, micha in chuka achvfa moma aiena ka yukpali tok.

12. Atuk o Lewi ya im anolit, Chihowa vt Chitokaka im itombi holitopa pulla kak o, Obet-etom in chuka achvfa ya yukpali cha, nana ahalaya moma ka im achukmalishke, achi tok. Yohmi ho Lewi vt ivt na yukpa hosh Chitokaka im itombi holitopa ya Obet-etom in chuka ont ai ishit Lewi in tumaha holihta ya isht vla tok.

13. Atuk o yakohmi tok, Chihowa im itombi holitopa sholi tuk vt a habli hannali ho ona ma, wak, micha vlhpitvt nia puta aiena ka vbit hukmit isht aiokpvchi tok.

14. Michā Lewi vt Chihowa itikba ya ai okluhvt hihla tok; mihmvt Lewi vt linen efot o vskofaiyachi tok.

15. Yohmi hosh Lewi, micha Israel in chuka achvfa moma kv̄t shakapvt, ishit pufa olachi aiena hosh Chihowa im itombi holitopa ya isht vla tok.

16. Atuk o Chihowa im itombi holitopa vt Lewi in tumaha holihta ya ant chukowa ma, Sal ushetik, Michal vt okhissushi pit a hopokoyo mvt, miko Lewi vt Chihowa itikba ya tullit hihla ka pisa tok: mihmvt chukvsh a ishit shitilema tok.

17. Mihma Chihowa im itombi holitopa ya ishit chukowa cha, atalaia Lewi vt vlhtipo i hilechi tuk iklvna okla talali tok: micha Lewi vt na hukmit isht aiokpvchi, micha isht it i nanaiyvchi isht aiokpvchi aiena ka Chihowa itikba im issa tok.

18. Atuk osh Lewi vt na hukmit isht aiokpvchi, micha isht i nanaiyvchi isht aiokpvchi aiena ka im issvt ont tahli mvt, Chihowa ya hochifot okla ha anumpa yukpali onochi tok.

19. Michā okla moma, Israel okla laua moma ka ohoyo ak kia, nakni yak inli chohmit pv̄ska lumbo, micha nipi tushafa achukma, micha oka paki kotoba achvfa aiyukali ho i hopela tok. Mihma okla moma kv̄t in chuka aiyukali ia tok.

20. Yohmi ma Lewi vt in chuka achvfa ya anumpa yukpali onocha chi hosh falamvt ona tok. Mihma Sal ushetik, Michal vt kohchvt Lewi ya afama cha, Israel i miko vt himak nitak a holitopa fehna, himak nitak a in tishu vhleha

in tishu ohoyo vhleha itikba ya ile shoelit, hatak makali ak inli chohmit hofahya iksho hosh ile shoeli tok, achi tok.

21. Mihma Lewi vt Michal a, Chihowa itikba, yummak osh chiiki ya im i shahli, micha in chuka achufa moma ka im i shahli cha si atokolit, Chihowa im okla, Israel a pehliechi la chi ho si atokoli tok ak atuk oke: yvmohmi hoka Chihowa itikba ya olachit hihla la hi oke.

22. Micha himak pilla mak o ik ahobo kv̄t i shahli la chi hoke, micha vno ak inli ile pisa li kv̄t akanlosi la chi hoke: micha ohoyo tishu vhleha isht ish anumpuli kash ano, i holi-topa la chi hoke, im achi tok.

23. Yvmohmi hatuk o Sal ushetik, Michal vt vlla ik im iksho hosh nitak ai illi kv̄t ona tok.

CHAPTA VII.

ATUK o yakohmi tok, Chihowa vt in t̄n̄v̄p vhleha apak-foyupvt aiasa moma ka im aiyachi cha, fohachi ma, miko yash osh in chuka ya binili mvt,

2. Miko vt hopaii Nahlan a, Yakeh! chuahla chuka yo ahanta lishke; amba Chitokaka im itombi holitopa vt nant̄n̄na takali ho anukaka ya talavshke, im achi tok.

3. Mihma Nahlan vt miko ya, Ia cha, chi chukvsh nana chi nukfoyuka kv̄t moma ish yvmihchashke: Chihowa vt chibafoyuka hoka, im achi tok.

4. Atuk o yakohmi tok, ymma ninak a Chihowa im anumpa hv̄t Nahlan a im vlv̄t,

5. Ia cha, an tishu Lewi ya ont im anolit, Chihowa vt yak achishke, Ai ahanta la chi chuka ya is sv̄m ikba chi cho?

6. Yakohmi ik chokvsh osh Israel im vlla vhleha ha Echip isht a kohchvt minti li tok takla, himak nitak ant vhli ka chuka nana ho ai v̄tta li chatuk keyu, amba v̄lhtipo, micha tabenakel o a nohowa li chatuk oke.

7. Kanima moma Israel im vlla vhleha iba nohowa li kv̄t, Israel apehlich̄i puta achufa kia vm okla Israel puta ka pehlich̄a he im apih̄isa li kia, Nanta katiohmi ho chuahla chuka

huch ik sum ikbo cho? achi li tok oh cho? ish achashke, achi tok.

8. Yvmohmi hoka himak a in tishu Lewi ya yakohmichit ish im achashke, Uba nan okluha il aieshi Chihowa vt yak ahanchishke, Um okla Israel a pehliecha chi ho chukfulhpoa iakaiyvt ish aya tuk a, chukfulhpoa ai asha ya chi ai ishi li tok oke:

9. Micha kanima yo ish iakma, chibafoyuka li tuk oke, micha chin tunvp moma ka chi tikba ya ai ishit kanchi li tuk, micha yakni hatak hochitoka hohchifo ha chohmichit hohchifo chito chim ikbi lishke.

10. Micha vm okla Israel ai asha yo im apesa lish, hokchi la chi hoke, yohmikma ilap immi aiasha yosh aiasha cha, himakma ik kanvillo ka chi hoke; mikma himakma nan ashvchi in chipota vhleha hvv tikba chatuk chohmichit ilbvshala he keyu hoke.

11. Micha nanapesa yosh vm okla Israel a pehliecha he apihisa li tok takla ka, chiyuhmichit chin tunvp moma ka imaiyachit chi fohachi li tuk oke. Micha Chihowa vt chuka chim ikba chi kvv chim anolishke.

12. Atuk osh chi nitak vllhpisa kvv ont taha na chiki vhleha takla chi nusikma, chi ai unchololi yvt chikfoka a kohcha tuk ak inli hosh chiakaiya ka hilechi likmvt, im apehlichika ya kvllochit hilechi la hi oke.

13. Yvmmak osh sa hohchifo ishit holitopa he chuka vm ikbikma, im apehlichika ai om binili ya kvllochit hilechi li bilia hi oke.

14. Iki sia hokma, svso ahi oke. Nana ik vllhpeso yvmohmikma, hatak fuli yo ishit hotopali la hi oke, micha hatak im vlla vhleha ishit fvma aiena ho ishit kostininchil la hi oke:

15. Yohmi kia ai isht i nukhaklo li yokvto i filvmmitt kvnia he keyu, Sal a im ai ishi lish, Sal a chi tikba ai ishit kanchi li tok, yvmmak oka chohma he keyu hoke.

16. Micha chi tikba ya chin chuka achvfa, micha ish apehlichika aiena kvv kvllot hikia na bilia hi oke: micha ish ai om binili vt kvllot hikia na bilia hi oke, achi tok.

17. Yohmi ho anumpa ilvppa puta, micha nan im otvni

ilvppa moma aiena kak o, Nahlan vt Lewi ya im anumpuli tok.

18. Yvmohmi ma miko Lewi vt chukowa cha, Chihowa itikba ya binili cha, Kvt sia hoh cho? Chitokaka Chihowa ma! micha an chuka achvfa vt nanta ho himak a ant vhl ka isht is sa mihinti tuk oh cho?

19. Mihma yohmi ak inli kia nana ilvppvt chi tikba ya iskitinishke, Chitokaka Chihowa ma! amba chin tishu in chuka achvfa ak kia nitak hopaki pilla minti ka isht ish anumpulishke, Chitokaka Chihowa ma! hatak vt a yohmi chatuk oh cho?

20. Mich a himakma Lewi vt nanta ho chim acha hinla cho? Chitokaka Chihowa ma! chishno vt chin tishu ha ish ithana hoka.

21. Chim anumpa pulla kak o, micha chi chukesh ai alni pulla hosh nana afelna ilvppa puta ka ish yvmihchi kvt, chin tishu ha ish ithvnancha chi hatuk oke.

22. Yvmohmi hokvt chi holitopeshke, Chitokaka Chihowa ma! pi haksobish vt haiyaklo tuk pulla moma ka chishno chiyuhmi kvt iksho, micha inla kvt Chitokaka vt iksho hoka.

23. Mich a okla achvfa nanta hak osh yakni paknaka aia-sha kvt chim okla Israel, yvmmak oka Chitokaka vt falvminchit, im okla ikbit ilai ishit, micha hohchifo ilai ikbit chishno ya, micha chi yakni ya nana chinto, micha nana palvmmi ka chim okla itikba ya a yvmihchit, yvmmak oka falvminchit chumpvt Echip a akohehit, micha okla puta, micha i naholbt toba aiena puta ka a kohchit, ish ilai ibishi tuk chohmi cho?

24. Israel a chim okla ikbit ish ilai ieshi na bilia chi hoka; micha Chihowa chishno ak osh in Chitokaka ish tovrshke.

25. Mich a Chitokaka Chihowa ma! himak a chin tishu ha nana ish achi tuk, micha in chuka ya nana ish achi tuk vt kvlochit ish hilechi na biliashke, micha nana ish ahanchi tuk vt ish yvmihchashke.

26. Mich a chi hohchifo kvt holitopa na biliashke, Uba nan okluha il aieshi Chihowa ak osh Israel in Chitokaka

yoke, ahanchashke: mikma chin tishu Lewi in chuka achvfa yvt chi tikba ya kvllot hikia na biliashke.

27. Uba nan okluha il ai eshi Chihowa, Islael in Chitokaka ma! chishno ak osh chin tishu im otvninchit, Uno ak osh chuka ya chim ikbi la chi hoke, ish achi tuk oka: yvmohmi hoka chin tishu hv anumpa ilbvsha ilvppa chukvsh si anukfoyukvt chim asilhha lishke.

28. Yohmi ka himak a Chitokaka Chihowa ma! chishno ak osh Chitokaka yvmma chia, micha chim anumpa hv ahli hoke, micha nana achukma ilvppa chin tishu ha ish im ihisa tuk oke.

29. Yvmohmi hokvt himak a chin tishu in chuka achvfa ya ish yukpali na chi tikba ya hikia na biliashke: Chitokaka Chihowa chishno ak osh ish anumpuli tuk okvt: micha chin tishu in chuka achvfa yvt nan isht ish yukpali ya ishit yukpa na biliashke, achi tok.

CHAPTA VIII.

ATUK osh ilvppa i himmakma, yakohmi tok, Lewi vt Filistin vhleha ha issot kanchi cha, imaiya tok: micha Lewi vt Mehlek-ammah ha Filistin vhleha ibbak a akohchit im ishi tok.

2. Micha Moab a issot kanchi tok, micha akvchit taiyahli cha, aseta isht apesa tok; aseta tuklo pulla ho vba chi kv isht apesa mvt, aseta achvfa vllhpiesa kano okchalinya chi hatok. Mihma yohmi ho Moab okla hv Lewi ya i nutaka cha, na hvlbina puta ka isht im vla tok.

3. Lewi vt i yakni ai vhli Euflates okhina ya falvmminchit isha chi hosh irt aya mvt, Lehob ushi Hatatese Sobah i miko ya issot kanchi tok.

4. Micha Lewi vt tvnvp itichanvlli tahlepa sipokni achvfa, micha issuba om binili vt tahlepa untuklo, micha aka aya hatak tahlepa sipokni pokoli tuklo ho im ishi tok: micha Lewi vt issuba itichanvlli shali ya iyikalakshish a tvptuli tok, amba itichanvlli tahlepa achvfa shali yo apoanchi tok.

5. Atuk o Silian vhleha Tamaskvs minti kv̄t Sobah i miko Hatatese ya apelv̄t ona ma, Lewi vt Silian vhleha ha ai achvfa tahlepa sipokni pokoli tuklo akucha tuklo ho vbi tok.

6. Yohmi mvt Lewi vt Silia Tamaskvs a tvshka chipota ai ashachi tok: mihma Silian okla hv̄t Lewi ya i nutaka cha, nahv̄lbina puta ka isht im ahanla tok. Atuk o Lewi vt kanima iakma, Chihowa vt okchalinechi beka tok.

7. Mihma Lewi vt tvli holisso lakna telihpa puta Hatatese in tishu vhleha hv̄t ieshi tuk a ishi cha, Chelusalem a isht vla tok.

8. Micha Betah, micha Belohlai aiena Hatatese in tvma-ha holihta puta ka asonak lakna laua atampa ho miko Lewi vt ai ishi tok.

9. Atuk o Hamalh i miko Toi vt, Lewi vt Hatatese in tvshka chipota moma ka issot kanchi tuk o haklo mvt,

10. Hatatese ya itibi cha, issot kanchi tuk ak o, Toi vt aiokpv̄chi cha, anumpa yukpali onocha chi ho, ushi Cholam a Lewi miko ya i pila tok: (Hatatese vt Toi ya it in tanampi hatuk oka.) Micha Cholam vt nana ai vlhto tvli hv̄ta, micha nana ai vlhto tvli holisso lakna, micha nana ai vlhto asonak lakna aiena ka ieshi hosh vla tok:

11. Yrmmak kia miko Lewi vt okla inla puta imaiya cha, tvli hv̄ta, micha tvli holisso lakna im ishi cha, hullochi tok ibafohkit Chihowa ya i hullochi tok;

12. Silia, micha Moab, micha Ammon in chipota vhleha, micha Filistin okla, micha Amalek, micha Lehob ushi, Sobah i miko Hatatese i nawehpoa puta im ai ishit Chihowa ya i hullochi tok.

13. Micha Lewi vt hv̄pi okfa ya Silian tahlepa sipokni auah untuchina ho vbit ayv̄t falamvt, hohchifo ilai ishi tok.

14. Micha Etom a tvshka chipota ai ashachi tok: Etom a hlopulli moma ka tvshka chipota ai ashachi na Etom ai-asha moma kv̄t Lewi ya i nutaka tok. Mihma Chihowa vt Lewi vt kanima iakma, okchalinechi beka tok.

15. Mihma Lewi vt Islael moma ka i miko tok: micha Lewi vt nan vlhpisa, micha ai vlhpiesa aiena kak o im okla moma ka im apihisa tok.

16. Mihma Seluah ushi Choab ak osh tvshka chipota ya pehlichí tok: mikma Ahilut ushi Chehoshafat ak osh holisso takalichí atok.

17. Mikma Ahitub ushi Satok, micha Abiahla ushi Ahimelech itatuklo kak osh naholitompa isht ashwa tok: mikma Selaiah ak osh holissochi atok.

18. Mikma Chehoiata ushi Benaiah ak osh Chelehlait vhleha, micha Pelehlait vhleha aiena ka pehlichí atok: mikma Lewi ushi vhleha hvt pehlichí vhleha i shahli hatok.

CHAPTA IX.

MIHMA Lewi vt, Sal in chuka achvfa ya ai achvfa kv́t okchaya tuk o, Chonahlan ak atuk pulla kak o i kana la hinla cho? achi tok.

2. Michá Sal in chuka achvfa ya tishu achvfv́t anta hosh yvmmv́t hohchifo kv́t Siba atok. Mihma okla hoyo cha, Lewi ya isht im ona ma, miko vt, Siba chia hoh cho? im achi tok. Mihma, Chin tishu hvt mihiyo yoke, achi tok.

3. Mihma miko vt, Sal in chuka achvfa ya ai achvfa kia anta tuk o, Chitokaka im isht i kana ya i yumihechi la hinla cho? achi tok. Mihma Siba vt miko ya, Chonahlan ak osh ushi achvfa kv́t im anta momvshke, micha yvmmv́t iyi imomokpulo yoke, achi tok.

4. Mihma miko vt, Katima anta cho? achi tok. Mihma Siba vt miko ya, Yakeh! Loteba yak o Ammiel ushi Machi in chuka ak o anta hoke, achi tok.

5. Mihma Lewi vt hoyo cha, Ammiel ushi Machi in chuka Loteba talaia ka akohchit isht vla tok.

6. Atuk o Sal ushi Chonahlan a ushi Mefiboshelh vt Lewi ya im vla mv́t, nashuka ishít hlipia cha, aiokpv́chi tok. Mihma Lewi vt, Mefiboshelh ma! achi tok. Mihma afalaminchit, Yakeh! chin tishu hoke, achi tok.

7. Mihma Lewi vt, Chi nukshopa ná: chíki Chonahlan ak atok pulla kak o, chí kana li pulla chí, micha chíki Sal i vakni atok moma ka chí falvminchi la chí hoka: mikma

vm ai impa ak o ish ai ihimpa na bilia chi hoke, im achi tok.

8. Mihma il aka chunolechi cha, Chin tishu hvt nanta ho ofi illi sa chiyuhmi ka chi holhponayo hanta ya ish onocha hinla cho? achi tok.

9. Yohmi ma miko vt Sal in tishu, Siba ya i howa cha, Chi shahli ushi ya Sal, micha in chuka achufa moma nana ahalaya tok moma ka ima lishke.

10. Yohmi hoka chishno, micha chiso vhleha, micha chin tishu vhleha aiena kv yakni yash hvsh i pilisa cha, nana awaya ka chi shahli ushi ya ishit hvsh la na ilhpak vpa chi kv im ashashke: yohmi kia chi shahli ushi Mefiboshelh vto vm ai impa ak o ai ihimpa na biliashke, im achi tok. Mihma Siba vt ushi vhleha hvt im auah tahlapi cha, in tishu vhleha hvt i pokoli tuklo tok.

11. Yohmi ma Siba vt miko ya, A shahli miko vt in tishu im apesa tuk mak o, chin tishu hvt yvmilcha chi hoke. Miko vt Mefiboshelh ak okvto miko ushi vhleha hak inli ho chohmit, vm ai impa ak o ai ihimpa chi hoke.

12. Mihma Mefiboshelh vt ushi vt vlla yosh hohehifo kvt Micha yosh im anta tok. Mihma Siba in chuka achufa aia-sha kvt moma kvt Mefiboshelh in tishu vhleha hatok.

13. Yohmi hosh Mefiboshelh vt Chelusalem ak o vta tok: miko im ai impa ak o ai ihimpa na bilia hatuk okvt: micha iyi yvt iti champvt imomokpulo atok.

CHAPTA X.

ATUK o ilvppa i himmakma yakohmi tok, Ammon in chipota vhleha i miko vt illi na ushi Hanun ak osh vhtobvt miko tok.

2. Yohmi ma Lewi vt, Iki vt a kana tok oka, Nahash ushi Hanun a i kana lashke, achi tok. Micha Lewi vt iki ishit nukhaklo ka hopohlula chi ho in tishu vhleha ha toh-not pila tok. Mihma Lewi in tishu vhleha hvt Ammon in chipota i yakni ya ona tok.

3. Mihma Ammon in chipota pehlichí vhleha hvt í shahli Hanun a, Lewi vt chíki yá holitoblichí hosh hopohlvi vhleha et chí pila tuk chim ahoba cho? Lewi vt in tishu vhleha et chí pila kv̄t tmaha holihta yá a hopokoyot lumvt pisvt tahli cha, imaiya chí keyu cho? im achi tok.

4. Yohmi hō Hanun vt Lewi in tishu vhleha hā ishi cha, nutakhish a iklvna ka shafi cha, í nafohka yá iklvna isht asha vhlichit in tv̄ptuli cha, falvmminchit pila tok.

5. Lewi yá im anoli ma, hatak vhleha hash osh hofahya felna hatuk o, afama chí hō pit pila tok. Micha miko vt Cheliko ak inli hō hvsh ásha na hv̄chi nutakhish vt falaivt tahak mak osh hvsh falamashke, achi tok.

6. Mihma Ammon in chipota hvt Lewi yá í shua kv̄t akostininchi mvt, Ammon in chipota hvt Silian vhleha Belhlehob yakni aiasha, micha Sobah yakni Silian vhleha aiasha aiena hatak aka aya tahlepa sipokni pokoli tuklo hō tohnot, micha miko Maakah a hatak tahlepa sipokni achvfa, micha Ishtob a hatak tahlepa sipokni auah tuklo hō im a tohno tok.

7. Atuk o Lewi vt haklo mvt, Choab, micha tv̄shka chipota hatak hlampko chilita puta ka pit pila tok.

8. Mihma Ammon in chipota vhleha hvt kohev̄t holihta okhissa achukowa yá itiba chí kv̄t achukmalit ile baīvlichí tok: mihma Silian vhleha Sobah minti, micha Lehob minti, micha Istob minti, micha Maakah minti aiena kv̄to ila osapa yō ai asha tok.

9. Atuk o itiba chí kv̄t tikba, micha ashaka aiena hō Choab vt pisa mvt, Israel hatak aiya hochukma moma hō atokoli cha, Silian vhleha hak o itiba chí ka achukmalit baīvlichí tok.

10. Micha okla hash inla kano itibapishi Abishai ak o ibbak fohki na Ammon in chipota hak o itiba chí ka achukmalit baīvlichí chí hatok.

11. Micha, Silian vhleha hvt a kv̄llo fehnakma, yohmikma is si apela chí hoke: amba Ammon in chipota vhleha hvt chí kv̄llo fehnakma, yohmikma vlv̄t chí apela la chí hoke.

12. Nukwia ikshot hvsh amosholashke, nakni ahli chiyuhmi hosh pim okla, micha pin Chitokaka in tmaha holihta

puta ka il im itibashke: mikma Chihowa vt vllhpiesa ahni kak osh yvmihchashke, achi tok.

13. Micha Choab, mikmut okla apehvt aya tuk aiena kv̄t bilika ivt Silian vhleha h̄a itibi tok: mihma itikba ya okla yihlepa tok.

14. Atuk o Ammon in chipota vhleha hvt, Silian vhleha hvt yihlepa na pisa mut, yummak kia Abishai itikba ya okla yihlept̄, tvmaha holihta yash chukowa tok. Yohmi ma Choab vt Ammon in chipota vhleha h̄a i filvmm̄it ia cha, Chelusalem a ona tok.

15. Atuk o Silian vhleha hvt Israel itikba akakoha kv̄t pisa mut, iti hoyot itvnaha tok.

16. Mihma Hatatese vt Silian vhleha okhina mish tvnvp aiasha ka pit hoyot isht v̄la tok: micha Helam a okla v̄la tok: mihma Hatatese in tvshka chipota vhleha pehlich̄i Shobach vt tikba hikia tok.

17. Atuk o Lewi ya im anoli ma, Israel moma ka hoyot itvnahli cha, Chatan a vbanvblit, Helam a ona tok. Mihma Silian vhleha hvt Lewi ya itiba ch̄i kv̄t achukmalit ile bai-vlich̄i cha, itibi tok.

18. Mihma Silian vhleha hvt Israel itikba ya yihlepa tok; mihma Lewi vt Silian vhleha ai achv̄fa hosh tvnvp itichanvlli tahlepa untuklo isht aya hatak, micha issuba om binili vt tahlepa sipokni pokoli ushta aiena h̄o vbit tahl̄i mut, micha in tvshka chipota vhleha pehlich̄i Shobach a isso na yummak o ai illi tok.

19. Atuk o miko moma Hatatese in tishu vhleha hatuk vt Israel itikba akakoha na pisa mut, Israel a okla it i nana-
iya cha, i nutaka tok. Yohmi ma Silian vhleha hvt Ammon in chipota h̄a himakma apela kv̄t nukwia tok.

CHAPTA XI.

ATUK o yakohmi tok, afvmm̄i vt ont taha ha ya, miko puta kv̄t kohchvt tanampit ia chatuk vt v̄la ma, Lewi vt Choab a, micha in tishu vhleha aiena, micha Israel moma

ka pila tok : mihma Ammon in chipota chuk il issvehit isht ayvt Labbah ya ont in tanampit apakfoyupvt a binanchi tok. Amba Lewi vto Chelusalem a anta moma tok.

2. Atuk o yakohmi tok, opivt isht ia ho Lewi vt topa itonla tuk osh tani cha, miko in chuka isht holmo ya a nowa tok : atuk osh chuka isht holmo ya o hikia hosh ohoyo hut il achifa hosh anta na pit pisa tok ; mihma ohoyo hash osh pisa ka aiokli fehna tok.

3. Mihma Lewi vt pila cha, ohoyo hash a ponaklo tok. Mihma achufa vkt, Ilvppvt Eliam ushetik Balh-sheba, Hittait hatak Uliah tekchi keyu cho ? achi tok.

4. Mihma Lewi vt anumpa shali vhleha ha pila cha, ishi tok : mihma ant chukowvt im vla na iba tvshki tok : (alitiha i kashofa hatuk oka :) mihma in chuka ya falamvt ona tok.

5. Mihmvt ohoyo hash osh vlla shali cha, Lewi ya anumpa i pilvt im anolit, Ulla shali lishke, achi tok.

6. Mihma Lewi vt Choab a anumpa i pilvt, Hittait hatak Uliah ya et am pilá, achi tok. Mihma Choab vt Uliah ya Lewi ya pit i pila tok.

7. Atuk o Uliah vt im vla ma, Choab vt kaniohmi tuk, micha okla hut kaniohmi tuk, micha tanampi vkt kaniohmit ishit mahaya aiena ka Lewi vt i ponaklo tok.

8. Mihma Lewi vt Uliah ya, Chin chuka ya ia cha, chiyi ya achifá, im achi tok. Mihma Uliah vt miko in chuka ya kohchvt ia ma, ilimpa ai vpa achufa ho miko vt ima na iakaiyvt isht im ona tok.

9. Yohmi kia Uliah vt miko in chuka okhissa yak o i shahli in tishu vhleha takla a nusi cha, in chuka ya ik ono tok.

10. Mihma Lewi ya im anolit, Uliah vt in chuka ya ik aiyoshke, achi ma, Lewi vt Uliah ya, Nowvt ayvt ish la tuk keyu ? hokak osh nanta katiohmi ho chin chuka ya chik ono cho ? im achi tok.

11. Mihma Uliah vt, Itombi holitopa, micha Israel, micha Chutah aiena vkt vlhtipo puta ka aiashvshke ; micha a shahli Choab, micha a shahli ha in tishu vhleha aiena vkt yakni ashahbika yo binanchit aiashvshke : yohmi ka an

chuka ona lish, imput, micha nan ishkot ahantut, sa tekchi ya iba tvshki la hinla cho? chi okchaya pulla ka, micha chimi shilombish vt okchaya pulla ka nana ilvppa yvmihchi la he keyu hoke, im achi tok.

12. Mihma Lewi vt Uliah ya, Himak nitak ak kia ish anta tuk o, onnakma ik ia chim ahni li ish iashke, im achi tok. Yohmi ho Uliah vt nitak yvmma, micha onna aiena ka Chelusalem ak o anta tok.

13. Atuk o Lewi vt hoyo ma, itikba ya imput, oka ishkot ahanta tok: mihma oka haksichi tok; atuk o opia ma, i shahli in tishu vhleha takla in topa tvshka chi hosh kohchvt ia tok, amba in chuka ano ik aiyo tok.

14. Atuk o yakohmi tok, onnahinli ma Lewi vt Choab a holisso i holissochi cha, Uliah ibbak a fohkit i pila tok.

15. Michā holisso ha a fohkit holissochit, Uliah ya ai itibi kvllo i shahli kak o itikba hvsh hilechi cha, hvsh i kanvlashke, yohmikma isso na illashke, achi tok.

16. Atuk o yakohmi tok, Choab vt tmaha holihta ya pisvt tahli mvt, hatak chilita, nukwia iksho aiasha ka ithana kak osh yvmmak o Uliah ya hilechi tok.

17. Mihma tmaha holihta hatak vhleha hv kohchvt ivt Choab a itibi tok: mihma Lewi in tishu vhleha okla kaniohmi kv akakoha tok: mihma Hittait hatak Uliah ak kia illi tok.

18. Yohmi ma Choab vt Lewi ya pit i pilvt, it in tanampi kv kaniohmi hosh aiasha kvt moma im anoli tok.

19. Michā anumpa shali ya atokolit, It in tanampi kv kaniohmi ka anolit ont ish taiyahlikma,

20. Atuk o yakohmikma, miko vt im ai i nukkilli vt libbi cha, Nanta katiohmi ho hvsh itibi mvt, tmaha holihta ya bilika fehna hvsh ona tuk o? holihta paknaka o hiohlt okla et hysa hinla ka hvch ik ithano ke tuk o?

21. Kvta hosh Chelub-beshelh ushi Abimelech a vbi tok o? ohoyo hosh holihta paknaka o hiki vt tanchi abotoli tvi tushafa yo om pila na, Hlebes a ai illi tok keyu cho? nanta katiohmi ho holihta bilika ya hvsh ona tuk o? chim achikma, yohmikma, Chin tishu Hittait hatak Uliah ak kia illishke, ish achashke, achi tok.

22. Yohmi hō anumpa shali ash osh mintit vla cha, Choab vt nana tohno tuk moma ka Lewi ya im anoli tok.

23. Micha anumpa shali ash osh Lewi ya, Hatak vhleha hvt pī kullo pulla cha, kohehvt yakni ashahbika ya pim vla ma, o kanvllit il ia mvt, holihta okhissa achukowa ya il ona tuk oke.

24. Mihma hūsa vhleha hvt holihta paknaka o hiohlit, chin tishu vhleha hā et hūsa tuk oke: yohmi na miko in tishu vhleha hā a kaniohmi kv̄t illishke, mikma chin tishu Hittait hatak Uliah vt illishke, im achi tok.

25. Yohmi ma Lewi vt anumpa shali yash, Ilvppak o Choab a ish im anolashke, Nana ilvppa isht ik chim achukmo kashke; bvshpo falaia yokvto vbit tahli kv̄t achvfa, micha inla yak kia itilauechi chatuk oka: ish itibi kv̄t i shahlichit tvmaha holihta ya ish i sanalichit yuhlīt aka ish patalashke; micha ish aiyimilichichashke, im achi tok.

26. Atuk o Uliah tekchi atuk ash osh i hatak Uliah vt illi tuk o haklo mvt, ishit yahaya tok.

27. Atuk osh yaiya kv̄t issa ma, Lewi vt pit hoyot in chuka isht vla na tekchi toba tok; atuk osh vlla nakni yo im eshi tok. Yohmi kia Lewi vt nana kaniohmi tuk a Chihowa vt ik im vlhpeso tok.

CHAPTA XII.

MICHA Chihowa vt Nahlan a Lewi ya i pila tok. Mihma im vla tok; micha, Hatak tuklo hosh tvmaha holihta achvfa ka ashwa tok: achvfa kv̄t nan in laua yokma, achvfa vto ilbvsha tok.

2. Hatak nan in laua vt nan vlhpoa chipunta, micha nan vlhpoa hochito aiena kv̄t im apakna atampa tok.

3. Amba hatak ilbvsha vto nana ik im iksho, chukvvlhpoa ushi tek iskitini achvfa, yvmmak oka chumpa cha, ipetv̄t hofantihinchī ak illa tok: takla ahantv̄t, im vlla vhleha hā ibahofanti tok; ilap im ilhpak ak inli hō ai vpakmvt, ilap im isht ishko ak inli hō ai ishkokmvt, shakba foyukv̄t itoyula beka cha, ushetik ak inli in chiyuhmi tok.

4. Atuk o hatak nowrt aya vt hatak nan in laua yash im ona tok; mihma i hullo cha, ilap i nan vlhpoa chipunta ak inli, micha ilap i nan vlhpoa hochito aiena ak inli ka ai ishit hatak nowrt aya im vla tuk a, ik im atahlo hosh, amba hatak ilbvsha in chukfulhpoa ushi ak o ishi cha, hatak im vla kash im atahli tok, im achi tok.

5. Mihma Lewi vt hatak ash i sanalit nukhobela kv̄t libbi fehna tok; micha Nahlan a, Chihowa vt okchaya pulla ka, nana ilvppa yvmihchi tok hatak ymmvt illi pulla chi hoke.

6. Michā chukfulhpoa ushi vt inlohmi ushta hō falvm-mincha chi hoke, nana ilvppa yvmihchi tuk okvt, micha ik i nukhaklo tok okvt, im achi tok.

7. Mihma Nahlan vt Lewi ya, Hatak ymmvt chishno ak oke. Israel in Chitokaka Chihowa vt yak achishke, Nan ahvmm̄t Israel i miko chi atokoli li tok, micha Sal ibbak a a chi hlakofih̄inchi li tok oke.

8. Michā chi shahli in chuka ya chima li tok, micha chi shahli tekchi vhleha chi shakba ya fohkit chima li tok, micha Israel in chuka achvfa, micha Chutah in chuka achvfa aiena ka chima li tok; atuk o ymmvt chim iskitini fehna hatuk okma, himakma nana yakohmi, micha nana yakohmi aiena ka chima la hi atok.

9. Yohmi ka katiohmi hō Chihowa i nan vlhpisa ya ish shitilema cha, itikba ya nana ik achukmo ish yvmihchi tuk oh cho? Hittait hatak Uliah ya bvshpo falaia isht ish bishke, micha Ammon in chipota i bvshpo falaia yō isht ish bi cha, tekchi yatuk a chi tekchi ya chi hō ish ishi tuk oke.

10. Yohmi hoka himak a bvshpo falaia vt chin chuka ya i filvmma he keyu; is sa shitilema cha, Hittait hatak Uliah tekchi yatuk a chi tekchi ya chi hō ish ishi hokvt.

11. Chihowa vt yak achishke, Yakeh! chin chuka achvfa yash ak inli nana ik achukmo ka, chi sanalichit hilechi la chi hoke; micha chi tikba fehna chi tekchi vhleha hā chim ai ishi lish, ish ai itilau i yō ima likma, hvshi ilvppa itikba ya chi tekchi vhleha hā iba tvshka hi oke.

12. Luma hosh ish yvmihchi tuk oka, amba vno vto nana

iluppa Israel moma itikba, micha hvshi itikba ya a yvmihchi la hi oke, im achi tok.

13. Mihma Lewi vt Nahlan a, Chihowa ya i sai yoshubvshke, im achi tok. Mihma Nahlan vt Lewi ya, Chihowa ak kia nan ish ashvchi ya ishit chī kanchishke; chilla he keyu, im achi tok.

14. Yohmi kia iluppa yakohmit, Chihowa im i sanali vhleha hvt nana isht a mihvt kalakshicha hi a ish takalichi hoka, vlla chim vtta tuk ash kia illi pulla chī hoke, im achi tok.

15. Mihma Nahlan vt in chuka ia tok. Mihma Chihowa vt vlla yash Uliah tekchi atuk vt Lewi ya im eshi tok a isso na abeka fehna tok.

16. Yvmohmi hatuk o Lewi vt vlla ya Chitokaka isht im asilhha tok: micha Lewi vt ik impo hosh ont chukowvt aka itoyula na ninak vt ont onna tok.

17. Mihma in chuka achvfa im asvnonchi vhleha hvt aka itoyula ka tanicha chī hosh im ona tok: yohmi kia yohma he keyu, micha pvska yak kia ibai vpa he keyu tok.

18. Atuk o yakohmi tok, nitak ont isht untuklo ma vlla ash osh illi tok. Mihma Lewi in tishu vhleha hvt vlla vt illi ka im anoli kvv nukwia tok: Yakeh! vlla vt okchaya moma ka il im anumpuli ma, pī haponakla he keyu tuk vt, vlla vt illi ka il im anoli kak heno il ilbvshali fehna chī hoke, achi tok.

19. Yohmi kia in tishu vhleha hvt lumvt it im anumpuli ka Lewi vt pisa mvt, vlla vt illi ka Lewi vt akostininchi tok: atuk osh Lewi vt in tishu vhleha ha, Vlla ash osh illi cho? im achi tok. Mihma, Illishke, okla achi tok.

20. Yohmi ma Lewi vt aka itoyula tuk vt wakaya cha, okami mvt, nan il ahvmmmit, nafohka inla ishit fohka cha, Chihowa im aboha ont chukowa cha, aiokprchi tok: yohmi mvt ilap in chuka yak inli ant chukowa tok: micha hoyo ma, pvska ya itikba in talali ma, impa tok.

21. Yohmi ma in tishu vhleha hash osh, Nana iluppa nanta mak o ish yvmihchi cho? okchaya moma kano chik impot vlla ya isht ish yahaya kash osh, amba vlla vt illi ma, ish wakaya cha, ish imprshke, okla im achi tok.

22. Mihma, Ulla ash osh okchaya moma kano ak impo hosh yahaya li tuk: Chitokaka vt a nukhaklo yoba na vlla vt okchaya hi a, kuta hosh ithana hinla cho? achi li hatuk okvt,

23. Yohmi tuk kia himak ano illi ka nanta katiohmi ho ak impo ka hinla cho? anonti falcmminchit isht vla la hinla cho? vno ak osh im ona la chi, amba yummak okvto vm vla he keyu hoke, achi tok.

24. Mihma Lewi vt tekchi Balh-sheba ya hopohlvi tok; micha iba chukowa cha, iba treshki tok: mihma vlla nakni yo eshi ma, Solomon hochifo tok: mihma Chihowa vt i hullo tok.

25. Micha Nahlan hopaii ya tohnot pila tok; micha Chihowa ak atuk pulla kak o Chetitiah hochifo tok.

26. Mihma Choab vt Ammon in chipota Labbah ya itibi cha, miko in tmaha holihta ya ishi tok.

27. Mihma Choab vt Lewi ya ankmpa shali vhleha ha i pila cha, Labbah ya itibi lish, tmaha holihta oka ya im ishi lishke.

28. Yvmohmi hoka okla asha tuk a hoyot itvnahli cha, tmaha holihta ya ant in tanampit binanchit ish ishashke; keyukma tmaha holihta ya vno ak osh ishi likma, si a hochifocha hinla hoke, achi tok.

29. Mihma Lewi vt okla moma ka hoyot itvnahli cha, Labbah ya ona tok: micha itibi cha, ishi tok.

30. Micha i miko im iachuka noshkobo iachukoli tuk a ishi tok; (mihma weki kvv tuli holisso lakna talent achvfakma, tuli holitopa puta kvv ontela tok:) micha Lewi noshkobo ha on talaia tok. Mihmvt tmaha holihta ya nawehpoa laua fehna ho ishit koheha tok.

31. Micha okla yemma aiasha tuk a ishit koheha mvt, iti ishit bvsha, micha iti tuli noti halupa, micha tuli iskifa nutaka ashachi mvt, lukfi nuna atoba aiena ka hlopullichhi tok: yakohmichi hosh Ammon in chipota vhleha in tmaha holihta moma ka yvmihchi tok. Yohmi mvt Lewi, micha okla moma kvv falamvt Chelusalem a ona tok.

CHAPTER XIII.

ATUK o ilvppa i himmakma yakohmi tok, Lewi ushi Absalom vt in tek vt pisa aiokli hosh im anta cha, yvmma hohchifo kv̄t Tama atok: mihma Lewi ushi Amnon vt anushkunna tok.

2. Micha Amnon vt in tek Tama ya anushkunna fehna kak osh il abekv̄chi tok; ohoyo himita hatak ik halelo hatuk oka: micha Amnon vt nana i kaniohmichi ka nana i kv̄lla hinla ahni tok.

3. Yohmi kia Amnon vt i kana anta hosh Lewi itibapishi Shimeah a ushi yosh, yvmmvt hohchifo kv̄t Chonatab atok: micha Chonatab vt hatak nan i kostini fehna atok.

4. Micha yvmmak ash osh, Nanta katiohmi ho miko ushi chia hokak osh, onna hosh onnakma chunnvt isht ish ia cho? is sv̄m anola he keyu cho? im achi tok. Mihma Amnon vt, Itibapishi li Absalom in tek Tama yak o anushkunna li hoke, im achi tok.

5. Mihma Chonatab vt, Chin topa ha ish onv̄tonla cha, ish il abekv̄chashke; atuk o chiki vt chi pisvt vlakma, Chim asilhha lishke, an tek Tama vt ik la cha, ilhpak ik sa petá, micha sa tikba ilhpak a ant ik atahli na pisa lish, ibbak a ai ishi lish, vpa lashke, ish im achashke, im achi tok.

6. Yohmi ma Amnon vt itoyula cha, il abekv̄chi tok; atuk o miko vt pisvt vla ma, Amnon vt miko ya, Chim asilhha lishke, an tek Tama vt ik la cha, pv̄ska lumbo tuklo ka, p̄isa li ho, vm ikbi na ibbak a ai ishi lish, vpa lashke, im achi tok.

7. Yohmi ma Lewi vt chuka ya Tama ya pit hoyo cha, Chi nakfi Amnon in chuka ia cha, ilhpak a ish im atahlashke, im achi tok.

8. Yohmi ma Tama vt i nakfi Amnon in chuka ya ona tok; mihma itonla tok. Mihma yvmmvska ishi cha, yv̄mv̄s-lit, p̄isa ho, lumbochi cha, lumbo ash nunachi tok.

9. Mihma ampo mahaia ai vlv̄v̄sha ya ishi cha, itikba ya tosholi tok: yohmi kia vpa ik bunno tok. Mihma Amnon

vt, Hatak moma ka a filvmmichit kocha ho wehli, achi tok. Mihma hatak puta kv̄t issvt kocha wiha tok.

10. Mihma Amnon vt Tama ya, Ilhpak a aboha a nusi yak o isht ish la na chibbak a ai ishi lish, vpa lashke, im achi tok. Mihma Tama vt p̄ška lumbo ikbi tuk vt aboha anusi i nakfi Amnon a isht im ona tok.

11. Atuk osh vpa ch̄i h̄o ishit chukowa cha, im vla ma, halvlli mvt, Minti chá, is s̄uba tvshkashke, an tek ma! im achi tok.

12. Mihma afalamichit, Ahá a nakfi ma! is sa hoklit is si ai issa ná: Israel a nana chohmi kv̄t a yvmohma he vlhpesa keyu hoka: nana ik achukmo ilvppa ish yvmohmi ná.

13. Mikma vno vto nan ishit sa hofahya ya katima pit kanchi la hinla cho? mikma chishno yoketo Israel a im anukfla iksho ak inli ish chohma ch̄i hoke. Yvmohmi hoka himak a m̄iko yak o im anumpul̄i; vno ya chim i hulla he keyu hoka, im achi tok.

14. Yohmi kia im anumpa h̄a hakla he keyu tok; amba kv̄llo kv̄t i shahli hatuk osh hoklit ai issa cha, iba tvshki tok.

15. Yohmi mvt Amnon vt i nukkilli kv̄t atampa tok; yohmi hosh nukkilli isht i nukkilli kv̄t anushkunna isht anushkunna kash i shahli fehna tok. Mihma Amnon vt, Wakaya cha, iá, im achi tok.

16. Mihma, Nana kaniohmi keyu: kanima pit is sa chvf-fichi ilvppak osh ik achukmo kv̄t, inla nana is si yvmih-chi kash kia i shahl̄ishke, im achi tok. Yohmi kia i hapo-nakla he keyu tok.

17. Yohmi ma in tishu nana isht im v̄tta beka tuk a hoyo cha, Ohoyo ilvppa a falvmminchit koh̄chi cha, okhissa isht vlhk̄vma iakaiyachit ashvnnich̄i, im achi tok.

18. Mihma i nafohka vt pisa ilaiyukali yo fohka tok: m̄iko ushetik hatak haleli keyu kv̄t nafohka yohmi kak o vlbeha chatuk oka. Yohmi ma in tishu hv̄t koh̄chi cha, okhissa isht vlhk̄vma ya iakaiyachit ashvnnichi tok.

19. Mihma Tama vt hituk chubbi ya noshkobo h̄a o asha-chi cha, i nafohka pisa ilaiyukali fohka tuk vt hlilvffi mvt, ibbak a noshkobo onochi cha, yahayvt ia tok.

20. Mihma i nakfi Absalom vt, Chi nakfi Amnon vt chibai anta tuk o? yohmi kia nana ish achi ná, an tek ma! chi nakfi yoke; nana ilvppa yohmi ish ahni ná, im achi tok. Yohmi ma Tama vt vlhtakla hosh i nakfi Absalom in chuka ahanta tok.

21. Yohmi kia miko, Lewi vt nana ilvppa puta ka haklo mvt, nukhobela kvv libbi fehna tok.

22. Mihma Absalom vt itibapishi Amnon a achukma hokmá, ik achukmo hokmá, nana kia ik im anumpulo tok: in tek Tama ya hoklit ai issa tuk ak o i nukkilli hatuk okvt.

23. Atuk o i himmak afvmmi tuklo vlhpiesa ma yakohmi tok, Absalom vt Baal-haso yvmmvt Eflaim bilika ya chukfi hishi vmo hosh im asha tok: micha Absalom vt miko ushi vhleha moma ka im anoli tok.

24. Michá Absalom vt miko ya im vla cha, Yakeh! chin tishu hvv chukfi hishi vmo hosh im ashvshke: miko, micha in tishu vhleha aiena kvv chin tishu hvv apehvt iashke, chim asilhha lishke, achi tok.

25. Mihma miko vt Absalom a, Ahv! svso ma! himak a momvt kil aiyo kashke, yohmi cha nana e chi tahli ná, im achi tok. Mihma im achunanchi tok; yohmi kia ia he keyu hosh, amba anumpa yukupali onochi tok.

26. Yohmi ma Absalom vt, Yohma he keyukma, itibapishi li Amnon vt pi awant iashke, chim asilhha lishke, achi tok. Mihma miko vt, Nanta katiohmi hvv yvmmak osh chi awant ia hinla hvv? im achi tok.

27. Yohmi kia Absalom vt im achunanchi na Amnon, micha miko ushi vhleha moma ka ik iá, ahni tok.

28. Mihma Absalom vt in tishu vhleha hvv, yakohmi hvsh ahni cha, Amnon chukvsh vt oka paki isht im achukmvt tahakma, Amnon a oh vbí, hvchim achi likma; yohmikma hvsh bashke; hvchi nukshopa ná, hvchim apesa li tuk keyu cho? nukwia ikshot amosholit hvsh chilitashke, im achi tok.

29. Mihma Absalom in tishu vhleha hvv, Absalom vt im apesa tuk mak o Amnon a yvmihchi tok. Mihma miko ushi vhleha moma kvv wakaya cha, im issuba haksobish falaia aiyyukali oiyvt om binili cha, yihlepa tok.

30. Atuk o yakohmi tok, hina takla aya moma ho annoa kut Lewi ya im vla cha, Absalom vt miko ushi vhleha moma ka vbit tahli na achrfa kia ik hlakofoshke, achi tok.

31. Mihma miko vt wakaya cha, i nafohka ya hliluffi mvt, aka itoyula tok: mihma in tishu vhleha moma kut i nafohka hlilafa yosh afolublit hieli tok.

32. Mihma Lewi itibapishi Shimeah a ushi Chonatab vt afalamichit, A shahli hut miko ushi hatak himithoa moma ka vbit tahli ka ik im ahobo kashke; Amnon ak illa hosh illi hoka: Absalom ak osh apesa ho, in tek Tama ya hoklit ai issa tok, yummak atuk nitak takla ka ilvpput yvmohma he aiahni tok oka, achi tok.

33. Yvmohmi hoka himak a a shahli miko vt miko ushi vhleha hut illit taha ka ahnit, chukvsh anukfoyukvt isht ik ilbvsho kashke: Amnon ak illa hosh illi hoka.

34. Amba Absalom vto malelit knia tok. Mihma hatak himita nan atoni vt akachakalit hopokoyo ma, yakeh! okla laua hosh nvni abaksacheke hina im ashaka ya minti tok.

35. Mihma Chonatab vt miko ya, Yakeh! miko ushi vhleha hut vlvshke: chin tishu achi tuk mak o, yvmohmishke, im achi tok.

36. Atuk o yakohmi tok, anumpuli kut ont tahli mak inli ho yakeh! miko ushi vhleha hut vla mvt, chitoli hosh yaiya tok: mihma miko ak kia, micha in tishu vhleha moma aiena kut yaiya fehna tok.

37. Amba Absalom vt malelit, Ammihut Keshu i miko ushi Talmai yak o im ona tok. Mihma Lewi vt nitak moma ka ushi ya ishit yahaya tok.

38. Yohmi ma Absalom vt malelit, Keshu ya ona cha, ahanta na afvmmi tuchina tok.

39. Mihma miko Lewi vt ushi Absalom a i palata fehna tok: Amnon vt illi tuk ano hopohlvt taha hokvt.

CHAPTA XIV.

YOHMI ma miko chukvsh vt Absalom ak o pit takali fehna ka Seluah ushi Choab vt akostinichi tok.

2. Mihma Choab vt Tekoa ya pit hoyot, ohoyo kostini ho ai isht vla cha, Tv^ubashi ish ilahobi cha, tv^ubashi i nafohka isht ish fohka cha, bila isht chik il ahamo hosh, amba illi tok ishit yahaya tok hopaki yo, ish chohmashke;

3. Micha miko ya im vlt, ilvppa chohmi kak o ish im anumpulashke, im achi tok. Yohmi hosh Choab vt itih ha anumpa i fohki tok.

4. Mihma Tekoa ohoyo hash osh miko ya im anumpuli mvt, nashuka ya aka pit isht hlipia cha, aiokpvchi mvt, Apelá, miko ma! achi tok.

5. Mihma miko vt, Nanta chi katiahmi cho? im achi tok. Mihma afalamichi mvt, A hatak vt illi tuk o, ohoyo vlhtakla nukhaklo sia hoke.

6. Micha chin tishu ohoyo hvt ushi vt tuklo hosh im ashwa tok; atuk osh tuklo yummvt osapa ashwa tuk osh itafena tok; yohmi ma it i filummicha hi vt iksho hatuk o, achvfa kvt achvfa ya isso cha, vbi tok.

7. Mihma yakeh! chuka ai achvfa kvt moma hosh waka-yvt chin tishu ohoyo ha i sanali cha, Itibapishi vbi tuk a ish pimakma, itibapishi im ilhfiopak ishi tuk a atobbichit e bashke; micha ai isha he vlhpesa yash kia e bashke, achishke: yohmi hosh an tobaksi achvfa hosh itonla tuk a mosholichi cha, a hatak a hohchifo, micha im isht atiaka aiena ka yakni paknaka ya ik apoancho ka chishke, achi tok.

8. Mihma miko vt ohoyo hash, Chin chuka ish iashke, mikma chishno pulla ka nana apesa lashke, im achi tok.

9. Mihma Tekoa ohoyo hash osh miko ya, A shahli, miko ma! nan ashvchi kvt vno, micha aki in chuka achvfa yak o onvttoyulashke: mikma miko, micha im ai om binili holi-tompa yvto ik ahalaio kashke, im achi tok.

10. Mihma miko vt, Kvna hosh nana chim achikma, vno ak o isht is svm vlashke, mikma himakma chi potola he keyu hoke, achi tok.

11. Yohmi ma, Chim asilhha lishke, miko vt chin Chitokaka Chihowa ya ish ithaiyana cha, issish it ai illichi vhleha ha himakma vbashke, chik im ai ahno kashke; keyukma suso ha vba hinla hoke, achi tok. Mihma, Chihowa vt

okchaya pulla ka chiso pashi achvfa kv̄t aka itula chī keyu hoke, achi tok.

12. Yohmi ma ohoyo hash osh, Chin tishu ohoyo hv̄t anumpa achvfa hō a shahli mīko yā ak im anumpulī, chim asilhha lishke, achi tok. Mihma, Anumpulī, achi tok.

13. Mihma ohoyo hash osh, Yohmi hokak osh nanta katiohmi hō yvmihchit Chitokaka im okla hā ish anukfilli cho? mīko vt nana ilvppa anumpulī kv̄t achvfa hosh ik ai ahlo yō chohmishke: mīko vt ī kv̄nia yā anonti in chuka yā isht ik lo hokvt.

14. Pilli pulla chī hoka, micha oka yosh aka hlatapa na falvmminchit aiowa he keyu kak inli hō e chohmi hoke; micha Chitokaka vt hatak a yohmi hoka ahni keyu hoke: yohmi kia ī kv̄nia yā ik chvfficho ka chī ka nana apesa hoke.

15. Yvmohmi hoka himak a okla hv̄t sa nukshobli kak o, vla lish, nana ilvppa a shahli mīko yā isht im anumpulī lishke: micha chin tishu ohoyo hv̄t, Himak a mīko yā im anumpulī lashke: in tishu ohoyo hv̄t nana asilhha ka mīko vt yvmihcha hinla yoba ká,

16. Mīko vt haklokmvt, in tishu ohoyo vno, micha svso itatuklo li ka Chitokaka ī yakni yā kohchit pi a mosholicha hinla hatak ibbak a sa hlakoficha hinla hoka, achi tuk oke.

17. Yohmi mv̄t chin tishu ohoyo hv̄t, A shahli mīko im anumpa hv̄t achukma chī hoke: Chitokaka im enchel chohmit a shahli mīko vt nana achukma, micha nana ik achukmo akostininchi hokvt: yvmohmi hoka chin Chitokaka Chihowa vt chiba foyuka chī hoke, achi tuk oke, achi tok.

18. Yvmohmi ma mīko vt afalamichit ohoyo hash o, Nana chim asilhha la chī ka is san luhmi ná, chim asilhha lishke, im achi tok. Mihma ohoyo hash osh, A shahli mīko vt himak a ik anumpulī, achi tok.

19. Mihma mīko vt, Nana ilvppa moma Choab ibbak vt chiba foyuka keyu cho? achi tok. Mihma ohoyo hash osh afalamichit, A shahli mīko ma! chimi shilombish vt okchaya pulla ka nana achvfa kia a shahli mīko vt anumpulī ka ī filvmm̄t isht impakimma pit fullota, keyukmv̄t vlhfv̄bek imma pit fullota he keyushke: chin tishu Choab yvmmak

osh anumpa ilvppa puta ka chin tishu ohoyo itih hā fohkit a miha tuk oke.

20. Anumpa ilvppa chohmi kv̄t a yvmohma chī ka chin tishu Choab vt nana ilvppa yvmihchi tuk oke: micha a shahli hv̄t nan imponnvshke, Chitokaka im enchel nan ithana kak inli hō chiyuhmit, nana moma yakni aiasha ka ithanvshke, achi tok.

21. Mihma mīko vt Choab a, Yakeh! nana ilvppa yvmihchi lishke: yvmohmi hoka ia cha, hatak himita Absalom a anonti ont isht vlā, im achi tok.

22. Mihma Choab vt nashuka yā aka ishit hlipia cha, mīko yā aiokpv̄chit, yak oke im ai ahni tok: micha Choab vt, Himak nitak a chin tishu hv̄t chim isht ī kana chi tikba yā ahayuchi li kv̄t ithana lishke, a shahli, mīko ma! in tishu hv̄t nana asilhha tuk a mīko vt ahlichī hoka, achi tok.

23. Yohmi mv̄t Choab vt wakayvt ia mv̄t, Keshu yā ona cha, Absalom a Chelusalem isht vla tok.

24. Mihma mīko vt, Fullotvt ilap in chuka ak inli hō ik oná, micha sa nashuka yā ik peso kashke, achi tok. Yohmi hō Absalom vt falamvt ilap in chuka ak inli hō ona cha, mīko nashuka yā ik peso ki tok.

25. Yohmi kia Israel moma ka pisa aiokli na ahninchit isht anumpuli kv̄t, Absalom a chohmiechi kv̄t iksho tok: iyi pv̄tha vttvt irt noshkobo tv̄bokaka ont vhli kv̄t, nana ik ai ono kv̄t iksho ki tok.

26. Micha pāshi yā vmokmv̄t, (afv̄mmi ont taha putakma vmo beka tok, pāshi vt weki fehna hatuk o vmo beka tok okvt;) wekichikma, mīko isht im aweki yā shekel tahlepa tuklo beka tok.

27. Mihma Absalom a ushi vt tuchina, micha ushetik vt achufa hosh im āsha cha, yv̄mma hohehifo kv̄t Tama atok: ohoyo pisa aiokli hatok.

28. Yohmi ma Absalom vt afv̄mmi tuklo vlhpiesa hō Chelusalem a ahanta kv̄t, mīko nashuka yā ik peso ki tok.

29. Yvmohmi hō Absalom vt Choab a mīko yash ī pila hv̄nna hosh pit hoyo tok; yohmi kia im ona he keyu tok: atuk osh atukla ma anonti pit hoyo kia, ik im ono tok.

30. Yohmi hō in tishu vhleha hā, Yakeh! Choab im osapa vt vmmi hā bilikvshke, micha bali vt yumma im ashvshke; oh ia cha, luak hvsh atekilashke, im achi tok. Mihma Absalom in tishu vhleha hvt luak atekili tok.

31. Yohmi ma Choab vt wakaya mvt, Absalom in chuka anta tuk o im vla cha, Nanta katiohmi hō chin tishu vhleha hvt vm osapa yā luak atekili tuk oh cho? im achi tok.

32. Mihma Absalom vt afalamichit Choab a, Yakeh! pit chi hoyo lish, Ilvppa ish la na miko aiasha ka pit chī pila li, Nanta katiohmi hō Keshu yā issvt ilvppa vla li tuk oh cho? yummak inli anta li moma tuk ok mvto, vm achukma hetuk: yohmi hoka himak a miko nashuka yā pisa lashke: yohmi cha nan ashvchi vt si atakali hokma, ik svbi, ish acha chī hō chim achi la chī hatuk oka, achi tuk.

33. Yvmohmi hō Choab vt miko yā im ona cha, im anoli tok: mihma Absalom a i howa ma, miko yā im vla cha, miko itikba yā nashuka yā aka pit isht im akachunoli tok: mihma miko vt Absalom a i suksowa tok.

CHAPTA XV.

ATUK o ilvppa i himmakma yakohmi tok, Absalom vt tenvp itichanvlli puta, micha issuba puta, micha hatak pokoli tahlapi hosh itikba a tihlahaya hi a il atahli tok.

2. Micha Absalom vt onnahnli fehna wakaya cha, holihta okhissa hina bilika hikia beka tok: atuk o hatak nana kia nan it i kanihmi na miko vt nana im apesa chī hō vlakma, Absalom vt pit i howa cha, Tvmaha holihta nanta chia hō? achikma, Chin tishu hvt Israel apehlichī achvfa ka sia hoke, achi beka tok.

3. Mihma Absalom vt, Yakeh! chishno ak osh nana kvv achukma, micha vlvpesa hoke; yohmi kia miko vt hatak nana hō ik atokolo hatuk o, isht vtta hi vt iksho hoke, im achi beka tok.

4. Micha Absalom vt, Yakni yā nanapesa tobtv ahanta likbano; yohmi na hatak nana kia nana it i kanihmi, ke-

yukmvt nana im a kaniohmi kv̄t vno ak օ vm v̄la na ai v̄lh-
piesa kak օ i yvmihchi lashke, achi tok.

5. Atuk osh yakohmi beka tok, hatak nana kia im aka-
chunola ch̄i hosh bil̄ka v̄lakma, ibbak a pit welit, halv̄lli
cha, i suksowa beka tok.

6. Micha ilv̄ppa puta kak օ Israel moma kv̄t nana im
v̄lh-pisa b̄nnvt m̄iko ya im onakma, Absalom vt i yvmihchi
beke tok: yohmi hosh Absalom vt Israel hatak v̄hleha ch̄u-
kv̄sh a ishi tok.

7. Atuk օ i himmak afv̄mmi pokoli ushta ma yakohmi
tok, Absalom vt m̄iko ya, Chim asilh̄ha lishke, ak ia cha,
anumpa il onochi Chihowa ya im il onochi li tok vt, Heblon
a ont ai āhlich̄i lashke,

8. Chin tishu hv̄t Silia yakni Keshu ya ahanta li moma
mvt, anumpa il onochi il onochit, Chihowa vt anonti Che-
lusalem a vs̄st ona mv̄hlikma, yohmikma Chihowa ya im
antia lashke, achi li tok, im achi tok.

9. Mihma m̄iko vt, Achukmakvt ish āyashke, im achi
tok. Yohmi h̄o wakaya cha, Heblon a ona tok.

10. Yohmi tuk kia Absalom vt Israel ap̄hlich̄i moma ka
ibatakla v̄hleha h̄a pilvt h̄lopullichit, Ishit p̄ufa vt ohonla
na hv̄sh haklo makinli hosh, Absalom vt Heblon a a m̄ikosh-
ke, hv̄sh achashke, ahanchi tok.

11. Mihma hatak tahlepa tuklo hosh im annoa tuk vt,
Chelusalem a a kohchvt Absalom a ap̄ihvt ia tok; micha
nana ik achukmo ik ahno hosh ia cha, nana ka mominchit
ik ithano tok.

12. Mihma Absalom vt Kilonait hatak Ahihlofel Lewi
ya nana i miha yosh in tvmaha holihta Kiloh ya anta tuk օ,
nan v̄bit isht aiokp̄v̄chi im issa hosh anta hosh, pit hoyo
tok. Micha anumpa luma it im ap̄esa ash osh kv̄llo tok;
Absalom a okla ibafohka kv̄t isht i shahlit mah̄aya hatuk
oka.

13. Mihma anumpa shali vt Lewi ya im v̄la cha, Israel
hatak v̄hleha ch̄ukv̄sh vt Absalom ak օ iakaiyv̄shke, achi
tok.

14. Mihma Lewi vt in tishu v̄hleha moma ap̄ehvt Chelu-

salem a asha tuk a, Hvsh wakaya na e yihlepushke; keyuk-mvt Absalom a il i hlakofa he keyu hokvt: tushpvt hvsh iashke, yakosi itin takla kia ant pi sakkit, nan ik achukmo ka pi onochi cha, tumaha holihta ya bvrshpo falaia halupa isht issot kanchi ná, im achi tok.

15. Mihma miko in tishu vhleha hvt miko ya, Yakeh! chin tishu vhleha hvt a shahli miko vt nana ho apesakma, e yvmihcha chi kvv pim vlhtahvshke, im achi tok.

16. Mihma miko vt kohchvt ia ma, in chuka achvfa moma kvv iakaiya tok. Mihma miko vt ohoyo pokoli im itaiena vhleha hatuk o, chuka apistikela chi ka ashachi cha, ia tok.

17. Mihmvt miko vt kohchvt ia ma, okla moma kvv iakaiya mvt, hopaki ho ona cha, aiasha tok.

18. Mihma in tishu vhleha hvt tahlalaka ichapvt aya tok; mihma Chelehlait moma, micha Pelehlait moma, micha Kittait moma, hatak tahlepa hannali hosh Kalh ashvt iakaiyvt ia tuk vt miko ya tikba aya tok.

19. Yohmi ma miko vt Kittait hatak Ittai ya, Nanta katiohmi ho chishno ak kia pi awant ish ia cho? falamvt ish ai vta ya ish ona cha, miko ya takla ish antashke: okla inla chia, micha i yakni vta chia keyu hokvt.

20. Pilashash vla tuk ish chohmi kvv, pi apehvt himak nitak a ish aya na ishit chi fullolihinchia la hinla cho? kanima yo ia la hinlakmvt, ia li hoka; ish falama cha, chitibapishi vhleha ha isht ish iashke: isht i nukhaklo, micha ai ahli vt chiba foyukashke, im achi tok.

21. Mihma Ittai vt miko ya afalamichit, Chihowa vt okchaya pulla ka, micha a shahli miko vt okchaya pulla ka, kanima fehna ho a shahli miko vt ahantakma, okchaya hokma, illi hokma, nanakma, yvmmak inli fehna chin tishu ak kia ahanta chi hoke, achi tok.

22. Mihma Lewi vt Ittai ya, Ivt ish vbanvblashke, im achi tok. Mihma Kittait hatak Ittai, micha in tvshka vhleha, micha chipunta moma apehvt aya tuk vt momvt vbanvblit ont ia tok.

23. Mihma yakni moma kvv chitoli hosh yaiya tok; mihma okla moma kvv vbanvblit ont ia tok; miko ak kia boku-

shi Kitlon a vbanvblit ia ma, okla moma kut vbanvblit yakni haiaka hina yo ia tok.

24. Mihma yakeh! Satok ak kia, micha Lefait puta kut apeha hosh Chitokaka nan it im apesa itombi holitopa ya shoyulit aya tok: atuk osh Chitokaka im itombi holitopa ya aka talali tok; mihma Abiahla vt oiyvt mahaya na, okla moma kut tmaha holihta ya kohevvt taiyaha ma, hikia tok.

25. Mihma miko vt Satok a, Chitokaka im itombi holitopa ya fakumminchit tmaha holihta ya isht ish onashke: Chihowa i holhponayo itikba ya isht i kana ai ahayuchi likma, anonti vsst on cha, ymma micha ai ahanta aiena ka supisacha hi oke.

26. Amba, Chi ahninchli li keyu, achi hokma; yakeh! yak hikia lishke, kaniohmi kak o vlhpesa ahnikmvt, si yumi-chashke, im achi tok.

27. Micha miko vt naholitompa isht vtta Satok a, Napisa chia keyu cho? tmaha holihta ya falamvt chiso tuklo, chiso Ahimaas, micha Abiahla ushi Chonablan hvsh aiena kut hvchi achukmakvt hvsh onashke.

28. Yakeh! yakni haiaka yakni patali ak o anta li tuk o, nana vm anoli kut chim anumpa hv vm vlashke, im achi tok.

29. Yrmohmi ho Satok, micha Abiahla vt Chitokaka im itombi holitopa ya anonti Chelusalem a isht ona tok: micha yummak o ashwa tok.

30. Micha Lewi vt Alifet nvnih ha ai oiyvt ia yak o ia mvt, noshkobo hv ompoholmo cha, iyi bicka hosh yahayvt ia tok: mihma okla moma apelvvt aya tuk vt noshkobo ha ompohomo bieka cha, oiyvt ia mvt, yahaya hosh oia tok.

31. Mihma achvfa kut Lewi ya im anolit, Ahihlofel vt anumpa luma it im apesa vhleha ha ibatakvt Absalom a iba fohkvshke, achi tok. Mihma Lewi vt, Chihowa ma! Ahihlofel im anumpa ha chik ahobalo kashke, chim asilhha lishke, achi tok.

32. Atuk o yakohmi tok, Lewi vt nvnih paknaka ymma ona cha, Chitokaka ya ai aiokpvchi ma, yakeh! Hushai Achait hatak vt nafohka vt i hlilafa, micha lukfi pushi vt noshkobo ha on asha hosh vla tok.

33. Yemma Lewi vt, Si awant ish ayakmvt, is si atak-lumma chi hoke.

34. Amba falamvt tumaha holihta ya ish ona cha, Absalom a, Chin tishu sia hachi hoke, miko ma! chashpo ka chiki in tishu sia hatuk okvt, chishno ak kia himak a chin tishu sia hachi hoke, ish achikmvt, yohmikmvt Ahihlofel im anumpa ha is sa kobuffa hinlashke.

35. Micha Satok, micha Abiahla naholitompa isht ashwa vt yemma chibafohka keyu cho? yohmi hoka yakohma hi oke, nana hoh kia miko in chuka ya ish a haiyaklokmt. Satok, micha Abiahla, naholitompa isht ashwa yak o ish im anolashke.

36. Yakeh! ushi tuklo kvt yemma im ashwa hoke, Satok ushi Ahimaas, micha Abiahla ushi Chonahlan, yummak o tohnot nana ka ish haklo moma et hrs sam pila chi hoke, im achi tok.

37. Yohmi ho Hushai Lewi i kana vt tumaha holihta ya ant chukowa ma, Absalom vt Chelusalem a ant chukowa tok.

CHAPTA XVI.

ATUK o Lewi vt nrnih paknaka ya ont ia chohmi ma, yakeh! Mefiboshelh in tishu Siba vt issuba haksobish falaia tuklo hosh umpotvhlpo yo pska lumbo tahlepa tuklo, paki shila champuli lokussa tahlepa achvfa, micha toffa nan vni tahlepa achvfa, micha oka paki kotoba achvfa aiena hosh vbanaiya ho ishi cha, ont afama tok.

2. Mihma miko vt Siba ya, Ilvppa nanta isht ish ahni cho? im achi tok. Mihma Siba vt, Issuba haksobish falaia ano miko in chuka achvfa yak osh om binila chi hoke; mikma pska, micha toffa nan vni ano hatak himithoa vt vpa chi hoke; mikma oka paki ano yakni haiaka ayut hoyvbli kvt ishka chi hoke, achi tok.

3. Mihma miko vt, Chi shahli ushi mvto? achi tok. Mihma Siba vt miko ya, Yakeh! Chelusalem ak o antvshke: Himak nitak a Israel in chuka achvfa vt aki im apehlichika ya a falvmmineha chi hoke, achi hatuk okvt, achi tok.

4. Yohmi ma miko vt Siba ya, Yakeh! Mefiboshelh immi hatuk moma kv̄t chimmi hoke, im achi tok. Mihma Siba vt, Chukvsh akanlosi hosh chi holhponayo itikba isht ish i kana chi ai ahayuchi likbano, ahnit chim asilhha lishke, a shahli, miko ma! achi tok.

5. Atuk o miko Lewi vt Bahulim a ona ma, yakeh! yv̄mma Sal in chuka achvfa ai achvfa vt a koheha hosh, hatak yv̄mma hohchifo kv̄t Shimei yosh Kela ushi vt minti mvt, anumpa kalakshichi onohonchi hosh kohev̄t minti tok.

6. Mihma Lewi ya, micha miko Lewi in tishu vhleha moma ka tv̄li ishit boli tok: mihma okla moma, micha hatak hlampko chilita moma kv̄t im ishtimpak imma, micha v̄lhfv̄bek imma aiena ka aya tok.

7. Mihma Shimei vt anumpa kalakshichi onochi kv̄t yak achit, Kohchá, kohchá, issish hatak chia, micha Belial hatak chia ma!

8. Sal in chuka achvfa yv̄mmak o v̄lhtobvt ish miko hoka, Chihowa vt im issish moma ka falamm̄inchit chi onochishke; micha Chihowa vt ish ap̄ehlichika ya chiso Absalom ak o ibbak fohkishke: micha yakeh! nana okp̄vnit isht ish anta moma h̄o chishishke, issish hatak chia hoka, achi tok.

9. Yohmi ma Seluiah ushi Abishai vt miko ya, Nanta katiohmi h̄o ofi illi ilv̄ppvt a shahli miko ya anumpa kalakshichi onocha hinla cho? ak v̄banv̄bli cha, noshkobo h̄a ont ak tv̄bli, achi tok.

10. Mihma miko vt, Nanta ishit hv̄chi ahalaia li cho? Seluiah ushi vhleha hv̄chia ma! yohmit anumpa kalakshichi ik onochí, Chihowa ak osh Lewi ya anumpa kalakshichi ik onochí, im achi hatuk oka. Yohmi ka kv̄ta hosh, Nanta katiohmi h̄o ish yv̄mihchi cho? acha hinla? achi tok.

11. Mihmvt Lewi vt Abishai, micha in tishu vhleha moma ka, Yakeh! sv̄so hv̄t sakfohka a koheha tuk vt v̄m ilhfiopak a hoyoshke: yohmi ka himak a Benchamait ilv̄ppak okak heto yohma he v̄lhpesa keyu? ik ashá, anumpa kalakshichi ik onochí, Chihowa vt im achi tuk oka.

12. Chihowa vt nan ashv̄chi li tuk osh sv̄lv̄sha ka pisa

cha, Chihowa vt himak nitak a anumpa kalakshichit isht si onochi ka achukma hō a falvmincha hinla yoba ká, im achi tok.

13. Atuk o Lewi, micha in tishu vhleha aiena kvt ia hosh aya ma, Shimei vt nvni abaksacheke ichapvt aya mvt, kalakshichit anumpohonlit aya mvt, tvli ya ishit boli mvt, lukfi pushi ya pila tok.

14. Mihma miko, micha okla moma apehvt aya tuk vt hoyvbli hatuk osh yvmmak o ont ai ile fohvchi tok.

15. Mihma Absalom, micha okla moma, Israel hatak vhleha aiena kvt Chelusalem a vla ma, Ahihlofel vt iba foka tok.

16. Atuk o yakohmi tok, Achait hatak Hushai Lewi i kana vt Absalom a im vla mvt, Chitokaka vt miko ya okchalinchashke, Chitokaka vt miko ya okchalinchashke, ahanchi tok.

17. Mihma Absalom vt Hushai ya, Chi kana ha ilvppak o isht ish i kana mak oh cho? nanta katiohmi hō chi kana ya awant chik aiyo tuk oh cho? im achi tok.

18. Mihma Hushai vt Absalom a, Ahā! amba kvna hō Chihowa, micha okla ilvppa, micha Israel hatak vhleha moma kak osh atokolikma, yvmmak o immi sia ha chi hoke, micha takla ahanta la chi hoke.

19. Michā anonti kvta hak o im antia la hinla cho? ushi itikba ahantvt im antia la he vlhpesa keyu cho? chiki itikba ahantvt im antia li chatuk vt, yohmi hosh chi tikba ahanta la chi hoke, im achi tok.

20. Mihma Absalom vt Ahihlofel a, Nana e kaniohma chi ka hvchishno ak osh anumpa hvsh it im apesashke, im achi tok.

21. Mihma Ahihlofel vt Absalom a, Chiki im itaiena vhleha chuka apistikela chi hō ashachi cha ia tuk o, ish iba chukowashke; mikma Israel vhleha moma kvt, chiki vt chi yuwala ka hakla hi oke; yohmikma chi apehvt asha kvt momvt ibbak vt kvlla hi oke, im achi tok.

22. Mihma Absalom a aboha paknaka vlhtipo okla in takalichí tok; mihma Israel moma kvt pisa hō, Absalom vt iki im itaiena vhleha ha iba chukowa tok.

23. Mihma Ahihlofel im anumpa anumpohonli kvt, nitak ymma foka ka hatak osh Chitokaka i ponaklo tuk ak o chiyuhmi beka tok: yohmi hosh Ahihlofel vt Lewi, micha Absalom ita tuklo ka nana i mihha beka tok.

CHAPTA XVII.

MICHA Ahihlofel vt Absalom a, Himak a hatak tahlepa sipokni auah tuklo h_o aiowvt ak ishi cha, wakaya lish, himak ninak a Lewi ya iakaiyvt hlioli lashke:

2. Mikmvt hoyvblit ibbak vt ik kvllo kisha kak o sakki likmvt, nukshobli lashke: mikma okla apehvt aya tuk moma kvt yihlepakma, miko ak bano h_o fahamvt kanchi lashke.

3. Micha okla moma ka falumminchit ishit chim vla lashke: hatak ish hoyo kash momvt falamvt vla ka itilauishke: yohmi h_o okla moma kvt achukmakvt aiashashke.

4. Mihma nana achi ka Absalom, micha Israel im asvnonchi vhleha moma aiena kvt im vlhpesa fehna tok.

5. Mihma Absalom vt, Himak a Achait hatak Hushai ak kia ho hoyo, nana h_o ik achi na yummak kia keho haklo, achi tok.

6. Mihma Hushai vt Absalom a im vla ma, Absalom vt, Ahihlofel vt ilvppak o achit anumpulishke: nana achi kak o e yvmihcha chi cho? keyukma ish anumpulashke, im achi tok.

7. Mihma Hushai vt Absalom a, Anumpa Ahihlofel vt anumpuli kvt himak okvno achukma keyu hoke, im achi tok.

8. Hushai vt, Chiki, micha in teshka vhleha hvt hatak hlampko chilita vhleha hosh chukvsh okpulot, nita yo kowi ya ushi im a wehpuli na aya kak inli chiyuhmi ka ish ithanvshke: micha chiki hatak tenvp okvt okla ha takla nusa he keyu hoke.

9. Yakeh! himak a hichukbi kanima lumvt fohka hoke, keyukmvt inla kanima lumvt anta hoke: atuk o yakohma hi oke, vmmona ka kaniohmi kvt akakoha hokma, kva hosh haklokmt, okla Absalom apeha tuk a, Ubit isht ahantvshke, acha chi hoke.

10. Mikma hatak chilita nukwia iksho chukvsh vt koi chito itilauí kash kia bilvt kvnia hi oke : chíki vt hatak chilita, micha apehvt okla aiasha kv́t hatak chilita nukwia iksho ka Israel moma kv́t ithana hokvt.

11. Yvmohmi hoka Israel moma chohmit Tan a aivttvt ivt Bee-sheba ont vhli ka itvnahli na, laua kv́t shinuk osh okhvta lapalika aiasha ka chohmashke ; micha chishno ak inli hosh pehlichit itibi ka ish ia he ak o miha lishke.

12. Yohmi hosh kanima asha tukma sakkít il ahayuchikmvt, il o fohopa kv́t fichak osh yakni onvtula kak o e chiyuhmashke : mikma yvmma, micha hatak moma apehvt aya tuk vt achvfa kia ik hlakofo kashke.

13. Micha tmaha holihta yo chukowakma, yohmikma Israel moma kv́t tmaha yvmma aseta ho isht onakma, e takchikmvt, halvllit isht ivt okhina ont il okvchikma, tvli iskitini achvfa kia yvmma ai ahayucha he keyu kashke, achi tok.

14. Mihma Absalom, micha Israel hatak vhleha moma kv́t, Achait hatak Hushai nana miha kak osh achukma kv́t Ahihlofel nana miha tuk a i shahlishke, okla achi tok. Chihowa vt Absalom a nana ik achukmo ka onocha he ak osh, Ahihlofel vt anumpa achukma miha tuk vt kobafa hi a, Chihowa vt apesa tok oka.

15. Yohmi ma Hushai vt Satok, micha Abiahla naholitompa isht ashwa ya, Yakohmi, micha yakohmi achi hosh Ahihlofel vt Absalom, micha Israel im asvnonchi vhleha aiena ka i mihvshke ; mikma yakohmi, micha yakohmi achi hosh i miha lishke.

16. Yohmi hoka himak a tushpa hosh Lewi ya anumpa i pilvt, ish im anoli cha, yak ish achashke, Yakni haiaka patvsvchi ya chi nusi ná, amba tushpa hosh vbanvblit ont ish iashke : keyukmvt miko, micha okla apehvt asha moma kv́t illit taha yoba ná, im achi tok.

17. Mihma Chonahlan, micha Ahimaas itatuklo kv́t tmaha holihta ya ant chukowa na pisa he vhpesa keyu hatuk osh, En-lochel ak o ashwa tok : mihma ohoyo himita tishu hosh ivt ont im anoli na itiachi cha, miko Lewi ya ont im anoli tok.

18. Yohmi kia vlla nakni yosh pisa cha, Absalom a im anoli tok: yohmi kia tushpa hosh itiachit Bahulim hatak in chuka ona ma, yummvt i wanvta ya kvli hofobi vt i hikia tuk o, yummak o pit chukowvt okla tok.

19. Mihma ohoyo hvv kvli hofobi paknaka ya isht ompoholmo ompatali cha, onush bota o ashachi tok; mihma nana ka ik ithano tok.

20. Atuk o Absalom in tishu vhleha hvv ohoyo hash chuka yash ona mvt, Ahimaas, micha Chonahlan itatuklo mvto? okla achi tok. Mihma ohoyo hvv, Bok ushi oka ya vbanvblit ia tuk oke, im achi tok. Mihma hoyo tuk ak osh ik ahayucho mvt, falamvt Chelusalem a ona tok.

21. Atuk o yakohmi tok, okla ia hayak o, kvli hofobi ya kohcha cha, ivt miko Lewi ya ont im anoli cha, Lewi ya, Wakaya cha, tushpa hosh oka ya vbanvblit ont ish ia chiké: Ahihlofel vt yakohmichi hosh chi sanalit nana miha hoka, im achit okla tok.

22. Yohmi ma Lewi, micha okla apehvt aya tuk moma kvv wakaya cha, Chatan a vbanvblit ont ia tok: onnvv toh-wikeli itintakla ma, achvfa kia Chatan a vbanvblit ont ik aiyo kisha kvv iksho tok.

23. Atuk o Ahihlofel vt nana i miha tuk a ik iakaiyo ho pisa mvt, im issuba haksobish falaia i patali cha, wakaya mvt, in chuka, micha in tvmaha holihta ya ona mvt, in chuka achvfa ya achukmalit apesvt tahli mvt, ile nuksiteli cha, illi tok, micha iki im ahollopi yak o hollopi tok.

24. Yohmi ma Lewi vt Mahanaim a ona tok: mihma Absalom, micha Israel hatak apehvt aya tuk moma kvv Chatan a hlopullit ont ia tok.

25. Mihma Absalom vt Choab atuk ak o atobbichit Amasa yak o tvshka chipota ya i kvpitvni ikbi tok: Amasa yummak okvv Israel hatak, hohchifo kvv Ihla achi, yummvt Nahash ushetik Abikail, Seluah in tek, Choab ishki ya iba chukowa tok, yummak o ushi atok.

26. Mihma Israel, micha Absalom aiena kvv Kileat yakni yak o binachi tok.

27. Atuk o yakohmi tok, Lewi vt Mahanaim a ona ma,

Ammon im vlla vhleha ai achvfa Nahash ushi Shobi, Labbah vtta, micha Lo-teba hatak Ammiel a ushi Machi, micha Lochelim yakni Kileat hatak Basillai aiena kv̄t im v̄la mvt,

28. Topa puta, ampo mahaia puta, micha lukfampo puta, micha onush, mikmvt bali, micha bota tohbi, micha onush vlwvsha, micha tubi, micha tubi hullo, micha tubi hullo vlwvsha,

29. Michā foi bila, micha pishukchi nia, micha chukfvlhpoa, micha wak i pishukchi nia palvska aiena ka Lewi, micha okla apehvt aya tuk aiena kv̄t vpa chī hō isht im v̄la tok: Okla hvt yakni haiaka aya kv̄t hohchv̄fot, hoyv̄blit, itukshila hoke, okla achi hatuk okvt.

CHAPTA XVIII.

MIHMA Lewi vt okla hvt apehvt aya tuk a hotihna cha, tahlepa sipokni puta i kv̄pitvni vhleha, micha tahlepa puta i kv̄pitvni vhleha hvt pehlichā chī ka hilechi tok.

2. Mihma Lewi vt okla isht atuchina kashapa ka Choab ak o ibbak fohki mvt, isht atuchina kashapa ka Seluah ushi, Choab itibapishi Abishai ak o ibbak fohki mvt, isht atuchina kashapa ka Kittait hatak Ittai ak o ibbak fohkit pila tok. Michā mīko vt okla hā, Ūno ak kia hv̄chi awant kohchvt ia li pulla chī hoke, im achi tok.

3. Yohmi kia okla hvt afalamichit, Kohchvt ish ia he keyu hoke: e yihlepa kia pishno ya nana isht im ahoba he keyu; iklvna kak osh ik pilli hok mak o nana isht im ahoba he keyu hoke: amba tahlepa sipokni e pokoli hoh kia ish itilau: yvmohmi hoka tvmaha holihta ya ish anta tuk osh, ish pi apela kak osh achukma kv̄t i shahli hoke, achi tok.

4. Mihma mīko vt, Kaniohmi kak osh vlhpesa ka hv̄chim ahobakma, yvmihchi lashke, im achi tok. Mihma mīko vt holihta okhissa bilika hikia ma, okla moma kv̄t tahlepa yosh, micha tahlepa sipokni yosh kocha wiha tok.

5. Mihma mīko vt Choab, micha Abishai, micha Ittai aiena ka im apesvt, Hatak himita Absalom a vno ak atuk

pulla kak o hvsh i kanashke, achi tok. Atuk o miko vt kypitni vhleha moma ka Absalom a nana achi ka okla moma kvh haklo tok.

6. Yohmi ho okla hvh Israel a itiba chi hosh kohevht yakni haiaka ya ia tok : mihma ai itibi kvh Eflaim kowi ak atok.

7. Yvmmak o Israel okla hvh Lewi in tishu vhleha itikba ya ai akakoha tok ; mihma yvmma ai ahambi na hatak tahlepa sipokni pokoli tuklo akucha tuklo hosh illi tok.

8. Itibi kvh yakni moma ka fimimpvt isht aya hatuk oka : mihma kowi yak osh nitak yvmma okla tahli kvh, bvshpo falaia vt tahli ka i shahlichu tok.

9. Mihma Absalom vt Lewi in tishu vhleha ha afama tok. Micha Absalom vt issuba haksobish falaia om binili tuk o, issuba haksobish falaia yash osh nosvpi chito naksish sukko hikia yatuk o nutaka ont ia ma, noshkobo hvh nosvpi ash isht ashekonowa cha, shutik, micha yakni ititakla takali tok : mihma issuba haksobish falaia om binili kamo ont ia tok.

10. Mihma hatak achvfa hosh pisa tuk osh, Choab a im anolit, Yakeh ! Absalom vt nosvpi a takanii ho pisa li tuk oke, achi tok.

11. Mihma Choab vt im anoli tuk hatak ash, Mihma yakeh ! ish pisa hokak osh, nanta katiohmi ho issot chik akvcho ke tuk oh cho ? atukma tvli hvta shekel pokoli, micha vskofvchi achvfa chima la he tuk oke, im achi tok.

12. Mihma hatak ash osh Choab a, Tvli hvta shekel tahlepa sipokni hosh svbbak a ik foka chi hoh kia, miko ushi ya svbbak a o wielit i sanali la he keyu hoke : e haklo ho, miko vt chishno, micha Abishai, micha Ittai aiena ka atokolit hvchi mihvt, Ahah ! hvsh aiahni cha, hatak himita Absalom a hvch ik potolo kashke, achi tuk oka.

13. Keyukmvt vno vm ilhfiopak ak inli kash ak im ahlo ka hinla tuk oke : miko ya nana kia in luma he keyu hoka, micha chishno ak oh kia is sa sanalit ish hikia he tuk oke, im achi tok.

14. Yohmi ma Choab vt, Yakohmit chi takla hikia la he vhpesa keyu hoke, achi tok. Mihmt tibi teli halupa on-

tvla tuchina h_o ishi cha, ia mvt, okchaki moma hosh nosupi iklna atakali ma Absalom a chukvsh fehna ishit nvhlit hlo-pullichei tok.

15. Mihma hatak himithoa pokoli hosh Choab i nahalupa shoyuli atuk vt afolubli cha, Absalom a nvhlit vbi tok.

16. Mihma Choab vt ishit pufa olachi ma, okla hvt Israel a iakaiyvt hlioli tuk vt falama tok: Choab vt okla ha im alvmmi hatuk oka.

17. Mihma Absalom a okla ishi cha, hichukbi chito vt kowi anukaka hikia tuk o, pit pila cha tvli itnaha chito fehna h_o o ashachi tok: mihma Israel moma kvv im vlhtipo aiyukali yihleptv ona tok.

18. Absalom vt okchaya moma mvt, miko im okfa ha tvli tonik a ishit a hilechi tok: achi kvv, Sa hohchifo ha isht ithaiyana hi a svso hvt iksho hokvt, achi hatok: micha tvli tonik a ilap ak inli h_o il ai a hochifochi tok: yvmohmi tok o himak nitak ak kia Absalom ibbak achi hoke.

19. Yohmi ma Satok ushi Ahimaas vt, Himak a vno ak osh ak maleli cha, miko ya anumpa isht ak im ia cha, Chihowa vt in tvnvp puta ka im il aiokha ka ont anoli lashke, achi tok.

20. Mihma Choab vt, Himak nitak a anumpa isht ish ia he keyu, amba nitak inlak mak o anumpa isht ish ia hi oke: amba himak nitak okvno anumpa isht ish ia he keyu, miko ushi vt illi hoka, im achi tok.

21. Yohmi mvt Choab vt Kushi ya, Ia cha, nana ish pisa tuk vt miko ya ont im anoli, im achi tok. Mihma Kushi vt Choab a il im akachunolichi mvt, maleli tok.

22. Mihma Satok ushi Ahimaas vt anonti Choab a, Ik yohmi kia chim asilhha lishke, vno ak kia Kushi ya iakaiyvt ak maleli, im achi tok. Mihma Choab vt, Nanta katiohmi h_o ish malela hinla cho? svso ma! anumpa isht ish ia he vt ik vlhtaho kisha hoka, achi tok.

23. Mihma, Ik yohmi kia ak maleli, achi tok. Mihma, Maleli, im achi tok. Yohmi ma Ahimaas vt yakni patvs-svchi hina yak o pit maleli cha, Kushi ya ont imaiya tok.

24. Mihma Lewi vt holihta okhissa tuklo ititakla binili

ma, hatak hopokoyo vt holihta okhissa paknaka ishit holmo ya oiyvt holihta chaha ya ona cha, akachakalit hopokoyo ma, yakeh! hatak achvfa ilap bano hosh chahafa tok.

25. Mihma hatak hopokoyo yash osh paya mvt, miko ya im anoli tok. Mihma miko vt, ilap banokmvt, itih ha anumpa hvt foyukvshke, achi tok. Atuk osh pulhkit mi-hinti mvt, bilika vla tok.

26. Mihma hatak hopokoyo yash osh hatak inla yosh chahafa na pisa tok: micha hatak hopokoyo yash osh okhissa apistikeli ya pit i howa mvt, Yakeh! hatak inla yosh ilap bano hosh chahavshke, achi tok. Mihma miko vt, Yummak kia anumpa isht aya hoke, achi tok.

27. Mihma hatak hopokoyo yash osh, Tikba chvfa hokvto Satok ushi Ahimaas chvfa kak o holba, vm ahobvshke, achi tok. Mihma miko vt, Hatak achukma hoke, micha anumpa achukma ho isht aya hoke, achi tok.

28. Mihma Ahimaas vt paya mvt, miko ya, Achukma banoshke, im achi tok. Micha miko itikba ya hvchukbihle-pt nashuka ya aka ishit hlipia cha, Yummak osh a shahli miko ya ibbak a vba wielit i sanali tuk a ibbak foyuki tuk okvt chin Chitokaka Chihowa vt holitopashke, achi tok.

29. Mihma miko vt, Hatak himita Absalom vt okchaya cho? achi tok. Mihma Ahimaas vt afalamichi mvt, Choab vt miko in tishu ha, micha chin tishu vno ya et pi pila ma, shakapa chito fehna ho pisa li kia, nana kaniohmi ho yohmi ka ak ithano tuk oke, achi tok.

30. Mihma miko vt, Naksika fullota cha, ilvppak o hikiá, im achi tok. Mihma naksika fullota cha, lumvt hikia tok.

31. Mihma yakeh! Kushi vt vla tok: mihma Kushi vt, Anumpa hoke, a shahli miko ma! wakayvt chim i sanali tuk puta ka, Chihowa vt himak nitak a chim il aiokhvshke, achi tok.

32. Mihma miko vt Kushi ya, Hatak himita Absalom vt okchaya cho? im achi tok. Mihma Kushi vt afalamichi mvt, A shahli miko ya in tvnvp puta, micha kvna hosh chi hotopala chi hosh wakayvt chi sanali moma kv, hatak himita yummak o chiyuhmashke, im achi tok.

33. Mihma miko vt nukhaklot wunibinchi fehna mvt, aboha holihta okhissa paknaka talaia ka oiya cha, yahaya tok: micha ia hosh aya mvt, yak achi tok, Ssso Absalom ma! ssso ma! ssso Absalom ma! Chitokaka vt ahni na vno ak osh chi vltobvt sulli tuk bano! Absalom ma! ssso ma! ssso ma! ahanchi tok.

CHAPTA XIX.

MIHMA Choab a im anolit, Yakeh! miko vt Absalom a ishit yahayvt tvbashit isht irshke, achi tok.

2. Mihma imaiya kash osh nitak ymma okla moma ka yaiya in toba tok: nitak ymma miko vt ushi ya ishit nukhaklo fehnvshke, achi na okla hvt haklo hokvt.

3. Yohmi ma nitak ymma okla hvt luma hosh tmaha holihta ya chukowa kv, okla hosh tenvp ayvt yihlepa tuk osh hofahyvt lumboa kak inli hq chohmi tok.

4. Yohmi kia miko vt nashuka ya ompohomo tok, micha miko vt chitolit yahayvt, Ssso Absalom ma! Absalom ssso ma! ssso ma! ahanchi tok.

5. Mihma Choab vt aboha yash ont chukowa cha, miko ya im ona cha, Himak nitak a chin tishu vhleha puta moma, ymmak osh chishno, micha chiso vhleha, micha chisotek vhleha, micha chin tekchi vhleha, micha chim itaiena vlehaha puta ka hlakofichi tuk a nashuka ya ish hofahyalishke.

6. Yohmi hosh chin tenvp vhleha hak o ish holitobli cha, chi kana vhleha ish i nukkillishke: himak nitak a okla pehlichy vhleha, micha tishu vhleha aiena nana ishit chim ahoba keyu ish otvninchi hokvt; Absalom ak osh okhaya na himak nitak a e moma kv pilli hatuk okma, chim vlpesa fehna hetuk a himak nitak a ithaiyana li hoka.

7. Ymmohmi hoka, Himak a wakaya cha, kohchvt ivt chin tishu vhleha ha im anumpa hopohlvtli im anumpuli; kohchvt chik aiyokma, himak ninak a achvfa kia chi takla asha chi keyu ka, Chihowa pulla anumpa kullo ishit miha lishke: yohmikma ymmak osh ik chim achukmo kv nana

ik achukmo puta kut vlla chia moma ma, chi onvtolvt mi-hintit himak a ant vhli chatuk a i shahla chi hoke, achi tok.

8. Yohmi ma miko vt wakaya cha, holihta okhissa ya binili tok. Mihma okla moma ka im anolit, Yakeh! miko vt holihta okhissa ya binili hoke, achi tok. Mihma okla moma kut miko itikba ya vla tok: Israel vt yihlept im vlhtipo aiyukali onvt taha tuk okvt.

9. Mihma okla moma Israel apehlichu puta hlopulli moma ka it achowvt, Miko vt pin tenvp puta ibbak a pi hlakofichi tok; micha Filistin okla ibbak a pi hlakofichi tok; atuk ak osh himak a Absalom okvno i malelit yakni ya kohchvshke.

10. Mihma Absalom vt pi mika chi ho nan ahvmmitt il atokoli kash osh tenvp ai illishke. Yvmohmi hoka himak a nanta katiohmi ho miko ya falvmminchit isht vla ka anumpa achvfa kia hvch ik anumpulo cho? achi tok.

11. Mihma miko Lewi vt Satok, micha Abiahla naholitompa isht ashwa ya anumpa i pilvt, Chutah im asvnonchi vhleha ha im anumpulit, Nanta katiohmi ho miko ya falvmminchit in chuka isht vla ka hvsh ishtaiyopi cho? Israel moma im anumpa hv miko ya in chuka fehna ka im vla hoka.

12. Svtibapishi hvchia hoke, sa foni, micha sa nipi hvchia hoke: yohmi ka nanta katiohmi ho miko ya in chuka isht vla ka hvsh ishtaiyopi cho? hvsh achashke,

13. Michu Amasa ya, Sa foni, micha sa nipi chia keyu cho? Chitokaka vt yakohmi, micha i shahli kia si yvmihchashke, Choab a vlhtobvt sa tikba ya tvshka chipota i kvpitvni yosh ish ahanta na ik biliokma, hvsh im achashke, achi tok.

14. Mihmvt Chutah hatak vhleha moma chukvsh a fullolichit hatak achvfa chukvsh chiyuhmichi tok: yohmi ho miko ya anumpa ilvppa okla pit i pilvt, Chishno, micha chin tishu vhleha aiena kut hvsh falamashke, im achi tok.

15. Yohmi ho miko vt falamvt, Chatan a vla tok. Mihma Chutah vt miko ya afama cha, miko ya ishit hlopullicha chi hosh Kilkal a ona tok.

16. Mihma Kela ushi Shimei, Benchamait hatak, Bahu-

lim minti vt miko Lewi ya afama chi hosh tushpvt, Chutah hatak vhleha ha awant ona tok.

17. Mihma Benchamin a ai achvfa yvt hatak tablepa sipokni achvfa hosh apihakma, Sal in chuka achvfa in tishu Siba, micha ushi auah tahlapi, micha in tishu pokoli tuklo aiena kvt apiha tok; micha miko itikba ivt Chatan a hlopulli tok.

18. Mihma miko in chuka achvfa ya hlopullicha chi, micha nana ho achukma aiahnikma yvmihcha chi hosh peni pvtha ya pit ishit kohcha tok. Atuk o miko vt Chatan a ant kohcha ma, Kela ushi Shimei vt itikba ont itula tok.

19. Michamiko ya, A shahli hut nana ai vhpesa keyu yvmihchi li tuk a ik si onochokashke, micha a shahli miko vt Chelusalem a kohcha nitak ymma chin tishu hut nan ashvchi tuk a ithaiyanvt chukvsh isht ik nukfoyuko kashke.

20. Chin tishu hut nan ashvchi tuk vt ithana fehna hokvt: yvmohmi hatuk osh himak nitak a Chosef in chuka achvfa ai achvfa moma ka tikba a shahli miko ya afama la chi hosh vla lishke, im achi tok.

21. Yohmi kia Seluah ushi Abishai vt afalamichit, Ilvpa pulla ka Shimei vt illa he vhpesa keyu cho? Chihowanahamvt im vltoka ya anumpa kalakshichi onochi tuk okvt, achi tok.

22. Mihma Lewi vt, Seluah ushi vhleha hvchia ma! nanta ishit hvchi ahalaia li tuk o himak nitak a hvs sa sana-la hinla cho? Israel a hatak nana kia himak nitak a illa chi cho? himak nitak a Israel i miko sia hut ithaiyana li keyu cho? achi tok.

23. Yvmohmi ho miko vt Shimei ya, Chilla he keyu, im achi tok: micha miko vt anumpa kvllo im il onochit i miha tok.

24. Mihma Sal ushi Mefiboshelh vt miko ya afama chi hosh ona tok; micha miko vt kohchvt ia tok nitak a vttvt ia hosh achukmakvt anonti falamvt vla tuk nitak a ant vhli ka, iyi ya nan ik i kaniohmicho, micha nutakhish a ik aiskiacho, micha i nafohka ya ik achifo tok.

25. Atuk osh miko ya afama chi hosh Chelusalem a vla

ma, yakohmi tok : miko vt, Mefiboshelh ma ! nanta katiohmi ho si awant chik aiyo tuk oh cho ? im achi tok.

26. Mihma afalamichi mvt, A shahli miko ma ! an tishu hvt sa haksichi tuk oke : chin tishu hvt, Issuba haksobish falaia om patali likmvt, om binili lish, miko ya im ona lashke, achi tuk okvt, chin tishu hvt imomokpulo atuk okvt.

27. Micha chin tishu ha nana mihachit a shahli miko ya im anoli tuk oke ; yohmi kia a shahli miko vt Chitokaka im enchel ak inli ho chiyuhmi hoke : yohmi hokvt chi holhponayo isht ish pisa kv achukma ish aiahni kak osh ish yvmohmashke.

28. Aki in chuka achufa moma kv a shahli miko itikba ya hatak illi vhleha chiyuhmi tuk oke : yohmi ak inli kia chin tishu ha chim ai impa binilit ai impa ka takla is sa binilechi tuk oke. Yvmohmi hoka katiohmi kak o himak a miko ya im ilbvsha la he vlhpesa hoh cho ? im achi tok.

29. Mihma miko vt, Nanta katiohmi ho nana chi katiohmi kv himak a isht ish anumpuli cho ? Chishno, micha Siba vt yakni ya hvsh itakashapashke, achi li tuk oke, im achi tok.

30. Mihma Mefiboshelh vt miko ya, Ome, mominchi hosh ik ishi, a shahli miko vt achukmakvt anonti in chuka vla hoka, im achi tok.

31. Mihma Kileatait hatak Basillai vt Lochelim mintit vla cha, miko ya ilauelet Chatan a hlopullicha chi hosh awant Chatan a hlopulli tok.

32. Micha Basillai vt hatak sipokni fehna hosh afemmi pokoli untuchina tok : atuk osh miko vt Mahanaim anta moma ma, ilhpak a im ahayuchi tok ; hatak nan in laua fehna hatuk okvt.

33. Mihma miko vt Basillai ya, Si awant hlopullit ish onakma, Chelusalem a a chimpvchi lashke, im achi tok.

34. Mihma Basillai vt miko ya, Si okchaya na hopaka he yatuk osh miko ya awant Chelusalem a ona la hinla cho ?

35. Himak nitak a afemmi pokoli untuchina li hoke : nana achukma, micha nana ik achukmo ka akostininchi la hinla cho ? chin tishu hvt nana impa li, micha nana ishko li

kvt yakohmi ahna hinla cho? himak pilla ma hatak taloa vhleha, micha ohoyo taloa vhleha aiena ka haklo la hinla cho? yvmohmi kvt katiohmi hō chin tishu hvt a shahli miko ya ataklvmmi kvt moyuma la hinla cho?

36. Chin tishu hvt miko ya awant Chatan a hlopullit olanli hō ona lashke: mikma nanta katiohmi hō miko vt nan vltoba yohmi ka a falvmminecha hinla cho?

37. Chin tishu hvt anonti falama lish, an temaha holihta yak inli a svllikmvt, aki micha hvshki itatuklo im ahollopi ya apotort sa hollopashke, chim asilhha lishke: amba yakeh! chin tishu Chimham oke; yvmmak osh a shahli miko ya awant iashke: mikma vlpesa ish ahni kak osh ish yvmih-chashke, im achi tok.

38. Mihma miko vt afalamichi mvt, Chimham vt si awant ia chi hoke, mikma nana achukma ish ai ahni kak osh i yvmihchi la chi hoke: micha nana hō yvmihchi la he is svm ahnikma, chi yvmihchi la chi hoke, im achi tok.

39. Mihma okla moma kvt Chatan a hlopulli tok. Atuk o miko vt ont kohcha mvt, miko vt Basillai ya i suksowa cha, anumpa yukpali onochi tok: mihma falamvt ilap ai vtta ya ona tok.

40. Mihma miko vt ivt Kikal a ona ma, Chimham vt awant ia tok: mihma Chutah okla moma, micha Israel okla iklvna ak kia aiena kvt miko ya ilauehit isht aya tok.

41. Mihma yakeh! Israel hatak vhleha moma kvt miko ya im vla mvt, miko ya. Nanta katiohmi hō il itibapishi Chutah hatak vhleha hvt pi hukopvt ishit chi kvnia cha, miko, micha in chuka achvfa, micha Lewi in trshka vhleha apehvt aya tuk aiena ka Chatan a hlopullichit isht vla cho? im achi tok.

42. Mihma Chutah hatak vhleha moyuma kvt Israel hatak vhleha ha afalamichi mvt, Miko vt pi kanomi fehna yoka; yohmi ka nanta katiohmi hō nana ilvppa ishit hvsh nokowa cho? miko nana i kvnia hō il impa tuk oh cho? keyukmvt na hvlbina nana kia pima tuk oh cho? achi tok.

43. Mihma Israel hatak vhleha hvt Chutah hatak vhleha ha, Miko ya kvshkoa pokoli hō il ahalanli cha, Lewi vt

pimmi vlhpesa kvt hvchishno ya i shahli hoke: yohmi ka nanta katiohmi hq hvsh pi shitilema cha, miko ya falvminchit isht vla ka tikba hvsh pi ponaklo haya tuk keyu cho? achi tok. Mihma Chutah hatak vhleha im anumpa hvt kvlllo kvt Isael hatak vhleha ha i shahli tok.

CHAPTER XX.

MIHMA yvmma Belial hatak, Bichli ushi Benchamait hatak, hohchifo kvt Sheba yosh anta yoba tok: atuk osh ishit pufa ya olachit, Lewi ya il ahalaia keyu, micha Chesse ushi ya il ai isha he vlhpesa vt iksho hoke: hatak puta kvt im vlhtipo aiyyukali onashke, achi tok.

2. Yohmi hq Isael hatak puta kvt Lewi ya iakaiya tuk vt falama cha, Bichli ushi Sheba yak o iakaiya tok: amba Chutah hatak vhleha hoketo i miko ya asitivt Chatan a ashvt Chelusalem a ona tok.

3. Mihma Lewi vt in chuka Chelusalem a vla tok; micha miko vt ohoyo pokoli im itaiena chuka yash apistikela chi hq ashachi cha, ia kash osh ishi cha, ai atoni ashachi cha, ipihinta kia, ik iba chukowo tok. Yohmi hq im okshilitvt, ohoyo vlhtakla yosh ai ashvt nitak ai illi ka ona tok.

4. Yohmi ma miko vt Amasa ya, Chutah hatak vhleha ha nitak tuchina itintakla ya is svn itvnahlashke, micha chishno mvt ilvppa ish anta chike, im achi tok.

5. Yohmi hq Amasa vt Chutah hatak vhleha ha itvnahlit ia tok: yohmi tuk kia nitak vlhpisa im apesa tuk a atvpa hq anta tok.

6. Mihma Lewi vt Abishai ya, Bichli ushi Sheba vt himak a nana pim okpuni kvt Absalom hatuk ak kia i shahla chi hoke: chi shahli in tishu vhleha ha ishi cha, iakaiyvt hlioli, tmaha holihta kvlllo chukowa cha, pi hlakofi na, im achi tok.

7. Mihma Choab in tvshka vhleha, micha Chelehlait vhleha, micha Pelehlait vhleha, micha hatak hlampko chilita moma kvt kohchvt iakaiya tok: micha Chelusalem a a kohchvt Bichli ushi Sheba ya iakaiyvt hliolit ia tok.

8. Atuk osh tvi chito vt Kibeon hikia ka ona ma, Amasa vt tikba hikia tok. Micha Choab i nafohka ishit fohka tuk vt vskofvchi isht ashilahchit taiyaha mvt, alataiya ka vskofvchi isht vskofaiyachi ma, bvshpo falaia vt i shukeha foyuka hosh a takali tok: atuk osh aya ma, shufvt ont itula tok.

9. Mihma Choab vt Amasa ya, Itibapishi li ma! chi achukmaka cho? im achi tok. Micha Choab vt i suksowa chi hosh ibbak isht impak imma ya Amasa nutakhish a isht ishi tok.

10. Yohmi kia Amasa vt Choab ibbak a bvshpo falaia vt foka ka yohmi ik ahno tok: yohmi ho naksi foni ont ishit tahlapik fehna ishit bahli na ikfoka vt kohevvt aka ont itula ma, himakma ik isso ki tok; mihma illi tok. Yohmi ho Choab, micha itibapishi Abishai ita tuklo kvv Bichli ushi Sheba ya iakaiyvt hlioli tok.

11. Mihma Choab in tvshka vhleha ha ai achvfa kvv a hikivt, Krva hosh Choab a i kana cha, Lewi yak o apelakmvt, Choab a ik iakaiya, achi beka tok.

12. Mihma Amasa vt hina iklva fehna issish a oka shalali tok. Atuk o okla moma kvv lumvt hiel na hatak ash osh pisa mvt, Amasa ya hina ya kanvlichit osapa ya isht ona cha, nantvna isht ompohomo tok; bilika vlakmvt, lumvt hikia na pisa mvt, yvmihchi tok.

13. Atuk osh hina ya kanvlichi ma, okla moma kvv Choab ak o iakaiyvt Bichli ushi Sheba ya hlioli tok.

14. Atuk o Islael apchichi moma ka hlopullit Abel, micha Belh-maachah, micha Belait moma ka isht ona tok: mihma okla ita hoyot itvnaha cha, iakaiyvt ia ak inli tok.

15. Micha okla onvt Abel Belh-maachah ak o in tanampit afolubli mvt, sakti ikbit, tmaha holihta ya apakfobli na yakni kula anukaka hikia tok: mihma okla moma Choab a apchvt aya tuk vt akvcha chi hosh, holihta chaha ya nana ishit komoha tok.

16. Mihma ohoyo hopoyuksa yosh tmaha holihta ya et a payvt, Ho haklo, ho haklo; Choab a oh im achi, hvchim asilhha lishke, Bilika ish la na ak chim anumpuli, achi tok.

17. Atuk o bilika vla ma, ohoyo hash osh, Choab chia

hoh cho? achi tok. Mihma afalamichit, Mihiyo sia hoke, achi tok. Yohmi ma, Chin tishu ohoyo im anumpa ha ish haklashke, im achi tok. Mihma afalamichit, Haklo lishke, achi tok.

18. Mihma anumpulit yak achi tok, Chashpo ka anumpulikmvt, yak achi beka tok; Abel ak o okla a ponaklo pulashke: micha yakohmichit nana ka issvchi beka tok.

19. Uno vt Israel a it i kanvt ahli achukma vhleha ha ai achvfa sia hoke: tumaha holihta ya okpunit tahli; micha hatak ishki yosh Israel yakhi ahanta ka vbi chi bvna hosh ish hoyoshke: nanta katiohmi ho Chihowa im ai isha he vhpesa ka isht ish nanvblit ish kancha chi cho? achi tok.

20. Mihma Choab vt afalamichit, Ishit nanvbli, keyukmvt vbit tahli ka yohmi la he vt olanli iksho kashke, olanli iksho kashke, achi tok.

21. Nana kvv yvmmak keyu, amba Eflaim nvni hatak Bichli ushi Sheba hohchifo hosh ibbak a wielit miko ya im a sanalit, Lewi fehna ka im a sanali hoke: yvmmak illa ho hrs sumakma, tumaha holihta ya i filvmmi ia lashke, achi tok. Mihma ohoyo hash osh Choab a, Yakeh! noshkobo ha tumaha holihta vbanvblichit et chi pila chi hoke, im achi tok.

22. Yohmi ma ohoyo hash osh hopoyuksa hosh okla moma ka im ona tok. Mihma Bichli ushi Sheba noshkobo ha okla tvbli cha, Choab a okla kocha pit i pila tok. Mihma ishit pufa olachi ma, tumaha holihta yash okla i filvmmi, tiapvt, im vlhtipo aiyukali ona tok. Mihma Choab vt falamvt Chelusalem a vlv, miko ya im vla tok.

23. Mihma Choab vt Israel tvshka chipota moma ka pehliechi tok: mihma Chehoita ushi Benaiah vt Chehlelait vhleha, micha Pehlelait vhleha aiena ka pehliechi tok:

24. Mikma Atolam vt noshkobo atobbi yak o isht vta tok; mikma Ahilut ushi Chehoshafat vt holisso takalichi atok:

25. Mikma Shefa ak osh holissochi atok: mikma Satok, micha Abiahla ak osh naholitompa isht ashwa atok.

26. Mikma Chailait hatak Ila ak osh pehlich i shahli osh Lewi im ahanta beka tok.

CHAPTA XXI.

YOHMI ma Lewi vt ahanta nitak a afummi hosh afum-
mikma, hohchahafo kut afummi tuchina tok: mihma
Lewi vt Chihowa nashuka ya hoyo tok. Mihma Chihowa
vt afalaminchi mut, Sal ak atok, micha in chuka achufa
issish hlatvbli tok ak oke, Kibeonait vhleha ha vbit tahli tok
oka, achi tok.

2. Mihma miko vt Kibeonait vhleha ha i howa cha, im
achi tok; (mihma Kibeonait vhleha hut Israel im vlla vhle-
ha ha ai achufa keyu, amba Amolait okla ha ai unchololi a
tok; mihma Israel im vlla vhleha hut anumpa kullo il ono-
chit i miha tok atok: mihma Sal vt Israel, micha Chutah
aiana ka i hullot amohsholi hosh vbi bunna tok.)

3. Yvmohmi ho Lewi vt Kibeonait vhleha ha, Nanta ho
hvchi katiohmichi la chi cho? micha nanta ho isht atobbi li,
Chihowa im ai isha he vhpesa ya anumpa yukpali hvsh
onocha chi cho? im achi tok.

4. Mihma Kibeonait vhleha hut, Sal immi hatuk a tvi
huta, micha tvi holisso lakna, keyukmut in chuka achufa
immi hatuk ak oh kia pi ahalaia he keyu, micha pishno ak
atuk mak o hatak nana kia Israel yakni ya ish ai vba he
keyu hoke, im achi tok. Mihma, Nana ho hvsh achikma,
yummak o hvchi yvmibchi la chi hoke, im achi tok.

5. Mihma miko ya okla afalaminchit, Hatak pi tahli tuk,
micha mosholit pi taha cha, Israel aiasha fullota ka kanima
il asha he keyu ka chi ho, nana anukfillit pi sanali tuk ak o,

6. Ushi vhleha hatak untuklo hosh pibbak a fohka cha,
Chihowa vt atokoli tok Sal yvmut ai vta tok Kibeah ak
o, Chihowa ya il im a takohlichashke, im achi tok. Mihma
miko vt, Chima lashke, achi tok.

7. Yohmi kia miko vt Sal ushi Chonahlan a ushi Mefibo-
shelh ano apoanchi tok: anumpa kullo Chihowa ya im ikbit
it ima tok takali hatuk oka, Lewi, micha Sal ushi Chonahlan
it in takanli hatok.

8. Amba miko vt Aiah ushetik Lispah ushi tuklo Sal a

im eshi tok, Almoni, micha Mefiboshelh, micha Sal ushetik Michal ushi tahlapi yummvt Meholahlait hatak Basillai ushi Atliel a i hofantichi tok aiena kak o ishi tok.

9. Micha Kibeonait vhleha ibbak a fohki na nvni pak-naka Chihowa itikba takohlichei tok: nana vmo nitak bali vmot isht ia vmona fehna ho vbi na untuklo kvv moma hosh it apihvt akakoha tok.

10. Mihma Aiah ushetik Lispah vt nahishi nantvna ishi cha, tvli ya ai anta chi kvv ompatali mvv, nan vmot isht ia ak atuk vt oka vt vba minti kvv onvtula ont vli ka, nitak a vba hushi puta kvv ik om binili ik ahno, micha ninak a kovi nampoapa puta kvv ik yvmohmi, ik ahno beka tok.

11. Atuk o Aiah ushetik Lispah Sal im itaiena yvv nana yvmihchi tuk a Lewi ya im anoli tok.

12. Mihma Lewi vt ivt Sal foni, micha ushi Chonahlan foni ya Chabesh-kileat hatak vhleha, yvmmak osh Filistin vhleha hvv Sal a Kilboa ya ai vbi mvv, Filistin vhleha hvv Belh-shan ai itvnowa hina a takohlichei tuk o ont hvkopa tok a, ont im ishi tok.

13. Micha yvmma Sal foni, micha ushi Chonahlan foni ya ont ai isht vla tok: micha vba takohlichei tuk ash foni ya okla aiowa tok.

14. Mihmvv Sal, micha ushi Chonahlan foni ya Bencha-min i yakni Selah iki Kish im ahollopi ak o okla holpi tok: micha miko vt nana im apihisa tuk ak o moma yvmihchi tok. Micha yvmohmi kak o Chitokaka vt yakni yash isht asilhha ma, vlvhesa im ahni tok.

15. Atuk o anonti Filistin vhleha hvv Israel a it in tannampi tok: mihma Lewi, micha in tishu vhleha aiena kvv ia cha, Filistin vhleha ha itibi tok: mihma Lewi vt hoyvblit isht ia tok.

16. Mihma Ishbi-benob, yummvt hatak chaha ushi vhleha ha ai achvfa yosh in tvbi tvli halupa ontvla noshkobo asonak lakna yosh weki kvv shekel tahlepa tuchina tok; micha bvshpo falaia himona yo vskofaiyachi tuk osh Lewi ya vbi ka ahni tok.

17. Yohmi tuk kia Seluiah ushi Abishai vt apela cha,

Filistin ash fahama mvt, vbi tok. Yohmi ma Lewi in tvsh-ka vhleha hvt anumpa kvllo i mihvt, Himakma pi awant itibit ish ia he keyu, yvmohmi hosh Israel i pula ka chik mosholecho kashke, im achi tok.

18. Atuk o ilvppa i himmakma yakohmi tok, anonti Kob a Filistin vhleha ha ai itibi tok: yohmi ma Hushahlait hatak Sibbechai vt Saf a vbi tok, yvmmt hatak chaha ushi vhleha ha ai achvfa hatok.

19. Atuk osh anonti Filistin vhleha ha Kob a ai itibi tok, yvmmak o Chaale-olechim ushi Elhanan Behlehem hatak vt Kittait hatak Koliah itibapishi ha ai vbi tok; ymma in tvbi tvli halupa ontvla vpi vt nantvna im iti okhowata ak o chohmi tok.

20. Atuk osh himakma Kalh a ai itibi tok; ymma hatak chaha fehna yosh ibbak achvfa ka ibbak ushi hannali, micha iyi achvfa ka iyi ushi hannali, holhtina kv pokoli tuklo cha, akucha ushta tok; micha yvmmak kia hatak chaha im vtta atok.

21. Atuk osh Israel a pafi ma, Lewi itibapishi Shimeah ushi Chonahlan vt vbi tok.

22. Ushta ilvppet hatak chaha yash im asha tuk osh Lewi ibbak, micha in tishu vhleha ibbak ak o isht akakoha tok.

CHAPTA XXII.

MIHMA Chihowa vt Lewi ya in tvnvp moma ibbak, micha Sal ibbak aiena ka a hlakofichit taiyahli nitak ymma taloa anumpa ilvppa Chihowa ya im anumpuli tok.

2. Micha, Chihowa vt an tvli chito, a holihta kvllo, micha sa hlakofichi yoke.

3. Chitokaka an tvli chito, yvmmak o anukchieto la chi hoke: yvmmak osh an telihpa, micha vm ai okchaya lapish, a holihta chaha, micha vm ahlakofi, sai okchalinechi yoke: chishno ak osh sa hotopala hinla ka is sa hlakoficha chi hoke.

4. Holitopot isht anumpa he vlhpesa Chihowa ya i pa

haya la chi hoke : yohmi li hosh an tenv puta ka i hlakofi la chi hoke.

5. Nan illi banvtha kv_t si afolubli tuk ; hatak haksi puta oka chito yanvllit pvlhki chohmi kv_t sa nukshobli tuk ;

6. Aiokpuloka nukhvmmi vt si apakfoyubli tuk ; nan illi isht hokli vt si afama tuk ;

7. Yvmohmit sa komunta mvt, Chihowa yak o i pahaya li tuk, micha an Chitokaka yak o ilbvsha li tuk oke ; mihma vm anumpa ha im aholitopa et vm a haponaklo tok ; vm anumpa ilbvsha yvt haksobish a chukowa tok oke.

8. Yohmi ma yakni vt winakvchi cha, wvnihinchi tok ; anukhobela hatuk o, vba ai ontalaia puta kv_t kanvlli cha, winakvchi tok.

9. Mihma nukhobela ma, shobulli kv_t kohchvt vba maya ma, luak vt itakha ya kohcha kv_t okpvnit tahli tok : tobaksi vt ishit libbi tok oke.

10. Uba shutik ak kia bichulli cha akowa tok ; mihma iyi nutaka ya hoshonti okhlili hosh talaia tok.

11. Micha chelub om binili cha, hikvt aya tok : micha mahli sanahchi om binili cha aya hosh haiaka tok.

12. Micha okhlilika, hoshonti umba lusa, micha vba hoshonti sukko ka isht im ompoholmo ikbit il afolubli cha aya tok.

13. Itikba libbi kv_t tobaksi luak vt ishit libbi tok.

14. Chihowa vt vba ya hiloha tok, micha Chaha i shahli hv_t et olachi tok.

15. Micha i naki puta ka pila cha, fimmi tok : hvshukmvlli ya pila cha, komuntvchit yuhli tok.

16. Micha Chihowa vt im alvmmi ma, im ai i nukkilli fiopa kv_t mahli ma, okhvta ataya puta kv_t haiaka, yakni ai ontalaia puta kv_t haiaka tok.

17. Uba ya et pivt svshi tok, oka laua ya halvllit a sa kohchi tok.

18. An tenv kvllo, micha a nukkilli tuk vhleha ha a sa hlakofichishke ; an kvllo fehna tuk oke.

19. A svlvsha nitak a okla si afama tok oke ; yohmi kia Chihowa ak osh sa halvlli yatuk oke.

20. Micha kohchit achito ka svsht vla tok: si ahninchī hatuk osh, sa hlakofichī tok oke.

21. Ai vlhpiesa si yvmohmi tuk mak o Chihowa vt si yvmihchī tok; svbbak vt kashofa tuk mak o vm atobbi tok oke.

22. Chihowa i hina foyukvt aya lish, micha shitilemvt an Chitokaka ya ak i filvmmo tok oka.

23. Nan apesvt yvmihinchī moyuma kv̄t sa tikba takali chatuk; micha i nan vlhpisa puta ka i filvmmi li chatuk keyu hoka.

24. Micha itikba ya ai ahli bieka hosh aya lish, nana ai ashvchi li ya ak il ahalaiacho chatuk oke.

25. Yvmohmi hoka nana ai vlhpiesa yvmohmi li tuk mak o, i holhponayo itikba ya sa kashofa tuk mak o, Chihowa vt vm atobbi tok oke.

26. Nan i nukhaklo yokma, nan i nukhaklo yosh ish im ile haiakvcha hi oke; ai vlhpiesa yvmohmi hatuk okma, ai vlhpiesa yvmohmi yosh ish im ile haiakvcha hi oke.

27. Kashofa yokma, kashofa yosh ish im ile haiakvcha hi oke: isht acheba yatuk okma, ik achukmo hosh ish im ile haiakvcha hi oke.

28. Micha chishno ak osh okla ilbvsha ya ish okchalinea hi oke: amba ilefehnvchi ano aka isht ish la chī hosh chi nishkin vt onvtoyula hoke.

29. Chishno ak osh am pula chia hokvt, Chihowa ma! micha Chihowa vt vm okhlilika ya an tohwikelicha hi oke.

30. Chishno pulla kak o tvshka laua ka malelit hlopulli li tuk okvt: an Chitokaka pulla kak o holihta chaha o walvbli li tok oke.

31. Nan okluha imaiya ak okvto im vlhtayak vt ai ahli yoke; Chihowa im anumpa hv̄t imomaka pisa yoke: anukchieto puta ka in telihpa yoke.

32. Kv̄ta hosh Nan okluha imaiya yo? Chihowa ak bano keyu cho? kv̄ta hosh tvli chito yo? pin Chitokaka ak bano keyu cho?

33. Chitokaka ak osh vm i hlampko, micha isht ai ahli li yoke; ataya li ka vlhpiesa ho vm ikbi hoke.

34. Saiyi ya issi iyi ya chohmichi hoke: micha vm achahaka puta ka sa hilechi hoke.

35. Svbbak a itibi ka ithvnanchi hoke; yohmi ho asonak lakna iti tanampo vt sa shakba ishit kobafa hoke.

36. Micha chim aiokchaya teliha ya is soma ak inlishke: ish il akanlichi kak osh is sa holitobliskhe.

37. Sa nutaka a nowa li ya ish pvrthvchishke: yohmi na saiyyi yvt ik shakalvillo tuk oke.

38. An tvnvp puta ka hlioli li mvt, nosholichi li tuk oke; micha ak tahlo kvv anonti ak falamo tuk oke.

39. Micha tahli li tuk, micha nvhli li ma, wakaya he keyu tok; ahli saiyyi nutaka akakoha tok.

40. Itibi ka hlampko ho isht is si vskovchichi tuk oka; wakayvt a sanali ka imaiyachit, sa nutaka ish ashachi tuk oke.

41. A nukkilli puta ka mosholicha la chi ka, an tvnvp puta choshak a is soma tuk oke.

42. Okla hopokoyo kia, okchalinya chi kvv iksho tok; Chihowa ya okla hoyo kia, ik im afalamicho tok.

43. Yohmi ma bolit pushechit lukfi pushi ya chiyuhmichi li tok, tmaha ai itvnova hina lukchuk chohmichit a hvhlichi li tok, micha fimmit isht aya li tok.

44. Micha vm okla itachowa ya is si ahlakofichi ak inli tuk oke; is sa halvlli na oklushi puta ka i noshkoboka toba la hi atuk oke: okla ak ithaiyano tuk kia a nutaka hi oke.

45. Okla inla puta kvv vm ile nutakvcha hi oke: sa haklo mak inli hosh okla vm antia hi oke.

46. Okla inla puta kvv mosholit ia hi oke; micha im ai okshilita ya ashvt nukshopa hi oke.

47. Chihowa vt okchaya hoke; micha an Tvli chito yvt holitopashke: micha vm ai okchaya tvli chito Chitokaka vt chahashke.

48. Chitokaka yak osh vm ilaiokha hoke; micha yvm-mak osh okla ha aka isht vlvv sa nutakvchi hoke.

49. Micha yvmmak osh an tvnvp puta ka a sa kohchi hoke: micha wakayvt a sanali tuk puta ka vbanvblichit vba svst itv achahaka is svst ona tuk oke: hatak o walamply ya is si a hlakofichi tuk oke.

50. Yumohmi hoka oklushi puta ititakla ya a chi aiokpahanchi la hi oke; micha chi hohchifo ha holitoblichit chin talohowa la chi hoke.

51. Yummak osh i miko ya i holihta chaha ai okchaya yoke: micha nan ahamvt im vlhtoka Lewi, micha im ai unchololi ya isht i nukhaklo vt i haiakahanchi na bilia hoke, achi tok.

CHAPTA XXIII.

MICHA Lewi im anumpa ishtaiyopi kvv ilvppak oke. Chesse ushi Lewi vt, micha chahvchit vba binilechi tok hatak vt, Chekob in Chitokaka nan ahamvt im vlhtoka, micha Israel in taloa imponna yvt yak ahanchi tok.

2. Chihowa imi Shilombish vt sa tohno na anumpuli li tok; micha im anumpa hvv sa sunlvsh a a takali tok.

3. Israel in Chitokaka vt yak achi tok, Israel in Tvli chito vt vm anumpulit, Hatak vhleha ha pehlichit kvv aivlhpiessa he vlhpessa, Chitokaka ya i nukwia hosh pehliecha he vlhpessa hoke.

4. Michah onnahinli tohwikeli hvshi vt kohchvt mihinti kak o, onnahinli hoshonti iksho, hvshuk waloha achukma yosh umbvt issa cha, tommi shobkaualikma yakni offot a kohcha kak o chiyuhma he vlhpessa hoke, achi tok.

5. An chuka achvfa yvt Chitokaka ya i yumohmi keyu ak inli kia, yohmi kia nana it im vlhpissa bilia sa tim apihissa tok ai oklvhv vlhtaiyaha cha, ik ahlo keyu ka hi oke: ilvppak osh ai okchaya li vt yummak bano hoke, micha yummak bano ho ai ahni li hoke, offochi keyu kisha ak inli kia.

6. Yohmi kia Belial hatak vhleha kvno moma kvv kvv ishik kanchi ya chohma hi oke, ibbak a isht isha he keyu hoka.

7. Amba kvna hosh potola hinlakmvt, tvli yo im vlhtaha he vlhpessa, tvbi falaia tvli halupa ontvla yo iesha he vlhpessa hoke; mikma yummak inli ho luak okla ishik luvv vmohma hi oke, achi tok.

8. Hatak hlampko chilita vhleha hosh Lewi vt im asha

tok hohchifo kvt ilvppak oke. Tachmonait hatak kvpitvni vhleha i noshkoboka yosh ai om binili om binili tok; yvm-mvt Esnait hatak Atino ak atok; tahlepa tuchina hō in tubi tvli halupa ontvla o weli mvt, himonna achvfa ka vbit tahli tok.

9. Micha yvmma iakaya kvt Ahohait hatak Toto ushi Eleasa, yvmmvt Israel hatak vhleha hvt kanima ivt taha tuk o, Filistin vhleha hvt itiba chi hosh iti hoyot itvnaha ma, hatak hlampko chilita tuchina Lewi apeha hosh pafi tuk a ibai achvfa tok.

10. Yvmmvt wakaya cha, Filistin vhleha ha issot kahan-chi mvt, ibbak vt tikambi cha, bvshpo falaia ya ibbak vt a kullo tok: mihma Chihowa vt nitak yvmma imaiyvchichi fehna tok: mihma okla hvt peh wehpula chi hosh falamvt iakaiya tok.

11. Mihma iakaya kvt Halalait hatak Akee ushi Sham-mah ak atok: atuk o Filistin vhleha hvt iti hoyot itvnaha cha, yakni iskitini tubi hullo aiasha hō nan vllhpoa vpa hoyot lokoli tok: mihma okla hvt Filistin vhleha itikba ya yihlepa tok.

12. Yohmi kia yakni yash iklvna hikia cha, afohowa mvt, Filistin vhleha ha vbit tahli tok: mihma Chihowa vt imaiyvchichi fehna tok.

13. Atuk o noshkoboka pokoli tuchina ka tuchina hosh nan vmo ai vllhpesa hō ivt Atullam hichukbi Lewi ai vtta ka ona tok: mihma Filistin tvshka chipota hvt Lefaim okfa hak o binachi tok.

14. Yohmi ma Lewi vt hichukbi yo anta tok; mihmvno Filistin tvshka chipota hvt Behlehem ak o aiasha tok.

15. Mihma Lewi vt bvna fehna cha, Kvna kia Behlehem kvli hofobi holihta okhissa bilika hikia ka, oka ont ai ishit ant sapetak bano, achi tok.

16. Mihma hatak hlampko chilita tuchina kash osh Filistin tvshka chipota ya tivblit hlopulli cha, Behlehem kvli hofobi holihta okhissa bilika hikia tuk ont ai ochit ishi cha, Lewi ya isht vla tok: yohmi kia ishka he keyu hosh, amba Chihowa ya in hlatvbi tok.

17. Micha, Ilvppa chiyuhmi ka yvmihchi la hi vt olanli iksho kashke, Chihowa ma! ilvppvt ilap im ilbfopak a ish-kunvpachit ia tuk issish mak keyu cho? achi tok: yvmohmi hatuk osh ishka he keyu tok. Ilvppa puta ka hatak hlampko chilita tuchina ilvppak ash osh yvmihchi tok.

18. Mihma Choab itibapishi Seluah ushi, Abishai ak osh tuchina ka i noshkoboka atok: in tvbi teli halupa ontela o weli cha, tahlepa tuchina ho vbit tahli tok: micha hohchifo hvt tuchina kak o ibafoyuka tok.

19. Holitopa kv tuchina kash i shahli tok keyu cho? yvmohmi hosh pehlich i atok: yvmohmi kia tuchina vmmona kvno ik ono ki tok.

20. Mihma Chehoiata ushi Benaiah, hatak chilita nukwia iksho Kabseel minti ushi yosh, nana kaniohmi kv lau a tuk vt, Moab hatak tuklo hosh koi chito chohmi ho vbi tok: micha oktusha ho ia cha, koi chito vt yakni kula fok a ma vbi tok.

21. Micha Echip hatak osh hatak pisa achukma ho vbi tok: mihma Echip hatak ash osh tvbi teli halupa ontela ieshi tok: mihma tvbi yo ieshi cha, im ona mv t, tvbi teli halupa ontela Echip hatak ibbak fohka kash mokofit im ishi cha, ilap in tvbi teli halupa ontela yash inli ho isht vbi tok.

22. Ilvppa puta kak o Chehoiata ushi Benaiah vt yvmihchi tok; micha hatak hlampko chilita tuchina kak o hohchifo hvt ibafoyuka tok.

23. Holitopa kv pokoli tuchina kash i shahli tok; yohmi kia vmmona tuchina kash ano ik ono tok. Mihma Lewi vt ilap atoni ya pehlich i hilechi tok.

24. Choab itibapishi Asahel vt pokoli tuchina kash ibafoyuka tok; Behlehem hatak Toto ushi Elhanan,

25. Halotait hatak Shammah, Halotait hatak Elik a,

26. Paltait hatak Heles, Tekoait hatak Ikkes h ushi Ila,

27. Anehloh lait hatak Abiese, Hushahlait hatak Mebunnai,

28. Ahohait hatak Salmon, Netofahlait hatak Mahalai,

29. Netofahlait hatak Baanah ushi Heleb, Benchamin im vlla vhleha ha ai achvfa Kibiah minti Libai ya ushi Ittai,

30. Pilahlonait hatak Benaiah, Kaash bokushi puta minti Hittai,

31. Abahlait hatak Abi-albon, Bahumait hatak Asmafelh,

32. Shaalbonait hatak Eliahba, Chashen ushi vhleha ha ai achvfa Chonahlan,

33. Halalait hatak Shammah, Halalait hatak Shala ushi Ahiam,

34. Maachahlait hatak ushi Ahasbai ya ushi Elifelet, Kilonait hatak Ahihlofel ushi Eliam,

35. Kamelait hatak Heslai, Abait hatak Paalai,

36. Sobah minti Nahlan ushi Ikal, Katait hatak Bani,

37. Ammonait hatak Selek, Seluiah ushi Choab i naha-lupa sholi Beelohlait hatak Nahalai,

38. Ilhlait hatak Ila, Ilhla hatak Kaleb,

39. Hittait hatak Uliah: moma kvt pokoli tuchina aku-cha untuklo tok.

CHAPTA XXIV.

A NONTI Chihowa im ai i nukkilli vt Israel a i sanalit libbi tok; Lewi ya anukfohki na, Ia cha, Israel micha Chutah ya ish hohtinashke, im achi tok oke.

2. Mihma miko vt tvshka chipota vhleha i kvpitvni ibafoyuka tuk Choab a, Himak a ia cha, Israel apelhichi moma Tan vttvt ia kvt Bee-sheba ont vhli ka hlopullit, okla ha ish hotihnashke, yohmi na okla holhtina ka ithana lashke, im achi tok.

3. Mihma Choab vt miko ya, Yohmi ka holhtina kvt ik kaniohmi hoh kia chin Chitokaka Chihowa vt okla ha in lohmi tahlepa achvfa ka ibafohkashke, mikma a shahli miko nishkin vt pisashke: yohmi kia nanta katiohmi ho a shahli miko vt nana ilvppa isht im achukma cho? im achi tok.

4. Yohmi kia miko im anumpa hvt Choab, micha tvshka chipota i kvpitvni vhleha aiena ka imaiya tok. Mihma Choab, micha tvshka chipota i kvpitvni vhleha aiena kvt Israel okla ha hotihna chi hosh miko itikba ya a kohchvt ia tok.

5. Mihmet Chatan a hlopullit ia met, temaha holihta okhina Kat iklna talaia im ishtimpak imma, Chase pilla Aloe yak o ont binachi tok.

6. Yohmi met Kileat a okla ona cha, Tahtim-hotshi yakni ya ona tok: micha Tan-chaan a ona met, fullotet Siton a ona tok.

7. Michä Taia holihta kello ya onet, Hifait okla in temaha holihta puta, micha Kenanait okla in temaha holihta puta moma ka ona tok: micha Chutah ya im oka mahli pilla okla ivt Bec-sheba ont vhlchi tok.

8. Yemohmi tuk osh yakni moma ka hlopullit taiyahli met, hvshi chakkali cha, nitak pokoli tuklo ket ont taha ma, Chelusalem a okla vla tok.

9. Mihma Choab et okla holhtina moma ka miko yash ant ima tok: mihma Israel a hatak chilita nukwia iksho bvshpo falaia ieshi ket tahlepa sipokni tahlepa untuchina tok: mikma Chutah hatak vhleha het tahlepa sipokni tahlepa tahlapi tok.

10. Atuk o okla ha hotihna hayak o, Lewi chukvsh et nvhli tok. Mihmet Lewi et Chihowa ya, Yemma yemiheli li ket ashvchi li fehna tuk oke: yohmi ka Chihowa ma! himak a chin tishu nanashvchi ya isht ish kanvllichashke, chim asilhha lishke; em anukfila iksho hosh yemiheli li tuk oka, im achi tok.

11. Onnahinli Lewi et tani ma, Chihowa im anumpa het hopaii Kat, Lewi i napisa ya im vla cha,

12. Ia cha, Lewi ya yak im achi, Chihowa et, Nana tuchina ho chin takalichi lishke; achvfa ho ish atokolashke, yohmikma chi yemiheli lashke, yak achishke, ish im achashke, achi tok.

13. Yohmi ma Kat et Lewi ya im vla cha, im anolit, Afemmi untuklo hochevfo hosh chi yakni ya chim vla chi cho? ak cho? hvshi tuchina ho chin tenvp puta ket chi hlioli na ish in chahafa chi cho? ak cho? ililli okpulo et nitak tuchina ho chi yakni ya aya chi cho? himak a ish anukfilli cha, anumpa falama kaniohmi ho et sa pila tuk a falemnichit isht im ona la chi ka ish mihashke, im achi tok.

14. Mihma Lewi vt Kat a, Ai atikonofa fehna h_o hikia lishke: himak a Chihowa ibbak ak o e fohkashke; isht i nukhaklo vt chinto hoka; micha hatak ibbak ano ak fohko kashke, im achi tok.

15. Yohmi h_o Chihowa vt Israel a ililli okpulo et onochi na onnahunli y_o isht ia mvt, nitak v_hhpisa tuk ont ai v_hhpiesa tok: mihma okla illi kv_t Tan v_ttvt i_vt Bee-sheba ont v_hli ka hatak tahlepa sipokni pokoli untuklo tok.

16. Atuk o enchel vt Chelusalem a issot kancha ch_i hosh ibbak weli ma, Chihowa vt nana ik achukmo ka ishit nukhaklo mvt, okla issot kanchi enchel a, V_hhpesá, himak a chibbak a ish issvchashke, im achi tok. Mihma Chihowa im enchel ash osh Chebusait hatak Alaunah im anihechi yak o bilika hikia tok.

17. Atuk o Lewi vt okla issot kanchi enchel a pisa mvt, Chihowa y_a im anumpulit, Yakeh! vno ak osh nan ashvchit, vno ak osh nan ik v_hhpeso fehna y_mmihchi li tuk oke: yohmi kia chukfulhpoa ilvppvt nanta h_o katiohmi tuk oh cho? chibbak vt vno, micha a_ki in chuka achvfa yak o i sanalashke, chim asilhha lashke, achi tok.

18. Mihma Kat vt nitak y_mmma Lewi y_a im v_la cha, Ia cha, Chebusait hatak Alaunah im anihechi y_a alta Chihowa y_a im ikbit ish hilechashke, im achi tok.

19. Mihma Chihowa vt nana apesa na Kat vt achi tuk mak o, Lewi vt ia tok.

20. Mihma Alaunah vt hopokoyo mvt, m_iko, micha in tishu v_hleha aiena kv_t minti na pisa tok. Michu Alaunah vt kohecha cha, m_iko itikba y_a akachunolit nashuka y_a aka ishit hlipia tok.

21. Mihma Alaunah vt, Nanta katiohmi h_o a shahli m_iko vt in tishu h_a im v_la cho? achi tok: mihma Lewi vt, Chim anihechi y_a chumpa lish, Chihowa y_a alta im ai ikbi likma, ililli okpulo vt okla h_a i yokopa ch_i kak oke, achi tok.

22. Mihma Alaunah vt Lewi y_a, A shahli m_iko vt nana kak osh im v_hhpesakmvt, ishi cha, isht aiokpvchashke: yakeh! na hukmit isht aiokpvchi v_to wak vt yak hinlishke, iti yokv_to nana ishit nihechi, micha wak ishit toksv_li aiena kv_t yak ashvshke, im achi tok.

23. Nana ilvppa puta moma ka Alaunah vt miko chohmit miko yash ima tok. Micha Alaunah vt miko ya, Chin Chitokaka Chihowa vt chim aiokprchashke, im achi tok.

24. Mihma miko yash osh Alaunah ya, Ahá! amba vbi ho chin chumpa li pulla chi hoke: micha an Chitokaka Chihowa ya nana a kunia tuk keyu hokuto na hukmit isht aiokprchi la he keyu hoke. Yohmi ho Lewi vt anihechi, micha wak aiena ka tuli hvta shekel pokoli tahlapi ho chumpa tok.

25. Mihma Lewi vt Chihowa ya ymma alta im ai ikbi cha, na hukmit isht aiokprchi puta, micha it i nanaiychi isht aiokprchi puta aiena ka im issa tok. Yohmi ho yakni ya isht ilvshet anumpuli ka Chihowa vt vhpesa im ahni na ililli okpulo vt yokopa tok.

MIKO UHLEHA

ISHT ANUMPA UMMONA HOKE.

MIKO V̄HLEHA

ISHT ANUMPA V̄MMONA HOKE.

CHAPTA I.

MIHMA miko Lewi vt sipoknit taiyaha, nitak in lauvt taiyaha tok; mihma anchi isht ompohomo kia, libisha he keyu tok.

2. Yohmi ma in tishu v̄hleha hvt, A shahli miko ya choyo himita hatak haleli keyu yō i hoyashke; mikma miko ya itikba hikia cha, heh ahnit sholashke, micha chi apota na, a shahli miko vt libishashke.

3. Yohmi hō ohoyo himita pisa aiokli hō Israel aiasha fullota moma ka a hoyo mvt, Shunamait ohoyo Abishak ahayuchi cha, miko ya isht im v̄la tok.

4. Mihma ohoyo himita yash osh pisa aiokli fehna tok; mihmet miko ya heh ahnit shoyuli cha, nana isht im ahanta tok: yohmi kia miko vt ik ithano tok.

5. Yohmi ma Hakkilh ushi Atonichah vt ile chahvchit, V̄no ak osh miko la chī hoke, achi tok: mihmet tenvp itichanvlli puta, micha issuba om binili v̄hleha, micha hatak pokoli tahlapi aiena tikba malela chī ka il atahli tok.

6. Mihma iki vt nitak nana kia, Nanta katiohmi hō ish yumihechi cho? achit im alummi keyu hatok: micha hatak pisa achukma tok; Absalom iakaiya hō ishki vt sholi atok.

7. Atuk o Seluah ushi Choab, micha Abiahla naholitompa isht v̄tta ya it im anumpuli tok: mihma Atonichah ya iakaiyvt okla cha, apelvchi tok.

8. Yohmi kia Satok naholitompa isht v̄tta, micha Chehoi-ata ushi Benaiah, micha Nahlan hopaii, micha Shimei, micha

Lei, micha hatak hlampko chilita vhleha aiena Lewi apehvt asha vt Atonichah ya ik ibafoko tok.

9. Mihma Atonichah vt chukfvlhpoa, micha wak, micha wak ilhpitvt nia aiena ho Sohelelh tvli ya bilika, yummvt En-lokel ituma ya ai vbi mvt, itibapishi vhleha moma, miko ushi vhleha, micha miko in tishu vhleha, Chutah hatak vhleha moma ka im anoli tok.

10. Amba Nahlan hopaii, micha Benaiah, micha hatak hlampko chilita vhleha, micha itibapishi Solomon aiena kvno ik im anolo tok.

11. Yvmohmi ma Nahlan vt Solomon ishki Balh-sheba ya im anumpulit, Atonichah Hakkilh ushi vt miko ka chik haklo tuk oh cho? mihma Lewi pi shahli vt ik ithanoshke, achi tok.

12. Yvmohmi hoka inta! himak a chim asilhha lishke, nana ak chi miha na chishno chim ilhfiopek, micha chiso Solomon im ilhfiopek ita tuklo ka ish hlakofichashke.

13. Ia cha, chukowvt miko Lewi ya im ona cha, A shahli, miko ma! chin tishu ohoyo ha anumpa kvllo il onochit ish i miha kv; Chiso Solomon ak osh siakaiyvt miko cha, vm ai ombinili holitomp ya ombinili pulla hi a is svm achi tok keyu cho? yohmi hokak o nanta katiohmi ho Atonichah vt miko cho? ish im achashke.

14. Yakeh! miko ya it im anumpulit isht ish anta itintakla ma, vno ak kia chiakaiyvt chukowa lish, chim anumpa ha ai ahlichilashke, achi tok.

15. Mihma Balh-sheba vt miko ya ibachukowvt anusi aboha ya chukowa tok: mihma miko vt sipokni fehna tok: mihma Shunamait ohoyo Abishak vt miko ya nana isht im ahanta tok.

16. Mihma Balh-sheba vt miko ya im akachunoli cha, aiokpuchi tok. Mihma miko vt, Nanta ho ish ahni cho? achi tok.

17. Mihma, A shahli ma! chishno vt chin tishu ohoyo ha anumpa kvllo il onochit chin Chitokaka Chihowa pulla ka isht is sa mihvt, Chiso Solomon ak osh siakaiyvt miko pulla cha, vm ai ombinili holitomp ya ombinila hi oke, ish ahanchi tok.

18. Yohmi tok okak o himak a yakeh! Atonichah ak osh mikoshke; mihma himak a, a shahli miko chia hvt chik ithanoshke.

19. Micha wak, micha wak ilhpitvt nia, micha chukfvlhpoa aiena ka lauachit vbi cha, miko ushi vhleha moma, micha Abiahla naholitompa isht vtta, micha tvshka chipota i kvpitvni chito Choab aiena ka im anoli tok: yohmi kia Solomon chin tishu hano ik im anoloshke.

20. Mihma a shahli miko ma! kvna hosh iakaiyvt a shahli miko im ai ombinili holitompa ya ombinila chi ka ish im anola chi ho, Israel moma i holhponayo vt chishno ak o chi onvtoyulvshke.

21. Yvmmak keyukma yakohma hi oke, a shahli miko vt iki vhleha takla nusikma, vno micha svso Solomon ita tuklo kvv nan i sanali pi holhtina hi oke.

22. Atuk o yakeh! miko ya im anumpulit isht anta moma ma, Nahlan hopaii vt ant chukowa tok.

23. Mihma miko ya im anolit, Yakeh! Nahlan hopaii yoke, achi tok. Micha ant chukowvt miko itikba vla mvt, miko itikba ya akachunolit nashuka ya aka pit ishit hlipia tok.

24. Mihmvt Nahlan vt, A shahli miko ma! Atonichah ak osh siakaiyvt miko cha, vm ai ombinili holitompa ya ombinila chi hoke, ish achi tuk oh cho?

25. Himak nitak a ia cha, wak, micha wak ilhpitvt nia, micha chukfvlhpoa aiena ka lauachit vbi cha, miko ushi vhleha moma, micha tvshka chipota i kvpitvni vhleha, micha Abiahla naholitompa isht vtta ya im anolishke: mihma yakeh! itikba ya impvt, micha ishkot ai asha cha, Chitokaka yvt miko Atonichah ya okchalinchashke, okla ahanchi hoke.

26. Amba vno, vno fehna chin tishu sia, micha Satok naholitompa isht vtta, micha Chehoiata ushi Benaiah, micha chin tishu Solomon ano ik im anoloshke.

27. A shahli miko vt nana ilvppa yvmihchi tuk okak osh kvna hosh a shahli miko ya iakaiyvt im ai ombinili holitompa ya ombinila hi a, chin tishu ha chik i haiakvcho tuk oh cho? achi tok.

28. Yohmi ma miko Lewi vt afalamichit, Balh-sheba ya hvs sa hoyashke, achi tok: mihma miko ya ant iba chukowa cha, miko itikba ya hikia tok.

29. Mihma miko vt anumpa kullo il onochit, Chihowa yummak osh vmi shilombish ai itikonofa puta a hlakofihin-chi chatuk vt okchaya pulla ka,

30. Anumpa kullo il onochit, Israel in Chitokaka Chihowa pulla ka ishit chi mihvt, Chiso Solomon vt siakaiyvt mika he, micha si vlhtobvt vm ai ombinili holitompa ya ombinili pulla hi oke, achi li tok; yohmi tok okvt himak nitak a yvmihchi la chi pulla hoke, achi tok.

31. Yohmi ma Balh-sheba vt nashuka ya aka pit isht akachunoli cha, miko ya aiokpvchi tok; micha, A shahli miko Lewi vt okchaya na biliashke, achi tok.

32. Mihma miko Lewi vt, Satok naholitompa isht vtta, micha Nahlan hopaii, micha Chehoiata ushi Benaiah aiena ka hvs sa hoyashke, achi tok. Mihma miko itikba ya okla vla tok.

33. Mihma miko vt, Chi shahli in tishu vhleha ha pehlich cha, svso Solomon a vm issuba haksobish falaia yash ombinilichi cha, Kihon a isht hvsh onashke.

34. Mikma Satok naholitompa isht vtta, micha Nahlan hopaii ita tuklo kvv yummak ash o nan ahvmmitt Israel i miko isht ai atokolashke: micha ishtpufa ya olachit, Chitokaka vt miko Solomon a okchalinchashke, hvsh achashke.

35. Yohmikma iakaiyvt hvsh minti na vlvv, vm ai ombinili holitompa ya om binilashke; yummak osh si vlhtobvt miko ya chi hoke: micha yummak Israel micha Chutah aiena ka i miko ya chi ho atokoli li tuk oke, im achi akinli tok.

36. Mihma Chehoiata ushi Benaiah vt miko ya im afalamichit, Amen; a shahli miko in Chitokaka vt yummak o achi ak inlashke.

37. Chihowa vt a shahli miko ya ibafoyuka chatuk vt chiyuhmitt Solomon a ibafoyuka cha, im ai ombinili holitompa ya chitoli kvv a shahli miko Lewi im ai ombinili holitompa ya i shahlichashke, achi tok.

38. Yohmi ho Satok naholi' ompa isht vtta, micha Nahlan

hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena kvt ia cha, Solomon a miko Lewi im issuba haksobish falaia ya ombinilichi cha, Kihon a isht ona tok.

39. Mihma Satok naholitompa isht vtta vt tabenakel a lapish bila vlhto ya ai ishit kohchi cha, Solomon a nan ahvmmit atokoli tok: mihma ishit pufa ya okla olachi tok: mihma okla moma kvt, Chitokaka vt miko Solomon a ok-chalinchashke, ahanchi tok.

40. Mihma okla moma kvt et iakaiyvt minti mvt, oskula puta olachit yukpa fehna hosh na yukpa tok; yohmi ma ola kak o yakni vt winakvchi tok.

41. Mihma Atonichah, micha im annoa hosh apeha tuk aiena kvt impvt issa mvt, haklo tok. Mihma Choab vt ishit pufa ola ka haklo mvt, Nanta katiohmi ho tmaha holihta ya nana ola shakapa ilvppvt yvmohmi hoh cho? achi tok.

42. Atuk o anumpulit isht anta moma ho yakeh! Abiala naholitompa isht vtta ushi Chonahlan vt ai vla tok: mihma Atonichah vt, Chukowá; hatak chilita nukwia iksho chia hokvt, nan annoa achukma isht ish la hoke, im achi tok.

43. Mihma Chonahlan vt afalamichit Atonichah ya, Ahlishke, pi shahli miko Lewi vt Solomon a miko ikbishke.

44. Micha miko ash osh Satok naholitompa isht vtta, micha Nahlan hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena ka apelinchit pila na, miko im issuba haksobish falaia yash okla ombinilichishke:

45. Mihma Satok naholitompa isht vtta, micha Nahlan hopaii ita tuklo kvt Kihon ak o nan ai ahvmmit mikochishke; mihma yumma ashvt nayukpa hosh mintishke; yohmi ho anonti tmaha holihta vt winihvchishke. Shakapa ilvpak o hvsh haklo tuk oke.

46. Micha Solomon vt apelihchika ai ombinili holitompa ya ombinili akinlishke.

47. Micha yohmi ma miko in tishu vhleha hvvt pi shahli miko Lewi ya im vla cha, anumpa yukpali onochit, Chihowa

vt Solomon hohchifo hā holitoblichī kv̄t chi hohchifo hā ī shahlichashke, micha im ai ombinili holitompa yā chitoli kv̄t chim ai ombinili holitompa yā ī shahlichashke, okla achishke: mihma mīko vt in topa binilit il akachunoli tuk oke, im achi tuk.

48. Mihma mīko vt yak achit, Israel in Chitokaka Chihowa, yvmmak osh himak nitak ā vm ai ombinili holitompa yā ombinila chī ka vma kv̄t holitopashke, sa nishkin akinli kv̄t pihisvshke, achi akinli tuk oke, im achi tok.

49. Mihma im annoa atuk moma Atonichah yā apehvt aiasha tuk vt nukshopa cha, wakaya mvt, hatak vt ī hina aiyukali kv̄t ivt taha tok.

50. Mihma Atonichah vt Solomon pulla kak o nukshopa mvt, wakayvt ia cha, alta lapish puta ka ont hoklit ishi tok.

51. Atuk o Solomon ā im anolit, Yakeh! Atonichah vt mīko Solomon ā ī nukshopvshke: yakeh! alta lapish puta ka hoklit ishi cha, Solomon mīko vt in tishu hā bvshpo falaia isht vba he keyu kv̄t himak nitak ā anumpa kv̄llo il onochit ā mihashke, achishke, achi tok.

52. Mihma Solomon vt, Hatak vlhpiesa chiyuhmit aya hokmvt, pashi achvfa kia aka itula he keyu: amba na haksi vt atakalit haiaka hokmvt, illa hi oke.

53. Yohmi ma mīko Solomon vt pit hoyo na, alta ont ai ishit okla isht vla tok. Mihma vlv̄t mīko Solomon ā il im akachunoli tok: mihma Solomon vt, Chin chuka yā iā, im achi tok.

CHAPTER II.

MIHMA Lewi vt ai illa he nitak vt tahvt mihinti tok; mihma ushi Solomon ā atokolit ī mihvt,

2. Yakni moma kv̄t atia chatuk ā ia lishke: yvmohmi hoka ish kv̄llo cha, hatak āhli yosh ish il otvnihinchaske;

3. Michā chin Chitokaka Chihowa vt atokolit chī miha kak o ish im antia cha, ī hina puta ish a nohōwa cha, ī nan vlhpisa puta, micha im anumpa vlhpisa puta, micha ī nan ai isht apesa puta, micha ī nan ai isht il atokoli puta aiena kv̄t

Moses i nanvhpisa a holisso tok a, ish ieshashke; yvmohmi hosh nana hō ish kaniohmikmvt, micha kanima yō pit ish fullotakmvt, hopoyuksa hosh ish ayashke:

4. Yohmi na Chihowa vt im anumpa ishit si anumpulit, Chim vlla vhleha hvt ai itvnowa kv̄t ahah! ahni cha, chv̄kvsh aioklvhanchit, micha imi shilombish aioklvhanchit sa tikba aighli hosh itvnohōwakma, Israel ai ombinili holitompa yā ombinila hi vt hatak achvfa kia ik chim iksho ka he keyu hoke, achi tok vt aighlichashke.

5. Micha Seluiah ushi Choab vt nana sa kaniohmichi tok, micha Israel tvshka chipota i kv̄pitvni chito tuklo, Ne ushi Abne, micha Chehle ushi Amasa itatuklo, yvmmak oka vbi cha, it i nanaiyvt asha hō, tv̄nv̄p issish hlatvbi tok; micha tv̄nv̄p issish a im vskofvchi isht vskofaiyachi tok, micha shulush iyi hoyolo tok aiena ka, issish lapalahinchi tok a ish ithaiyanvshke.

6. Yvmohmi hoka chi hopoyuksa mak osh ish kaniohmichashke, micha noshkobo tohbi hvt ai achukmakvt ahollopi yā ona hi o chik im ahno kashke.

7. Amba Kileatait hatak Basillai ushi vhleha hano ish i kanashke; mikma chim ai impa yā ai ihimpa vhleha hā ibafoyukashke: yohmi hosh chitibapishi Absalom a i maleli li ma, okla vm vla tuk oka.

8. Micha yakeh! Kela ushi Benchamait hatak Bahulim minti Shemei vt chi takla antvshke, yvmmak okvt Mahanaim ia li nitak a anumpa kalakshichi ik achukmo fehna hō ishit sa kalakshichi tok: yohmi tuk kia vlv̄t Chatan a si afama na Chihowa hochifot anumpa kv̄llo ilonochit i miha li mvt, Brshpo falaia yā ishit chibi la he keyu, achi li tok.

9. Yvmohmi hoka himak a na hotopa he vlv̄pesa keyu ka chik chohmecho kashke: hatak hopoyuksa chia hokvt nana ish kaniohmicha he vlv̄pesa kv̄t ish ithaiyanvshke: amba noshkobo tohbi yā issish o ahollopi yā isht ish onashke, achi tok.

10. Mihmvt Lewi vt iki vhleha hā takla nusi cha, Lewi in tv̄maha holihta yak o ahollopi tok.

11. Micha Lewi vt Israel a i mikot nitak moma kv̄t afum-

mi pokoli ushta tok: afummi untuklo hō mīkot Heblon a ahanta tuk osh, afummi pokoli tuchina akucha tuchina hō Chelusalem a a mīko tok.

12. Yohmi ma Solomon vt īki Lewi im ai ombinili holi-tompa ya ombinili tok; mihma im apehlichika yvt kulot hikia fehna tok.

13. Mihma Hakkilh ushi Atonichah vt Solomon ishki Balh-sheba ya im ona tok. Mihma, Nanaiya hosh ish aya cho? im achi tok. Mihma, Nanaiya li hoke, achi tok.

14. Micha achakalinchit, Nana chim achi la hi vt vm ashvshke, achi tok. Mihma, Mihá, achi tok.

15. Mihma, Apehlichika yvt vmmi hatok a, micha Israel moma kv̄t vno ak osh mīko la he ahnit, nashuka ya si onochi tuk a ish ithanvshke; yohmi akinli kia apehlichika yvt shanaiya cha, itibapishi li toba tuk oke: Chihowa yak osh ahni hō immi hatuk oka.

16. Yohmi ka himak a nana achvfa hō chim asilhha lishke, ahá chik sv̄m acho kashke, achi tok. Mihma, Mihá, im achi tok.

17. Mihma, Solomon mīko ya ish im anumpulashke, (ahá chim acha he keyu hoka,) mikma Abishak Shunammait ohoyo hā vma na sa tekchi yashke, achi tok.

18. Mihma Balh-sheba vt, Ome, mīko ya chim it im anumpuli lashke, achi tok.

19. Yvmohmi hō Balh-sheba vt Atonichah Solomon a im it im anumpula chī hosh im ona tok. Mihma mīko vt wakayvt afama cha il im akachunolit ai ombinili holi-tompa ya ombinili mv̄t, mīko ishki ya ai ombinili ī hilecha chī ka, ī miha tok; mihma ishtimpak imma ya binili tok.

20. Mihma, Nana iskitini achvfa hō chim ahni lishke; ahá chik sv̄m acho kashke, chim asilhha lishke, achi tok. Mihma mīko vt, Asilhhá, hvshki ma! ahá chim achi la he keyu hoke, im achi tok.

21. Mihma, Abishak Shunammait ohoyo hash o chitibapishi Atonichah ya ish ima na tekchi yashke, achi tok.

22. Mihma mīko Solomon vt afalamichit, ishki ya, Kati-ohmi hō Atonichah ya Abishak Shunammait ohoyo hā ish

im asilhha cho? apehlichika yak kia ish im asilhashke; (vmvni yoka;) yvmma, micha Abiahla naholitompa isht vtta, micha Seluiah ushi Choab aiena ka; im achi tok.

23. Yohmi ma Solomon miko vt Chihowa hochifot anum-pa kullo il onochit miha mvv, Chitokaka yvt si yakohmichit, micha i shahli kia, Atonichah vt ilap im ilhfiopak akinli ho i sanali hosh, ik anumpulo ke tuk okma, si yvmihchashke.

24. Yvmohmi hoka himak a Chihowa vt okchaya pulla cha, yvmmak osh kullochit sa hilechi cha, aki Lewi im ai ombinili holitompa ya si ombinilichi tuk, micha miha tuk mak osh chuka vm ikbi tuk oka, himak nitak Atonichah vt illa chi hoke, achi tok.

25. Mihmvv Solomon miko vt Chehoiata ushi Benaiah ya tohnot pila na, ont onvtola na illi tok.

26. Mihma Abiahla naholitompa isht vtta yano miko vt, Ia cha, chim osapa akinli, Anahloh taloha kak o ish onashke; chilla he vlvhesa hokvt; yohmi kia himak ano chibi la he keyu, aki Lewi itikba Chitokaka Chihowa im itombi holi-topa ya sholit ish aya beka tok, micha aki vt isht ai ilbvsha moma ka, ish ibai ilbvsha beka tok oka, im achi tok.

27. Yvmohmi ho Solomon vt Abiahla vt Chihowa naholitompa isht im vtta yatuk a kocha pit tobli tok; yvmohmi hosh Chihowa im anumpa ha Eli in chuka achvfa yvt Shiloh ya asha ka ai isht anumpohonli tok a, aiahlichia chi hatok.

28. Mihma anumpa hvv Choab a im ona tok; (Choab vt filvmmitt Absalom a iakaiya tok keyu akinli kia, filvmmitt Atonichah ya iakaiya tuk okvt;) mihmvv Choab vt malelit Chihowa in tabenakel a ona cha, alta lapish puta ka hoklit ieshi tok.

29. Atuk o Choab vt malelit Chihowa in tabenakel a ona cha, yakeh! alta bilika ya hikiuvshke, achit miko Solomon a im anoli tok: mihma Solomon vt Chehoiata ushi Benaiah ya pila mvv, Ish ia cha, ont ish onvtolashke, achi tok.

30. Atuk o Benaiah vt Chihowa in tabenakel a ona cha, Miko vt, Ish kohchashke, yak achishke, achi tok. Mihma Ahá amba ilvppak o a sulla chi hoke, achi tok. Mihma

Benaiah vt miko ya anonti anumpa isht vla cha, Choab vt yak achishke, micha afalamichit-ilvppak o vm achishke, achi tok.

31. Mihma miko vt, Miha tuk mak o ish yvmihchi cha, ont ish onvtola cha, ish hohpashke; yvmohmi hosh issish nan okpuni keyu Choab vt hlatvbli tok a vno, micha aki in chuka achvfa ya ai ishit ish kanchashke.

32. Mikma yvmmt hatak tuklo hosh aivlhpiesa, micha achukma kv ilap a i shahli, yvmmt Ne ushi Abne, Israel tvshka chipota i kvpitni chito, micha Chehle ushi Amasa Chutah tvshka chipota i kvpitni chito ya, aki vt ik ithano ho, onvtolvt bvshpo falaia isht vbi tok oka, Chihowa vt ilap noshkobo akinli ho im issish a falvmminchit onochashke.

33. Yvmohmi hoka yvma im issish vt Choab noshkobo, micha im isht atiaka noshkobo ha onvtoyula na biliashke: amba Lewi, micha im isht atiaka, micha in chuka achvfa, micha im ai ombinili holitompa aiena yano Chihowa vt ahni na it i nanaiya na bilia chi hoke, im achi tok.

34. Yvmohmi ma Benaiah Cheloiata ushi vt ivt ont onvtolvt vbi tok; mihma ilap in chuka akinli yakni haiaka ya a hollopi tok.

35. Mihma miko vt atobbichit Cheloiata ushi Benaiah yak o, tvshka chipota pehlich hilechi tok; micha miko vt naholitompa isht vta Satok ak o Abiahla ya atobbichi tok.

36. Mich a miko vt Shimei ya pit hoyo cha, Chelusalem ak o chuka ish ai ikbi cha, yvmak o ish ahantashke, micha yvma kohchvt kanima ish ia na.

37. Yakohma hi oke, kohchvt ish ia cha, Kitlon bokushi ya ish vbanvbli nitak yvma chilli pulla hi vt ish ithaiya-nashke: chim issish vt chi noshkobo hak inli ho onvtoyulashke, im achi tok.

38. Mihma Shimei vt miko ya, Anumpa hvt achukmvshke: a shahli miko vt achi tuk mak o, chin tishu hvt yvmihcha chi hoke, im achi tok. Mihmt Shimei vt nitak laua ho Chelusalem a ahanta tok.

39. Atuk o yakohmi tok, afvmmi tuchina kv ont taha ma, Shimei in tishu vhleha ha tuklo kv tihlayvt Kalh i miko Maachah ushi Achish a im ona tok: mihma Shimei ya

im anolit, Yakeh! chin tishu tuklo kash osh Kalh a ash-wushke, achi tok.

40. Mihma Shimei vt wakaya cha, im issuba haksobish falaia ya ompatali cha, in tishu tuklo kash hoyot aya hosh Kalh a onvt, Achish a im ona tok: micha Shimei vt in tishu tuklo kash Kalh a ont ai isht vla tok.

41. Atuk o Solomon a im anolit, Shimei vt Chelusalem a kohchvt ivt Kalh a ona tuk osh anonti vlvshke, achi tok.

42. Mihma miko vt Shimei ya pit hoyo cha, Chihowa hochifot anumpa kvllo il onochichit atokolit chi miha li kv, Nitak ymma kohchvt, kanima ish ayakmvt, chilli pulla chi kv ish ithaiyanashke, chim achi li tok keyu cho? mihma chisno vt, Anumpa haklo li ka achukmvshke, is svm achi tok.

43. Yvmohmi hoka nanta katiohmi ho Chihowa hochifot anumpa kvllo im ilonochi, micha anumpa atokolit chi miha li tuk aiena ka chik iesho tuk oh cho? im achi tok.

44. Michā miko vt achakalinchit Shimei ya, Nahaksi moma chi chukvsh vt ahalaia kv ish ithanvshke, yvmvt aki Lewi ya nana ish kaniohmichi tok; yvmohmi hoka Chihowa vt nana chi haksi ya chishno chi noshkobo akinli ho falvminchit onocha chi hoke:

45. Mikma miko Solomon vt holitopakma, Lewi im ai ombinili holitempa vt Chihowa itikba ya kvllot hikia na bilia hi oke, im achi tok.

46. Yvmohmi ma miko vt Chehoiata ushi Benaiah ya i miha ma, yvmvt kohchvt ia cha, onvtola na illi tok: mihma apehlichika yvt Solomon ibbak ak o fohkv kvllot hikia tok.

CHAPTA III.

MIHMA Solomon vt Echip i miko Feleo ya it i kanomi toba cha, Feleo ushetik a ishi cha, Lewi in tumaha holihta ya isht vla na ahanta na ilap in chuka, micha Chihowa in chuka, micha Chelusalem aholihta apakfoyupa aiena ka atahli haya tok.

2. Peh okla hvt achahaka puta ka nan vbit ai isht aiokpuchi beka tok; nitak ymma foka ik ono kisha Chihowa hohchifo ka aboha yvt ik in tobo kisha hatuk oka,

3. Mihma Solomon vt Chihowa ya holitobli cha, iki Lewi vt nanvlhpisa puta ka a nohwa beka tok a anohwa tok: yohmi kia achahaka puta ka nan vbit ai isht aiokpuchit nabalama a hukmi beka tok.

4. Micha ymmak o miko vt nan vbit ai isht aiokpucha chi hosh Kibeon a ona tok; ymmak osh achahaka holitopa hatuk oka: alta ymma na hukmit isht aiokpuchi tahlepa sipokni achvfa ho Solomon vt ai onochit isht aiokpuchi tok.

5. Kibeon a Solomon vt ninak a holhpokna ma, Chihowa vt i haiaka tok: micha Chitokaka yvt, Nana chima la chi ka is svm asilhashke, achi tok.

6. Mihma Solomon vt, Chin tishu Lewi aki ya chi tikba ya aiahlit, micha ai vlhpiesvt, micha chukvsh apissalit chiba nohwa tuk mak o ish i nukhaklo kvt chito tuk oke; micha ish i kana chito ilvppa ish im ieshi moma cha, ushi yosh im ai ombinili holitompaa ya ombinili ka ish ima tok o himak nitak a yvmohmishke.

7. Micha an Chitokaka Chihowa ma! himak a aki Lewi ya atobbichit chin tishu ha miko ish ikbishke; yohmi kia peh vlla sa fehna hoke: kohevvt ihiya, micha ant chukohwa kvt ak ithanoshke.

8. Micha chin tishu hvt chim okla, okla chito ish atokolit ish ishi tok o, apakna kvt holhtinvvt taha he keyu ho, ai iklvna hikivshke.

9. Yvmohmi hoka chin tishu hvt chim okla ha nan im apesa chi ka chukvsh nan ithana ish ima na nana achukma, micha nana ik achukmo aiena ka akostininchi lashke: kvt a hosh chim okla chito yakohmi ka nan im apesa hinla cho? achi tok.

10. Mihma Solomon vt nana ilvppa asilhha tuk anumpa ha, Chihowa vt aiokpanchi tok.

11. Micha Chitokaka yvt, Nana ilvppak o ish asilhha cha, nitak falaia chik il asilhho, micha imilayak chito chik il asilhho, micha chin tvnvp thleha im ilhfiopak a chik asilhho

hatuk osh; amba chukvsh nan ithana nan ai vllhpiesa kak o isht ish akostinincha chi kvt ish il asilhha hoka:

12. Yakeh! chim anumpa pulla tuk mak o yvmihchi lishke: yakeh! chukvsh hopoyuksa, nan ithana aiena ka chima lishke; yohmi ho chi tikba aiasha kvt chishno chohmi tok keyu, micha chiakaya kvt chishno chohmi kvt wakayvt hikia chi keyu hoke.

13. Micha nana ish asilhha tuk keyu aiena ka chima lishke, imilayak chito, micha hohchifo holitopa aiena ka chima lishke: yohmi ho chi okchayvt ish ahanta nitak moma ka, miko nana kia chishno chiyuhmi kvt iksho ka chi hoke.

14. Micha a hina puta kak o ish aya cha a nan vllhpisa puta, micha vm anumpa vllhpisa puta aiena ka ieshit, chiki vt anohowa tok mak o, chiyuhmit ish ayakma, nitak a chi falaiachi la chi hoke, im achi tok.

15. Mihma Solomon vt okcha tok; mihma yakeh! holhpokna hatuk achini tok: atuk osh Chelusalem a vla cha, Chihowa nan it im apesa afoyuka itombi holitopa itikba ya hikia cha, na hukmit isht aiokprchi puta onochit im issvt, itinanaiyrchi isht aiokprchi puta im issa mvt, in tishu vllha moma ka imprchi tok.

16. Yohmi ma ohoyo tuklo kvt haui yosh miko ya im itonachi cha, itikba hieli tok.

17. Mihma ohoyo achvfa kash osh, A shahli ma! vno, micha ohoyo ilvppa itatuklot aboha achvfa ho il ashwa hoke; atuk o aboha il ashwa ho vlla eshi li tuk;

18. Atuk o yakohmi tok, vlla eshi li tuk nitak ont atuchina ma, ohoyo ilvppak kia vlla eshi ak inli tuk: mihmvt itatuklot il ashwa tuk oke: aboha ya inla kia pi takla anta tuk keyu, e tuklo ak illa hosh aboha ya il ashwa tuk oke.

19. Atuk o ohoyo ilvppa im vlla vt ninak a illi tuk, onvtola hatuk o.

20. Mihma ninak iklvna ma wakaya cha, chin tishu ohoyo hut nusi hosh itonla ma, svso hut si apotvt itonla tuk a ishi cha, shakba fohki mvt, im vlla illi yash sa shakba fohki tuk oke.

21. Atuk o onnahinli ma vm vlla ya pishichi la chi hosh

wakaya li ma, yakeh! illi tuk atuk: yohmi tuk kia onnahinli ma achukmalit pisa li ma, yakeh! svso eshi li tuk a keyu tuk, achi tok.

22. Mihma ohoyo achvfa vt, Keyú, amba okchaya yak osh svso hokma, illi yak osh chiso hoke, achi tok. Mihma ilvppak ash osh, Keyú, amba illi yak osh chiso hokma, okchaya yak osh svso hoke, achi tok. Yak achit miko itikba ya ai anumpohonli tok.

23. Yohmi ma miko vt, Achvfa kvf, Okchaya yak osh svso hokma, chiso hvto illi ak oke, achi ma, achvfa vt, Keyú, amba illi yak osh chiso ak okma, svso hak osh okchaya ak oke, achishke, achi tok.

24. Mihma miko vt, Bvshpo falaia isht oh vm vlá, achi tok. Mihma miko itikba ya bvshpo falaia ya isht im vla tok.

25. Mihma miko vt, Ulla okchaya ya ish ita hokofit ish tuklochi cha, iklvna ka achvfa ya ish imakmvt, achvfa ya iklvna ka ish imashke, achi tok.

26. Mihma ohoyo vlla im okchaya yash osh, ushi ya chukvsh vt o kanvlli hatuk osh miko ya, A shahli ma! vlla okchaya ya ish imashke, micha ik kaniohmi kia chikbo kashke, achi tok: amba achvfa kash osh, Pishno keyu bikashke, amba peh ita hokofashke, achi tok.

27. Yohmi ma miko vt afalamichit, Yvmmak o ish imashke, micha ish bi ná, yvmmak osh ishki yoka, achi tok.

28. Atuk o Islael moma kvf nan apesa miko vt apesa tuk a okla haklo mvt, miko ya i nukshopa tok: Chitokaka im ahopoyuksa nukfoyukvf nan apesa ka pisa hokvf.

CHAPTER IV.

MIHMA miko Solomon vt Islael moma ka i miko tok.

2. Mihma ilvppa puta kak osh i holitompa vhleha atok; naholitompa isht vtta Satok ushi Asaliah atok;

3. Eliholef micha Ahiah itatuklo kvf holissochi yosh Shisha ushi atok: Ahilvf ushi Chehoshafat vt holisso takalichi atok.

4. Mikma Cheloiata ushi Benaiah vt teshka chipota pehlichy atok: mikma Satok micha Abiahla itatuklo kv̄t naholitomp̄a isht ašwa atok;

5. Mikma Nahlan ushi Asaliah ak osh nanvltoka moma pehlichy atok: mikma Nahlan ushi Sabul ak osh holitomp̄a i shahli yosh miko i kana atok:

6. Mikma Ahisha vt chuka achvfa apesvchi atok: mikma Abta ushi Atonilam vt noshkobo atobbi natoksvli apistikeli atok.

7. Mikma Solomon vt nan vltoka auah tuklo hosh Israel moma ka pehlichy hosh im asha cha, ymmak osh miko micha in chuka achvfa ya pinak im ahayuchi tok: afymmikma hvshi achvfa aiyuka hō pinak a ahayuchi beka tok.

8. Ilvppak osh hohchifo hoke; Hu ushi vt nv̄nih Eflaim a a hoyo tok.

9. Mikma Teka ushi vt Makas, micha Shaal-bim, micha Belh-shemesh, micha Elon-belh-hanan aiena ka a hoyo tok.

10. Heset ushi vt Alubolh a ahoyō tok: ymma Sokoh, micha Hefe yakni moma kv̄t im aiena tok.

11. Abinitab ushi vt To afullota moma ka a hoyo tok: ymma tekchi vt Solomon ushetik Tafalh ak atok.

12. Ahilut ushi Baana vt Taanak, micha Mekitto, micha Belh-shean, ymmvt Satanah bilika Chesleel nutaka talaia kv̄t moma, Belh-shean vt̄vt ia hosh Abel-meholah Choknean misha tv̄nv̄p talaia ka ona ka a hoyo tok.

13. Kebe ushi Lamolh-kileat vtta yvt Manasseh ushi Chai in tmaha puta Kileat ataloha ka; micha Akob afullota Bashan talaia, tmaha hochito pokoli hannali hosh aholihta, micha holihta okhissa okhowtkvchi vt asonak lakna yō a hoyo tok.

14. Itto ushi Ahinatab vt Mahanaim ak o a hoyo tok.

15. Ahimaas vt Naftali ak o a hoyo tok; ymmvt Solomon ushetik Basmalh vt tekchi ya chi hō ishi akinli tok.

16. Hushai ushi Baanah vt Asha, micha Alolh itatuklo kak o a hoyo tok.

17. Paluah ushi Cheloshafat vt Issaka yak o a hoyo tok.

18. Elah ushi Shimei vt Benchamin ak o a hoyo tok.

19. Uli ushi Kebe vt Kileat yakni Amolait okla i miko Sihon i yakni, micha Bashan i miko Ok i yakni aiena kak o a hoyo tok: micha yakni ymma nanvlhtoka vt ymmak illa hosh ahanta tok.

20. Mihma Chutah, micha Israel aiena kvt apakna kvt shinuk osh okhta lapalika aiasha kak o chiyuhmi cha, im-pvt nanishkot, nayukpvt aiasha tok.

21. Mihma Solomon vt apehlichika puta moma okhina puta vttvt ia hosh, Filistin okla i yakni ona mvt, Echip aivhli ona ho a miko tok; nahvlbina puta isht im ahanla cha, Solomon vt okehayvt ahanta nitak puta moma ka im antihya tok.

22. Mihma Solomon vt nitak achvfa ho i pinak vt bota tohbi lipihbi vlhpisa pokoli tuchinakma, onush pushi vt vlhpisa pokoli hannali tok,

23. Wak hobvk ilhpitvt nia pokoli, micha wak hobvk pokoli tuklo ho aiimpa holihta akochikmvt, chukfvlhpoa tahlepa achvfa, micha lapitta puta, micha issi puta, micha issikosoma holba puta, micha akaka ilhpitvt nia puta aiena ka, nitak achvfa ka vbi beka tok.

24. Im apehlichika yvt okhina ola in tvnnvp afullota moma Tifsah ya vttvt ia hosh Assah ya ont vhli cha, okhina ola in tvnnvp miko moma ka pehliechi hatuk okvt: micha abilika fullota moma ka it i nanaiya bieka tok.

25. Mihma Chutah, micha Israel aiena kvt nana im akaniohmi iksho hosh, hatak puta kvt Solomon vt ahanta nitak puta moma ka, Tan vttvt ia hosh Bee-sheba ont vhli ka i pakrpi nutaka, micha i fik vpi nutaka aiasha tok.

26. Michas Solomon vt issuba tvnvp itichanvlli halvlli ai ilhpita vt tahlepa sipokni pokoli ushta, micha issuba ombinili vt tahlepa sipokni auah tuklo hosh im asha tok.

27. Mihma nanvlhtoka ymma puta kash osh hvshi ont im ai vlhpiesa aiyukalikmvt, miko Solomon a, micha miko Solomon im aiimpa ai vla puta ka, pinak im ahayuchi beka tok: nan ik im ono kvt iksho tok.

28. Issuba, micha kamel holba aiena kvt vpa chi ka bali, micha onush vpi aiena ka nanvlhtoka aiasha ka, im vlhpisa tuk aiyukali kvt isht im ohona beka tok.

29. Mihma Chitokaka yet Solomon a hopoyuksa, micha nan ithana atampa fehna, micha chukvsh chito kv̄t okhvta lapalika shinuk aiasha kak o chohmi hō ima tok.

30. Mihma Solomon hopoyuksa kv̄t hvshi akochaka in chipota vhleha moma hopoyuksa, micha Echip hopoyuksa moma ka i shahli tok.

31. Hopoyuksa kv̄t hatak moma ka i shahli tok okvt: Eslahait Ehlan, micha Heman, micha Chalkol, micha Tata, Mahol ushi vhleha hā i shahli tok: micha holitopvt oklushi moma fullota im annohōwa tok.

32. Michā namiha tahlepa sipokni tuchina anumpohonli tok; mikmvt im ilhtaloak vt tahlepa sipokni achvfa cha tahlapi tok.

33. Michā iti puta isht anumpuli kv̄t, chuahla vt Lebanon a a hikia ka ai isht iakmvt, hissop vt tv̄li holihta ai offot atuya ka ont vhlichī tok: micha nampoā puta, micha hvshi puta, micha nana balahanli puta, micha nv̄ni puta aiena ka isht anumpohonli tok.

34. Mihma okla moma ka a minti kv̄t Solomon hopoyuksa ka haponakla chī hosh yakni paknaka miko puta kv̄t hopoyuksa ka hāklo puta ka a minti kv̄t vla tok.

CHAPTA V.

YOHMI ma Taia i miko Hilam vt in tishu vhleha hā Solomon a i pila tok: (iki ya atobbichit yvmmak o nan ahvmmit miko okla atokoli tuk a hāklo tuk okvt:) Hilam vt Lewi ya holitobli bilia chatuk okvt.

2. Mihma Solomon vt Hilam a anumpa i pila cha,

3. Aki Lewi vt tv̄nv̄p vt aiashvt apakfoyupa bieka kak o, Chihowa vt iyi i nutaka ik ashacho kisha ma, in Chitokaka Chihowa hohchifo pulla ka chuka im ikba he keyu tok a, ish ithanvshke.

4. Yohmi tok kia himak ano an Chitokaka Chihowa vt afoha a fullota moma vma na, tv̄nv̄p nana kia micha nana ik achukmo kia ikshoshke.

5. Yohmi ka yakeh! aki Lewi ya Chihowa vt im anum-pulit, Chi atobbichit chiso chim ai ombinili holitompa ombinilichi la chi kak osh, sa hohchifo ha chuka im ikba hi oke, achi tuk mak o, an Chitokaka Chihowa ya hohchifo ha chuka im ikbi ka vm anukfilvshke.

6. Yvmohmi hoka himak a ish im apesa na, Lebanon a chuahla ya an tvhlashke; mikma an tishu vhleha hv t chin tishu vhleha ha apehvt aya chi hoke: chin tishu vhleha tokseli ka kaniohmi ho ish apesakma, moma chishno yak o chima lashke: pi takla ya Sitionian vhleha ha chohmit iti tvhli imponna kv iksho ka ish ithana hokvt, achi tok.

7. Atuk o yakohmi tok, Hiam vt Solomon im anumpa ha haklo mvt, nayukpa fehna cha, Chihowa vt okla chito ilvppa pehliecha chi ho, Lewi ya ushi hopoyuksa ima tuk vt, himak nitak a holitopashke.

8. Micha Hiam vt Solomon a anumpa pit i pilvt, Nana ahnit et is sam pila tuk a anukfillit pihisa lishke: iti chuah-la, micha iti shakolo holba nana ish ahni tuk moma ka yvmihchi la chi hoke.

9. An tishu vhleha hv Lebanon a ai ishit okhvta ha isht onakma, okhvta okvchit okpalalichit kanima yo ish apesakma, ont a kohcha he apesa likma, ish ishashke; micha an chuka achvfa pinak ish im ahayucha he ahni li ka, ish yvmihcha chi hoke, achi tok.

10. Yohmi ho ahni tuk mak o, Hiam vt Solomon a iti chuahla, micha iti shakolo hoiba ya ima tok.

11. Mihma Solomon vt Hiam a in chuka achvfa vt vpa chi ka onush vlhpisa tahlepa sipokni pokoli tuklo, micha bila kashofa vlhpisa pokoli tuklo ho ima tok: yakohmit Solomon vt Hiam a afvmmikma ihima tok.

12. Mihma achi tok mak osh, Chihowa vt Solomon a hopoyuksa ya ima tok: mihma Hiam micha Solomon vt it i nanaiyvt ahashwa tok: mihma tuklo kv anumpa ai itibai achvfa it im apesvt okla tok.

13. Mihma Solomon miko vt Israel moma ka nan atokoli isht ahanta tok; mihma vlhtoka kv hatak tahlepa sipokni pokoli tuchina tok.

14. Micha ai itiakaiya hō hvshi achvfakma, Lebanon a hatak tahlepa sipokni pokoli hō pila beka tok; hvshi achvfa hō Lebanon a mayakmvt, hvshi tuklo hō ilap in chuka aśha beka tok: mihma Atonilam ak osh vlhtoka yash pehliechi beka tok.

15. Mihma Solomon vt nvnih foka ya nan sholi vt tahlepa sipokni pokoli untuklokma, iti tvhli vt tahlepa sipokni pokoli untuchina hosh im aśha tok.

16. Solomon i nan vlhtoka vhleha i shahli puta natoksvli yash apistikeli vhleha hv aśhakma, okla toksvli apistikeli vt tahlepa sipokni tuchina cha, tahlepa tuchina tok.

17. Mihma miko vt apesa na, tvli hochito, micha tvli hoolitopa puta, micha tvli tvhla aboha in tola bohla chi kv isht vla tok.

18. Mihma Solomon chuka im ikbi vhleha, micha Hilam chuka im ikbi vhleha aiena kv tvli itilauechi atuk vt tvhli tok; yohmi hō aboha ikba chi kv iti micha tvli aiena ka atahli tok.

CHAPTA VI.

ATUK o yakohmi tok, Israel vt Echip yakni ya a kohchvt minti tok a, afvmmi tahlepa ushta, micha pokoli untuchina, micha Solomon vt Israel a i miko tok a afvmmi ont ai ushta, Sif hvshi, yvmmvt hvshi atukla hō Chihowa in chuka ikbit isht ia tok.

2. Mihma chuka Solomon vt Chihowa ya im ikbi kv, falaia kv kubit pokoli hannalikma, auata kv kubit pokoli tuklokma, chaha kv kubit pokoli tuchina tok.

3. Mikma aholitopa aboha itikba ya hoshontika yvt hikia hosh, falaia kv kubit pokoli tuklo cha, aboha yash auata kak inli chohmi mvt, auata kv aboha itikba ya kubit pokoli tok.

4. Micha aboha ya okhissushi atohwikeli ik auato puta ka ikbi tok.

5. Micha aboha tvli itvbana ya vba potvlhpo puta ka tikelichit apakfoblichit ikbi tok; aboha tvli itvbana aholitopa, micha aholitopa moma i shahli aiena ka kocha yak o

tikelichit apakfoblichit ikbi tok: micha vba potvlhpo in tola puta apakfoblichit kahpuli tok.

6. Ūba potvlhpo aka fehna kv̄t auata kv̄t, kubit tahlapikma iklv̄na vt auata kv̄t kubit hannalikma, ont atuchina kv̄t kubit untuklo tok: aboha tv̄li itvbana kocha ya, ai ̄ kaha ch̄i ka anukaka pit kanv̄lichit apakfoyubli h̄o, iti potvlhpo intola puta kv̄t aboha tv̄li itvbana ik shamv̄llo ka chin tok.

7. Mihma aboha yvt toba takla ma, tv̄li ya isht ik lo kisha h̄o, v̄lhtaha tuk ̄ isht ikbi tok: yohmi h̄o chofak isht ahonv̄hli, micha iskifa, micha tv̄li nana ishit toksv̄li nana kia aboha yvt toba takla ma ik haklo tok.

8. Ūba potvlhpo iklv̄na ya achukowa okhissa vt aboha im ishtimpak imma in tv̄nnvp ak ̄ hikia tok: micha apakfokv̄chit atuya oiya hosh vba potvlhpo iklv̄na ya ont chukowa cha, iklv̄na yash a kohcha mvt, ont atuchina ka oiyvt ont chukowa tok.

9. Yohmi hosh chuka yash ikbit tahli tok; micha chuka yash chuahla in tola puta, micha chuahla bv̄sha aiena h̄o ishit homo tok.

10. Yohmi mvt aboha tv̄li itvbana moma ka vba potvlhpo puta chaha kv̄t kubit tahlapi h̄o tikelichit ikbi tok: micha chuahla in tola hosh aboha itvbana ̄ kaha h̄o on taloha tok.

11. Mihma Chihowa im anumpa hv̄t Solomon a im v̄la mvt,

12. Chuka ikbit isht ish ahanta ilv̄ppak okv̄no, a nav̄lv̄h-pisa puta ish a noh̄owa cha, a nan ai isht apesa puta kak ̄ ish yvmihinch̄i cha, vm anumpa v̄lv̄pisa moma ka ish ieshit ish a noh̄owakma, yvmohmikma ch̄iki Lewi ya im achi li tok, vm anumpa h̄a chim ai ah̄lich̄i la hi oke.

13. Mikmvt Israel im v̄lla v̄hleha takla ahanta likmvt, vm okla Israel a kanchi la he keyu hoke, achi tok.

14. Yvmohmit Solomon vt chuka yash ikbit tahli tok.

15. Mihmvt aboha anukaka ya chuahla iti ȳo isht ikbi tok; chuka anukaka ya iti potvlhpo v̄ttvt ia hosh aboha ishit holmo itvbana ont v̄hli ka isht ikbi tok; micha anuka-ka ya iti ȳo lapalichi mvt, aboha potvlhpo ya shakolo holba bv̄sha ȳo patali tok.

16. Mihmut aboha vhli vttvt ia hosh kubit pokoli tuklo h_o ont vhli, micha iti potvlhpo vttvt ia hosh vba potvlhpo ont vhli h_o chuahla bvsha y_o lapalichi tok; ila anukaka y_o Chihowa ai ili haiakahanchi aholitopa moma i shahli ya chi ka ikbi tok.

17. Mihma yvmmak ash itikba hikia kvt aboha, yvmmut aholitopa aboha yvt falaia kvt kubit pokoli ushta tok.

18. Mihma aboha anukaka chuahla ya chakonlichit loh-bobochit napakanli bokanli puta ka hobachit ikbi tok; chuahla bieka tok; tvli vt haiaka kvt iksho tok.

19. Micha aboha anukaka yak o Chihowa nan itim apesa afoyuka itombi holitopa ya talala chi hosh, aholitopa moma i shahli ya atahli tok.

20. Mihma aholitopa moma i shahli itikba vt falaia kvt kubit pokoli tuklokma, auata kvt kubit pokoli tuklokma, chaha kvt kubit pokoli tuklo tok; mihma tvli holisso bano h_o lapalichit taiyahli tok: micha alta vt chuahla yosh toba ya yvmihchi hosh lapalichit taiyahli tok.

21. Yohmi mut Solomon vt aboha anukaka ya tvli holisso lakna bano h_o lapalichit taiyahli tok: micha aholitopa moma i shahli itikba ya tvli holisso lakna ititakvli puta kak o isht oktvbli tok; micha tvli holisso lakna y_o lapalichit taiyahli tok.

22. Micha aboha moma ka tvli holisso lakna y_o lapalichit taiyahli tok; micha aboha moma ka yvmihchit taiyahli tok: micha alta aholitopa moma i shahli bilika hikia ka mominchit tvli holisso lakna y_o lapalichit taiyahli tok.

23. Micha aholitopa moma i shahli anukaka ya, alif iti yosh chelubim tuklo toba hosh, chaha kvt kubit pokoli bika h_o ikbi tok.

24. Micha chelubim a sanahchi achvfa kvt kubit tahlapikma, chelubim a sanahchi achvfa vt kubit tahlapi tok: sanahchi achvfa ka ont wishakchi fehna vttvt ia hosh, sanahchi achvfa ya ont wishakchi fehna ona kvt kubit pokoli tok.

25. Mikma chelubim achvfa yvt kubit pokoli tok: chelubim itatuklo kvt vlhpisa, micha chito aiena kvt achvfa tok.

26. Chelubim achvfa chaha kvt kubit pokolikma, chelubim achvfa ak kia yohmi akinli tok.

27. Micha chelubim ash aboha anukaka ai iklvna yak o hilechi tok: mihma chelubim a sanahchi yash okla ashatvblichi ma, achvfa ka sanahchi vt aboha in tvnnvp achvfa ka ont tikeli ma, chelubim achvfa sanahchi vt aboha in tvnnvp achvfa ya ont tikeli tok: micha sanahchi vt aboha iklvna ya ai iti tikeli tok.

28. Micha chelubim ash tvli holisso lakna ya lapalichit taiyahli tok.

29. Micha aboha okhowata ka puta moma anukaka, micha kocha aiena ka chakonlichit chelubim puta, micha pam iti puta, micha napakanli bakanli puta chakowut holba puta ka ikbi tok.

30. Micha aboha potvlhpo ya anukaka, micha kocha aiena ka tvli holisso lakna yo lapalichit taiyahli tok.

31. Micha aholitopa moma i shahli achukowa isht okshilita ya, alif iti yo ikbi tok; mikma okhissa tahlalaka lapali, micha paknaka onvtola aiena kvt aboha okhowataka kashapa ishit tahlapi tok.

32. Micha isht okshilita tuklo kvt alif iti yosh toba tok; micha chakonlichit chelubim puta, micha pam iti puta, micha napakanli bakanli puta, chakowut holba ikbi mvt, tvli holisso lakna yo lapalichit taiyahli tok; micha chelubim puta, micha pam iti puta ka tvli holisso lakna yo lapalichit taiyahli tok.

33. Micha aholitopa aboha okhissa tahlalaka lapali puta kvt alif iti yo ikbi tok, auata kvt aboha okhowataka kashapa ai ushta tok.

34. Mikma isht okshilita tuklo kash osh shakolo holba yosh toba tok: isht okshilita achvfa kvt pohla tuklo yokma, isht okshilita achvfa vt pohla tuklo tok.

35. Micha chakonlichit chelubim puta, micha pam iti puta, micha napakanli bakanli puta hobachit ikbi tok; micha achakowa tvli holisso lakna yvt itifohka achukma ho lapalichit taiyahli tok.

36. Micha anukaka wanuta holihta ya teli tvhla iti onvto-

la tuchina hosh fullota ma, chuahla yosh onvtolvt fullota hō ikbi tok.

37. Afemmi ont ai ushta hvshi Sif ak o, Chihowa in chuka in tola ya bohli tok.

38. Atuk osh afemmi ont isht auah achvfa hvshi Bul, yummvt hvshi ont isht untuchina hō chuka, micha ai imila-yak puta ktv ont tahvt hlopulli tok. Yohmi hosh afemmi untuklo hō ikbit isht ahanta tok.

CHAPTA VII.

AMBA Solomon vt in chuka akinli ka ikbi ktv afemmi auah tuchina hō isht ahantvt tahli tok.

2. Lebanon yakni haiaka aboha ak kia ikbi tok; falaia ktv kubit-tahlepa achvfa ma, micha auata ktv kubit pokoli tahlapi tok, micha chaha ktv kubit pokoli tuchina tok; chuahla tonik puta ai itiakaiya hosh ushtakma, okhowatkv-chi chuahla yosh tonik puta kash o kaha hō on talali tok.

3. Mihma okhowatkvchi tonik pokoli ushta akucha tahlapi ai itiakaiya achvfa ka auah tahlapi ia hō, o kaha hvv chuahla bvsha yō isht ompoholmo tok.

4. Mikma okhissushi puta ktv ai itiakaiya yvt tuchina tok; micha atohwikeli vt atohwikeli ya itichapa cha, ai itiakaiya yvt tuchina tok.

5. Mikma okhissa puta, micha tonik moma ktv okhissushi puta ka it apissali; micha ai itiakaiya yvt tuchina hosh atohwikeli vt atohwikeli ya it ichapa tok.

6. Micha hoshontika ya tonik puta on talaia hō ikbi tok, falaia ktv kubit pokoli tahlapi ma, auata ktv kubit pokoli tuchina tok; mihma hoshontika yvt itikba yak o talaia tok; mikma tonik inla puta, micha iti okhowata sukko aiena ktv itikba atok.

7. Yohmi mvt nana ai apesa chi hosh miko im ai ombinili holitompa atalaia hoshontika ikbit, nana ai apesa hoshontika ikbi tok: mihma iti potvlhpo vttvt ia hosh vba potvlhpo ona ka chuahla yosh isht ompoholmo tok.

8. Micha hoshontika yash anukaka aboha ai vta vt wnvta inla vt im atalaia hosh toba kv̄t yvmmak inli chohmi tok. Solomon vt tekchi yachi h̄ Feleo ushetik a ishi tok vt, hoshontika ilvppak inli chohmi h̄ ikbi tok.

9. Ilvppa puta kv̄t tvli tvhla vllhpisa chohmi anukaka, micha kocha aiena ishit bvsha ishit bvsha yosh, holitopa bano hosh intola vttvt ia hosh paknaka mahayvt ont vli tok; micha yohmit mahaya hosh wanuta chito pilla kocha yvt yohmi tok.

10. Mikma intola vt tvli holitopa tvli hochito atok; tvli kubit pokoli, micha tvli kubit untuchina tok.

11. Mikma vba vt tvli holitopa, tvli tvhla vllhpisa chohmi, micha chuahla aiena atok.

12. Mikma wanuta chito vt apakfoyupa kv̄t tvli tvhla ai itionvtola vt tuchinakma, chuahla yosh itiakaiyvt fullota, Chihowa in chuka i wanuta anukaka fehna, micha chuka i hoshontika itatuklo kv̄t yvmohmi tok.

13. Mihma miko Solomon vt Hilam a pit hoyot Taia ya ont ai isht vla tok.

14. Yvmvt Naftali apehlichika ai achvfa yosh ohoyo vlhtakla ushi yo iki vt Taia hatak o asonak lakna pilisa atok; micha hopoyuksvt nan ithana fehna cha, asonak lakna pilisa puta ka imponna tok. Mihmt miko Solomon a im vla cha, na toksvli moma ka im atahli tok.

15. Asonak lakna tonik tuklo, chaha kv̄t kubit auah-tuchina bika h̄ ikbi tok: micha ponola isht vllhpisa kubit auah tuklo hosh apakfopa bika tok.

16. Micha tonik tuklo kash pakna on taloha chi ka, asonak lakna bilelit akmo-chit noshkobo tuklo ikbi tok: noshkobo achvfa kv̄t chaha kv̄t kubit tahlapi ma, noshkobo achvfa vt kubit tahlapi tok.

17. Micha nan okshichanlit tvnna, micha nan ititakvli itvpana yo noshkobo vt tonik tuklo kash on taloha yash im ikbi tok: noshkobo achvfa ya untuklo ma, noshkobo achvfa ya untuklo h̄ ikbi tok.

18. Micha tonik tuklo kash ikbi mvt, pomeklanat puta ai itiakaiya vt tuklo h̄ nan okshichanlit tvnna achvfa yash

on takohlichit apakfoblit tonik paknaka on talaia noshkobo ha ompohomo tok, micha noshkobo achvfa ya yvmihchi tok.

19. Michā tonik tuklo kash on taloha noshkobo ya lili holbvt inchuwa kubit ushta hosh tobvt hoshontika yash itikba hiohmaya tok.

20. Michā tonik tuklo kash on taloha noshkobo kibikshi bilika, nan okschichanlit tvnna vba pilla ha pomeklanat vt atakohli akinli tok: micha noshkobo achvfa ya pomeklanat tahlepa tuklo hosh ai itiakaiya tuklo kv̄t takohli hosh apakfoypa tok.

21. Michā tonik tuklo kash aholitopa aboha yash hoshontika yak o hiohlichei tok; micha ishtimpak imma ya tonik a hilechi mvt Chachin hochifo tok; micha vlhfubek imma ya tonik a hilechi mvt, Boas hochifo tok.

22. Mihma tonik wishakehi lili holbvt inchuwa yosh aia-sha tok; yohmi ho tonik isht vtta tuk vt vlhtaiyaha tok.

23. Michā bilelit akmochoit okhvta ikbi ma, itivlbi in tvnnvp vttr̄t ia hosh in tvnnvp ona kv̄t kubit pokoli tok: chvnaha kv̄t yohmi bat fullota mvt, chaha kv̄t kubit tahlapi tok: micha ponola isht vlhpisa kubit pokoli tuchina hosh apakfoypa tok.

24. Michā itivlbi nuta ya lohbovchi vt kubit achvfakma pokolit ia hosh okhvta hash apakfoypa tok: bilvt akmo ma, lohbovchi ai itiakaiya vt tuklo hosh bilvt akmo tok.

25. Wak auah tuklo ho ontalaia tok, tuchina kv̄t falvmmi pilla pit hopokoyot hieli ma, tuchina kv̄t hvshi ai okatula pilla pit hopokoyot hieli ma, tuchina kv̄t okamahli pilla pit hopokoyot hieli ma, tuchina kv̄t hvshi akochaka pilla pit hopokoyot hieli tok: mihma okhvta ash osh on talaia ma, im ashaka puta kv̄t nutaka pit hiohli bieka tok.

26. Mihma sukko kv̄t ibbak pvtha achvfa mvt, itivlbi vt isht ishko toba kak o chohmi cha, lili pakanli holba isht inchuwt taiyaha tok: balh tahlepa tuklo hosh vlhto tok.

27. Mihma asonak lakna aiontalaia pokoli ho ikbi tok: aiontalaia achvfa kv̄t falaia kv̄t kubit ushta cha, pvtha kv̄t kubit ushta mvt, chaha kv̄t kubit tuchina tok.

28. Michā aiontaloha ha vlhtaha kv̄t yakohmi tok; apatus-

sa puta kvt asha tok; micha apatvssa puta kvt achaha i shahlit apakfopa puta ka itintakla atok.

29. Mihma apatvssa puta achaha i shahlit apakfoyupa ititakla ya koi hochito, micha wak, micha chelubim puta holba aiena kvt ai inchuwa tok; micha achaha i shahlit apakfoyupa paknaka ya yvmohmi tok: mikma koi hochito, micha wak a nuta ya nan itvpana holbvt ai inchuwa tok.

30. Mihma ai ontalaia puta kvt asonak lakna chvnaha ushta, micha okhowata asonak lakna aiena hosh im asha tok; micha chukbi ushta kvt okhowata abikeli vt im asha tok: micha ampmahaia chito nuta ya okhowatvt abikeli bilvt, akmo vt nan itvpana holbvt ai in chuwa aiyukali ka apotvt hiohmaya tok.

31. Michā itih hvt noshkobo yash anukaka, micha vba pilla kubit achvfa tok: yohmi kia itih hvt ampmahaia chito vlhtaha kak inli chohmit chvnaha cha, kubit achvfa, micha kubit iklvna tok: micha itih kocha apatvssa puta ka naholbvt ai inchuwa mvt, bolukta cha, ik chvnaho tok.

32. Michā apatvssa puta nuta ya chvnaha hvt ushta tok; mikma chvnaha im okhowata vt ai ontalaia yak o shamvli tok; micha chvnaha hvt chaha kvt kubit achvfa cha, kubit iklvna tok.

33. Michā chvnaha vlhtaha kvt tvnvp iti chanvlli vlhtaha kak inli chohmi tok; im okhowatkvchi, micha chukvsh puta, micha achushkvchi puta kvt bilvt akmo hatok.

34. Aiontalaia achvfa chukbi ushta ka okhowata abikeli ushta kvt asha tok; okhowata abikeli puta kvt aiontalaia fehna akinli tok.

35. Michā aiontalaia paknaka ya chvnahvt fullota kubit iklvna kvt hikia tok; micha aiontalaia paknaka, micha achaha i shahlit apakfopa puta, micha apatvssa puta aiena kvt yvmmak inli tok.

36. Achaha i shahlit apakfopa puta, micha apatvssa puta aiena inchunlit chelubim puta, koi hochito, micha pam iti puta aiena, chito kvt ai vlhpesa aiyukali, micha nan itvpana holbvt ai inchuwa aiena ka takalichit apakfobli tok.

37. Ilvppa chohmi bano hō aiontalaia pokoli ka ikbi tok;

moma kvt ai akmo achvfa bieka, vllhpisa achvfa, micha chito kvt itilauai achvfa tok.

38. Yohmi mvt asonak lakna yō ampmahaia chito pokoli hō ikbi tok: ampmahaia chito achvfa ka balh pokoli ushta hosh vllhto tok: micha ampmahaia chito vt kubit ushta bieka tok; micha ai ontalaia pokoli kash ampmahaia chito achvfa hosh ontalaia bieka tok.

39. Michā aiontalaia tahlapi ka aboha yash ishtimpak imma in tēnvp ak ǝ hiohlechi mvt, aboha yash vllhfubek imma in tēnnvp ak ǝ hiohlichei tok: micha okhvta yash aboha ishtimpak imma in tēnnvp hvshi akochaka pilla, okamahli ichapaka yak ǝ talali tok.

40. Mihma Hīlam ash osh ampmahaia hochito puta, micha hituk chubbi ishit peha puta, micha ampmahaia puta aiena ka ikbi tok: yohmi hosh Hīlam ash osh Chihowa in chuka ahalaia ka Solomon a im ikbit isht ahanta tuk vt ont tahli tok.

41. Yohmi kvt tonik tuklo kash, micha noshkobo tibikshi tuklo tonik paknaka on taloha, micha noshkobo tibikshi tuklo tonik tuklo kash on taloha ka ompohoma chi hō nan okshiehanlit tēna tuklo kash;

42. Michā pomeklanat tahlepa ushta hosh nan okshiehanlit tēna tuklo a takohla chi, yemmvē noshkobo tibikshi tuklo tonik tuklo kash on taloha ka ont ompohoma chi hō, pomeklanat ai itiakaiya tuklo hosh nan okshiehanlit tēna achvfa ka a takohla chi hatok.

43. Michā ai ontalaia pokoli, micha ampmahaia chito pokoli kash osh aiontalaia puta kash on taloha;

44. Okhvta achvfa kash, micha wak auah tuklo okhvta nuta hiel;

45. Michā shuti puta, micha nan ishit peha puta, micha ampmahaia puta aiena ka ikbit tahli tok: micha nan aivllhto ilvppa puta Chihowa in chuka ahalaia ka Hīlam ash osh miko Solomon a im ikbi tuk vt asonak lakna shohkauali bieka tok.

46. Chatan yakni patali Sukkolh, micha Sahlan ititakla lukfi aiasha yak ǝ, miko vt a bilelit ai akmochi tok.

47. Mihmvt laua kv̄t atampa fehna hatuk ȳ, nan aivlh̄to puta ka Solomon vt ik wekecho tok: mīcha asonak lakna weki ka ik akostininecho tok.

48. Mihma Solomon vt nan aivlh̄to moma Chihowa in chuka ahalaia puta ka ikbit tah̄li tok: tv̄li holisso lakna alta, mīcha aiimpa tv̄li holisso lakna pvska otv̄ni ai on taloha,

49. Mīcha p̄la ai ȳ hikia vt tv̄li holisso lakna bano, aholitopa moma ī shahli itikba tahlapi kv̄t ishtimpak imma in tv̄nnvp a hielikma, tahlapi kv̄t v̄lh̄f̄ubek imma in tv̄nnvp a hiel̄i tok: mihmvt napakanli puta, mīcha p̄la bila aivlh̄to puta, mīcha tv̄li holisso lakna tobaksi kiseli puta,

50. Mīcha ampo puta, mīcha p̄la ishit tv̄ptuli puta, mīcha ampmahaia puta, mīcha ishtimpa puta, mīcha nabalama ahukmi puta aiena kv̄t tv̄li holisso lakna bano; mīcha an̄kaka aboha aholitopa moma ī shahli, mīcha aholitopa aboha, ymmvt tempel aiena okhissa puta atakali puta aiena tv̄li holisso lakna yȳ ikbi tok.

51. Ymohmi hosh m̄iko Solomon vt Chihowa in chuka ahalaia ka ikbi tuk vt atahli tok. Mīcha Solomon vt īki Lewi vt Chihowa yā nana ī hulloch̄i tok tv̄li hv̄ta, mīcha tv̄li holisso lakna, mīcha nan aivlh̄to puta aiena ka isht v̄lv̄t, Chihowa in chuka nana holitopa ibafohkit ashachi tok.

CHAPTA VIII.

YOHMI ma Solomon vt Is̄rael im asv̄nonchi v̄hleha, mīcha apehlich̄i puta ī noshkoboka v̄hleha moma, Is̄rael im v̄lla v̄hleha īki v̄hleha holitomp̄a v̄hleha h̄a hoyot, m̄iko Solomon vt Chelusalēm a anta tuk ȳ, im ai itv̄nahli tok; yohmi kv̄t Chihowa nan it im apesa afoyuka itombi holitopa yā Lewi in tmaha holihta, ymmvt Saion a a kochehit isht v̄la ch̄i hatok.

2. Mihma Is̄rael hatak v̄hleha moma kv̄t impv̄chi hullo hv̄shi Ehlanim, ymmvt hv̄shi isht untuklo ka Solomon m̄iko yā im itv̄naha tok.

3. Mihma Is̄rael im asv̄nonchi v̄hleha moma kv̄t ona ma,

naholitompa isht asha vhleha hvt itombi holitopa ya sholi tok.

4. Micha Chihowa im itombi holitopa, micha okla moma in tabenakel, micha nan aivlhto hullo puta aiena tabenakel aiasha tuk, ymma puta ka naholitompa isht asha vhleha, micha Lefait vhleha aiena kvt isht vla tok.

5. Mihma miko Solomon, micha Israel okla moma kvt itombi holitopa itikba ya ai im itvnahvt apehvt asha tuk aiena kvt chukfulhpoa, micha wak aiena ka vbit isht aiokpahanchi ka, apakna kvt annoa he keyu, micha holhtina he keyu tok.

6. Mihma naholitompa isht asha vhleha hvt Chihowa nan it im apesa afoyuka itombi holitopa ya atalaia, Chihowa ai ile haiakvchi aholitopa moma i shahli ya isht onvt, chelubim tuklo kash i sanahchi nuta ya talali tok.

7. Chelubim tuklo kvt i sanahchi tuklo ka itombi holitopa atalaia paknaka ya ashatvblichy cha, chelubim tuklo kvt itombi holitopa, micha isht itibasholi tuklo ka paknaka ya ompohomo tok.

8. Micha isht itibasholi tuklo kash okla shufi na, isht itibasholi tuklo i noshkobo hvt itombi holitopa ya a takohmay kvt, Chihowa ai ile haiakvchi aholitopa moma i shahli itikba aholitopa ya haiaka tok; micha kocha ik a peso tok: micha ymmak o aiasha na himak nitak a ant vhlly hoke.

9. Micha itombi holitopa ya nana hosh foka tok keyu, amba teli patvssa tuklo ak illa tok, ymmak oka Israel im vlla vhleha hvt Echip yakni ya kohcha ma, Chihowa vt it im apesa na Holeb asha ma, Moses vt a fohki tok.

10. Atuk o yakohmi tok, naholitompa isht asha vhleha hvt aholitopa ya kohcha ma, Chihowa in chuka ya hoshonti kvt alota tok.

11. Yohmi ma naholitompa isht asha vhleha hvt hoshonti pulla kak o, hielit nan isht asha he keyu tok: Chihowa im aholitopa yvt Chihowa in chuka ya alota tok oka.

12. Yohmi ma Solomon vt anumpulit, Chihowa vt, Okhlili sukko ho ahanta he, miha tok.

13. Ish ai ahanta he chuka, atalaia achufa ish ai ahanta na bilia he, chim ikbi li pulla tuk oke, achi tok.

14. Mihmvt miko vt nashuka ya filimmi mvt, Israel okla moma ka anumpa yukpali onochi tok: (mihma Israel okla moma kvt wakayvt hiel tok.)

15. Micha, Israel in Chitokaka Chihowa vt aki Lewi ya itih ha isht im anumpohonlit, micha ibbak a isht aiahlichit ahanchi mvt,

16. Um okla Israel a pehliehit Echip a a kohchi li tok, nitak ymma itintakla ka chuka vm ikbi na, sa hohchifo hvt a foyuka chi ka, Israel akehlich moma ka tumaha holihta kanima kia ak atokoloshke; yohmi kia Lewi ak osh vm okla Israel a pehliecha chi ho atokoli li tok oke, ahanchi tok vt holitopashke.

17. Atuk o aki Lewi vt Israel in Chitokaka Chihowa hohchifo ha chuka im ikba chi kvt chukvsh a anukfoyuka tok.

18. Mihma Chihowa vt aki Lewi ya, Sa hohchifo ha chuka is vm ikba chi kvt, chi chukvsh a anukfoyuka tuk oke; chi chukvsh a anukfoyuka hoka, vllpesa ho ish yvmohmi tuk oke.

19. Yohmi kia chishno vt chuka yash ish ikba he keyu: amba chiso hvt chikfoka ya a kohcha chi kak osh, yummak osh sa hohchifo ha chuka vm ikba chi hoke, im ahanchi tok.

20. Atuk osh Chihowa vt im anumpa ha anumpohonli tok vt ont aiahlichishke: micha aki Lewi ya vlltobvt wakaya lishke, micha Israel im ai ombinili holitomp ya Chihowa vt miha tok mak o ombinili lishke; micha Israel in Chitokaka Chihowa hohchifo ha chuka im ikbi lishke.

21. Micha piki vhleha ha Echip yakni ya a pehlichit kohchi mvt, Chihowa vt nan it im apesa tok afoyuka itombi holitopa atalaia chi ka ai ikbi lishke, achi tok.

22. Mihmvt, Israel okla moma kvt pisa ho, Solomon vt Chihowa im alta i tikba ya hikia cha, ibbak a ashatvblichit vba pit wieli tok:

23. Micha, Israel in Chitokaka Chihowa ma! chin tishu vhleha hvt chukvsh ai oklvhvt chi tikba a nohova hokvno nan it im apesa, micha nan i nukhaklo aiena aiahlich chi

hoke, vba shutik, micha nutaka yakni ya chitokaka chishno chohmi ket iksho hoke.

24. Chishno ak osh chin tishu Lewi aki ya nana ish im issa tok et ish ai ahlichishke: micha chitih ha isht ish anum-puli tok et chibbak a isht ish ai ahlich na himak nitak ak kia yrmohmishke.

25. Yrmohmi hoka himak a Israel in Chitokaka Chihowa ma! chin tishu aki Lewi ya ish im issat, Sa tikba Israel im ai ombinili holitomp ya om binila chi ket ik chim iksho ka chi keyu hoke: peh itnowa ket ahah! ahni cha, sa tikba ish a nohwa tok chohmit chim rlla vhleha het sa tikba ish ai itnohwa hokma, ish ahanchi tok et himak a ish ai ahlichashke.

26. Yohmi ka Israel in Chitokaka ma! himak a chim anumpa ha chin tishu Lewi aki ya ish im anumpuli tok et ai ahlashke, chim asilhha lishke.

27. Yohmi kia Chitokaka yet yakni ya ahanta hinla mthli cho? Yakeh! shutik ont aihli iksho, micha vba yakni puta moma i shutik ont ai vli iksho hoh kia chiesha he keyushke; aboha ikbi li tuk ilvppak okak heto nanta isht ahoba he keyushke.

28. Yohmi kia chin tishu het anumpa ilbrsha anumpohonli ka, micha a nukhaklokbano ahnit, chim asihhla ka ish aiokpanchi cha, himak nitak a chin tishu het chi tikba chi pahayrt, anumpa ilbrsha anumpohonli ka ish haiyaklashke, an Chitokaka Chihowa ma!

29. Yohmi cha chuka ilvppa, ilvppa pilla ho, Sa hohchifo het ai itoyula hi oke, ish ahanchi tok oket ninak, micha nitak moyuma ka, chi nishkin a onochit ish pihisashke; micha chin tishu het ilvppa anumpa ilbrsha et anumpohonlikma, ish haiyaklashke.

30. Mich a chin tishu, micha chim okla Israel aiena ket ilvppa et filema cha, pi nukhaklokbano ahnit, anumpa ilbrsha et anumpohonlikma, ish i haponaklashke: micha vba aholitopa ish ai ahanta ket et ish a haklashke; micha ish haklokmet, ish i kashofashke.

31. Hatak nana kia hatak bika ya nana im okpni na,

anumpa kullo il onochit anumpula he im apesa na, anumpa kullo yash osh chim alta aboha ilvppa hikia itikba ya vlakma,

32. Yohmikma vba aholitopa ya et ish a haklo cha, yvmihchit, micha chin tishu vhleha ha nan im apesvt, nan ashvchi yash anumpa onochit, ilap nana akaniohmi tuk a noshkobo ha ish onochashke; micha aivlhpiessa ya aivlhpiessa tuk mak o, ahninchit ish im atobbashke.

33. Chim okla Israel vt chi yoshuba tuk atuk osh, in tvnvp itikba ya akakoha cha, anonti falamvt chim ona cha, chi hohchifo ha holitoblichit anumpa ilbvsha anumpohonlit, micha pi nukhaklokbano ahnit, aboha ilvppa et chim asihihlakma,

34. Yohmikma vba aholitopa ya et ish a haklo cha, chim okla Israel a nan ashvchi ya ish i kashofi cha, iki vhleha ha yakni ish ima tok vt, anonti isht ish lashke.

35. Okla chi yoshuba na, vba shutik vt okshilita cha ik umbokma, ish ilbvshalikma, ilvppa anumpa ilbvsha et anumpononlit chi hohchifo ha holitoblichit cha, nanashvchi ya i filvmmikma,

36. Yohmikma vba aholitopa ya ish a haklo cha, chin tishu vhleha, micha chim okla Israel vt nan ashvchi ya ish i kashofi cha, ai itnnowa he vlpesa hina achukma ya ish im avchikmvt, chi yakni vt i yakni ya chi ho, ish ima tok vt ish on umbvchashke.

37. Yakni yash hohchvfo, ililli, shulla, lakna, hawa, keyukmvt shvshi nan-tahli kanima kia aiashakma, in tvnvp vt itikonofichit apakfoyupakma, nan-ililli nana kia, abeka nana kia aiasha na,

38. Anumpa ilbvsha nana kia, keyukmvt a nukhaklokbano ahnit, hatak kuna kia anumpulikmvt, keyukmvt Israel moma kak okma, nana hosh ilap chukvsh ik achukmo ka ithaiyana cha, ibbak ashatablichit aboha ilvppa et wielikma,

39. Yohmikma vba aholitopa ya ish ai ahanta kvv et ish a haklo cha, ish i kashofikmvt ish i yvmihchi cha, chukvsh a ish ithaiyana kvv, hatak moma nana akaniohmi tuk aiyukali

kak o ish ihmashke: (chishno, chishno pulla ak illa kak osh, hatak im vlla vhleha moma chukvsh a ish ithana hokvt;)

40. Yvmohmi ho piki vhleha ha yakni ish ima tok a, okchayvt ahanta nitak moma ka, chi nukwivt okla aiashashke.

41. Micha okla inla hatak vt chim okla Israel a ai achvfa keyu hosh, chi hohchifo pulla kak o yakni hopaki kia min-tit vlakma;

42. (Chi hohchifo holitopa chinto, micha chibbak kvlo, micha chi shakba ashatapa puta ka okla hakla chi hokvt,) vla cha, aboha ilvppa anumpa ilbvsha et anumpohonlikma;

43. Uba aholitopa ya ish ai ahanta kv et ish a haklo cha, okla inla hatak osh nana chim asilhha ka moma ish i yvmihchashke: yvmohmi ho okla moma yakni paknaka aiasha kv chi hohchifo ha ithana cha, chim okla Israel ak inli chiyuhmit okla chi nukwiashe: micha aboha ikbi li tuk ilvppvt chi a hohchifo ka okla ithaiyanashke.

44. Chim okla hv in tenvp a itiba chi hosh kanima yo ish pila na, kohchvt ia tuk osh Chihowa ya im ilbvshvt tmaha holihta ish atokoli tok, micha chi hohchifo ha chuka im ikbi li tuk a et anumpohonlikma;

45. Yohmikma anumpa ilbvsha, micha pi nukhaklokano ahnit chim anumpohonli ka, vba aholitopa ya et ish a haklo cha, ish apehpoashke.

46. Okla chi yoshubakma, (hatak nanta hosh yoshuba keyu kv iksho hoka,) mikma ish i nukkilli cha, in tenvp ibbak a ish fohki na, yukachit isht ivt hopaki hokma, keyuk-mvt olanli hokma, nana hosh tenvp i yakni ya isht onakma;

47. Yohmi tuk kia yukachit yakni isht ai ona tuk a ashvt il anukfilli cha, nan ashvchi tuk vt ishit nukhaklo cha, yukachit ishtia tuk i yakni ashvt pi nukhaklokano ahnit, chim asihhla cha, Nan il ashvchi tuk oke, naksika il itenowa cha, nahaksi e yvmohmi tuk oke, okla achikmvt;

48. Yohmi cha in tenvp vhleha hv yukachit pehlichit ia tuk i yakni ya asha hosh chukvsh ai okluhanchit, micha shilombish ai okluhanchit falamvt chim ohona cha, anumpa ilbvsha ya i yakni iki vhleha ish ima tok, tmaha holihta ish

atokoli tok, micha chī hohchifo chuka im ikbi li tak ash, pillā hā et anumpohonlikma ;

49. Yohmikma anumpa ilbvsha anumpohonlit, micha pī nukhāklokbano ahnit chim asihīhla ka, vba aholitopa yā ish ai ahanta kv̄t et ish a haklo cha, ish apēhpoashke ;

50. Micha chim okla nana chim ashvchi tuk ā, micha chī nan v̄lhpisa yā vbanv̄bli tuk moma ka ish ī kashofi cha, yuka-chit ishtia tuk vt, ī kana chī ka ish ahni na ī nukhāklashke :

51. Chim okla, micha chimmi ai v̄lhpiesa yō, Echip ā apēhlichit, tv̄li a bila iklvna ai ishit ish kohcha tok.

52. Yvmohmi hosh chin tishu hv̄t ā nukhāklokbano ahnit chim asihīhla, micha chim okla Israel vt pī nukhāklokbano ahnit chim asihīhla aiena ka, chī holhponayo hā onochit ish pihīsa cha, nana a chim asihīhla moma ka ish haiyaklashke,

53. Pīki v̄hleha hā Echip ā a pēhlichit ish kohcha mv̄t, chin tishu Moses ish tohno na, anumpuli tok mak o, chimmi ha chī hosh, okla moma yakni paknaka moma aiasha ka ī filvmmichit ish ishi tok oke, Chitokaka Chihowa ma ! ahanchi tok.

54. Atuk osh yakohmi tok, Solomon vt anumpa ilbvsha ilvppa, micha pī nukhāklokbano ahnit, Chihowa im anumpohonlit in taiyaha mv̄t, iyīkalaha ishit hv̄chukbihleptv̄t ibbak vt vba pit ashatapv̄t, Chihowa im alta itikba yā hikia tuk vt wakaya tok.

55. Mihmv̄t hikia cha, Israel moma ka chitoli hosh anumpa yukpali onochit yak ahanchi tok,

56. Chihowa vt ahanchi tok mak osh, im okla Israel ā afoha ima kv̄t, holitopashke : anumpa hochukma in tishu Moses ā tohno na anumpuli tok vt, ik aiahlo kv̄t anumpa achv̄fa kia ikshoshke.

57. Pin Chitokaka Chihowa vt pīki v̄hleha hā ibafoyuka tok, chohmit pibafoyukashke : ik pisso, micha ik pī kanchi kashke.

58. Yohmi cha pī chukv̄sh ā pī nukfohki na, ī hina puta moma ka -ai itv̄nowvt, im anumpa v̄lhpisa puta ; micha ī nanv̄lhpisa puta, micha nan ai isht apesa puta aiena, pīki v̄hleha im apesa tok ā il ieshashke.

59. Mikma Chihowa itikba pī nukhaklokbano ahnit, anum-pa isht anumpohonli li tuk ilvppvt nitak, micha ninak moma ka pin Chitokaka Chihowa ya bilika itoyulashke; yrmohmi na nana hosh a yrmohma he vllhpesakma, in tishu apehpohowa, micha im okla Israel a apehpohowa na biliashke.

60. Yohmi hō okla moma yakni paknaka aiasha kvt, Chihowa ak osh Chitokaka ya, mikma inla vt iksho ka ithaiyanashke.

61. Yrmohmi hoka hvchi chukesh vt pin Chitokaka Chihowa ya im aiahlit, himak nitak a hvsh yrmohmi kvt chohmit i nanvlhpisa puta ka ai itenowvt, im anumpa vlhpisa puta ka hvsh ieshashke.

62. Mihma miko, micha Israel moma aiena kvt Chihowa itikba ya nan vbit isht aiokprechi im ihisa tok.

63. Mihma Solomon vt it i nanaiyrehit isht aiokprechi vbit Chihowa ya im issa kvt, wak tahlepa sipokni pokoli tuklo akucha tuklo, micha chukfvlhpoa tahlepa sipokni tahlepa achvfa cha, tahlepa sipokni pokoli tuklo tok: yrmohmit miko, micha Israel im vlla vhleha moma kvt Chihowa in chuka ya hullochi tok.

64. Nitak yummak inli ka, miko vt Chihowa in chuka itikba talaia tuk, wanuta iklena ya hullochi tok: yummak o nahukmit isht aiokprechi puta, micha ilhpak isht aiokprechi puta, micha it i nanaiyrehit isht aiokprechi yash nia aiena ka ai im ihisa tok; asonak lakna alta Chihowa itikba hikia tuk vt iskitini hatuk o, nahukmit isht aiokprechi puta, micha ilhpak isht aiokprechi puta, iti nanaiyrehit isht aiokprechi yash nia aiena kvt ai onvtola he keyu hatuk o, yrmohmi tok.

65. Nitak ymma Solomon, micha Israel moma kvt apehvt, okla chito, Hamalh ont a chukowa ka vttvt ia hosh Echip okhina ya ont vhli hosh, pin Chitokaka Chihowa itikba ya, nitak untuklo cha nitak untuklo, nitak auah ushta vlhpiesa hō imprechi hā isht aiasha tok.

66. Nitak isht untuchina ma okla hā tishelichi tok: mihma anumpa yukpali okla onochi cha, Chihowa vt in tishu Lewi ya, micha im okla Israel a nana achukma puta i yimi-

hinchī tuk a, nayukpvt chukvsh yukpa hosh im vlbina aiyu-kali ka ona tok.

CHAPTER IX.

ATUK o yakohmi tok, Solomon vt Chihowa in chuka, micha miko in chuka, micha Solomon vt vlhpesa ai ahni cha, yrmihcha he aiahni tuk moma ka ikbit taiyahli ma ;

2. Kibeon a ai i haiaka tok chohmit, Chihowa vt Solomon a atukla ma i haiaka tok.

3. Micha Chihowa vt, Sa tikba ya anumpa ilvrsha ish anumpulit, micha is sa nukhaklokbano ahnit is svm asilhha ka, haiyaklo li tuk oke : chuka ilvppa ish ikbi tuk a sa hohchifo ha a bohli li bilia chi hosh, hullochi li tuk oke : mikma a holhponayo, micha sa chukvsh vt itoyula na bilia chi hoke.

4. Mikma chiki Lewi chukvsh ahli, micha ai vlhpiesvt aya tok ak inli, chohmit sa tikba a nohovvt nana chi miha li tuk moma kak o yrmihchit, a nanvlhpisa puta, micha nan ai isht apesa li puta ka ish ieshikma :

5. Yohmikma chiki Lewi ya Israel i miko ai ombinili holitompā ya hatak vt binila hi vt ik chim iksho ka he keyu hoke, achit i miha li tok mak osh, chim apelhichika ai ombinili holitompā kvloochit hilechi likma, Israel a ish apellichehi na bilia hi oke.

6. Amba hrs siakaiya tuk vt, hvsh shanaiya cha, hvchishno, keyukmvt hvchim vlla vhleha kanima kvv vm anumpa vlhpisa puta, micha a nan vlhpisa puta hvchi tikba takalichi li tuk a hvchik iesho hosh, amba naholbvt toba puta ka ivt im antivt hvsh aiokprchikma,

7. Yohmikma Israel a yakni ima li tok vt ai ishit kanchi la hi oke ; mikmvt chuka ilvppa sa hohchvfo hvv ai itoyula chi ho hullochi li tuk vt, sa tikba ai ishit kanchi la hi oke : mikma Israel a okla moma kvv ishit yopulit anumpuli, micha nan isht achi ya hi oke.

8. Mikma chuka ilvppa, ilvppvt chaha ka kvna hosh bilika ant iakmvt, nukhlakancha cha, Owī yakēh ! acha hi oke :

micha, Nanta katiohmi ho Chihowa vt yakni ilvppa, micha chuka ilvppa yakohmichi tuk oh cho? acha hi oke.

9. Mikma afalamichit, In Chitokaka Chihowa, yvmmak osh iki vhleha ha Echip yakni ya a pehlichit kohcha tuk a issa cha, naholbvt toba puta ka asitia cha, aiokprehit im antia kak atuk oke; yvmohmi kak o Chihowa vt nana ik achvkmo moma ilvppa onochi tuk oke, acha hi oke, achi tok.

10. Atuk o afvmmi pokoli tuklo kvv ont taha ma yakohmi tok, Solomon vt chuka tuklo, Chihowa in chuka yash, micha miko in chuka yash ikbit tahli ma,

11. (Taia i miko Hilam vt, Solomon vt ahni tuk mak o, chuahla iti, micha tiak holba iti, micha tvli holisso lakna aiena ka im atahli tuk atok,) yvmohmi ma miko Solomon vt Hilam a tvamaha holihta pokoli tuklo Kalili yakni talohmaya ka ima tok.

12. Mihma Hilam vt tvamaha holihta puta Solomon vt ima tuk ash, pisa chi hosh Taia ya a kohchvt minti tok; atuk osh ik ahnincho tok.

13. Michā, Itibapishi li ma! tvamaha holihta ilvppvt nanta ho is svma tuk oh cho? achi tok. Mihmvt Kabul yakni hochifo tok o himak nitak a moma hoke.

14. Mihma Hilam vt miko ya tvli holisso lakna talent tahlepa achvfa cha pokoli tuklo ho i pila tok.

15. Ilvppa yakohmi kak o miko Solomon vt nan atokoli ya apesa tok; Chihowa in chuka, micha ilap in chuka, micha Millo, micha Chelusalem in tvli holihta, micha Haso, micha Mekitto, micha Kese aiena ka ikba chi kak atok.

16. Echip i miko Feleo vt ivt Kese ya ishi cha, luak ishit hukmit tahli mvt, Kenan okla tvamaha holihta yvmma aiasha tuk a vbit tahli cha, ushetik Solomon tekchi ya habenvchi tok.

17. Mihma Solomon vt Kese, micha Belh-holon sokbish pillā,

18. Michā Baalalh, micha Talmo yakni haiaka yakni yash talaia ka,

19. Michā tvamaha holihta vhpoyak aiasha Solomon vt im aiasha, micha tvamaha holihta tvnvp im itichanvlli puta

aiasha, micha tumaha holihta im issuba ombinili aiasha aiena ka ikbi tok; micha Solomon vt Chelusalem, micha Lebanon, micha apelihchi yakni moma ka ai ikba he aiahni tok vt ikbi tok.

20. Micha Amolait vhleha, Hittait vhleha, Pelissait vhleha, Hifait vhleha, micha Chebusait vhleha okchayvt asha tuk moma Israel im vlla vhleha keyu ka,

21. Im vlla vhleha hvt iakayvt yakni yash aiasha tuk, ymma Israel im vlla vhleha hvt vbit tahlit vmohmicha he keyu tok, ymma puta ka Solomon vt yuka toksvli onochit i hoyo tok o himak nitak a moma hoke.

22. Amba Israel im vlla vhleha hokvno Solomon vt hatak yuka vhleha ik ikbo tok: amba hatak tenvp aya, micha in tishu vhleha, micha i holitempa vhleha, micha i kvpitvni vhleha, micha tenvp im itichanvlli puta isht aya vhleha, micha issuba ombinili vhleha yosh im aiasha tok.

23. Ilvppa puta kak osh Solomon i natoksvli apistikeli nanvlhtoka i shahli atok; tahlepa tahlapi cha pokoli tahlapi, ymmak osh okla toksvli nana isht aiasha ka apistikeli atok.

24. Amba Feleo ushetik vt Lewi in tumaha holihta ya kohchvt Solomon vt im ikbi tuk in chuka ya vla tok: yohmi ma Millo ya ikbi tok.

25. Micha Solomon vt afvmmikma hituchina ha nahukmit isht aiokprechi, micha itinanaiyvehit isht aiokprechi ya alta Chihowa im ikbi tuk vt onochit im ihisa beka tok; micha nabalama ya alta Chihowa itikba hikia ka onochit hukmi beka tok: yvmohmit chuka ya atahli tok.

26. Mihmvt miko Solomon vt peni hochito kohta shali kanohmi ho okhvta humma on talaka Etom yakni Eloih ichapaka Esion-kebe ya ai ikbi tok.

27. Mihma Hilam vt in tishu vhleha peni hochito kohta shali isht aya imponna, okhvta ha ithana puta ka Solomon in tishu vhleha ha aieninchit pila tok.

28. Mihma Ofi ya ona cha, ymma tvli holisso lakna talent tahlepa ushta cha pokoli tuklo ho, ai ishit miko Solomon a isht im vla tok.

CHAPTA X.

ATUK o Sheba i miko ohoyo hvt Solomon vt Chihowa hohchifo pulla isht anohowa ho haklo mvt, na ponaklo kullo isht imomaka pisa chi hosh vla tok.

2. Mihmvt tishu baieli laua fehnt, kamel nabalama shali, micha teli holisso lakna laua fehna, micha teli holitopa puta aiena ho ieshi hosh, Chelusalem a vla tok: atuk osh Solomon a im vla mvt, nana hosh chukvsh foyuka tuk moma kvv isht it im anumpohonli tok.

3. Mihma Solomon vt nana i ponaklo ka moma im anoli tok; miko vt nana kia in luma cha ik im anolo kvv iksho tok.

4. Atuk osh Sheba i miko ohoyo hash osh Solomon ahopoyuksa moma, micha chuka yash ikbi tok;

5. Michu ilhpak im aiimpa aiasha, micha in tishu vhleha hvt kaniohmit chieya, micha nan im isht asha vhleha hvt kaniohmit hieli, micha i nafohka aiena, micha isht ishko sholi vhleha, micha ai oiyvt Chihowa in chuka ona aiena ka pisa mvt, shilombish kunia chiyuhmi tok.

6. Michu miko ya, Nana annoa ahli ho a yakni ya anta li mvt, nana ish akaniohmi, micha chim ahopoyuksa aiena ka haklo li tuk oke.

7. Yohmi akinli kia anumpa ha ik sai yimmo ke tuk osh, vla lish sa nishkin a ishit pisa li kak osh sai yimmishke: yohmi ka yakeh! iklvna kvv vm annoa tuk keyushke; chim ahopoyuksa, micha nana chim vlhtaha kvv annoa na, haklo li tuk a, i shahli atampvshke.

8. Chin tvshka vhleha hvt nayukpvshke, chin tishu vhleha hvt chi tikba hieli na bilia, ilvppvt chim ahopoyuksa hahaklo kvv nayukpvshke.

9. Chin Chitokaka Chihowa ymmak osh chi ahninchu cha, Israel ai ombinili holitompv ya chi binilichi tuk vt holitopashke; Chihowa vt Israel a i hullo na bilia hatuk osh, nan im apesvt ai vhlpiesa ish yumiheha chi ho, miko chikbi tuk oke, im achi tok.

10. Mihmvt miko ya teli holisso lakna talent tahlepa

achvfa cha pokoli tuklo aiena h_o, micha nabalama laua fehna, micha tvli holitopa puta aiena ka ima tok: nabalama apakna Sheba i miko ohoyo hvt miko Solomon a ima tuk, ilvppa chohmit i himmakma ik im vlo tok.

11. Mikma Hiram i peni hochito kohta shali vt, tvli holisso lakna ya Ofi ya ont ai isht vla tuk vt, almuk iti laua fehna, micha tvli holitopa puta h_o Ofi ya ai isht vla tok.

12. Mihma miko vt almuk iti ya, Chihowa in chuka, micha miko in chuka tonik puta im ikbi mvt, taloa vhleha ha hap puta, micha salteli puta aiena ka isht im ikbi tok: almuk iti ymma chohmi kvt vla tok keyu, micha pisa tok keyu himak nitak a ant vhli hoke.

13. Mihma miko Solomon vt Sheba i miko ohoyo hash nana h_o ahnit asilbhakma moma ima mvt, miko chohmit aieninchit ima tok: yohmi ma filema cha, ivt ilap i yakni ak inli h_o in tishu vhleha aiena kvt ona tok.

14. Mihma afvmmi achvfa h_o tvli holisso lakna vt Solomon a im vla kvt, weki kvt tvli holisso lakna talent tahlepa hannali cha pokoli hannali akucha hannali tok.

15. Mikma hatak nan itatoba vhleha, micha nabalama itatoba vhleha, micha Alabia i miko vhleha, micha ilap i yakni pehlichi vhleha aiena ka, im ai ishi tuk vt im aiena tok.

16. Mihma miko Solomon vt tvli holisso lakna lvllit, telihpa chipunta tahlepa tuklo h_o ikbi tok: telihpa achvfakma tvli holisso lakna shekel tahlepa hannalit ia tok.

17. Micha telihpa tahlepa tuchina tvli holisso lakna lvlla y_o ikbi tok: telihpa achvfakma tvli holisso lakna weki tuchinv_t ia tok: mihma miko vt Lebanon yakni haiaka chuka ak o ashachi tok.

18. Micha miko vt ai ombinili holitompa chito y_o elefant noti isht ikbi cha, tvli holisso lakna achukma i shahli h_o lapalichi tok.

19. Ai ombinili holitompa vt atuya ahabli hannalikma, ai ombinili holitompa ashaka paknaka et lumbo tok: micha ai ombinili tahlalaka shakba ai onvtola yvt asha ma, koi chito tuklo hosh shakba ai onvtola ya apotvt hieli tok.

20. Micha atuya ahabli hannali ka in tennep achufa, micha ai in tennep achufa ka koi chito auahtuklo kv̄t hieli tok: apehlichika kanima ka yemma chohmi hosh toba kv̄t iksho tok.

21. Mihma miko Solomon ai ishko vt tvli holisso lakna yokma, Lebanon yakni haiaka chuka nan aivlhto puta kv̄t tvli holisso lakna ghli tok: tvli hvta yosh toba kv̄t iksho: Solomon i nitak a nana isht ik ahobo tok.

22. Miko vt Hilam i peni hochito kohta shali takla Hlashish peni hochito kohta shali hosh okhvta ha im aiasha tuk okvt: Hlashish peni hochito vt afvmmi tuchinakma himonna ha vlv̄t, tvli holisso lakna, micha tvli hvta, micha elefant noti, micha hatak shaūi puta, micha okchanlus chito puta aiena ka isht vla beka tok.

23. Ycmohmi ho miko Solomon vt imilayak chito, micha hopoyuksa aiena kv̄t miko moma yakni paknaka aiasha ka i shahli tok.

24. Mihma yakni moma kv̄t Chihowa vt chukvsh fohki tuk o, hopoyuksa ka i haponaklo bvn̄vt Solomon nashuka ya hohoyo tok.

25. Mihma vlv̄pisa ho afvmmi hosh afvmmikma hatak puta kv̄t nahvlbina nan aivlhto tvli hvta, micha nan aivlhto tvli holisso lakna, micha nafohka, tennep aya i nahalupa, micha nabalama, micha issuba puta, micha issuba haksobish falaia puta aiena ka isht im vla tok.

26. Mihma Solomon vt tennep itichanvlli puta, micha issuba ombinili puta aiena ka itahobit taiyahli tok; micha tennep itichanvlli tahlepa auahushta, micha issuba ombinili tahlepa sipokni auahtuklo hosh im asha, yemma tennep itichanvlli aiasha tumaha holihta, micha miko aivtta Chelusalem aiena kak o ashachi tok.

27. Micha miko vt Chelusalem a tvli hvta ya apakn̄vchi kv̄t tvli chohmichi mv̄t, chuahla ya apakn̄vchi kv̄t bihi holba okfa aiasha kak o chohmichi tok.

28. Mihma Solomon a issuba puta, micha linen ponola ha Echip a ai isht im vla tok: mihma miko im itatoba vhleha hv̄t linen ponola ha aulli vlv̄pisa ho ishi tok.

29. Micha tñvnp itichanvlli achvfa kv̄t tv̄li hv̄ta vt shekel tahlepa hannalikma, issuba achvfa kv̄t tahlepa achvfa cha pokoli tahlapi hō Echip a kohev̄t minti tok: micha yohmi hō Hittait okla i miko moma, micha Silia i miko vhleha ha yvmmak osh isht i koheha tok.

CHAPTER XI

YOHMI kia miko Solomon vt okla inla ohoyo laua, Feleo ushetik, micha Moabait ohoyo, Ammonait, Etomait, micha Hittait aiena ohoyo vhleha anushkunna tok.

2. Okla yvmma puta ka Chihowa vt Islael im vlla vhleha ha, Hvch ik ibachukowokma, ik hvch ibachukowo kashke: hvchi chukvsh a filimmi na, i naholbvt toba puta ka hvsh im antia pulla hi oke, im achi hatok okak o, Solomon vt ilvppa puta ka anushkunnvt asitia tok.

3. Micha tekchi vt ohoyo holitompa tahlepa untuklokma, im itaiena tahlepa tuchina hosh im asha tok: mihma tekchi vhleha hv̄t chukvsh a filimmi tok.

4. Atuk o yakohmi tok, Solomon vt sipoknit taiyaha ma, tekchi vhleha hv̄t chukvsh filimmi na, oklushi inla i naholbvt toba puta ka asitia tok: in Chitokaka Chihowa ya chukvsh vt aiahli tok keyu, iki Lewi chukvsh atok a ik chohmo tok.

5. Solomon vt Sitionian okla i naholbvt toba ohoyo Ash-tolelh a iakaiyvt, Ammon okla nanashvchi yuwalvchi Milkom a iakaiya tok.

6. Micha Solomon vt Chihowa itikba ya nana ik achukmo ka yvmihchit, Chihowa ya iakaiya kv̄t, aiahli tok keyu, iki Lewi atok a ik chohmo tok.

7. Yohmi mvt Solomon vt Moab nan ashvchi yuwalvchi Chemosh a nv̄nih Chelusalem itikba hikia ka achahaka ya im ai ikbi tok; micha Ammon in chipota nanashvchi yuwalvchi Molech a im ai ikbi tok.

8. Micha okla inla ohoyo tekchi moma ka i yvmihchi na, nabalama a hukmit i naholbvt toba puta ka nan im vbit okla isht ai okpahanchi tok.

9. Mihma Chihowa vt Solomon a i nukhobela tok, chukush vt Israel in Chitokaka Chihowa ya i filvmmi tok oka.

10. Yvmmvt hitukla ha i haiaka cha, nana ilvppa fehna ka im apesvt, naholbvt toba puta iakaiyvt aya he keyu i miha tok: yohmi kia Chihowa vt nana apesa tok a ik iesho tuk atok.

11. Yvmohmi hatuk o Chihowa vt Solomon a, Ilvppa ish yvmihchi cha, nan it im apesa li ya, micha a nanvlhpisa puta chi miha li tuk a chik iesho hoka, apelihchika yash mokofit chim ishi lish, chin tishu ho ima la chi pulla hoke

12. Yohmi akinli kia ish ahanta takla nitak okvno, chiki Lewi ak atok pulla mak o, yvmihchi la he keyu: amba chiso ibbak ak o mokofit a kohchi la hi oke.

13. Yohmi akinli kia apelihchika ya mominchit mokofit im ishi la he keyu: amba an tishu Lewi atok pulla kak o, micha Chelusalem atokoli li tok pulla hatuk mak o, apelihchika achvfa ho ima la chi hoke, im achi tok.

14. Mihma Chihowa vt Solomon a i sanala chi ho Etomait Hatat a hilechi tok: yvmmvt miko im isht atiaka yosh Etom a anta tok.

15. Yohmi kvv yakohmi tok, Lewi vt Etom a anta ma, tvshka chipota i kvpitvni chito Choab vt Etom a nakni moma issot kanchi tuk osh holpit ia mvt;

16. (Hvshi hannali ho Choab, micha Israel moma ai itvpiha kvv yvmma aiasha cha, nakni moma Etom aiasha ka vbit tahli tuk okvt:)

17. Yohmi ma Hatat vt malelit, yvmma micha Etomait kaniohmi, iki in tishu vhleha ai achvfa aiena kvv Echip ia hosh yihlepa tok: Hatat vt vlla iskitini moma hatok.

18. Michia Mitian a a kohchvt okla wakayvt Palan a ona tok: mihmvt Palan a hatak kanohmi ai ishi cha ia mvt, Echip onvt, Feleo Echip i miko ya im ona tok: yvmmvt chuka ya ima mvt, ilhpak a im atahli cha, yakni ya ima tok.

19. Mihma Hatat vt Feleo itikba ya im isht i kana chinto ahayuchi tok: yohmi ho ilap tekchi ak inli itibapishi, Tahpenes ohoyo miko itibapishi ha tekchi ya chi ho ima tok;

20. Mihma Tahpenes itibapishi hvt vlla nakni Kenubalh a im eshi tok: ymma Tahpenes vt Feleo in chuka ya bohliit pishi issvchi tok: mihma Kenubalh vt Feleo in chuka achvfa, Feleo ushi vhleha hak o takla ahanta tok.

21. Atuk o Lewi vt iki vhleha takla nusi tuk, micha Choab tvshka chipota i kvpitvni chito vt illi tuk o, Hatat vt Echip a antvt haklo mvt, Hatat vt Feleo ya, Ak ia cha, a yakni akinli ho ak oná, im achi tok.

22. Yohmi ma Feleo vt, Yohmi kia sa takla ish ahanta takla kvv, nanta hosh ik chim ono tuk osh chi yakni akinli ho ia chi bunna cho? im achi tok. Mihma afalamichit, Nana ik svm ono kvv iksho: yohmi ak inli kia, ik kaniohmi kia ak iá, achi tok.

23. Mihma Chihowa vt inla yvt i sanala chi ho, Eliatah ushi Leson, ymmvt Hatat-ese Sobah i miko i maleli tok a, hilechi tok.

24. Micha hatak il ai itvnahli cha, Lewi vt Sobah asha ya vbit tahli ma, aya achvfa i kvpitvni toba tok: micha Tamaskvs a okla ona cha, ymma vttvt Tamaskvs a okla a pehliechi tok.

25. Micha Hatat nan okpvni kvv asha ma, Solomon vt okchayvt ahanta nitak moma ka Leson ash osh Israel a im i sanali tok: micha Israel a shitlema tok; micha Silia ya i miko tok.

26. Mihma Nebat ushi Cheloboam Eflahlait hatak Seleta yakni vttá, Solomon in tishu, ymma ishki hohchifo kvv Seluah, ohoyo i hatak illi atok, ymmak kia miko i sanalit ibbak a wakeli tok.

27. Ilvppa yohmi kak o miko ya i sanalit ibbak a wakeli tok: Solomon vt Millo ya ikbit iki Lewi in tvnaha holihta kinahli ya aiiskiachi tok.

28. Mihma hatak Cheloboam vt hatak hlampko chilita nukwia iksho tok: mihma hatak himita nan aiokpvchi ho Solomon vt pisa mvt, Chosef in chuka achvfa isht ahalaia moma ka apesvchi ikbi tok.

29. Atuk o nitak ymma yakohmi tok, Cheloboam vt Chelusalem a a kohchvt ia ma, hina takla aya na, Shilonait

Ahichah hopaii vt ahayuchi tok: mihma nafohka himona foka tok: mihma tuklo illa hosh yakni haiaka hieli tok.

30. Mihma Ahichah vt nafohka himona foka tuk a hoklit ishi cha, hlilichit auahtuklochi tok.

31. Micha Cheloboam a, Pokoli ho ai ishi, Chihowa Israel in Chitokaka yvt yak achi hoka, Yakeh! aephlichika yash mokofit Solomon ibbak a a kohchi likmvt, aephlichi pokoli ho chima la chi hoke.

32. Amba an tishu Lewi ak atok pulla kak o, micha Chelusalem tmaha holihta ya Israel aephlichi puta moma ka a kohchit atokoli li tok pulla hatuk mak o, aephlichi achvfa ka isha chi hoke.

33. Okla sa kanchi cha, Sitionian okla i naholbvt toba ohoyo Ashtoleh, Moab okla i naholbvt toba Chemosh, micha Ammon in chipota i naholbvt toba Milkem aiena ka aikpvtchi cha, a hina puta ik ai itvnohowo, micha sa tikba ai vlpiesa ik yvmihcho, micha a nanvlpisa puta, micha a nan isht ai apesa puta aiena ka ik yvmihcho kvv iki Lewi atok a ik chohmo hoka.

34. Ik yohmi kia aephlichika ya mominchit ibbak a a kohchit ishi la he keyu hoke: amba vm anumpa vlpisa puta, micha a nan vlpisa puta aiena ka ieshi hatuk o, an tishu Lewi yvmma atokoli li tok pulla hatuk mak osh, okchayvt ahanta nitak moma ka miko ikbi la hi oke.

35. Amba aephlichika ya ushi ya ibbak a a kohchit ishit, aephlichi pokoli ho chima la chi hoke.

36. Micha ushi ak o aephlichi achvfa ho ima likma, an tishu Lewi vt Chelusalem, tmaha holihta sa hohchifo a bohli la chi hosh atokoli li tok a, pvla hvv i hikia na bilia chi hoke.

37. Micha chishmo ak o chishi likma, chi chukvsh ahni tuk puta kvv, mikot Israel a i miko chia ha chi hoke.

38. Atukma yakohma hi oke, nana chi miha li moma ka ish haiyaklo cha, a hina puta ka ish a nohowvt aivlpiesa kak o sa tikba ish a yvmohmi cha, a nan vlpisa puta, micha vm anumpa vlpisa puta ka an tishu Lewi atok a chohmit ish ieshikma, chibafoyuka lish, Lewi im ikbi li tok

a chohmichit, chin chuka k'vllot hikia hō chim ikbi lish, Israel a chima la hi oke.

39. Micha ilvppak atuk mak o, Lewi ai unchololi ya ilbvshali li kia, bilia he keyu hoke, im achi tok.

40. Yvmohmi hō Solomon vt Cheloboam a vbi bunnvt hoyo tok. Mihma Cheloboam vt wakaya cha, malelit Echip a onvt, Echip i miko Shishak a im ona cha, Echip a anta na Solomon vt illi tok.

41. Yohmi ka Solomon nana akaniohmi tok inla kv̄t, micha nana yvmihchi tok puta, micha ahopoyuksa aiena kv̄t, Solomon nana akaniohmi tok holisso hā a holisso keyu, cho?

42. Mikma Solomon vt Israel moma i mikot, Chelusalem a ahanta kv̄t afr̄m̄mi pokoli ushta tok.

43. Mihmvt Solomon vt iki vhleha hā takla nusi cha, iki Lewi in tvmaha holihta ya a hollopi tok: mihma ushi Lehoboam ak osh vlhtobvt miko tok.

CHAPTA XII.

MIHMA Lehoboam vt Shechem a ona tok: Israel moma kv̄t yv̄mma miko ikba chī hosh Shechem a ona tuk atok oka.

2. Atuk o yakohmi tok, Nebat ushi Cheloboam vt Echip a ont anta moma hosh haklo tok, (miko Solomon a Cheloboam vt i maleli cha, Echip ak o ont v̄tta tok okv̄t:)

3. Mihma anumpa pit i pilvt okla hoyo tok: mihma Cheloboam, micha Israel moma kv̄t ona mvt, Lehoboam a okla im anumpulit.

4. Chīki vt pim ikunla abana ya pī wekichi tok: yvmohmi hoka himak a chīki vt toksvli kv̄llo pi onochi tok, micha im ikunla abana weki pi onochi tok a ish shohhvlachashke, mikma e chim antiashke, okla achi tok.

5. Mihma, Hvsh tisheli cha, nitak tuchinakma anonti hv̄s sv̄m vlashke, im achi tok. Mihma okla hv̄t tisheli tok.

6. Mihma miko Lehoboam vt hatak sipokni vhleha iki Solomon vt okchayvt ahanta moma ma, itikba hielī tok a it

im anumpulit, Nanta hō hvsh miha na okla ileppa anumpa falama ya ima la chī cho? achi tok.

7. Mihma im anumpulit, Himak nitak a okla ileppa in tishu tobtv, ish in toksula chī hokma, micha anumpa falama, micha anumpa hochukma ish ima chī hokma, yohmikka chin tishu vhleha bilia chī hoke, okla achi tok.

8. Yohmi kia hatak sipokni vhleha im anumpa ima tuk a kanchi cha, hatak himithoa iba hofanti tok itikba hiel kak o it im anumpuli tok.

9. Michā, Nanta hō hvsh miha na okla ilvppvt vm anumpulit, Ikunla abana chīki vt pi onochi tok a ish shohhvlachashke, achi tuk a anumpa falama il ima chī cho? im achi tok.

10. Mihma hatak himithoa iba hofanti tok ash osh im anumpulit, Okla ileppa yak ish im achashke, ymmvt chim anumpulit, Chīki vt pim ikunla abana ya pi wekechi tok, amba chishno vto ish shohhvlachashke, achi tuk a yak ish im achashke, Svbbak ushi iskitini vt sukko kvv aki in ehvshwa nipi ya i shahla chī hoke.

11. Yohmi ka himak a aki vt ikunla abana weki hō hvchi onochi tok kia, vno yokvto chim ikunla abana ya ibafohki la chī hoke; aki vt ishit-fvma yo ishit hvchi kostininchī tok kia, vno yokvto halambia hō ishit hvchi kostininchī la chī hoke, im achi tok.

12. Yvmohmi tuk o Cheloboam, micha okla moma kvv, mīko vt apesvt, Nitak ont isht atuchinakma anonti hvv svv vlashke, achi tuk mak o, nitak ont isht atuchina ma Leho-boam a im ona tok.

13. Mihma mīko vt afalamichit okla ha anumpa kvvlo im anumpuli cha, hatak sipokni vhleha hvv anumpa i miha tuk a kanchi tok.

14. Michā hatak himithoa anumpa i miha tuk ak o iakaiyvt im anumpulit, Aki vt hvchim ikunla abana ya wekichī tok a ibafohki la chī hoke: aki vt ishit-fvma yo ishit hvchi kostininchī tok kia, vno vto halambia hō ishit hvchi kostininchī la chī hoke, achi tok.

15. Yvmohmi hosh mīko vt okla ha ik i haponaklo tok: Chihowa vt aiahni tok oka, ymmvt Chihowa vt Ahichah

Shilonait a tohno na Nebal ushi Cheloboam a im anumpuli tuk vt aigblicha he ak atok.

16. Yvmohmi ho Israel moma kvt miko vt i haponakla he keyu ho pisa mvt, okla hash osh afalamichit miko ya, Lewi ya nanta isht pi ahalaia cho? micha il ai isha he vllh-pesa yvt Chesse ushi ya ik pim ikshoshke: Israel vhleha ma! hvchim vlbina ha hvsh iashke: himak a Lewi vt chin chuka akinli ish apistikelashke, achi tok. Yohmi ho Israel vt tishelit im vlbina ha ona tok.

17. Amba Israel im vlla vhleha hvt Chutah in tmaha holihta aiasha hokvno Lehoboam vt i miko tok.

18. Yvmohmi ma Lehoboam vt Atolam a, yvmmt nosh-kobo atobbi apesvchi yatuk o pila tok: mihma Israel moma kvt tvli ishit boli na illi tok. Yvmohmi ho Lehoboam vt malelit Chelusalem ona chi hosh tushpvt tnvvp itichanvlli ya ont chukowa tok.

19. Yohmi hosh Israel vt Lewi in chuka achvfa ya i filvmmi i sanali tok osh himak nitak a imoma hoke.

20. Atuk o yakohmi tok, Israel moma kvt Cheloboam vt anonti vla tuk o haklo mvt, pit hoyot okla itvnaha aiasha ka isht ona cha, Israel moma i miko ikbi tok: achvfa kia Lewi in chuka achvfa ya iakaiya kvt iksho tok, amba Chutah apelhichi ak illa tok.

21. Atuk o Lehoboam vt Chelusalem a vla mvt, Chutah in chuka achvfa moma, micha Benchamin apelhichi aiena hatak aiyuha tahlepa sipokni achvfa cha, tahlepa sipokni pokoli untuchina, yvmmt tnvvp aya ya itvnahli na, Israel in chuka achvfa ya itibit, apelhichika yash anonti Solomon, ushi Lehoboam a isht im vla chi hatok.

22. Yohmi tuk kia Chihowa im anumpa hvt hatak Chitokaka im antia Shemaiah ya im vlvv yak achi tok.

23. Lehoboam Solomon ushi Chutah i miko ya, micha Chutah in chuka achvfa moma, micha Benchamin, micha okla hinli aiena ka im anumpulit yak ish achashke,

24. Chihowa vt yak achishke, Hvsh ia he keyu, micha hvch itibapishi vhleha, Israel im vlla vhleha ha hvsh itiba he keyu hoke: moma kvt falamvt in chuka aiyukali ho hvsh

onashke : nana ilvppa vno ak osh ahni li tuk oka. Yvmohmi h_o Chihowa im anumpa h_a i haponaklo tok ; micha Chihowa im anumpa hatuk mak o, falamvt ia tok.

25. Mihma Cheloboam vt Eflaim nvni h_a Shechem a ai ikbi cha, yvmma vtta tok ; atuk osh yvmma kohchvt ia mvt, Penuel a ikbi tok.

26. Mihmvt Cheloboam vt chukvsh anukaka ya anukfihinit, Himak a apelhichika yvt falamvt Lewi in chuka achvfa ya im ona ch_i hoke.

27. Okla ilvppvt Chihowa in chuka Chelusalem a atalaia ka nan ai vbit ont isht aiokpvchikmvt, okla ilvppa chukvsh vt anonti falamvt i shahli Lehoboam Chutah i miko ya im ona ch_i hoke ; mikmvt okla svbi cha, Chutah i miko Lehoboam a anonti im ona ch_i hoke.

28. Yvmohmi hosh miko vt it im anumpuli mvt, tvli holisso lakna wak ushi tuklo h_o ikbi cha, Chelusalem a hvsh ia ka atvpa fehnvshke : Israel ma ! ch_i naholbvt toba Echip yakni ya pehlichit hvchi kohchi tok a hvsh pisashke, im achi tok.

29. Micha achvfa ka Behlel ak o hilechi mvt, achvfa ka Tan ak o hilechi tok.

30. Mihma nana ilvppa isht ayoshuba tok : okla hvvt achvfa Tan hikia ka itikba onvt aiokpvchi tok okvt.

31. Micha achahaka aboha puta ikbi tok : micha Lefai ushi vhleha ak keyu, okla makali ont ishtaiyopi ak o, naholitompa isht asha ikbi tok.

32. Micha Cheloboam vt hvshi isht untuchina, nitak ont isht auah tahlapi ka, impvchi Chutah impvchi akinli chohmi h_o, apesa tok ; micha alta ya ai onochit im issa beka tok. Behlel ak kia yvmihchit wak ushi ikbi tuk vt, nan im vbit aiokpvchi tok : micha achahaka puta ikbi tuk naholitompa isht asha vhleha h_a Behlel ak o hilechi tok.

33. Yvmohmi hosh alta Behlel ai ikbi tuk vt hvshi isht untuchina, nitak isht auah tahlapi ma, ilap chukvsh akinli hvshi apesa tuk vt, ai onochit im issa tok : micha Israel im vlla vhleha h_a impvchi im apesa tok ; micha alta ai onochit im issa mvt, nabalama ai o hukmi tok.

CAPTA XIII.

MIHMA yakeh! hatak Chitokaka im antia yvt Chihowa im anumpa ieshi hosh Behlel a ona tok: mihma Cheloboam vt nabalama hukmi hosh alta bilika ya hikia tok.

2. Micha Chihowa im anumpa ha anumpulit alta ya im i sanalit pahaya cha, Alta ma! alta ma! Chihowa vt yak achishke; Yakeh! Lewi in chuka achufa ya vlla hohchifo kvv Chosiah yosh im vttā hi oke: mikmvt yvmmvt achahaka puta naholitompa isht ai ashvt nabalama chi ai onochit, hukmi vhleha ha chi ai onochit im ihisa hi oke; mikma hatak foni yosh chi onvtolvt lua hi oke, achi tok.

3. Mihma nitak yvmmak inli hō nan isht atokowa imvt, Chihowa vt anumpohonli tuk a, ilvppak osh nan isht atokowa hoke: Yakeh! alta vt kinafakma, hituk chubbi o asha tuk vt hlatapa chi hoke, achi tok.

4. Atuk o yakohmi tok, hatak Chitokaka im antia yash osh anumpulit, alta Behlel hikia ka im i sanalit pahaya ka, Cheloboam vt haklo mvt, ibbak vt alta onvtonla tuk a ishi cha, pit welit, Hoklit ishi, achi tok. Mihma ibbak a isht im i sanalit pit weli kash osh shilvt taha tok: yohmi hō falvmminchit isha he keyu tok.

5. Nan isht atokowa hatak Chitokaka im antia yash osh, Chihowa im anumpa ieshi hosh ima tuk mak o, alta ak kia kinafa ma, hituk chubbi alta o asha tuk vt hlatapa tok.

6. Mihma miko vt afalamichit hatak Chitokaka im antia yash, Chin Chitokaka Chihowa itikba ya himak a im ilbvshvt is si anumpuli na, svbbak vt anonti hlakofashke, im achi tok. Mihma hatak Chitokaka im antia yash osh Chihowa ya im asilhha ma, anonti miko ibbak vt hlakofi cha, ibbak yatuk ak inli chohmi tok.

7. Mihma miko vt hatak Chitokaka im antia yash, Si awant an chuka ona cha ish impakma, na hvlbina chima lashke, im achi tok.

8. Mihma hatak Chitokaka im antia yash osh miko ya, Chin chuka ya iklvna hō is svma chi hoh kia, chi awant

ona la he keyu, micha ilvppa pvska ai vpa la he keyu, micha oka ai ishko la he keyu hoke.

9. Yohma hi o Chihowa im anumpa hvt atokolit a miha mvt, Pvska ish pa ná, micha oka ish ishko ná, micha fala-mvt hina ish a minti tuk akinli, anonti ish ia ná, vm achi tuk oka, im achi tok.

10. Yvmohmi hosh hina inla ho ia cha, hina a mintit Belhel vla tuk vt falamvt ik aiyo tok.

11. Mihma Belhel a hopaii sipokni vt vtta tok: mihma ushi vhleha hvt, nitak yvmma hatak Chitokaka im antia yash osh nana yvmihchi tuk moma ka, ont im anoli tok: anumpa ha miko im anoli tuk yvmma aiena ka iki ya okla im anoli tok.

12. Mihma iki vt, Katima yo ia tuk o? im achi tok; ushi vhliha hashot hatak Chihowa im antia Chutah minti yash osh kanima ia ka pisa tuk okvt.

13. Mihma ushi vhleha ha, Issuba haksobish falaia ya hus svm umpatalashke, im achi tok. Yohmi ma issuba haksobish falaia im umpatali tok: mihma ombinili cha,

14. Hatak Chitokaka im antia yash iakaiyrt ia tuk osh, nosupi nuta binili na, ont ahayuchi tok: micha, Chishno ak osh hatak Chitokaka im antia Chutah minti tuk mak o chia hoh cho? im achi tok. Mihma, Mih sia hoke, achi tok.

15. Yohmi ma, Si awant an chuka ish ona cha, pvska ish pashke, im achi tok.

16. Mihma, Chi awant falama la he tuk keyu, micha chi awant ona la he tuk keyu: micha ilvppa pvska a chibai vpa la he keyu, micha oka a chibai ishko la he keyu hoke.

17. Chihowa im anumpa hvt, Yvmma pvska ish ai vpa he keyu, micha oka ish ai ishka he keyu hoke; micha anonti falamvt hina ish a minti tuk ak inli kvt, ish ia he keyu hoke, vm achi tuk oka.

18. Hopaii sipokni ash osh, Chishno chohmit vno ak kia hopaii sia hoke: atuk o Chihowa im anumpa ho enchil vt vm anumpulit, Falmminchit chin chuka isht ish la na, pvs-ka vpvvt, micha oka ishkashke, vm achi tuk oke, im achi tok. Yohmi kia i holabi tok.

19. Yohmi hō falama cha, in chuka pvska ont ai vput, oka ai ishko tok.

20. Atuk o yakohmi tok, ai impa a chiya ma, Chihowa im anumpa hut hopaii falvmminchit isht vla kash o im vla tok.

21. Micha hatak Chitokaka im antia Chutah minti yash, chitolit im anumpuli mvt, Chihowa vt yak achishke, Chihowa itih hā chik im antio hosh anumpa vlpisa chin Chitokaka Chihowa vt chim apesa tuk a chik iesho hosh,

22. Amba falamvt ish la na Chihowa vt chim achi kv, Pvska ish pa ná, micha oka ish ishko ná, achi tuk pvska ish ai vpa, micha oka ish ai ishko hokvt, chi nipi illi vt iki vhleha im ahollopi ya ona chi keyu hoke.

23. Atuk o yakohmi tok, pvska vput issa ma, micha nan ishko issa ma, hopaii falvmminchit isht vla kash osh, issuba haksobish falaia yash im umpatali tok.

24. Mihma ia tuk o hina takla ya, koi chito vt afama cha, vbi tok: micha haknip illi ya hina takla pila na itoyula ma, issuba haksobish falaia ash osh bilika hikia ma, koi chito akia haknip illi ya bilika hikia tok.

25. Atuk o yakeh! hatak vt itvnohwa ma, haknip illi yash osh hina lapali ka itoyula na, koi chito vt haknip illi yash bilika hikia hō pisa tok: micha tvmaha holihta hopaii sipokni ai vta ya ont anoli tok.

26. Atuk o falvmminchit isht vla tuk hopaii yash osh haklo mvt, Hatak Chitokaka im antia, yvmvt Chihowa im anumpa ik im antio tuk ash oke: yvmohmi hatuk o Chihowa im anumpa hut im achi tuk mak o, Chihowa vt koi chito ima na hlillichit vbi hoke, achi tok.

27. Micha ushi vhleha hā im anumpulit, Issuba haksobish falaia ya hvs svv umpatalashke, im achi tok. Mihma umpatali tok.

28. Mihma ia tuk osh hina takla haknip illi yash osh itoyula na, issuba haksobish falaia, micha koi chito itatuklo kv haknip illi bilika hiel na, ont ahayuchi tok; koi chito vt haknip illi ya ik po, micha haksobish falaia ya ik hlillecho tok.

29. Mihma hopaii yash osh hatak Chitokaka im antia

haknip illi yash ishi cha, issuba haksobish falaia onochit falvmminehit ishit minti tok; micha hopaii sipokni yash osh ishit yaiya cha, hohpa chi hosh tmaha holihta ya vla tok.

30. Michā haknip illi yash ilap im ahollopi ak inli hō bohli tok: mihma ishit yaiyvt, Ikikkeh! itibapishi li ma! ahanchi tok.

31. Atuk o yakohmi tok, hohpi hayvt, ushi vhleha hā im anumpulit, Svllikma ahollopi hatak Chitokaka im antia vt ahollopi tuk ak o hrs sa hohpashke; sa foni ya i foni ya apotolit hvsh bohlashke.

32. Chihowa im anumpa hō Belhel a alta hikia ka i sanalit, micha Samalia ya achahaka puta chuka hiohmaya ka i sanalit chitolit anumpohonli tuk vt, ont ai ahli pulla chi hoke, achi tok.

33. Nana ilvppvt yakohmi haya Cheloboam vt nana ik achukmo aya tuk vt ik falamo hosh, amba okla makali isht-aiyopi ak o, achahaka puta naholitompa isht asha ikbi tok; kuna hosh vhpesa ahnikma atokoli na achahaka naholitompa isht vta toba tok.

34. Atuk o nana ilvppak o Cheloboam in chuka achvfa yvt isht ayoshuba na yakni paknaka ya a mosholit ai iksho ka chi hatok.

CHAPTA XIV.

NITAK yvmma Cheloboam ushi Abichah vt abeka tok.

2. Mihma Cheloboam vt tekchi ya, Wakaya, chim asilhha lishke, micha inla ish ilahobi na, Cheloboam a tekchi chia ka ik chithano kashke: micha Shiloh hā ish onashke: yakeh! hopaii Ahichah vt yvmma ahanta hoke; yvmmak osh okla ilvppa i miko toba la chi ka, vm anoli tok.

3. Michā pvska lumbo pokoli, micha pvsna shila, micha foebila kotoba achvfa aiena hō ish ishi cha, ish im onashke: yvmmak osh vlla yvt kaniohma chi ka, chim anola chi hoke, im achi tok.

4. Mihma Cheloboam tekchi vt yvmihchi tok: micha wakaya mvt, Shiloh hā onvt, Ahichah in chuka ya ona tok.

Yohmi kia Ahichah vt pisa he keyu tok; sipokni kak osh nishkin vt illi hatuk okvt.

5. Mihma Chihowa vt Ahichah ya, Yakeh! Cheloboam tekchi vt ushi ak o nana chi ponakla chi hosh mintishke: abeka hoka: yak im achit, micha ish yak im achashke: yakohma chi hoka, vlakmt, ohoyo inla ilahoba chi hoke, im achi tok.

6. Atuk o yakohmi tok, okhissa ya vla na iyi nowa ka haklo mt, Chukowá, Cheloboam tekchi chia hut, nanta katiohmi ho inla ish ilahobi cho? sa tohno na anumpa weki ho ishit chim aya li hoka.

7. Iá, Cheloboam a ish im anolashke, Israel in Chitokaka Chihowa vt yak achishke, Okla ai ititakla ya ai ishit chi chahrchit, vm okla Israel a i miko chikbi li tuk,

8. Micha apelihchika yash mokofit Lewi in chuka achvfa ya im ishi li mt, chima li tuk oke: yohmi tuk kia an tishu Lewi yatuk a chik chohmashke, ymmak okvto vm anumpa vlhpisa puta ka holitobli tok: micha ymmak okvt chukvsh aioklvhut siakaiya cha, sa tikba ai vlhpiesa bano kak o ymmohmi tok oke.

9. Amba nana ik achukmo ish yvmihchi kv, chi tikba chashpo asha tuk moma ka ish i shahlichishke: naholbet toba puta, micha bilvt akmot naholbet toba puta aiena ka ikbit, is sa nokowrchishke; micha chim ashaka is sa kanchishke.

10. Yvmohmi hoka yakeh! nana ik achukmo ka Cheloboam a in chuka achvfa ya onochi la hi oke; mikmt nakni kanima kia, micha Israel yuka, micha Israel yuka keyu aiena ka Cheloboam a ishit kanchi lish, Cheloboam in chuka achvfa asha ka, hatak osh lukfi yo ishit kanima ont kanchi na, momvt ont taha chatuk mak o, chohmichit ishit kanchi la hi oke.

11. Cheloboam ai achvfa yosh tvmaha holihta ai illi hokvno, ofi puta hosh vpa chi hoke; mikma yakni haiaka yo ai illi hokvno, hushi puta vba itvnowa hosh vpa chi hoke; Chihowa ak osh anumpuli tok oka.

12. Yvmohmi hoka wakaya cha, chin chuka ak inli ish

onashke: atukma tumaha holihta ya chiyi yvt chukowakma, vlla yash osh illa chi hoke.

13. Mikma Israel moma kv ishityaiyvt hohpa chi hoke: Cheloboam a ai achvfa yvt yvmmak illa hosh ahollopi ya ona chi hoke; yvmmak okvto Cheloboam in chuka achvfa ya, nana achukma kaniohmi ka Israel in Chitokaka Chihowa i yvmohmi hatuk okvt.

14. Micha Chihowa vt Israel a i miko ya chi ho, ikbit hilechi na, yvmmak osh Cheloboam in chuka achvfa ya nitak yvma ishity kancha chi hoke, micha katiohmik mak o? himonasi fehna ka.

15. Chihowa vt Israel a kvshak osh oka hikivt winakahanchi kak inli chohmichit issot kancha chi hoke; micha Israel a yakni achukma ilvppa iki vhleha ima tuk vt, loblit ishity kancha chi hoke; micha okhina mish tvnvp ont ita fimimbla chi hoke; iti lokoli ikbit Chihowa ya nokovvchi hoka.

16. Micha Cheloboam vt nanashvchi tuk, yvmvt nan ashvchi cha, yvmvt Israel a nan ashvchechi tuk aiena pulla kak o, Israel a kancha chi hoke, achi tok.

17. Mihma Cheloboam tekchi vt wakaya cha, ivt Tisah ya ona tok; atuk osh okhissa atuya ya ona ma, vlla yash osh illi tok.

18. Mihma Chihowa im anumpa hatuk in tishu hopai Ahichah ya tohno na, anumpuli tuk mak o, okla hohpi cha, Israel moma kv ishityaiya tok.

19. Mihma Cheloboam nana akaniohmi tok inla puta, kaniohmit itin tanampi tok, micha kaniohmit miko tok vt yakeh! Israel i miko vhleha i nitak holisso ha a holisso hoke.

20. Mihma Cheloboam vt mikot ahanta na, afvmmi pokoli tuklo akucha tuklo tok; mihmvv iki vhleha takla nusi tok: micha ushi Natab ak osh vlvtovt miko tok.

21. Mihma Solomon ushi Lehoboam vt Chutah yak o a miko tok. Lehoboam vt afvmmi pokoli ushta akucha achvfa hosh mikot ishtia tok: atuk osh afvmmi auah untuklo ho Chelusalem tumaha holihta Chihowa vt hohchifo a bohla chi

hosh, Israel apehlichi moma ka ai atokoli tok a, a miko tok : mihma ishki vt Ammonait ohoyo hosh hohehifo hvt Naamah atok.

22. Mihma Chutah vt Chihowa itikba ya nana ik achukmo ka yvmohmit, iki vhleha hvt nana yvmihchi tok moma ka, i shahlichit, nan ashvchi yvmihinchit tuk osh nuktvlachi tok.

23. Yvmmak kia achahaka puta ikbit, micha naholbvt toba puta, micha iti lokoli puta nvnih chaha puta paknaka, micha iti hishi okchamali puta nuta ya ai ikbi tok oka.

24. Mihma yakni yash Sotomait ak kia asha tok : mihma nanashvchi yuwalvchi oklushi puta Chihowa vt Israel im vlla vhleha itikba ya tihlelit kocha wehli tok o, yvmohmi tok vt moma ka yvmohmi tok.

25. Atuk o yakohmi tok, Lehoboam vt miko tok afvmmi vt ont ishit tahlapit ia ma, Echip i miko Shishak vt Chelusalem a vlv in tanampi tok.

26. Micha Chihowa in chuka nana holitompa aiasha ka, micha miko in chuka nana holitompa aiasha aiena ka ant ishtia tok ; moma kia ishtia tok : micha teli holisso lakna teliha Solomon vt ikbi tok moma ishtia tok.

27. Mihma miko Lehoboam vt atobbichit asonak lakna yo teliha puta ikbi cha, nan atoni i kvpitvni, miko im aboha okhissa apistikeli ya ibbak fohki tok.

28. Atukma yakohmi beka tok, miko vt Chihowa in chuka ya ont chukowakmvt, nan atoni vt shoyuli tuk osh, fvlvminchit nan atoni im aboha isht vla beka tok.

29. Yohmi ka Lehoboam nana akaniohmi tok inla kv, micha nana yvmihchi tok moma kv, Chutah i miko vhleha i nitak holisso ha a holisso keyu cho ?

30. Lehoboam, micha Cheloboam ita tuklo kv okchayvt ahashwa nitak moma kv, it in tanampi tok.

31. Mihma Lehoboam vt iki vhleha takla nusi cha, iki vhleha takla Lewi in tmaha holihta ya ahollopi tok. Mikma ishki vt Ammonait ohoyo hosh hohehifo kv Naamah atok. Mihma ushi Abicham vt vlhtobvt miko tok.

CHAPTA XV.

YOHMI ka Nebat ushi Cheloboam vt miko tok, afvmmi vt ont ishit auah untuchina hō, Abicham vt Chutah ya i miko tok.

2. Afvmmi tuchina hō mikot Chelusalem a ahanta tok. Mihma ishki vt Abishalom ushetik osh hohchifo kv̄t Maachah atok.

3. Mihmvt iki vt itikba nan ashvchi ai yvmohmi tok, moma kak o a nohōwa tok: micha iki Lewi chukvsh atok a chohmit, in Chitokaka Chihowa itikba ya chukvsh vt ai ahli tok keyu hoke.

4. Yohmi kia Lewi atok pulla kak o, in Chitokaka Chihowa vt Chelusalem a pva ai imvt, ushi iakaiya ka hilechi cha, Chelusalem a kv̄llochit hilechi tok.

5. Lewi vt Chihowa itikba ya aivlhpiesa kak o yvmihchi cha, nana i miha ka okchayvt ahanta nitak moma kv̄t nak-sika ik aiyō, amba Uliah Hittait a nana akaniohmi tok ak illa tok.

6. Micha okchayvt ahanta nitak moma ka Abicham, micha Cheloboam itatuklo kv̄t itin tanampi tok.

7. Yohmi ka Abicham vt nana akaniohmi tok inla kv̄t, micha nana yvmihinchi tok moma kv̄t Chutah i miko vhleha i nitak holisso hā a holisso keyu cho? Mihma Abicham, micha Cheloboam itatuklo kv̄t it in tanampi tok.

8. Mihma Abicham vt iki vhleha hā takla nusi tok: mihma Lewi in tumaha holihta ya a hohpi tok: mihma ushi Asa vt vltobvt miko tok.

9. Mihma Cheloboam vt Israel a i miko tok, afvmmi vt ont ishit pokoli tuklo hō, Asa vt Chutah ya i miko tok.

10. Micha afvmmi pokoli ushta akucha achufa hō mikot Chelusalem a ahanta tok. Mihma ishki vt Abishalom ushetik osh hohchifo kv̄t Maachah atok.

11. Micha Asa vt iki Lewi atok a chohmit Chihowa itikba ya, aivlhpiesa kak o yvmihchi tok.

12. Micha Sotomait vhleha h_ə yakni yash ishit a kohchi tok; micha naholbvt toba puta i_{ki} vhleha hvt ikbi tok a ishit kanchi tok.

13. Micha ishki Maachah ak kia iti lokoli y_a naholbvt toba ai ikbi tok atuk o, m_iko ohoyo atok a kohchi tok; micha Asa vt i naholbvt toba y_a chanlit akvchi cha, bok ushi Kitlon bilika y_a a hukmi tok.

14. Yohmi kia achahaka puta ka ishit ik kanchi tok: yohmi kia okchayvt ahanta nitak moma kv_t, Asa chukvsh vt Chihowa itikba y_a aiahli tok.

15. Micha i_{ki} vt nana hullochi tok puta, micha ilap vt nana hullochi tuk puta aiena tvli hvta, micha tvli holisso lakna, micha nan ai vlhto aiena ka Chihowa in chuka isht vla cha, anykaka ashachi tok.

16. Mihma Asa, micha Israel i m_iko Baasha itatuklo kv_t, i nitak moma kv_t it in tanampi tok.

17. Mihma Israel i m_iko Baasha vt i_{vt} Chutah y_a itibi tok; micha achvfa kia Chutah i m_iko Asa y_a ik im oná, ik ahno hosh, micha a kohchvt ik mintí, ik ahno hosh, Lamah y_a ikbi tok.

18. Yohmi ma Asa vt tvli hvta, micha tvli holisso lakna Chihowa in chuka na holitopa ai asha y_a asha tuk moma, micha m_iko in chuka naholitopa aiasha y_a asha tuk moma ishi cha, in tishu vhleha ibbak a fohki tok: micha m_iko vt Tablimon ushi yummvt Hesion ushi, Benhatat Silia i m_iko Tamaskvs v_tta y_a pit i pila mv_t,

19. Ūno, micha chishno il itatuklo, micha a_{ki}, micha ch_i-ki itatuklo ka anumpa ai itibai achvfa it im apesa yvt itonlvshke; yakeh! nahvlbina tvli hvta, micha tvli holisso lakna aiena ka ch_i pila lishke: minti cha, Israel i m_iko Baasha y_a anumpa ai itibai achvfa itim apesa y_a ish it i kobvffi na, a filvmmi iashke, achi tok.

20. Yohmi h_ə Benhatat vt m_iko Asa y_a i haponaklo cha, tvshka chipota i kvpitvni puta im asha tuk vt Israel in t_əma-ha puta ka itiba ch_i h_ə pila cha, Ichon, micha Tan, micha Abel-belh-maachah, micha Sinnelolh moma, micha Naftali yakni vt moma ka issot kanchi tok.

21. Atuk o yakohmi tok, Baasha vt haklo mvt, Lamah ya ikbi tuk vt issa cha, Tisah ak o ai vtta tok.

22. Yohmi ma Asa vt Chutah moma ka haklohit hlopul-
lichi tok; achvfa kia ik hlakofa tok: micha Baasha vt La-
mah isht ikbi tuk tvli, micha iti aiena ka okla isht ia tok:
micha Asa vt Keba Benchamin yakni talaia, micha Mispah
ya isht ikbi tok.

23. Asa nana akaniohmi tok moma inla vt, micha nan ai
im ai ahli tok moma, micha nana yrmihinchu tok moma,
micha tmaha holihta puta ihikbi tok vt, Chutah i miko
vhleha i nitak holisso ha a holisso keyu cho? Yohmi kia
sipoknit taiyaha mvt, iyi yvt imomokpulo tok.

24. Mihma Asa vt iki vhleha ha takla nusi cha, iki vhle-
ha takla iki Lewi in tmaha holihta ak o a hollopi tok:
mihma ushi Cheloshafat vt vlhtobvt miko tok.

25. Mihma Cheloboam ushi Natab vt, Asa vt Chutah i
miko tok afvmmi ont atuklvt ishtia ho, Israel a i mikot isht-
ia tok; micha afvmmi tuklo ho Israel a i miko tok.

26. Mihma Chihowa itikba ya nana ik achukmo ka yrmih-
chi cha, iki vt a yrmohmi tok a iakaiya tok: micha nan-
ashvchi Israel nan ashvchichi tok a aya tok.

27. Mihma Ahichah ushi Baasha, Issaka in chuka achvfa
ai achvfa yosh, i sanalit anumpa luma ikbi tok: micha Baa-
sha vt Kibbehlon ak o yvmmvt Filistin okla immi hoka ai
vbi tok: Natab, micha Israel moma kvv Kibbehlon a in
tanampit abinvchit apakfoyupa tok.

28. Asa vt Chutah ya i miko tok afvmmi vt ont isht atu-
china kak o, Baasha vt vbi cha, vlhtobvt miko tok.

29. Atuk osh yakohmi tok, miko mvt, Chihowa vt anum-
pult in tishu Ahichah Shilonait a tohno na anumpohonli tok
mak o, Cheloboam a in chuka achvfa ya issot kanchi tok;
achvfa kia fiompa ka Cheloboam ik i hlakoficho hosh ishit
kanchi tok.

30. Cheloboam nanashvchi puta ashvchi tok, micha Israel
ashvchichi hosh Israel in Chitokaka Chihowa ya ishit noko-
wvchi tok ak atok.

31. Yohmi ka Natab nana a kaniohmi tok puta inla kvv,

micha nana yvmihchi tok moma kv̄t, Israēl ī mīko v̄hleha ī nitak holisso h̄a a holisso keyu cho?

32. Micha Asa, micha Israēl ī mīko Baasha itatuklo kv̄t ī nitak moma kv̄t it in tanampi tok.

33. Asa vt Chutah yā ī mīko tok, afv̄mmi vt ont isht atuchina h̄o, Baasha vt Tisah yā v̄ttvt Israēl moma ka ī mīkot ishtia tok, afv̄mmi pokoli tuklo akucha ushta tok.

34. Micha Chihowa itikba yā nana ik achukmo ka yvmihchit, Cheloboam a yvmohmi tok, micha nanashv̄chi Israēl ā isht ashv̄ehichi tuk ā a noh̄owa tok.

CHAPTA XVI.

YVMOHMI ma Chihowa im anumpa hv̄t Baasha yā ī sanalit Hanani ushi Chesu yā im v̄la mvt,

2. Lukfi pushi a kohchit achaha chisht ona li tok, micha vm okla Israēl ā ī mīko chikbi li tok ā, Cheloboam a yvmohmi tok mak o, ish a noh̄owa cha, vm okla Israēl ā ish yoshublichī na, nanashv̄chi yā ishit sa nokowv̄chi tuk oka.

3. Yakeh! Baasha im ishtatiaka, micha in chuka achv̄fa im ishtatiaka yā ishit kanchi la chī hoke; micha chin chuka achv̄fa yā Cheloboam in chuka achv̄fa yā chohmichi la chī hoke.

4. Baasha yā ai achv̄fa yosh tmaha holihta ai illikma, ofi puta kv̄t v̄pa chī hoke: mīcha ai achv̄fa yosh yakni haiaka ai illikma, hushi v̄ba itn̄owa puta yosh v̄pa chī hoke, achi tok.

5. Yohmi ka Baasha nana akaniohmi tok inla kv̄t, micha nana yvmihchi tok, micha nan ai im aiahli tok puta kv̄t, Israēl ī mīko v̄hleha ī nitak holisso h̄a a holisso keyu cho?

6. Micha Baasha vt īki v̄hleha h̄a takla nusi cha, Tisah ak o a hollopi tok: mīcha ushi Elah ak osh v̄lhtobvt mīko tok.

7. Micha Hanani ushi hopaii Chehu yā tohno na, Chihowa im anumpa hv̄t Baasha, micha in chuka achv̄fa yā ī sanalit v̄la akinli tok; Chihowa itikba nana ik achukmo moma ka yvmihchit, ibbak ā nana ishit toks̄vit Cheloboam in chuka achv̄fa yā chohmi kak osh, mīcha yv̄mma v̄bi kak osh nokowv̄chi kak atok.

8. Asa vt Chutah ya i miko tok, afemmi vt ont ishit pokoli tuklo akucha hannali ho, Elah vt Tisah ya ahantvt, Israel i mikot ishtia tuk osh afemmi tuklo tok.

9. Mihma tenvp im itichanelli puta iklena i kupitvni Simli vt Tisah antvt, in chuka Tisah talaia ka apesvchi Alsa yvmma in chuka antvt, oka ishkot haksi ma, i sanalit anum-pa luma ikbi tok.

10. Mihma Asa vt Chutah ya i miko tok afemmi ont ishit pokoli tuklo akucha untuklo ho, Simli iba chukowvt fahama cha, vbi tok, mihmvt vlhtobvt miko tok.

11. Atuk osh yakohmi tok, mikot ishtia mvt, miko im ai ombinili holitompa ombinili mak inli hosh, Baasha in chuka achvfa moma ka vbit tahli tok; nakni achvfa kia micha i kanomi, micha it i kana ya achvfa kia ik in hlakoficho tok.

12. Yakohmichi hosh Simli vt Chihowa im anumpa, yvm-mvt hopaii Chehu ya tohno na, Baasha ya im a sanalit anumpohonli tok mak o, Baasha in chuka achvfa moma ka ishit kanchi tok.

13. Baasha nanashvchi moma, micha ushi Elah vt nana-shvchi isht ashvchi tok, micha Israel a ashvchichi hosh, i nan ik ahobo puta ka, Israel in Chitokaka Chihowa ya ishit nokowvchi tuk ak atok.

14. Yohmi ka Elah vt nana a kaniohmi tok inla kv, micha nana yvmihchi tok moma kv, Israel i miko vhleha i nitak holisso ha a holisso keyu cho?

15. Asa vt Chutah ya i miko tok, afemmi vt ont ishit pokoli tuklo akucha untuklo ho, Simli vt Tisah ya antvt nitak untuklo ho miko tok. Mihmvt okla hv Kibbehlon yvmvvt Filistin okla immi hatuk o, in tanampit abinvchit apakfoyupa tok.

16. Mihma okla hv binachit asha tuk vt, Simli vt anum-pa luma ikbit, miko ya vbi tuk, achi ho haklo tok: yvmoh-mi hatuk o, Israel moma kv tvshka chipota i kupitvni Omli ak o, nitak yvmma binah ha Israel a i miko ai ikbi tok.

17. Mihma Omli vt Israel moma aiena hosh, Kibbehlon a asht ia mvt, Tisah ya in tanampit abinvchit apakfoyupa tok.

18. Atuk o yakohmi tok, tmaha holihta ya ishi na, Simli vt pisa mvt, miko in chuka holihta ya pit chukowa mvt, miko in chuka ya luak ishit hukmit, il o kinvffi cha, illi tok.

19. Chihowa itikba ya nana ik achukmo ka yumihehit, nan ashvchit Cheloboam a yumohmi tok a, a nohowa tuk, micha Cheloboam vt nanashvchi cha, Israel a nanashvchi-chi yatuk ak o, yumohmi tuk ak atok.

20. Yohmi ka Simli vt nana a kaniohmi tok inla kvt, micha apehlichika yash i sanalit yumohmi tok aiena kvt, Israel i miko vhleha i nitak holisso ha a holisso keyu cho ?

21. Yohmi ma Israel okla hvt it i filvmmi, kashapa tuklo tok: okla iklvna kvt Kinalh ushi Tibni ak o miko ikbit, iakaiya ma, iklvna kvt Omli ak o iakaiya tok.

22. Yohmi tuk kia Omli ya okla hvt iakaiya tuk ak osh, Kinalh ushi Tibni okla hvt iakaiya tuk a, imaiya tok; yohmi ho Tibni vt illi ma, Omli vt miko tok.

23. Asa vt Chutah ya i miko tok, afvmmi vt ont ishit pokoli tuchina akucha achvfa ho, Omli vt Israel a i mikot ishtia tuk osh, afvmmi auah tuklo ho miko tok: afvmmi hannali ho Tisah ya antvt miko tok.

24. Samalia nvniha ha teli hvta talent tuklo ho, Sheme ya in chumpa cha, tmaha holihta nvniha ha ai ikbi mvt, tmaha holihta ikbi tok a, nvniha hvt immi hatuk, Sheme ak o a hohehifochit, Samalia achi tok.

25. Yohmi kia Omli vt Chihowa itikba ya nana ik achukmo ka yumihehit, micha tikba asha tuk moma ka, nana ik achukmo yumihechi kvt i shahlichei tok.

26. Nebat ushi Cheloboam vt nana a kaniohmi tok moma, micha nan ashvchi Israel a isht ashvchichit, micha i nan ik ahobo puta ka Israel in Chitokaka Chihowa ya ishit noko-vvchi tuk a, a nohowa tok oka.

27. Yohmi ka Omli vt nana a kaniohmi yumihechi tok inla kvt, micha nan ai im aiahli otvnihinchi tok puta kvt, Israel i miko vhleha i nitak holisso ha a holisso keyu cho ?

28. Mihma Omli vt iki vhleha takla nusi cha, Samalia ya a hollopi tok: mihma ushi Ahab vt vlhtobvt miko tok.

29. Micha Asa vt Chutah ya i miko tok, afvmmi vt ont

ishit pokoli tuchina akucha untuchina aiena h_o, Omli ushi Ahab vt Israel a i mīkot isht ia tok: micha Omli ushi Ahab vt, afvmmi pokoli tuklo akucha tuklo h_o, Israel a i mīkot Samalia y_a ahanta tok.

30. Mihmvt Omli ushi Ahab vt Chihowa itikba y_a nana ik achukmo yvmohmi kv̄t, tikba a_{sha} tuk moma ka, i shah-lichī tok.

31. Atuk osh yakohmi tok, Nebat ushi Cheloboam nan ashvchi puta ka a noh_owa ka, nan ik ahobo nana chohmi-chit, Sitonian okla i mīko Elhbaal ushetik Chesebel a ishit itauwaya cha, ivt Baal a im antivt aiokprchi tok.

32. Micha Baal in chuka Samalia y_a ai ikbi tuk vt, Baal a alta im ai ikbi tok.

33. Micha Ahab vt iti lokoli ikbi tok; micha Ahab vt nana kaniohmit, Israel in Chitokaka Chihowa y_a nokowrchi kv̄t, Israel i mīko vhleha tikba a_{sha} tok moma ka i shahlichī tok.

34. I nitak o Belh-elait Hiel vt Cheliko y_a ikbi tok: Chihowa im anumpa hatok, Nun ushi Choshua vt anumpuli tok mak o, in tola y_a ushi tikba v_{tta} Abilam ak o, ishit bohli mvt, ymma holihta okhissa y_a ushi ishtaiyopi Sekub ak o, ishit hilechi tok.

CHAPTA XVII.

MIHMA Tishbait Elichah Kileat okla ai achvfa yvt Ahab a, Israel in Chitokaka Chihowa vt okchaya pulla ka, ymma itikba y_a hikia li ka, afvmmi kanohmi ilvppa fichak, micha umba nana kia iksho ka chī hoke, amba vm anumpa pulla tuk ak achī hoke, im achi tok.

2. Mihma Chihowa im anumpa hv̄t im v_{la} mvt,

3. Ilvppa issvt ish iashke, micha hv̄shi akochaka pilla pit ish filema cha, bokushi Chelilh Chatan itikba bachaya ka, bilika ont ish lumashke.

4. Atukma yakohma hi oke, bokushi yash o ish ai ishka hi oke: mikma fula chito puta kv̄t ymma a chipeta hi a, im apesa li tuk oke, achi tok.

5. Yohmi hō Chihowa im anumpa hatuk mak o, yohmi tok: bok-ushi Chelih Chatan itikba bachaya ka, bilika ak o ona cha, ahanta tok okvt.

6. Atuk o onnahnlikma fūla chito puta kv̄t pvska, micha nipi ya isht im v̄la tukmvt, opiakma pvska, micha nipi ya isht im v̄la tok: mihma bokushi yak o ai ishko tok.

7. Atuk o kaniohmi foka ma yakohmi tok, yakni yash umba keyu hatuk o, bokushi vt shilvt taha tok.

8. Mihma Chihowa im anumpa hv̄t im v̄la mvt,

9. Wakaya cha, Salefalh, yvmmvt Siton immi hoka, yvm-mak o ish ona cha, ish ahantashke: yakeh! ohoyo ī hatak illi yvmma vtta hosh chipeta hi a, im apesa li tuk oke, achi tok.

10. Yohmi hō wakaya cha, Salefalh ā ona tok: atuk osh tvmaha holihta okhissa yā ona ma, yakeh! ohoyo ī hatak illi yash osh iti aiowa hosh anta tok: mihma ī howa cha, Chim asilhha lishke, oka kanomosi nan aivlhto vnit isht is svm v̄la na, ishko lashke, achi tok.

11. Mihma ont isht v̄la chī hosh ia ma, ī howa cha, Chim asilhha lishke, pvska tushafa achvfa ka isht is svm vlashke, achi tok.

12. Mihma chin Chitokaka Chihowa vt okchaya pulla ka, pvska achvfa kia ik svm iksho, amba onush pushi ibbak vlhto achvfa bano hosh ishtochi yā alhto, micha bila kanomosi hosh kotoba yā alhtoshke: atuk o yakeh! iti tuklo ai-owa likmvt, chukowa lish, hoponi likma, vno, micha svso il itatuklo kv̄t e pa cha, pilla chī hatuk oke, achi tok.

13. Mihma Elichah vt, Chi nukshopa na! ia cha, ish achi tuk vt ish yvmihchashke: yohmi kia pvska iskitini t̄ikba ik-bit isht is svm vlashke; ish yohmi hayosh chishno, micha chiso itatuklo hv̄sh pa chī kv̄t ish ikbashke.

14. Israel in Chitokaka Chihowa vt yak achi hoka, Onush pushi ishtochi vt tahvt ia he keyukma, bila kotoba vlhto kv̄t ik taho hō, Chihowa vt yakni yā umba et onochi nitak vt v̄la hi oke.

15. Mihma ivt Elichah vt nana achi tuk mak o yvmihchi tok: mihma Elichah, micha ohoyo hash osh, micha in chuka achvfa aiena kv̄t ihimpa na, nitak laua tok.

16. Mihma Chihowa im anumpa Elichah tohno na, anum-puli tuk mak o, onush pushi ishtochi vlhto kv̄t tahvt ia keyu ma, bila kotoba vlhto kv̄t ik taho tok.

17. Atuk o iluppvt yohmi haya yakohmi tok; ohoyo chuka achvfa pehlichi yash ushi vt abeka tok: abeka i palvmmi fehna hatuk osh fiopa issa tok.

18. Mihma Elichah ya, Hatak Chitokaka im antia chia ma! nanta ishit chi ahalaia li cho? nan ai ashvchi li ya is svthvnanchi cha, svso ha ish ba chi hosh, is sv̄m vla cho? im achi tok.

19. Mihma, Chiso ha vmá, im achi tok. Micha shakba foka tuk a ishi cha, vba potvlhpo ai v̄tta beka tuk vt isht ona cha, ilap in topa akinli h̄o om bohli tok.

20. Micha Chihowa ya i pahayvt, Chihowa an Chitokaka ma! ohoyo i hatak illi takla ahanta li kash kia, nan ik achukmo ka onochit ushi ya ishbi cho? achi tok.

21. Mihmvt hituchina ha chisemot vlla yash onvtola cha, Chihowa ya i payvt, Chihowa an Chitokaka ma! chim asilhba lishke, vlla ilvppa shilombish vt anonti ant fohkashke, achi tok.

22. Mihma Chihowa vt Elichah paya ka haklo tok: mihma vlla yash shilombish vt anonti ant fohka na, falamvt okchaya tok.

23. Mihma Elichah vt vlla yash ishi cha, vba potvlhpo ya akowvt aboha ya isht ona cha, ishki ya ibbak fohki tok: micha Elichah vt Pisá, chiso hv̄t okchayvshke, achi tok.

24. Mihma ohoyo hash osh Elichah ya, Himak ano hatak Chitokaka im antia chia, micha Chihowa im anumpa hv̄t chitih ha foyuka kv̄t ahli ka ilvppak o isht ithaiyana lishke, achi tok.

CHAPTA XVIII.

ATUK o nitak laua haya yakohmi tok, afvmmi ont isht atuchina ma, Chihowa im anumpa hv̄t Elichah ya im vla mv̄t, Iá, Ahab a ont ish im ile haiakvchashke; mikma yakni ya umba et onochi lashke, achi tok.

2. Mihma Elichah vt Ahab a im ile haiakvcha chi hosh ia tok: mihma Samalia ya hohchvfo palvmmi fehna tok.

3. Mihma Ahab vt, Obatiah vt in chuka achvfa apesvchi yatuk o, hoyo tok: mihma Obatiah vt Chihowa ya i nukshopa fehna yatok.

4. Yakohmi tok atok, Chesebel vt Chihowa i hopaii vhleha ha ishit kanchi ma, Obatiah vt hopaii tahlepa achvfa ho ishi cha, pokoli tahlapi bika ho hvchukbi ya a luhmit ashachi cha, pvska, micha oka aiena ka ipeta tok atok okvt.

5. Mihma Ahab vt Obatiah ya, Ia cha, yakni ya chukovvt, oka aiateli puta, micha bokushi puta moma ka ish onashke: hvshuk a il ahayuchi yoba cha, issuba, micha issuba haksobish falaia aiena ka il okchalinchi cha, nan vllhpoa moma kvtt illit ik pin taho yoba na, achi tok.

6. Yohmi hosh yakni ya hlopulla chi hosh itakashapa tok; mihma Ahab vt ilap bano hosh hina achvfa ho iakma, Obatiah vt ilap bano hosh hina inla yo ia tok.

7. Atuk o Obatiah vt ia hosh aya ma, yakeh! Elichah vt afama tok: mihma ithana mvtt, nashuka ishit hlipia cha, Chishno vt a shahli, Elichah chia mak oh cho? achi tok.

8. Mihma afalamichit, Mih sia hoke; ia cha, chi shahli ha, Yakeh! Elichah vt antvshke, ont im anoli, achi tok.

9. Mihma, Nanta ho nan ai ashvchi li tuk o, chin tishu Ahab ibbak a is sa fohki na, svba chi cho?

10. Chin Chitokaka Chihowa vt okchaya pulla ka, a shahli hvtt okla nana kia, micha apelhlichika nana kia, pit ik chi a hoyo ka ikshoshke: micha, Yvmma iksho, achi ma, miko apelhlichika micha yakni kia ik chi ahayucho tuk vt, anumpa kullo il onochit miha he, im apihisa beka tok.

11. Mihma himak a, Ia, chi shahli ha, Yakeh! Elichah vt antvshke, ont im anoli, ish achishke.

12. Atukma yakohma chi hoke, chi filvmmitt ia li makinli ho, Chihowa imi Shilombish vt kanima ithana li keyu ho, chisht ia chi hoke; atukma yohmitt Ahab a ont im anoli li tuk o, ik chi ahayuchokmvtt, svba chi hoke: yohmi kia chin tishu vno vt, vlla si amomvt Chihowa i nukshopa sia hoke.

13. Nana kaniohmi li tok, yvmmvt Chesebel vt Chihowa

ī hopaii v̄hleha h̄a v̄bit tahli ma, Chihowa ī hopaii hatak tahlepa achvfa ka pokoli tahlapi b̄ika yō, hvchukbi yā a luhmi lish, p̄vska, micha oka aiena ka ipeta li tok vt, im annoa tuk keyu cho?

14. Mihma himak a, Ia cha, chī shahli h̄a, Yakeh! Elichah vt antvshke, ont im anolī, ish achishke; mikma svba chī hoke, achi tok.

15. Mihma Elichah vt, Ūba nan okluha il aieshi Chihowa vt okchaya pulla ka, mihi yō itikba hikia li kv̄t, himak nitak a im ile haiakv̄chi li pulla chī hoke, achi tok.

16. Yohmi hō Obatiah vt Ahab a ont afama cha, im anoli tok: mihma Ahab vt Elichah yā afamvt ia tok.

17. Atuk o yakohmi tok, Ahab vt Elichah yā pisa mvt, Ahab vt, Chishno ak osh Israel a ilbv̄shali chia hoh cho? im achi tok.

18. Mihma afalamichit, Ūno ak osh Israel a ilbv̄shali li tuk keyu: amba chishno, micha chīki in chuka achvfa ish aiena kak atuk oke; yvmohmit Chihowa im anumpa v̄lhpisa puta ka ish kanchi cha, Baalim ak o ish iakaiya tok okvt.

19. Yvmohmi hoka himak a, Israel moma ka, micha Baal ī hopaii tahlepa ushta cha pokoli tahlapi, micha iti lokoli puta hopaii tahlepa ushta, yvmvt Chesebel im ai impa ai ihimpa chatuk a pit hoyot, Kamel nv̄nih ak o is sv̄m itv̄nah-lashke, achi tok.

20. Yohmi hō Ahab vt Israel im v̄lla moma ka pit hoyo cha, hopaii puta ka Kamel nv̄nih ak o itv̄nahli tok.

21. Mihma Elichah vt okla moma ka im ona cha, Katiohmi foka hō ai anukfilli tuklo itintakla, anuktuklot hv̄sh h̄ieli cho? Chihowa yak osh Chitokaka yokma, hv̄sh im antiashke: amba Baal ak okma hv̄sh im antiashke, achi tok. Mihma okla hv̄t anumpa achvfa kia afalamichit ik acho tok.

22. Yohmi ma Elichah vt okla h̄a, Ūno, vno ak illa hosh Chihowa ī hopaii vt anta lishke: amba Baal ī hopaii vt tahlepa ushta cha pokoli tahlapishke.

23. Yvmohmi hokvt wak hovyk tuklo hō okla pimashke: micha wak hovyk achvfa ka ilapo vt atokoli cha, bv̄shlit

tahlikmut, iti itnaha o ashachi cha, nuta ya luak a ik bohlo kashke: mikma vno vto wak achvfa ya atahli lish, iti itnaha ya o ashachi likmut, luak a ak bohlo kashke.

24. Mikma hvchin chitokaka puta hohchifo ha hvsh i pahayakma, vno vt Chihowa hohchifo ha i paya lashke: mikma Chitokaka nana hosh anumpa falama ya luak o et pilak mak osh Chitokaka yashke. Mihma okla moma kvv, Vlhpesa hosh anumpvshke, achi tok.

25. Mihma Elichah vt Baal i hopaii puta ka, Tikba wak hobvk achvfa ka hvchishno vt hvsh atokoli cha, hvsh atah-lashke, hvchi laua hokvt; micha hvchin chitokaka puta hohchifo ha hvsh i pahayashke, yohmi kia nuta ya luak hvch ik bohlo kashke, im achi tok.

26. Mihma wak hobvk ima tuk a, okla ishi cha, bvshlit tahli mvt, Baal i hohchifo ha i pahaya na, onnahinli tuk vt tvbokoli onvt, Baal ma! ish pi haponaklashke, ahanchi tok. Yohmi kia anumpa nana kia iksho, micha afalamichi kvv iksho tok. Mihma alta toba tuk a tullit apakfokahanchi tok.

27. Atuk o tvbokoli ma yakohmi tok, Elichah vt ishit yopulvt, Chitoli hosh pahaya; chitokaka yoka; im anukfila chitot il anumpuli hosh binili, keyukmut nan isht anta hosh binili, keyukmut kanima nowvt ia hosh aya, keyukmut nusi yoba ka, yohmikma okchvla he vvhpesa hoke, achi tok.

28. Mihma chitoli hosh pahaya mvt, a yvmihchi chatuk osh, bvshpo, micha tvli halupa isht ile bvshli na, issish vt mitafvt o yanahanli tok.

29. Atuk o yakohmi tok, nitak iklvna kvv ont ia ma, okla anumpohonli na, opiaka nan vbit isht aiokpvchit im issa chatuk okvt, ont vvhpesa ma, anumpa hvv iksho, micha afalamichi kvv iksho, micha na yohmi ahni kvv iksho tok.

30. Mihma Elichah vt okla moma ka, A bilika hvsh lashke, im achi tok. Mihma okla moma kvv i bilika vla tok. Mihma Chihowa im alta kinafa tok a aiiskichi tok.

31. Michah Elichah vt, Chekob yvmmak oka Chihowa im anumpa hvv im vlvv, Chi hohchifo kvv Israel ach i hoke, achi tok a ushi vvhleha apelhichi holhtina ka vvhpsa ho, tvli auhtuklo ho ishi tok.

32. Micha teli yash Chihowa hohchifo ha alta isht im ikbi tok; mihmut yakni ya kullit nan-nihi vlpisa tuklo aivlhto vlpesa ho, alta ya apakfobli tok.

33. Micha iti ya achukmalit bohliit tahli mut, wak hobek a brshlit tahli cha, iti yash paknaka onochi mut, Ishtochi ushta ho oka hvsh alotoli cha, nahukmit isht aiokpuchi, micha iti aiena ka hvsh o fohoblashke, achi tok.

34. Micha, Atukla ma hvsh yvmihchashke, achi tok. Mihma atukla ma okla yvmihchi tok. Mihma atuchina ma hvsh yvmihchashke, achi tok. Mihma atuchina ma okla yvmihchi tok.

35. Mihma oka vt yanvllit alta ya apakfoyupa tok, mihma yakni kula yash kia oka alotoli tok.

36. Atuk osh opiaka, nan vbit isht aiokpuchi im issa he ont vlpesa ma, Elichah hopaii vt bilika vla cha, Eblaham, micha Aisak, micha Israel in Chitokaka Chihowa ma! chishno ak osh Israel yakni ya Chitokaka chia ho, vno vt chin tishu sia hosh chim anumpa hatuk mak o, ilvppa puta ka yvmihchi li ka, himak nitak a isht otaiyanashke.

37. Is sa haponaklashke, Chihowa ma! is sa haponaklashke, yvmohmi ho chishno ak osh Chihowa Chitokaka chia hosh, anonti chukvsh a ish falvminchi tuk a, okla ilvppvt ithaiyanashke, achi tok.

38. Yvmohmi ma Chihowa in luak vt aka itula cha, nahukmit isht aiokpuchi, micha iti, micha teli, micha lukfi pushi ya hukmit taiyahli cha, yakni kula oka aiasha aiena ka holakshit tahli tok.

39. Mihma okla moma kvv pisa mut, nashuka ishit hlipkuchi tok: micha, Chihowa yvmmak osh Chitokaka yoke, Chihowa yvmmak osh Chitokaka yoke, okla ahanchi tok.

40. Mihma Elichah vt, Baal i hopaii vhleha ha hvsh ishashke: achvfa kia ik hlakofo kashke, im achi tok. Mihma okla ishi tok: mihma Elichah vt bokushi Kishon a isht ona cha, yvmmak o ai vbi tok.

41. Micha Elichah vt Ahab a, Ish wakaya cha, imvvt nan ish ishkashke; umba chito fehna kvv fohompa hoka, achi tok.

42. Yohmi ma Ahab vt impvt ishkot ia tok. Mihma Elichah vt Kamel paknaka ya oiyvt ona tok; micha aka ont itula cha, nashuka ya iyikalaha itintakla talali cha,

43. In tishu ha, Himak a ia cha, okhvta pilla ha pit ish hopokoyashke, im achi tok. Mihma ia cha, pit hopokoyo mvt, Nana ak pesoshke, achi tok. Mihma, Anonti untuklo ha ia, achi tok.

44. Atuk o yakohmi tok, ont isht untuklo haya, Yakeh! hoshonti iskitinesi hatak ibbak chohmi kvv, okhvta ha kohchvt vba takalishke, achi tok. Mihma, Ia cha Ahab a, Chim itichanvlli ya ish atahli cha, ish ia na, umba kvv ik chi katvblo kashke, Ahab a ont ish im achashke, achi tok.

45. Atuk o yakohmi tok, yohmi takla ma, vba shutik vt hoshonti, micha mahli, micha umba chito ishit lusvt kvnia tok. Mihma Ahab vt itichanvlli ombinili cha, Chesleel a ona tok.

46. Mihma Chihowa ibbak vt Elichah ya onvtoyula tok; mihma il vskofvchit in taiyaha mvt, Ahab itikba chahavvt Chesleel a achukowa ya ona tok.

CHAPTA XIX.

YOHMI ma Ahab vt Chesebel a, Elichah vt nana kaniohmi tuk moma, im anoli tok: micha hopaii puta moma ka bvshpo falaia isht vbit tahli tuk aiena ka im anoli tok.

2. Yohmi ma Chesebel vt Elichah ya anumpa shali pit i pivt, Yakohmi, micha i shahli kia chitokaka puta kvv si yvmihchashke, chim ilhfiopak a yvmma achvfa im ilhfiopak akinli ka, onna ha himak a chohmikma, ak chi yvmihchokma.

3. Yohmi na pisa mvt wakaya cha, im ilhfiopak ishit chahafa tok; micha Bee-sheba yvmmvt Chutah immi ho ona tok; micha in tishu ha yvmmak o bohli tok.

4. Amba ilap vto nitak achvfa anowa yakni haiaka yo ona cha, chuahla holba nuta ant binili tok: mihmvt ilap vt illa hi vt asilhha tok; micha, Vlhpestvshke, Chihowa ma! himak a vm ilhfiopak a ish ishashke: achukma kvv aki vhleha atok a, i shahli li keyu hoka, achi tok.

5. Atuk osh chuahla holba nuta itoyulvt nusi ma, yakeh! enchel vt ant potoli cha, Wakaya cha, impá, im achi tok.

6. Mihma hopokoyo ma, yakeh! prska vt vhpusha hosh tobaksi onvtonla ma, oka kotoba vlhto kvv noshkobo bilika talaia tok. Mihma impa cha, oka yash ishko mvt, anonti itoyula tok.

7. Mihma Chihowa im enchel ash osh anonti atukla ma ai vla cha, potoli mvt, Wakaya cha, impá; ish a nowa chi kvv chi hopaki fehna ak okvt, achi tok.

8. Mihma wakayvt impa cha ishko mvt, il impa yvmma ishit hlampko cha ia mvt, nitak pokoli ushta micha ninak pokoli ushta ho ayvt, Holeb Chitokaka i nvnih ha ona tok.

9. Micha yvmma ona cha, hvchukbi yo chukowa cha a nusi tok; atuk o Chihowa im anumpa hvv im vla cha, Nanta ish katiohmi hosh ilvppa, ish anta cho? Elichah ma! im achi tok.

10. Mihma, Uba nan okluha il aieshi Chitokaka Chihowa ya im i nuktvhla li fehna tuk oke: Islael im vlla vhleha hvv nana chit im apesa ya kanchi cha, chim alta puta ka kinvfit tahli mvt: chi hopaii puta ka bvshpo falaia isht vbit tahlishe; mikma vno, vno ak illa hosh sa hlakofishke, mikma v m ilhfipak isha chi hosh okla hoyoshke, achi tok.

11. Mihma, Kohchvt ish ia cha, nvnih paknaka Chihowa itikba ya ish hikiashke, achi tok. Mihma yakeh! Chihowa yvt ant aya tok, mikma mahli chito kello fehna hosh Chihowa itikba ya ayvt, nvnih puta kash mitahliehi mvt, teli hochito aiena ka mitahliehi tok; yohmi kia Chihowa vt mahli ha ik ibafoyuko ki tok: mahli haya yakni vt winakvchi tok: yohmi kia Chihowa vt yakni winakvchi ka ik ibafoyuko ki tok.

12. Mihma yakni winakvchi haya luak atok: yohmi kia Chihowa vt luak a ik ibafoyuko ki tok; mihma luak vt aya haya, anumpa luma iskitini hosh takali tok.

13. Atuk o yakohmi tok, Elichah vt haklo mvt, anchi ya nashuka isht ompohomo cha, kohchvt hvchukbi achukowa ont hikia tok. Mihma anumpa hvv im vla cha, Nanta ish

katiohmi hosh iluppa ish anta cho? Elichah ma! im achi tok.

14. Mihma, Ūba nan okluha il aieshi Chitokaka Chihowa ya imi nuktvhla li fehna tuk oke: Israel im vlla vhleha hvt nana chit im apesa ya kanchi cha, chim alta puta ka kinvffit tahli cha, chi hopaii puta ka bvshpo falaia isht vbit tahlishe: mihma vno, vno ak illa hosh sa hlakofishke; mihma vm ilhfipak a isha chi hosh okla hoyoshke, achi tok.

15. Mihma Chihowa, vt Iá, falamvt Tamaskvs yakni haiaka ya ish onashke: atuk osh ish onakmvt, Hasael a Silia i miko yachi ho, nan ahvmmit ish atokolashke;

16. Micha Nimshi ushi Chehu ya Israel i miko yachi ho, nan ahvmmit ish atokolashke; micha Abel-meholah Shafat ushi Elisha ya nan ahvmmit ish atokoli na, chi vlhtobvt hopaii yashke.

17. Atukma yakohma hi oke, kvna hosh Hasael i bvshpo falaia ya i hlakofi tukma, Chehu ak osh vba chi hoke: mikma kvna hosh Chehu i bvshpo falaia ya i hlakofi tukma, Elisha vt vba chi hoke.

18. Yohmi kia Israel aiachvfa yvt tahlepa sipokni untuklo hosh moma kv, Baal a iyikalaha ya isht i hvchukbihlepa tuk keyu, micha itih ha isht i suksowa tuk keyu, aiyukali keyu yo il atombi li tuk oke, im achi tok.

19. Yohmi ho yvmma vttvt ia tok; atuk osh Shafat ushi Elisha vt yakni patvffi hosh, wak toksvli yok auah tuklo hosh itikba aiasha ma, ilap ak osh isht auah tuklo ka ishit patvffichi hosh anta na, ont ahayuchi tok: micha Elichah vt bilika aya mvt, im anchi ya onochit ont ia tok.

20. Mihma wak toksvli ya issa cha, Elichah ya iakaiyvt hlioli mvt, Chim asilhha lishke, aki micha hvshki itatuklo ka i suksowa hayosh, chiakaiya lashke, achi tok. Mihma, Anonti falamvt iá; nanta chi katiohmichi li cho? im achi tok.

21. Mihma i filammit falvmvt, wak toksvli yok achvfa ho ishi cha vbi mvt, wak toksvli ishit toksvli yash nipi ya ishit honi cha, okla hash ima na, okla vpa tok: yohmi mvt wakaya cha, Elichah ya iakaiya cha, in toksahanli tok.

CHAPTA XX.

MIHMA Silia i miko Benhatat vt in tvshka chipota moma ka hoyot itvnahli tok: mihma miko pokoli tuchina akucha tuklo hosh, micha issuba, micha tvnvp itichanvlli aiena hosh apehvt aya tok: mihmvt ivt Samalia ya abinachit afolubli cha, in tanampi tok.

2. Micha anumpa shali ya pit tihleli na, vmaha holihta ya ont chukowa cha, Israel i miko Ahab a okla im ona mvt, Benhatat vt yak achishke,

3. Chin tvli hvta, micha chin tvli holisso lakna yvt vmmi hoke: chin tekchi vhleha, micha chim vlla vhleha aiena kak kia achukma i shahli kak osh vmmi hoke, im achi tok.

4. Mihma Israel i miko vt afalamichit, A shahli miko ma! nana ish achi tuk mak o, vno, micha nana vm asha aiena kvv chimmi hoke, achi tok.

5. Mihma anumpa shali vhleha hash osh anonti vla mvt, Benhatat vt yak achishke, Anumpa chi pila li kvv, Chin tvli hvta, micha chin tvli holisso lakna, micha chin tekchi vhleha, micha chim vlla vhleha aiena ka svbbak a ish fohkashke, achi li tuk ak inli kia,

6. Yohmi tuk kia an tishu vhleha ha onna ha himak a chohmikma, pit chi pila likma, chin chuka ya, micha chin tishu vhleha in chuka aiena ka a hopokoya chi hoke; atukma yakohma hi oke: nana kia ish pisa ka achukmakma, ibbak okla fohkikmvt ishit minta chi hoke, achi tok.

7. Yohmi ma Israel i miko vt yakni yvmma im asvnonchi moma ka hoyo cha, Hvch im asilhha lishke, yohmi hosh ahni cha, hatak ilvppvvt nana ik achukmo hoyo ka hvsh pisashke: sa tekchi vhleha, micha vm vlla moma, micha an tvli hvta, micha an tvli holisso lakna aiena ka et a hoyo ma, ak im i hullo tuk oke, achi tok.

8. Mihma asvnonchi vhleha moma, micha okla moma kvv, Ish i haponakla na, micha vvhpesa ish im ahni na, okla im achi tok.

9. Yvmohmi ho Benhatat im anumpa shali vhleha hash,

A shahli miko ya ish im anolashke, Ummona chin tishu ha et ish i hoyo tuk a, moma yvmihchi la hinla: amba nana ilvppak okvno yvmihchi la he, vvhpesa keyu hoke. Mihma anumpa shali vvhleha hash osh ia cha, anonti anumpa isht im ona tok.

10. Mihma Benhatat vt anumpa pit i pila mvt, Samalia lukfi pushi vt okla siakaiya moma ka, ibbak achvfa vvhto banot fullota vvhpesakma, chitokaka puta kvv yakohmi, micha i shahli kia si yvmihchashke, achi tok.

11. Mihma Israel i miko vt afalamichit, Hvsh im anolashke, Tvuvp aya na halupa isht il vskovchit hikia hokvto, shueli ka chohmit isht ik ilauato kashke, achi tok.

12. Atuk o yakohmi tok, Benhatat vt oka ishko hosh yvmma, micha miko vvhleha aiena kvv, vvhtipo asha tuk osh haklo mvt, in tishu vvhleha ha, Baivvllit hvsh hiohlashke, im achi tok. Mihma tmaha holihta ya itiba chi hosh okla baivvllit hiohli tok.

13. Mihma yakeh! hopaii vt Ahab Israel i miko ya im ona cha, Chihowa vt yak achishke, Okla chito ilvppa moma ka ish pisa cho? yakeh! himak nitak a chibbak fohki la chi hoke, yvmohmi hv vno ak osh Chihowa sia ka, ish ithaiyana chi hoke, achi tok.

14. Mihma Ahab vt, Kvta hak o? achi tok. Michu, Chihowa vt, Yakni apelhichi puta hatak himithoa holitompa vvhleha yak chi hoke, achishke, achi tok. Mihma, Kvta hosh itiba chi ka, itafamvcha chi cho? achi tok. Mihma, Chishno ya, achi tok.

15. Yohmi ma yakni apelhichi puta hatak himithoa holitompa vvhleha ha hotihna ma, tahlepa tuklo cha pokoli tuchina akucha tuklo tok: micha iakaya ka Israel ushi vvhleha moma okla puta moma kia hotihna ma, tahlepa sipokni untuklo tok.

16. Atuk osh tvbokoli ma okla kohchvt ia tok: amba Benhatat vt oka ishkot haksit, yvmma, micha miko vvhleha, miko pokoli tuchina akucha tuklo apela tuk aiena kash osh vvhtipo ya aiasha tok

17. Mihma yakni apelhichi puta hatak himithoa holitom-

pa vhleha hash osh tikba kohcha tok: mihma Benhatat vt pit tihleli tok, atuk o ant im anoli mvt, Okla hvt Samalia ya kohchvt mintishke, okla achi tok.

18. Mihma Benhatat vt, Iti nanaiya hosh minti hoh kia, okchaya na hvsh ishashke: keyukmvt tanampi hosh minti hoh kia, okchaya na hvsh ishashke, achi tok.

19. Yohmi ma yakni apchlichy puta hatak himithoa holi-tompa vhleha hash osh tmaha holihta ya kohcha ma, tvshka chipota vt iakaiya tok.

20. Mihma hatak achrfya ho aiyukali okla vbi tok: mihma Silian vhleha hvt yihlepa tok; mihma Israel vt hlioli tok: mihma Silia i miko Benhatat vt issuba ombinili cha, issuba ombinili vhleha takla malelit hlakofi tok.

21. Mihma Israel i miko vt kohchvt ia mvt, issuba, micha tenvp itichanvlli aiena ka issot kanchi mvt, Silian vhleha aiena ka issot kanchi na, illi kvv lauua fehna tok.

22. Mihma hopaii yash osh Israel i miko ya im vla cha, Ia, ish ile hlampkochashke, micha yakohmi ahmit, nana ish kaniohmi kvv ish pihisashke: ont afemmi kvv vlakma, Silia i miko vt vlet chin tanampa chi hoke, im achi tok.

23. Atuk o Silia i miko in tishu vhleha hvt, In chitokaka puta kvv nvnih foka in chitokaka puta yoke; yvmohmi hatuk osh kello kvv pi shahli tuk oke; amba yakni patali ak o il ai itibashke, mikmvt kello kvv il i shali pulla chi hoke.

24. Michu ilvppak o ish yvmihchashke, Miko vhleha ha a hikia aiyukali ka ishit ish a kanvllichashke, micha kvpitvni vhleha ho atobbichit ish hiohlichashke.

25. Michu tvshka chipota vt, chi kvnia tuk a chohmi, issuba hvt kvnia tokma mih makinli, micha tenvp itichanvlli vt kvnia tokma chohmi ho, ish hotihnashke: mikmvt yakni patali yo il ai itibashke, mikmvt kello kvv il i shahli pulla chi hoke, im achi tok. Mihma im anumpa ha i haponaklo cha, yvmihchi tok.

26. Atuk o ont afemmi kvv vla ma yakohmi tok, Benhatat vt Silian okla ha hotihna cha, Israel a itiba chi hosh Afek a ona tok.

27. Mihma Israel im vlla vhleha hvt holhtihna mvt, mo-

mut asha cha, itibit ia tok: atuk osh Israel im vlla vhleha hvt issi kosoma ushi aya iskitini tuklo chohmi hosh, itikba ont binachi tok; amba Silian okla hash osh yakni ya alota tok.

28. Mihma hatak Chitokaka im antia yvt onvt, Israel i miko ya im anumpulit, Chihowa vt yak achishke, Chihowa vt nvni hoka Chitokaka yoke, amba okfa ano Chitokaka keyu, Silian okla hvt achi hoka, yvmohmi hoka okla chito ilvppa chibbak fohki likma, vno ak osh Chihowa sia ka, ish ithaiyana chi hoke, achi tok.

29. Micha it ichapvt binachit aiasha na, nitak untuklo tok. Micha yohmi kash osh nitak ont isht untuklo ma it afama cha, itibi tok: mihma Israel im vlla vhleha hvt Silian okla ha nitak achvfa ka, hatak aka aya tahlepa sipokni tahlepa achvfa ho vbi tok.

30. Amba inlaka yvt yihlepvt Afek a onvt, tmaha holihta ya chukowa tok; mihma hlakofi tuk vhleha ha tvli holihta yvt o kinafa cha, tahlepa sipokni pokoli tuklo akucha untuklo ho ai vbi tok. Mihma Benhatat vt malelit, tmaha holihta ya ont chukowa cha, aboha anukaka fehna ont chukowa tok.

31. Mihma in tishu vhleha hvt, Yakeh! himak a Israel in chuka achvfa i miko vhleha hvt miko nan i nukhaklo vhleha ho e haklo chatuk oke; chim asilhha lishke, nahishi tvnna isht il vskofvchikmut, aseta pi noshkobo ha isht e takchi cha, kohchvt Israel i miko ya il im onashke; chi okchalinchi yoba na, achi tok.

32. Yohmi ma nahishi tvnna isht il vskofvchi mut, aseta ha noshkobo isht takchi cha, Israel i miko ya im ona mut, Chin tishu Benhatat vt, Ik si okchaya, chim asilhha lishke, achishke, achi tok. Mihma, Okchaya moma cho? itibapishi li hoke, achi tok.

33. Mihma nana kia kaniohma chi ka, achukmalit apistikeli tuk osh, tushpvt hahhaklo mut, Benhatat vt chitibapishi hoke, okla achi tok. Yohmi ma, Oh ia cha, isht oh vla, achi tok. Yohmi ma Benhatat vt im vla ma, tvnvp itichanulli ya oiychi tok.

34. Mihma Benhatat vt, Tvmaha holihta puta aki vt chiki ya im ishi tok a, chi falvmmminchi lashke; mikma aki vt Samalia aiitvnova ai ikbi tok a, chohmichit Tamaskvs a aiitvnova ya ish ai ikbashke, achi tok.

35. Mihma hopaii ushi vhleha ai achvfa ya hatak achvfa hosh in chuka abilika yo, Chihowa im anumpa ho, Svssó, chim asilhha lishke, im achi tok. Mihma hatak ash osh ik bvno tok.

36. Mihma, Chihowa im anumpa ho chik im antio hoka, a filvmmmit ish ia makinli ho, koi chito vt chiba chi hoke, im achi tok. Mihma i filvmmmit ia makinli ma, koi chito vt ahayuchi cha, vbi tok.

37. Yohmi ma hatak inla yo ahayuchi mv, Svssó, chim asilhha lishke, achi tok. Mihma hatak ash osh isso mv, yvmihchit isso kv hotopali tok.

38. Yohmi ma hopaii ash osh ia mv, hina takla miko ya im aiehchi tok; mihmv nashuka ya hituk chubbi o ashachi cha, im ile luhmi tok.

39. Atuk osh miko vt aya ma, miko ya i paya tok; micha, Chin tishu hv ai itin tanampi ka iklna ona tuk oke; atuk o, yakeh! hatak vt fullota cha, hatak isht vm vla mv, Hatak ilvppa ish halanlashke: kaniohmi hosh kvniakma, im ilhfiopak atukma chim ilhfiopak ak osh vlhtoba chi hoke; keyukmv tvli hvta talent achvfa ho ish atobba chi hoke, achi tuk oke.

40. Atuk o chin tishu hv ilvppa, micha yvmma isht anta li ma, kvnia tuk oke, achi tok. Mihma Israel i miko vt, Yohmi ka na chim vlhpisa kv yvmmak achi hoke; chishno akinli hosh ish atokolishke, im achi tok.

41. Mihma tushpvt hituk chubbi ya nashuka ya ai ishit kanchi tok: mihma hopaii vhleha ha ai achvfa tuk a, Israel i miko vt akostininchi tok.

42. Mihma hopaii ash osh, Chihowa vt yak achishke, Hatak yvmmv illit tahvt vmohma he im apesa li tuk a, ik ia, ish im ahni na ia tuk; yvmohmi hoka im ilhfiopak atuk a, chim ilhfiopak ak osh vlhtoba chi hoke, micha im okla hatuk a, chim okla hak achi hoke, im achi tok.

43. Mihma Israel i miko vt chukvsh wekit, micha im okpulo hosh Samalia ya onvt in chuka ya ona tok.

CHAPTER XXI.

ATUK o nana ilvppa puta kvv yohmi haya yakohmi tok, Chesleelait Nabolh vt pakvpi ahollokchi, yvmmvt Chesleel talaia hosh, Samalia i miko Ahab im aboha bilika fehna talaia tok.

2. Mihma Ahab vt Nabolh a im anumpulit, Chi pakvpi ahollokchi ya is suma na, haiyukpulo ahollokchi ikbi lashke, an chuka bilika talaia hoka : mikma pakvpi ahollokchi achukma i shahli ka chima lashke : keyukmvt chim vvhpesakma, ai illi vvhpesa ka tvli holisso yo chima lashke, achi tok.

3. Mihma Nabolh vt Ahab a, Aki vvhleha i yakni ya he vvhpisa tok a chima la hi a, Chihowa vt vm olvbashke, im achi tok.

4. Mihma Ahab vt, anumpa Chesleelait Nabolh vt im anumpuli tuk pulla kak o, chukvsh wekit im okpulo hosh in chuka ya ona tok ; aki vvhleha i yakni ya he vvhpesa tok a, chima la he keyu, achi hatuk oka ; micha in topa pakna tvshkit itoyula mvt, nashuka ya misha pit shanaia cha, pvskaya vpa he keyu tok.

5. Yohmi kia tekchi Chesebel vt im ona cha, Nanta kati-ohmi ho chi chukvsh vt ilapissa fehna cha, pvskaya ish pa he keyu cho ? im achi tok.

6. Mihma, Chesleelait Nabolh a im anumpulit, Tvli holisso chima likma chi pakvpi ahollokchi ya vma ; keyukmvt chim vvhpesakma, pakvpi ahollokchi inla ya chima lashke, achi li ma, afalamichit, A pakvpi ahollokchi ya chima la he keyu, vm achi kak oke, im achi tok.

7. Mihma tekchi Chesebel vt, Himak a Israel im apehlichika ya ish pehlichihoh cho ? Wakaya cha, pvskavpvt, chi chukvsh vt yukpashke : vno ak osh Chesleelait Nabolh i pakvpi ahollokchi ya chima lashke, im achi tok.

8. Yohmi mvt holissochi cha, Ahab hohchifo ha takalichi

mut, im isht inchuwa isht in chonli cha, asvnonchi vhleha, micha holitompa vhleha aiena Nabolh in tvmaha holihta takla asha tuk a, pit i pila tok.

9. Micha, Nahullochi ya hvsh apesashke, micha Nabolh a achahaka okla ititakla hvsh binilichashke:

10. Micha hatak Belial ushi tuklo ho itikba hvsh binohli-chi na, atokolit Chihowa, micha miko ya ik ahobalot ish anumpuli tuk oke, im achashke: mikma kocha isht onvt, tvli ishit hvsh boli na illashke.

11. Mihma in tvmaha holihta hatak asvnonchi vhleha, micha holitompa vhleha in tvmaha holihta ai okla hvt, Chesebel vt i pila tuk holisso pit i pila tuk a, holisso hatuk mak o, yrmihchi tok.

12. Nahullochi ya okla apesa cha, Nabolh a achahaka okla ititakla binilichi tok.

13. Mihma hatak tuklo Belial ushi yosh ona cha, itikba chieya tok: micha Belial hatak ash osh okla itikba ai atokolit, Nabolh a atokolit, Nabolh vt Chihowa, micha miko ya ik ahobalot im anumpuli tuk oke, achit okla tok. Yohmi ma tvmaha holihta ya kocha isht ona cha, tvli ishit boli na illi tok.

14. Yohmi ma Chesebel a anumpa okla pit i pilvt, Nabolh vt tvli ishit boa cha, illishke, achi tok.

15. Atuk o yakohmi tok, Nabolh vt tvli ishit boa cha, illi tuk a, Chesebel vt haklo mut, Chesebel vt Ahab a, Wakaya cha, Nabolh i pakvpi ahollokechi tvli holisso yosh vlhtoba hi a, chima ik bvnno tuk a ish ishashke: Nabolh vt okchaya keyu, amba illi hoka, im achi tok.

16. Atuk o yakohmi tok, Nabolh vt illi tuk o Ahab vt haklo mut, Ahab vt Chesleelait Nabolh i pakvpi ahollokechi ya isha chi hosh, wakayvt ia tok.

17. Mihma Chihowa im anumpa hvt, Tishbait Elichah ya im vla mut,

18. Wakayvt ivt Israel i miko Ahab, yummvt Samalia anta ka ont ivt afamashke: yakeh! Nabolh i pakvpi ahollokechi ya isha chi hosh, yumma onvshke.

19. Mikmut im anumpulit, Chihowa vt yak achishke, Ish

bi cha, ish ishi cho? ish achashke. Micha im anumpulit, Chihowa vt yak achishke, Nabolh im issish a ofi puta kv̄t a holakshi tuk akinli hq, chim issish a chishno pulla ka, a holaksha ch̄i hoke, achi tok.

20. Mihma Ahab vt Elichah ya, An t̄nvp̄ ma! is si ahayuchi cho? achi tok. Mihma afalamichit, Chi ahayuchi lishke: ile kanchit Chihowa itikba ya nana ik achukmo ka ish toks̄vli hoka.

21. Yakeh! nana ik achukmo ka chi onochit, chim ishta-tiaka ya ishit kanchit, micha Ahab in chuka achvfa nakni moma, micha Israel yuka, micha Israel yuka keyu aiena ka ishit kanchi la hi oke.

22. Nan isht nokowrch̄i isht is̄ sa nokowrchit Israel a ish ashvchichi tok oka, chin chuka achvfa ya Nebat ushi Cheloboam in chuka achvfa atok mak o, chohmichit, micha Ahi-chah ushi Baasha in chuka achvfa atok mak o, chohmichi la ch̄i hoke, achi tok.

23. Mihma Chihowa vt Chesebel a isht anumpulit, Ofi puta kv̄t Chesebel a, Chesleel tv̄li holihta bilika ai vpa ch̄i hoke.

24. Ahab ai achvfa yosh tvmaha holihta ai illi hokvno, ofi puta kv̄t vpa ch̄i hoke: mikma yakni haiaka ya ai illi hokvno, hushi puta vba itvnowa kv̄t vpa ch̄i hoke.

25. Amba Ahab, yv̄mma tekchi Chesebel vt nukfohki na, ile kanchit, Chihowa itikba ya nan ashvchi puta yvmihchi ka, achvfa kia chohmi kv̄t iksho hoke.

26. Micha naholbvt toba puta ka iakaiya kak osh, ile yu-walvchi fehnvt, Amolait okla yv̄mma Chihowa vt Israel im vlla vhleha itikba ya tihlelit kocha wehli tok vt, yvmohmi tok puta ka yvmihinch̄i tok.

27. Atuk o yakohmi tok, Ahab vt anumpa yv̄mma haklo mvt, i nafohka ya hlilvffi cha, shukcha toba ya nipi atuk a lapalichi mvt na hullochit nahishi tv̄nna isht anchit itoyula tok; micha lumvt aya tok.

28. Mihma Chihowa im anumpa hv̄t Elichah Tishbait ash im vla mvt,

29. Ahab vt sa tikba ya ch̄ukvsh akanlosichi ka ish p̄isa cho? Sa tikba ya ch̄ukvsh akanlosichi hoka, i nitak okvno,

nan ik achukmo ka onochi la he keyu hoke; amba ushi i nitak ak o, nan ik achukmo ka in chuka achvfa ya onochi la hi oke, achi tok.

CHAPTA XXII.

MIHMA afvmmi tuchina ho Silia, micha Israel itatuklo kv̄t tv̄rv̄p vt ik im iksho hosh, okla aiasha tok.

2. Atuk o yakohmi tok, afvmmi ont isht atuchina ma, Chutah i miko Chehoshafat vt Israel i miko ya im ona tok.

3. Mihma Israel i miko vt, in tishu vhleha ha, Lamolh-kileat talaia kv̄t pimmi ha hvsh ithana keyu cho? mikma lumvt il asha cha, Silia i miko ibbak a akohchit kil eshoshke, im achi tok.

4. Micha Chehoshafat a, Si awant Lamolh-Kiliat a itiba chi hosh, ish ia hinla cho? im achi tok. Mihma Chehoshafat vt Israel i miko ya, Uno vt chishno ak inli chohmi likma, vm okla hv̄t chim okla akinli chohmikma, vm issuba puta kv̄t chim issuba puta akinli chohmi hoke, im achi tok.

5. Micha Chehoshafat vt Israel i miko ya, Himak nitak a Chihowa im anumpa ha ish a ponaklashke, chim asilhha lishke, im achi tok.

6. Yohmi ma Israel i miko vt hopaii vhleha ha hoyot hatak tahlepa ushta foka ho itv̄nahli cha, i ponaklot, Lamolh-kileat a itibit ia la chi cho? ak cho? ak aiyo ka chi cho? im achi ma, Ia, Chitokaka yvt miko ibbak a fohki pulla chi hoka, okla achi tok.

7. Mihma Chehoshafat vt Chihowa i hopaii inla vt ilv̄ppa anta tuk o, il i ponakla hinla kv̄t iksho cho? achi tok.

8. Mihma Israel i miko vt Chehoshafat a, Hatak achvfa hosh Imlah ushi Mikaiiah vt anta momvshke, yvmmak o Chihowa ya ai il im a ponakla hinla hoke; yohmi kia isht i yukpa li keyu hoke: nana vm anoli kv̄t achukma keyu, amba ik achukmo kak o, vm anoli chatuk oka, achi tok. Mihma Chehoshafat vt, Miko vt yvmma ik acho kashke, achi tok.

9. Yohmi ma Israel i miko vt nan vlhtoka ya hoyo cha, Tushpvt Imlah ushi Mikaiiah ya ont isht vlá, achi tok.

10. Mihma Israel i miko, micha Chehoshafat Chutah i miko itatuklo kvt nafohka holitopa ishit fohka cha, im aiombinili holitompa bika, Samalia achukowa holihta okhissa ahaiaka yo on chieya tok; mihma hopaii moma kvt itikba ya tikbanli nan anolit aiasha t k.

11. Mihma Chenaanah ushi Setekiah vt teli lapish ikbi tok: micha, Chihowa vt yak achishke, Ilvppak o Silian vhleha ha ishit bahlit, vbit hvsh tahla chi hoke, achishke, achi tok.

12. Mihma hopaii moma kvt yohmit tikbanli anolit, Lamolh-kiliat a ish ia cha, chim aiahlashke, Chihowa vt miko ibbak a fohka chi hoka, okla achi tok.

13. Mihma anumpa shali Mikaiah i howa tuk vt, ont im anumpuli mvt, Yakeh! himak a hopaii vhleha im anumpa hvt, itih achvft achukma ho miko ya im anolishke: chim asilhha lishke; chim anumpa hvt yvmma ai achvfa im anumpa tuk a chohmashke, micha achukma ho ish anumpulashke, achi tok.

14. Mihma Mikaiah vt, Chihowa vt okchaya pulla ka, Chihowa ak osh nana ho vm achikma, yvmmak o anumpuli la chi hoke, achi tok.

15. Yohmi ho miko ya im vla tok. Mihma miko vt, Mikaiah ma! Lamolh-kileat a itibit il ia chi cho? ak cho? kil aiyo ka chi cho? achi tok. Mihma afalamichit, Ia cha, chim aiahlashke: Chihowa vt miko ibbak a fohka chi hoka, achi tok.

16. Mihma miko vt, Katohmi haya Chihowa hochifot anumpa ahli bieka is svm anola hi a, anumpa kvillo chi onochi la chi cho? im achi tok.

17. Mihma, Israel moma kvt chukfulhpoa apistikeli iksho chohmit, nvnih foka ita fimimvt aya ho pisa li tuk oke: mihma Chihowa vt, Ilvppak okvt i shahli iksho yoke; hatak puta kvt achukmakvt in chuka ya falamvt onashke, achi tok.

18. Mihma Israel i miko vt Chehoshafat a, Uno ya nana tikbanli anoli kvt achukma keyu, amba ik achukmo kak o anola chi hoke, achit chim anoli li tuk keyu cho? achi tok.

19. Mihma Mikaiah vt, Yvmohmi hoka Chihowa im anumpa ha ish haklashke; Chihowa vt im aiombinili holi-

tompa ya ombinili tuk oke, mihma vba aholitopa aiasha moma kvt bilika isht impak imma, micha vlvfbek imma aiena ka hielu tuk oke :

20. Mihma Chihowa vt, Krta hosh ia cha, Ahab a nukfohki na ia cha, Lamolh-kiliat a akvma chi cho? achi ma, achvfa kvt yakohmichi hosh, achi ma, achvfa kvt yvmihchi hosh, achi tuk oke.

21. Mihma shilombish osh kohcha cha, Chihowa itikba hikia cha, Uno ak osh nukfohki lashke, achi tuk oke :

22. Mihma Chihowa vt, Nanta ho isht ish yvmihchi hosh? achi ma, Kohchvt ia likmvt, shilombish holabi yosh i hopaii vhleha moma ka, itih ha foyuka lashke, achi tuk oke. Mihma Chihowa vt, Ish nukfohki cha, ish imaiya ak inla chi hoke; kohchvt ish ia cha, ish yvmohmashke, achi ho, pisa li tuk oke, achi tok.

23. Yvmohmi ka himak a yakeh! Chihowa vt chi hopaii vhleha ilvppa moma itih ha shilombish holabi yo fohki cha, chishno pulla ka ik achukmo ho, Chihowa vt anumpuli tuk oke, achi tok.

24. Yohmi kia Chenaanah ushi Setekiah vt bilika ona cha, Mikaiiah itisukpi ya isso mvt, Katima yak o, Chihowa imi Shilombish vt a filvmmiit chim anumpula chi hosh ia tuk oh cho? achi tok.

25. Mihma Mikaiiah vt, Yakeh! nitak yvmma lumvt aboha anukaka fehna ish chukowak mak osh, ish pisa hi oke, achi tok :

26. Mihma Israel i miko vt, Mikaiiah ya ishi cha, falvminchit tvmaha holihta pehlichu Amon a, micha miko ushi Choab a isht hvsh im onashke;

27. Micha, Miko vt yak achishke, Hatak ilvppa aboha kvlo fohki cha, ilbvsha i pvska, micha ilbvsha im oka ish ipihinta tuk o, achukmakvt vla lashke, achishke, ish im achashke, achi tok.

28. Mihma Mikaiiah vt, Achukmakvt falamvt ish la yoba hokma, Chihowa vt sa tohno tuk keyu ho, anumpuli li tuk a chi hoke, achi tok. Mihma, Okla hvchia ma! momvt achukmalit hvsh haklashke, achi tok.

29. Yohmi hō Islael i mīko, micha Chutah i mīko Chehoshafat itatuklo kvt Lamolh-kileat a ona tok.

30. Mihma Islael i mīko vt Chehoshafat a, Il inlvchi lish, ai itibi ka iba chukowa la chī hoke; amba chishno vto chī nafohka holitopa isht ish fohkashke, im achi tok. Michā Islael i mīko vt il inlvchi cha, ai itibi ka iba chukowa tok.

31. Yohmi kia Silia i mīko vt, i kvpitvni pokoli tuchina akucha tuklo tvnvp itichanvlli puta pehlichī vhleha hā im apesa mvt, Chipunta, micha hochito kia hvsh itibi ná, Islael i mīko ak illashke, achi tuk atok.

32. Atuk o yakohmi tok, tvnvp itichanvlli puta i kvpitvni vhleha hvt Chehoshafat a pisa mvt, Islael i mīko pulla hoke, okla achi tok. Mihmvt itiba chī hosh okla fullota tok: mihma Chehoshafat vt chitolit paya tok.

33. Atuk o yakohmi tok, tvnvp itichanvlli puta i kvpitvni vhleha hvt, Islael i mīko yatuk keyu hō akostininchi mvt, hlioli tuk vt falama tok.

34. Mihma hatak achvfa kvt yvmmak fokalichi hosh, ititanampo halvlli cha, pila tuk osh, Islael i mīko yā ikkishi alata ititakla pit nvhli tok: yvmohmi hoka tvnvp im itichanvlli ishtaya yā, Chibbak a fullochi cha, okla hā ai ishit sa kohchī, sa nvhla hoka, im achi tok.

35. Mihma nitak yvmma itibi kvt isht i shahlit ia tok: mihma mīko yā halvlli na, tvnvp itichanvlli foyuka cha, Silian vhleha ichapaka yā hikia tok: atuk osh opia ma illi tok: mihma issish vt anvhlā yā a kohchvt tvnvp itichanvlli iklvna yā yanvllit ona tok.

36. Atuk o hvshi vt okatvla foka ma, anumpa hvt ayvt tvshka chipota aiasha ka hlopullit, Hatak moma kvt in tvmaha holihta aiyyukali ka onashke, micha hatak moma kvt i yakni aiyyukali ka onashke, achi tok.

37. Yohmi hō mīko vt illi na, Samalia yā isht vla tok: mihma mīko yash Samalia yak o okla hohpi tok.

38. Mihma achvfa kvt tvnvp itichanvlli yā Samalia oka talaia yā ai achifa tok: mihma ofi puta kvt im issish a holakshit tahlī tok: mihma i nahalupa yā achifa tok, Chihowa im anumpa yvmma anumpuli tok mak o, yvmohmi tok.

39. Yohmi ka Ahab nana a kaniohmi tok inla, micha nana yvmihchi tok moma, micha elefant noli chuka ikbi tok, micha tvmaha holihta ikbi tok moma kv̄t, Israel i m̄ko vhleha i nitak holisso h̄a a holisso keyu cho?

40. Yohmi h̄o Ahab vt īki vhleha h̄a takla nusi tok: mihma ushi Ahasiah ak osh vlhtobvt m̄ko tok.

41. Mikma Ahab vt Israel i m̄ko tok afv̄m̄mi ont ai ushta h̄o, Asa ushi Chehoshafat vt Chutah ȳa i m̄kot ishtia tok.

42. Chehoshafat vt afv̄m̄mi pokoli tuchina akucha tahlapi hosh m̄kot isht ia tok: atuk osh afv̄m̄mi pokoli tuklo akucha tahlapi h̄o, Chelusalem a m̄kot ahanta tok: mihma ishki hohchifo kv̄t Asubah yosh Shilhi ushetik atok.

43. Micha īki Asa a yvmohmi tok moma kak o, a noh̄owa tok, naksika ik fulloto hosh, Chihowa itikba ȳa ai vlhpiesa kak o yvmihinchī tok; yohmi kia achahaka puta ka ik kancho tok: okla hv̄t achahaka puta ka nan vbit ai im issvt, nabalama a hukmi moma hatok oka.

44. Mihma Chehoshafat vt Israel i m̄ko ȳa it i nanaiya tok.

45. Yohmi ka Chehoshafat nana a kaniohmi tok inla, micha nan ai im aighli otr̄ninchī tok, micha kaniohmit itin-tanampi tok aiena kv̄t, Chutah i m̄ko vhleha i nitak holisso h̄a a holisso keyu cho?

46. Micha Sotomait vhleha atampa, yvm̄vt īki Asa i nitak a āsha moma tuk a, yakni yash a kohchi tok.

47. Yv̄mma foka ka Etom a m̄ko vt iksho tok: anum-peshi yosh m̄ko tok.

48. Chehoshafat vt Ofi ȳa teli holisso lakna hoyot ia ch̄i h̄o, Hlashish peni hochito kohta shali ȳa ikbi tok: yohmi kia peni hochito kohta shali vt, Esion-kebe a tiapa tuk okvt ik aiyo tok.

49. Yohmi ma Ahab ushi Ahasiah vt Chehoshafat a, An tishu vhleha hv̄t chin tishu vhleha takla, peni chito kohta shali ȳa fohkv̄t iashke, achi tok. Yohmi kia Chehoshafat vt ik haklo tok.

50. Mih̄vt Chehoshafat vt īki vhleha h̄a takla nusi cha, īki vhleha h̄a takla, īki Lewi in tvmaha holihta ak o ahollo-pi tok: mihma ushi Chehoiam ak osh vlhtobvt m̄ko tok.

51. Chutah i miko Chehoshafat vt miko tok afvmmi ont isht auah untuklo ho, Ahab ushi Ahasiah vt Samalia ya vttvt, Israel a i mikot ishtia tok: micha afvmmi tuklo ho Israel a i miko tok.

52. Micha Chihowa itikba nan ik achukmo ka yvmihinchit, iki a yvmohmi tok ak o, micha ishki a yvmohmi tok ak o, micha Nebat ushi Cheloboam a yvmohmit, Israel a ashvchichi tok ak o a nohowa tok.

53. Iki vt a yvmohmi tok moma kak o, yvmohmit Baal a im anti vt aiokpahanchi cha, Israel in Chitokaka Chihowa ya nokowvchi tok oka.

THE
SECOND BOOK OF KINGS,

TRANSLATED INTO

THE CHOCTAW LANGUAGE.

MIKO VHLEHA

ISHT ANUMPA ATUKLA KUT

TOSHOWUT

CHAHTA ANUMPA TOBA HOKE.

NEW YORK:
AMERICAN BIBLE SOCIETY,

INSTITUTED IN THE YEAR MDCCCLXVI.

1913.

MIKO UHLEHA

ISHT ANUMPA ATUKLA HOKE.

MIKO VHLEHA

ISHT ANUMPA ATUKLA HOKE.

CHAPTA I.

YOHMI ma Ahab vt illi haya, Moab vt Israel a i filummit i sanali tok.

2. Atuk o Ahasiah vt vba potvllhpo Samalia talaia ka vttvt iti okhowatkvchi ya vbanvblit ont itula cha, abeka tok : mihmut anumpa shali vhleha ha pit pila cha, Ivt Eklon in chitokaka Baal-sebub a, abeka ilvppa a sa hlakoffikma, nana chi ka ont hvsh i ponaklashke, im achi tok.

3. Mihma Chihowa im enchel vt Elichah Tishbeli hatak a, Wakayvt, Samalia i miko im anumpa shali vhleha ha ont ish afama cha, Chitokaka yvt Israel a iksho kak o, Eklon in chitokaka Baal-sebub a i ponaklot ia hosh hvsh aya cho ?

4. Yohmi hoka Chihowa yvt yak achishke, Topa ha ish oiya tuk vt, yvmma ish akowa chi keyu hoke, amba chilli pulla chi hoke, ish im achashke, im achi tok. Mihma Elichah vt ia tok.

5. Atuk o anumpa shali vhleha hash osh salamvt im ona ma, Nanta katiohmi ho hvsh falama cho ? im achi tok.

6. Mihma, Hatak osh ant pi afama cha, Oh ia, salamvt miko vt hvchi pila tuk a hvsh im ona cha, Chihowa yvt yak achishke, Chitokaka yvt Israel a iksho kak o, Eklon in chitokaka Baal-sebub a ish i ponakla chi hosh ish pila tuk oh cho ? yvmohmi hokvt topa ha ish oiya tuk vt, yvmma ish akowa chi keyu hoke, amba chilli pulla chi hoke, hvsh im achashke, pim achi tuk oke, okla im achi tok.

7. Mihma, Ant hvchi afama cha, anumpa ilvppa puta ka

hvehim anumpuli kvto, hatak katiohmi tuk oh cho? im achi tok.

8. Mihma, Hatak hishi chito hosh na hakshup isht vsko-fvchi y_o isht vskofuiyachi tuk oke, okla im achi tok. Mihma, Elichah Tishbeh hatak ash oke, achi tok.

9. Yohmi mv_t pokoli tahlapi i_i kvpitvni ya, micha i pokoli tahlapi ka aieninchit pit i pila tok: atuk o im ona tok; mihma yakeh! nv_nih tvbokaka y_o binnili tok. Mihma, Chitokaka immi hatak chia ma! miko vt, Ish akowashke, achishke, im achi tok.

10. Mihma Elichah vt afalamichit, pokoli tahlapi i kvpitvni yash, Atukma, Chitokaka immi hatak sia hokma, luak vt vba ik minti cha, chishno, micha chi pokoli tahlapi aiena ka hukmit ik hvchi tahli, im achi tok. Mihma luak vt vba minti cha, yvmmak ash, micha i pokoli tahlapi aiena kash hukmit-tahli tok.

11. Atuk o anonti pokoli tahlapi i kvpitvni inla y_o, micha i pokoli tahlapi ka aieninchit pit i pila tok. Atuk o miha mv_t, Chitokaka immi hatak chia ma! miko vt yak achishke, Tushpvt ish akowashke, im achi tok.

12. Mihma Elichah vt afalamichit, Chitokaka immi hatak sia hokma, luak vt vba ik minti cha, chishno, micha chi pokoli tahlapi aiena ka hukmit ik hvchi tahli, im achi tok. Mihma Chitokaka in luak vt vba minti cha, yvmmak ash, micha i pokoli tahlapi aiena kash hukmit tahli tok.

13. Atuk o anonti pokoli tahlapi atuchina i kvpitvni ya, micha i pokoli tahlapi ka aieninchit pit i pila tok. Atuk o pokoli tahlapi i kvpitvni atuchina yash osh ivt ona mv_t, Elichah itikba ya hvchukbihlepa cha, im ilbvshvt, Chitokaka immi hatak chia ma! vm ilhfiopak, micha chin tishu vhleha pokoli tahlapi ilvppa im ilhfiopak vt chi tikba ya a holitopashke, chim asilhha lishke.

14. Yakeh! luak vt vba minti cha, pokoli tahlapi chashpo i kvpitvni tuklo, micha i pokoli tahlapi bika hukmit tahli tuk oke: yvmohmi hoka vm ilhfiopak vt chi tikba ya a holitopashke, im achi tok.

15. Mihma Chihowa im enchel vt Elichah ya, Awant ish

iašhke; ish i nukshopa ná, im achi tok. Mihma wakaya cha, awant ivt miko ya im ona tok.

16. Mihmut, Chihowa yvt yak achishke, Anumpa shali vhleha hv̄t Eklon in chitokaka Baal-sebub a i ponakla chi h̄o ish pila tuk vt (Chitokaka yvt Islael a iksho na, im anumpa h̄a ish a ponakla he keyu ak atuk oh cho?) yvmohmi hokvt topa h̄a ish oia tuk vt, yv̄mma ish akowa chi keyu hoke, amba chilli pulla chi hoke, im achi tok.

17. Atuk o Chihowa im anumpa h̄a Elichah vt anumpuli tuk mak o illi tok. Mihma, Chehoshafat ushi Cheholam vt Chutah i miko tok afv̄m̄mi ont atukla h̄o, Cheholam vt v̄lh-tobvt miko tok; ushi vt ik im iksho hatuk oka.

18. Mikma nana a kaniohmi inla Ahasiah vt yvmihinechi tok vt Islael i miko vhleha i nitak holisso h̄a a holisso keyu cho?

CHAPTA II.

ATUK o yakohmi tok, Chihowa yvt Elichah ya apanukfila h̄a fohkit v̄ba isht ia chi ma, Elichah, micha Elisha ita-tuklo kv̄t Kilkal a vshv̄vt itiachi tok.

2. Mihma Elichah vt Elisha ya, Ilvppak o ashá, chim asilhha lishke; Chihowa yvt Behlel a sa pila tuk oka, im achi tok. Mihma Elisha yvt, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Yohmi h̄o Behlel a itonachi tok.

3. Mihma hopaii ushi vhleha Behlel ai asha tuk vt kohev̄vt Elisha ya ont afama mv̄t, Himak nitak a Chihowa yvt chi shahli chi noshkobo h̄a chim esha chi ka ish ithana cho? im achi tok. Mihma, Ūno ak kia ithana li, hv̄ch ik anumpulo kashke, achi tok.

4. Mihma Elichah vt, Elisha ma! ilvppak o ashá, chim asilhha lishke; Chihowa yvt Cheliko ya sa pila tuk oka, im achi tok. Mihma, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Yohmi h̄o Cheliko ya itonachi tok.

5. Mihma hopaii ushi vhleha Cheliko ai asha tuk vt im

vla mut, Himak nitak a Chihowa yvt chi shahli chi noshkobo ha chim esha chi ka ish ithana cho? im achi tok. Mihma, Uno ak kia ithana li, hvch ik anumpulo kashke, achi tok.

6. Mihma Elichah vt, Ilvppak o ashá, chim asilhha lishke, Chihowa yvt Chatan a sa pila tuk oka, im achi tok. Mihma, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Mihma itatuklot ivt okla tok.

7. Mihma hopaii ushi vhleha ai achufa yosh hatak pokoli tahlapi kvv ivt ichapaka ya hopaki ho hiel tok: mihma tuklo kash osh Chatan ontalaka ya hielit okla tok.

8. Mihma Elichah vt im anchi ya ishi cha, puhli mut, oka ya isht isso ma, iti filvmmitt ilvppa, micha yvmma ia tok: yohmi na yakni shila yo tuklo kash osh hlopullit ia tok.

9. Mihma yakohmi tok, hlopullit okla ma, Elichah vt Elisha ya, Chim ishit ik sasho kisha kak o nana chi yvmihchi la chi ka ish asilhashke, im achi tok. Mihma Elisha vt, Chimi shilombish a inlohmi tuklo hosh si onvttoyulashke, chim asilhha lishke, achi tok.

10. Mihma, Kullohit ish asilhvshke: chim ishit svshi ka is sa pisakmut, chi yohmashke; amba keyukma, yohma chi keyu hoke, achi tok.

11. Atuk o yakohmi tok, ayvt anumpohonlit mayvt okla ma, yakeh! itichanvlli luak, micha issuba luak aiena kvv haiaka mut, iti mokoffi tok: mihma Elichah vt apanukfila ho fohkvv vba ya ia tok.

12. Mihma Elisha vt pisa mut, payvt, Aki ma! aki ma! Israel im itichanvlli, micha issuba om binili vhleha yoke, achi tok. Mihmut himakma ik peso tok: mihmut i nafolika ya ishi mut, hlilvffit tuklochi tok.

13. Mihmut Elichah im anchi vt mokofvt itula tuk o ishi mut, falama tuk osh Chatan sakti ha ant o hikia tok.

14. Micha Elichah im anchi vt mokofvt itula kash ishi cha, oka ya isso mut, Elichah in Chitokaka Chihowa muto? achi tok. Micha yvmmak kia oka ya isso ma, oka yvt iti

filummit ilvppa, micha yvmma ia tok; mihma Elisha vt hlo-pulli tok.

15. Atuk o hopaii ushi vhleha Cheliko ya ai asha kash osh ichapaka ya yvmmak ash pit pisa mvt, Elichah imi shilombish vt Elisha ya onvtonlvshke, achi tok. Mihmvt okla mintit ant afama cha, aka pit im akachunoli tok.

16. Micha, Yakeh! chin tishu vhleha ha apelvvt hatak pokoli tahlapi kv ashvshke; ik ia cha, chi shahli ha ik hoyo, e chim asilhhvshke; Chihowa imi Shilombish vt vba isht ona cha, nvnihi kanima, keyukmvt okfa kanima et kanchi tuk yoba ka, okla im achi tok. Mihma, Hvsh pila he keyu hoke, achi tok.

17. Atuk o okla im achunanchi na hofahyvt taha mvt, Ho pika, achi tok. Yvmohmai ho hatak pokoli tahlapi ho okla pila tok; mihma nitak tuchina ho hoyo kia, ik ahayu-cho tok.

18. Atuk o falamvt im vla ma, (Cheliko ya anta hatuk oka,) Hvch ik aiyo kia, hvchim achi li tuk keyu cho? im achi tok.

19. Mihma tvmaha hatak vhleha hvvt Elisha ya, Yakeh! tvmaha atalaia yvt achukma ho a shahli hvvt pishvshke; yohmi kia oka yvt okpulo, mikma yakni vt nana a waya he keyushke, im achi tok.

20. Mihma, Ampo himona yo isht hvsvvm vla cha, yvmma hvpi ha oh vni, achi tok. Mihma okla isht im vla tok.

21. Mihma kolchvt kvli oka ya ona cha, yvmma hvpi ha okvchi mvt, Chihowa yvt yak achishke, Oka ilvppa achukmali lishke; ilvppa himak pilla ma illi, micha awaya he keyu vt iksho ka chi hoke, achi tok.

22. Yohmi ho anumpa Elisha yvt anumpuli tuk mak o, oka yash osh achukma tok osh himak nitak a moma hoke.

23. Mihma yvmma vttvt ivt Behlel a ona tok: atuk osh ivt hina takla aya ma, vlla nakni chipunta yvt tvmaha ha kolchvt ishit yopulvt, Noshkobo yushmilali chia hvvt ia; noshkobo yushmilali chia hvvt ia, im ahanchi tok.

24. Mihma im ashaka pit filema cha, pisa mvt, Chihowa hochifot anumpa kvullo onochit miha tok; mihma nita tek

tuklo hosh kowi et kohcha cha, yummak ash ai achufa vlla pokoli ushta akucha tuklo hō niblit tahli tok.

25. Atuk o yumma vttvt ivt nvnih Kamel a ona tuk osh, yumma vttvt falamvt Samalia ya ona tok.

CHAPTA III.

YOHMI ka, Chutah i miko Chehoshafat vt miko tok afummi ont isht auahuntuchina hō, Ahab ushi Cheholam vt Samalia ya vttvt Israel i miko tuk osh, afummi auah-tuklo hō miko tok.

2. Mihmvt Chihowa itikba ya nana ik achukmo kak o yumohmi tok; yohmi kia iki ya chohmi, micha ishki ya chohmi tok keyu: yohmi kv Baal naholvt toba iki vt ikbi tok a ishit kanchi tok.

3. Yohmi kia Nebat ushi Cheloboam vt nan ashvchit Israel a ashvchechi tok ak o asitia tok: ik i filummo tok.

4. Mihma, Moab i miko Mesha vt chukfulhpoa apoa ya-tuk osh, Israel i miko ya chukfulhpoa ushi tahlepa sipokni tahlepa achufa, micha chukfulhpoa nakni hishi asha tahlepa sipokni tahlepa achufa hō ima beka tuk osh,

5. Yakohmi tok, Ahab vt illi ma, Moab i miko vt Israel i miko ya i filummit i sanali tok.

6. Mihma mih nitak akinli hō miko Cheholam vt Samalia ya kohchvt ia cha, Israel moma ka hoyot hotilna tok.

7. Mihmvt ivt, Chutah i miko Chehoshafat a, Moab i miko vt a filummit a sanalishke; si awant Moab a itibit ish ia hinla cho? pit im achi tok. Mihma, Ia lashke; vno vt chishno akinli chohmi likma, vm okla hv chim okla akinli chohmikma, vm issuba puta kv chim issuba puta akinli chohmi hoke, achi tok.

8. Mihma, Hina katima yak o il ia chi cho? achi tok. Mihma, Etom yakni haiaka hina pit hlopulli ká, achi tok.

9. Yohmi hō Israel i miko, micha Chutah i miko, micha Etom i miko aiena kv ia tok; micha nitak untuklo anowa

yə pit fullota tok; micha tvshka chipota, micha nan ullipoa yvt iakaiya tuk aiena kv̄t ishka he oka yvt iksho tok.

10. Mihma Israel i miko vt, Ikikkeh! Moab ibbak a fohka ch̄i hosh, Chihowa yvt miko tuchina ilvppa hoyot itvnahli tuk oka, achi tok.

11. Mihma Chehoshafat vt, Chihowa i hopaii vt ilvppa anta tuk o tohnot Chihowa ya il i ponakla hinla keyu cho? achi tok. Mihma Israel i miko m̄ tishu vhleha achvfa kv̄t, Shafat ushi Elisha, yvmmvt Elichah ibbak a oka on hlali yatuk vt yak antvshke, achi tok.

12. Mihma Chehoshafat vt, Chihowa im anumpa hv̄t ibafoyuka hoke, achi tok. Yohmi h̄o Israel i miko, micha Chehoshafat, micha Etom i miko aiena kv̄t iut im ona tok.

13. Mihma Elisha vt Israel i miko ya, Nanta h̄o chitim ahalaia li cho? ch̄iki i hopaii vhleha, micha chishki i hopaii vhleha hak o im oná, im achi tok. Mihma Israel i miko vt, Aha! Moab ibbak a fohka ch̄i hosh, Chihowa yvt miko tuchina ilvppa hoyot itvnahli tuk oka, im achi tok.

14. Mihma Elisha vt, Ūba nan oklyha ilaiieshi Chihowa yvt okchaya pulla ka, yvmmak o itikba hikia li kv̄t, Chutah i miko Chehoshafat ak osh hikia ka aiokpanchi li hatuk keyukmvt, ish a hikia imma ya pit hopokoyot chi pisa la hetuk keyu hoke.

15. Yohmi kia himak a vhlepa-olachi ya isht oh vm vlá, achi tok. Atuk o yakohmi tok, vhlepa-olachi vt olachi ma, Chihowa ibbak vt ant onvtoyula tok.

16. Mihma, Chihowa yvt yak achishke, Okfa ilvppa yakni kula biektvchit ho tahli.

17. Chihowa yvt yak achi hoka, Mahli ha hvsh pisa ch̄i keyu hoke, micha umba-ka hvsh pisa ch̄i keyu hoke; yohmi kia okfa yvmmvt oka alota na hvchishno, micha hvch̄i wak, micha hvch̄i nanvllipoa aiena kv̄t ishka ch̄i hoke.

18. Yohmi kia ilvppvt Chihowa itikba ya nana afelma ch̄i keyu hoke; Moab a hvch ibbak fohka ch̄i akinli hoke.

19. Mikma tmaha holihta moma, micha tmaha achukma i shahli moma ka okpunit, micha iti achukma moma ka kinahlichit, micha oka kv̄li moma ka i kv̄malit, micha osapa

achukma taloha moma ka tuli ashachit hvsh okpuna chi hoke, achi tok.

20. Atuk o onnahinli ya, ilhpak isht aiokpvchi im issa ma, yakeh ! oka yvt Etom pilla minti hosh vla na yakni vt oka ya alota tok.

21. Atuk o miko vhleha hvt itibit vla ka Moab okla moma kvv haklo mvt, tvnvp aya fohka ya fohka hinlakmvt, micha vba maya moma kvv itvnaha cha, yakni vhli ya hielit tok.

22. Atuk osh onnahinli fehna ho okla wakaya cha, hvshi vt kohchvt oka ya on tommit ma oka yvt ichapaka ya humma kvv issish a chiyuhmi ho Moab okla hvt pisa tok.

23. Mihmvt, Ilvppvt issish oke : miko vhleha hash osh illit taha pulla hoke, micha iti fahamvt iti tahli tuk oke : yvmohmi hoka himak a, Moab ma ! na wehpoo ya ont kiloh ishi, okla achi tok.

24. Atuk osh Israel im vlbina ha ona ma, Israel okla hvt wakaya cha, fahama na, itikba yihlepa tok : mihma fahamvt ishit mahayvt Moab okla ha fahamvt ishit kanchi tok.

25. Micha in tvnaha puta ka yuhlit tahlit, osapa achukma taloha moma ka hatak vt tuli achvfa aiyyukali pivvt alo-toli tok ; micha oka kvli moma ka i kymalit, iti achukma moma ka kinahlichit tok : yohmi cha Ki-halaselh vno tuli ya okla hilinchi tok ; micha tuli ishit fahpuli vhleha hvt apak-fopvt tuli isht isso tok.

26. Mihma itibi kvv i kullo fehna na, Moab i miko vt pisa mvt, hatak bushpo falaia ieshi tahlepa untuklo ho pehlichit cha, tivblit lilopullit Etom i miko ya im ona bvna tok : yohmi kia nana kanihma he keyu tok.

27. Yohmi ma ushi vttahpi vltobvt mika he tuk a ishi cha, holihta onochit hukmit isht aiokpvchi im issa tok. Mihma Israel a i nukkilli fehna tok : mihma okla itibi tuk vt i filvmmi cha, falamvt i yakni akinli ho ona tok.

CHAPTA IV.

A TUK o hopaii ushi tekchi vhleha ha ai achvfa yosh Elisha ya i paya mvt, A hatak chin tishu hvt illishke ;

mikma chin tishu hv̄t Chihowa i nukwia yatuk a chishno vt ish ithanvshke; atuk o nan ahekuchi vt vm vlla tuklo ka ish̄it yuka ikba ch̄i hosh vlvshke, achi tok.

2. Mihma Elisha vt, Nanta hō ch̄i yumihechi la ch̄i cho? nanta hosh aboha ya ch̄i fōka cho? vm anoli, im achi tok. Mihma, chin tishu ohoyo hv̄t aboha ya nana kia ik im iksho kumohmi, bila kotoba achvfa ak illvshke, achi tok.

3. Mihma, Ish ia cha, chin chukapanta moma ka nan aivlhto nana alhto keyu hō ont ish̄ potashke; ish̄ kanomo-sichi ná.

4. Atuk osh ant ish̄ chukowakmvt, ish̄ il on okshita cha, chiso tuklo kash ish̄ on okshitakmvt, tosholit nan aivlhto ymma moma ka ish̄ apitta cha, alotakma naksika ish̄ talalashke, achi tok.

5. Mihma i filvmm̄it ia mvt, il on okshita cha, ushi tuklo kash on okshita ma, ih̄ima na toshohonli tok.

6. Atuk o yakohmi tok, nan aivlhto puta kv̄t alota ma, ushi ya, Himakma nan aivlhto isht vm vlá, im achi tok. Mihma, Nan aivlhto vt himakma iksho, im achi tok. Mihma bila yvt yokopa tok.

7. Yohmi ma onvt Chitokaka immi hatak ash̄ im anoli tok. Mihma, Ish ia cha, bila ya ish̄ kanchi cha, nana ish̄ aheka tuk vt isht ish̄ atobbi cha, atampa ka chishno, micha chiso tuklo aiena kv̄t hv̄sh ai okchayashke, achi tok.

8. Atuk osh nitak kaniohmi ma, Elisha vt ayvt Shunem, ymma ohoyo chito yosh v̄tta hō ona tok; mihma puska vpa ch̄i ka im achunanchi tok. Atuk o yakohmi beka tok, ayakmvt, puska vpa ch̄i hosh folotvt chukowa beka tok.

9. Mihma i hatak a, Yakeh! Ilvppvt Chitokaka immi hatak ch̄ukvsh ai v̄hpiēsa yo ithanà lishke; atuk o pim aya beka na bilivshke.

10. Ūba potvlhpo iskitini ikbit aboha ya il onochashke; micha ymma topa, micha aiimpa, micha aiombinili, micha p̄vla aighikia aiena ka il i hilechashke, chim asilhha lishke; atukma yakohma hi oke, p̄m̄i vlakmvt, ymmak o folotvt chukowa hi oke, im achi tok.

11. Atuk o nitak kaniohmi ma, yvmma ona cha, vba potlhpo yak o folotvt chukowa cha, yvmma itonla tok.

12. Atuk osh in tishu Kehasi ya, Shunem ohoyo ilvppa i howá, im achi tok. Atuk o i howa ma, itikba ya ant hikia tok.

13. Mihma, Yohmi ka, Yakeh! nan isht anukfila ilvppa moma ka isht ish pi anukfilli tuk oke; nanta hosh chi katiohma hinla cho? miko ak okmá, tvshka chipota i kvpitvni chito ak okmá, kanimampo ka im anolit ishit si anumpulikbano, ish ahni cho? im achi, im achi tok. Mihma, Um okla akinli takla ahanta li hoke, achi tok.

14. Mihma, Yohmi ka nanta hosh i katiohma hinla cho? achi tok. Mihma Kehasi vt, Ushi ak osh ik im iksho mvhli, micha i hatak vt sipoknishke, achi tok.

15. Mihma, I howá, achi tok. Mihma i howa ma, aboha okhissa ya ant hikia tok.

16. Mihma, Nitak vllhpisa himak a chohmi tofahpi vt anonti vlakma, vlla nakni yo ish shola hi oke, achi tok. Mihma, Ahá! a shahli Chitokaka immi hatak chia hvv chin tishu ohoyo ha ish i holabi ná, achi tok.

17. Atuk osh ohoyo hash osh vlla shali tuk osh, Elisha vt im achi tuk mak o nitak vllhpisa tofahpi vt anonti vla ma, vlla nakni yo eshi tok.

18. Atuk o vlla yash osh hofantit taha mvv, nitak kaniohmi ma onush vmo aiasha iki vt anta ka ona tok.

19. Micha iki ya, -Sa noshkobó, sa noshkobó, im ahaneli tok. Mihma hatak himita ya, Ishki ya isht im oná, im achi tok.

20. Mihma sholi cha, ishki ya isht im ona ma, iyikalaha om binili na tvbokoli mvv, illi tok.

21. Mihma vba oiya cha, Chitokaka immi hatak in topa ha om bohli mvv, on okshita cha, kohcha tok.

22. Mihma i hatak a i howa cha, Hatak himita vhleha achvfa ka, micha issuba haksobish falaia achvfa ka, et is sa pila na, malelit Chitokaka immi hatak aivtta ka ona lish, anonti vla lashke, chim asillha lishke, achi tok.

23. Mihma, Nanta katiohmi ho himak nitak a ish ona

hinla cho? hushi talali vmona keyu, micha nitak hullo keyu, achi tok. Mihma, Ulpesa hoke, achi tok.

24. Yohmi mut issuba haksobish falaia om patali mut, in tishu hash, Chvffichi, micha tikba ia; ish om binili kut, chi miha li keyukma, is sa yokopa na, im achi tok.

25. Mihmut ia cha, Kamel nvni ak o Chitokaka immi hatak vt vttu tuk o im ona tok. Atuk o yakohmi tok, Chitokaka immi hatak ash osh hopaki ho pit pisa mut, in tishu Kehasi ya, Yakeh! ilvppvt Shunem ohoyo hash oke.

26. Malelit ont ish afama cha, Chin chukma cho? chi hatak vt in chukma cho? vlla yash osh in chukma cho? im achi, chim asilhha lishke, im achi tok. Mihma, Achukmakushke, achi tok.

27. Atuk osh Chitokaka immi hatak vt nvni hash anta tuk o im ona mut, iyi ya hoklit ishi tok: mihma Kehasi vt toblit karrellicha chi hosli bilika ona tok. Mihma Chitokaka immi hatak ash osh, Ik ashá; shilombish vt nukhvmmi hoka; mihma Chihowa yvt an luhmi cha, ik sum anoloshke, achi tok.

28. Yohmi ma, A shahli ha vlla im asilhha li tok oh cho? Is sa yimmichi na, achi li tok keyu cho? achi tok.

29. Yohmi ma Kehasi ya, Ish il uskofvchikmut, an tubi ya chibbak fohkit ish ieshi cha, ish iashke; hatak a ish afamakmut, ish aiokpvcha he keyu; micha hatak vt chi aiokpvchikma, anumpa falama ka ish miha he keyu: micha an tubi ya vlla nashuka ya ish onochashke, im achi tok.

30. Mihma vlla yash ishki vt, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Mihma wakaya cha, iakaiya tok.

31. Mihma Kehasi vt tikba ivt ona cha, tubi yash vlla nashuka ya onochi tok; yohmi kia anumpuli, micha haiyaklo kia iksho tok: yvmohmi ma falamut ont afama cha, im anolit, Vlla yvt ik okchoshke, achi tok.

32. Atuk o Elisha yvt aboha ya ont chukowa ma, yakeh! vlla yvt illi cha, in topa ha onvtoyula tok.

33. Mihmut chukowa mut, tuklo ka okhissa il on okshita cha, Chihowa ya im asilhha tok.

34. Mihmut onvt vlla yash onvtoyula cha, itih hā itih onochi mut, nishkin a nishkin onochi mut, ibbak a ibbak onochi cha, ile chisemochit onvtoyula tok; mihma vlla yash osh nipi vt libishvt isht ia tok.

35. Yohmi mut falamvt aboha ya nowvt itafalamohowa tok: mihmut anonti ont ile chisemochit onvtoyula tok: mihma vlla yash osh untuklo ha habishko cha, vlla yash osh nishkin fatummi tok.

36. Mihma Kehasi ya i howa mut, Shunem ohoyo ilvppa i howá, achi tok. Yohmi ma i howa tok: atuk o im vla ma, Chiso nakni ya ishi, achi tok.

37. Yohmi ma iyi ya ant on hlipvt pit im akachunoli tok; mihmut ushi yash ishi cha, kohcha tok.

38. Atuk o Elisha yvt falamvt Kilkal a ona tok: mihma yakni ya hohchvfo yvt asha tok; mihma hopaii ushi vhleha hvt itikba ya chieya tok: mihma in tishu hā, Shuti chito ya ito talali cha, hopaii ushi vhleha hā nipi okchi ish i honashke, im achi tok.

39. Mihma achvfa kv̄t haiyukpulo aiowa chi hosh kohchvt yakni haiaka ia tuk osh, nabalali ilapint offo ya ahayuchi mut, yemma vni shukshubak holba ya i nafohka alota hō vmot isht vla cha, nipi okchi shuti ya chuhlit ibani tok: okla ik ithano hatuk oka.

40. Yohmi cha hatak vhleha hash osh vpa chi hō in tosholi tok: atuk o yakohmi tok, nipi okchi okla vpa hosh maya mut, chitolit, Chitokaka immi hatak ma! shuti ya isht illi hvt fokvshke, achi tok; mihmut vpa he keyu tok.

41. Yohmi kia, Yohmikma onush bota isht oh vlá, achi tok; mihma shuti ya pit okvchi tok: micha, Okla hā ish in tosholi na vpashke, achi tok: mihma shuti ya nana ik achukmo kv̄t iksho tok.

42. Atuk o hatak achvfa kv̄t Baal-shalisha minti hosh vla cha, Chitokaka immi hatak a waya vmmona pvska, bali pvska lumbo pokoli tuklo hō, micha osapushi a waya aiena ka i bahita vlhto hō isht im vla tok: mihma, Okla hā ish ima na vpashke, achi tok.

43. Mihma in tishu hvt, Nanta? ilvppa hatak tahlepa

achufa ka itikba talali la hinla cho? achi tok. Mihma, Okla ha ish ima na vpashke; Chihowa yvt yak achi hoka, Okla impa cha, ashanchashke, achi tok.

44. Yohmi ma itikba talali na okla impa mvt, Chihowa im anumpa hatuk mak o ashanchi tok.

CHAPTA V.

YOHMI ma Silia i miko in tushka chipota i kpitni Naaman vt i shahli ha i holitopa yoshi hatak holitopa atok; yummak atuk mak o Chihowa yvt Silia ya hlakoffichi tuk oka: micha hatak yummvt hatak hlanpko chilita yoshi leplosi vbi atok.

2. Micha Silia okla aya kanohmi kv kohchvt ia cha, vlla tek himita yo Israel yakni ya a yukachit ai ishit isht ia tok: mihma Naaman tekchi ak o nana isht im vtta tok.

3. Atuk osh, A shahli hvt hopaii Samalia anta ka itikba hikia tuk okbano; yohmikma in leplosi ya hlakofficha hinla hoka, i pushnayo ohoyo ha im achi tok.

4. Mihma Naaman vt iba chukowa cha, i shahli ha im anolit, Ulla tek Israel yakni minti vt yakohmi, micha yakohmi ho achishke, achi tok.

5. Mihma Silia i miko vt, Inta! ia, mikma Israel i miko ya holisso i pila lashke, achi tok. Mihma teli hvta talent pokoli, micha teli holisso lakna shekel tahlepa sipokni hannali, micha nafohka fohka pokoli aiena ho ishi cha, ia tok.

6. Atuk osh, Yohmi ka holisso ileppvt chim onakma, yakeh! an tishu Naaman a in leplosi ya ish hlakofficha chi ho chi pila li tuk oke, holisso hvt achi ho Israel i miko ya isht im ona tok.

7. Atuk o yakohmi tok, Israel i miko vt holisso hash itim anumpuli mvt, i nafohka ya hlileffi cha, Uno ak osh Chitokaka sia hatuk osh vbi li, micha okchalinechi la hinla ho, hatak a in leplosi hlakoffichi la chi ho, yummvt et a pila cho? Yohmi ka yummvt peh satj nokowa benna ka anukfillit ho pisá, hvchim asilhha lishke, achi tok.

8. Atuk o yakohmi tok, Chitokaka immi hatak Elisha yvt Israel i miko vt i nafohka ya hlileffi tuk a haklo mvt, miko ya pit i pilet, Nanta katiahmi ho chi nafohka ya ish hli-luffi tuk oh cho? vno ak o vm vlashke, chim asilhha lishke, mikmvt hopaii vt Israel a ahanta ka ithaiyanashke, achi tok.

9. Yohmi ho Naaman vt im issuba puta, micha im itichanvlli aiena kvt ona cha, Elisha in chuka okhissa itikba ya hikia tok.

10. Mihma Elisha yvt anumpa shali pit i pila mvt, Ish ia cha, Chatan a untuklo ha ish yupashke; mikma chi nipi vt anonti chin toba na chi kashofashke, achi tok.

11. Yohmi kia Naaman vt nokowa cha, ia mvt, Yakeh! kohcha pulla cha, vm vltv hiki vt in Chitokaka Chihowa ya hochihifo hosh aivbi ya ibbak o walit leplosi vbi yash hla-kofficha chi, vm ahoba tuk oke.

12. Tamaskvs okhina, Abana, micha Fapa yvt Israel oka moma ka achukma kvt i shahli keyu cho? yummak o a yupit sa kashofa hinla akinli keyu cho? achi tok. Mihmvt shanaia cha, nukhobela fehna hosh ia tok.

13. Mihma in tishu vhleha hvv bilika onvt im anumpulit, Aki ma! hopaii vt nana afehna ho ish yvmihcha chi, chi miha hatukma, ish yvmihcha he tuk keyu cho? yohmi ka, Yupi cha, ik chi kashofa, chim achi hokak heno? okla achi tok.

14. Yohmi ma okvttahvt ia cha, Chitokaka immi hatak ash im anumpa hatuk mak o untuklo ha Chatan a oklubbit kohcha tok: mihma nipi vt vlla iskitini nipi chohmi hosh anonti toba na kashofa tok.

15. Mihmvt i bina ai achufa yash momvt salamvt Chitokaka immi hatak ash im ona cha, itikba ya hieli tok: micha, Yakeh! yakni moma ka Chitokaka yvt iksho, amba Israel takla ak illa hoka ithaiyana lishke: yvmohmi ka himak a nan ishit yukpali ya chin tishu ha ish im ishashke, chim asilhha lishke, achi tok.

16. Mihma, Chihowa yvt okchaya pulla ka, yummak o itikba hikia li kvt, nana ishi la he keyu hoke, achi tok. Mihma isha chi ka im achunanchi tok: yohmi kia ik haklo tok.

17. Mihma Naaman vt, Yohmi ka chin tishu ha yakni ya issuba haksobish falara shali tuklo ka ima he keyu cho? chim asilhha lishke; chin tishu hv himak pilla ka na hukmit isht aiokpvchi, micha nan vbit isht aiokpvchi nana kia chitokaka inla puta im issa chi keyu hoka, amba Chihowa yak achi hoke.

18. Nana ilvppuno Chihowa yvt chin tishu ha i kashof-fashke; a shahli hv aiokpvcha chi hosh Limmon in chuka ymma chukowa cha, ymmet subbak a vtaya na Limmon in chuka ya akachunoli likma; Limmon in chuka ya akachunoli likma, Chihowa yvt chin tishu ha nana ilvppa i kashof-fashke, achi tok.

19. Mihma, Achukmakvt ish ayashke, achi tok. Yohmi ma i filvmmi hv ik hopako ho ona tok.

20. Mihma Chitokaka immi hatak in tishu Kehasi vt, Yakeh! a shahli hv Silia hatak ilvppa Naaman vt nana isht vla tuk a ik im esho hosh hlakoffichishke; yohmi kia Chihowa yvt okchaya pulla ka, iakaiyvt hliohli lish, nana kia im ishi la chi hoke, achi tok.

21. Yohmi hosh Kehasi vt Naaman a iakaiya tok: atuk o iakaiyvt hliohlit maya na Naaman vt pisa mv, itichanvlli yash akovt afamv ia cha, Achukmaka cho? achi tok.

22. Mihma, Achukmakvshke. A shahli hv et sa pila hosh, Yakeh! himak fehna ka Eflaim nvni minti vt hopaii vshleha ushi yosh hatak himita tuklo kv vm vlvshke: ymmak o tvi hvta talent achvfa, micha nafohka fohka tuklo ho pit ish imashke, chim asilhha lishke, achishke, achi tok.

23. Mihma, Vihpesa ish ahni cha, talent tuklo ho ish ishashke, achi tok. Michi im achunanchi mv, tvi hvta talent tuklo ho bahta tuklo fohkit takchi mv, nafohka fohka tuklo aiena ho in tishu tuklo ha ima na shali cha, tikba hv okla tok.

24. Atuk o nvni ha ona mv, im ishi cha, aboha anyakaka ya bohli tok: mihmv hatak tuklo kash, ik ja, ahni na hv okla tok.

25. Amba ilap vto ont chukowa cha, i shahli ha itikba hikia tok: mihma Elisha yvt, Katima ish minti cho? Kehasi

ma! im achi tok. Mihma, Chin tishu hut kanima ia tuk keyu hoke, achi tok.

26. Mihma, Hatak vt filemut im itichanulli ha akowut, chi afamut minti ma, sa chukvsh vt aya tuk keyu cho? Tuli holisso a habena he, micha nafohka, micha alif vpi puta, micha pakvpi ahollokchi puta, micha vllhpoa chipunta, micha wak, micha hatak tishu puta, micha ohoyo tishu puta aiena ka a habena he nitak vllhpesa cho?

27. Yvmohmi hoka Naaman in leplosi vt chishno, micha chim ishtatiaka aiena ka lapali na bilia hi oke, im achi tok. Mihma leplosi vbi yosh okti chiyulmi hosh itikba hikia tuk vt i filvmmitt kohcha tok.

CHAPTER VI.

MIHMA hopaii ushi vhleha hut Elisha ya, Yakeh! chi tikba il aiasha yrt pim atikkonofa fehuvshke.

2. Chatan a il ia cha, yvmma iti achvfa aiyukali ont il ai ishi cha, yvmmak o il ai asha chi kvt isht il ikbi cha, iloh ai ashashke, e chim asilhvshke, im achi tok. Mihma, Oh ia, achi tok.

3. Mihma achvfa kvt, Vllhpesa ish ahni cha, chin tishu vhleha ha awant ish iashke, achi tok. Mihma, Ia lashke, achi tok.

4. Mihmut awant ia tok. Atuk o Chatan a okla ona mut, iti chanlit kinahlichhi tok.

5. Atuk o achvfa kvt iti kinvffit isht anta ma, iskifa tuli yrt oka pit okatula tok: mihma, Ikikkeh! a shahli ma! micha ponta yatuk oke, chitoli hosh achi tok.

6. Mihma Chitokaka immi hatak ash osh, Katima yak o itula tuk oh cho? achi tok. Mihma ai okatula tuk a pisachi tok. Mihma iti chanlit kinvffi mut, yvmmak o pit okvchi cha, tuli yash okpalalichi tok.

7. Mihma, Pit ishi, im achi tok. Mihma ibbak a pit weli cha, ishi tok.

8. Atuk o Silia i miko vt Israel a in tanampi cha, in

tishu vhleha hā luhmit itim anumpulit, Yummak o, micha yummak o v̄m v̄lbina hachi hoke, achi tok.

9. Mihma Chitokaka immi hatak ash osh Israel i miko ya pit i pilrt, Ahah! ish ahni cha, yummak oka ont chik aiyo kashke: yummak o Silia okla hvt minti hoka, achi tok.

10. Mihma Israel i miko vt, Chitokaka immi hatak ash osh im anolit, ahah! ahna he i miha tuk, yumma pit pila cha, himonna keyu, micha hitukla keyu hō ahah! ahni tok.

11. Yumohmi hatuk o Silia i miko vt nana iluppa pulla kak o chukesh ik im achukmo fehna tok: mihmvt in tishu vhleha hā pit hoyo cha, E katima kak osh Israel i miko ya iba sohka ka hvs sv̄m anola he keyu cho? im achi tok.

12. Mihma in tishu vhleha achvfa kv̄t, Iksho, a shahli miko ma! Elisha hopaii Israel a ahanta kak osh, aboha ish a nusi ish ai anumpuli ka, anumpa hash Israel i miko ya im anola he bano hoka, achi tok.

13. Mihma, Oh ia cha, ai v̄tta ka ont ho pisá; mikma pit hoyot isht v̄la lashke, achi tok. Atuk o, Yakeh! Tohlan ak o antvshke, achi hosh im annoa tok.

14. Atuk o yumma issuba puta, micha itichanvlli puta, tvshka chipota laua aiena hō pit pila tok: atuk o ninak o ona cha, tvmaha hā afolubli tok.

15. Atuk o onnahinli fehna hō Chitokaka immi hatak ash in tishu hvt wakaya cha, kohelv̄t ia ma, yakeh! tvshka chipota, micha issuba, micha itichanvlli aiena hosh tvmaha hā afolubli tok: mihma in tishu hash osh, Ikikkeh! a shahli ma! e katiohma chi cho? im achi tok.

16. Mihma, Chi nukshopa ná: pibafoyuka kak osh laua kv̄t yumma ibafoyuka ka i shahli hoka, achi tok.

17. Mihma Elisha yvt anumpa ilbusha anumpulit, Chihowa ma! nishkin a ish i fatummi na pisashke, achi tok. Mihma Chihowa yvt hatak himita yash nishkin a i fatummi na pisa tok: mihma yakeh! nv̄nih hvt issuba luak, micha itichanvlli luak aiena kv̄t alotowa cha, Elisha ya afolubli tok.

18. Atuk o im onvt okla ma, Elisha yvt Chihowa ya anumpa ilbusha im anumpulit, Okla iluppa nishkin lbli yō isht ish issashke, chim asilhha lishke, achi tok. Mihma

Elisha im anumpa hatuk mak o nishkin lvbli yo isht isso tok.

19. Mihma Elisha yvt, Hina yvt ilvppak keyu, micha tumaha hvv ilvppak keyu hoke; hvs siakaiya na hatak hvsh hoyo ka hvch isht ona lashke, im achi tok. Atuk ak osh pchliechit, Samalia ak o isht ona tok.

20. Atuk o yakohmi tok, Samalia ya okla ona ma, Elisha yvt, Chihowa ma! ilvppa puta ka nishkin a ish i fatummi ha pisashke, achi tok. Mihma Chihowa yvt nishkin a i fatummi na pisa tok: mihma yakeh! Samalia iklvna yo hinli tok.

21. Mihma Israel i miko vt pisa mvv, Elisha ya, Aki ma! fahama la chi cho? fahama la chi cho? im achi tok.

22. Mihma, Ish fahama he keyu: chi bvshpo falaia, micha chim iti tanampo isht ish yukachi tuk okak osh ish fahama hinla cho? Puska, micha oka aiena ka itikba in talali na impvt ik ishko cha, i shahli ha ik im ona, achi tok.

23. Mihma impa chito ho im atabli tok: atuk o impvt, micha ishkot okla im vlhtaha ma, ik ia, ahni na i shahli ha im ona tok. Yohmi ho Silia okla aya yvt himakma Israel i yakni ya ont ik chukowo tok.

24. Atuk o i himmakma Silia i miko Benhatat vt in tvshka chipota moma ka itvnahli cha, ivt Samalia ya ont in tanampit afolublit abinachi tok.

25. Mihma Samalia ya hohchvfo chito fehna tok: mihma yakeh! okla in tanampit afolublit abinachit aiasha na, issuba haksobish falaia noshkobo achvfa kvv tvli hvta shekel pokoli untuchina ma, pvchi yoshuba i yvlhki kab kvshkoa aiushta kvv tvli hvta shekel tahlapi tok.

26. Atuk o Israel i miko vt holihita paknaka aya ma, ohoyo achvfa kvv chitoli hosh, Si apela, a shahli miko ma! im achi tok.

27. Mihma, Chihowa yvt ik chi apelokma, nanta ho ishit chi apela la hinla cho? anihechi, keyukmvv avvshli ak ahinla cho? achi tok.

28. Michi miko vt, Nanta chi katiohmi cho? im achi tok. Mihma, Ohoyo ilvppvt, Chiso ha bohli, mikma himak

nitak a e pa tukmut, onnakma svso ha e pashke, vm achi tuk oke:

29. Mihma svso ha e honi cha, e pa tuk oke: atuk o onna ma, Chiso ha ish bohli na e pashke, im achi li tuk; atuk ak o ushi ya luhmishke, im achi tok.

30. Atuk o yakohmi tok, miko vt ohoyo im anumpa hash haklo mut, i nafohka ya hlilvfi tok: mihmut holihta paknaka aya na okla hvt pisa ma, yakeh! na hishi tvnna yvt anukaka nipi ya alataiya tok.

31. Yohmi mut, Shafat ushi Elisha noshkobo hvt himak nitak a on talaiakma, Chitokaka yvt yakohmi, micha i shahli kia si yvmilchashke, achi tok.

32. Mikma Elisha yvt in chuka binili ma, asvnonchi vhleha hvt takla chieya tok: mihma miko vt itikba hikia hatak a pila tok: yohmi kia anumpa shali vt vla takla ma, asvnonchi vhleha ha, Hatak vbi ushi ilvppvt sa noshkobo ha isha chi ho et pila tuk a hvsh pisa cho? Hvsh hoyo cha, anumpa shali vt vlakma, okhissa ya hvsh okhishta cha, okhissa akinli anumpa shali yash kellochit hvsh halanlashke: i shahli iyi yvt et iakayvt kitekahanchi keyu cho? im achi tok.

33. Atuk osh itim anumpuli moma ma, anumpa shali vt im vla tok: milmut, Yakeh! ilvppvt nana ik achukmo Chihowa a minti mak oke; nanta katiohmi ho himakma Chihowa ya anukchietot hohoyo la hinla cho? achi tok.

CHAPTA VII.

MIHMA Elisha yvt, Chihowa im anumpa ha hvsh haklashke, Chihowa yvt yak achishke, Samalia holihta okhissa ya onnaha himak a chohmi fokakma, bota lipihbi vlpisa achvfa kv shekel achvfakma, bali vlpisa tuklo kv shekel achvfa chi hoke, achi tok.

2. Yohmi ma miko vt ibbak a vtaya tuk itichanvlli kvti vt afalamichit, Chitokaka immi hatak ash, Chihowa yvt vba shutik a okhissushi puta ai ikbi hoh kia, yohma hinla

cho? im achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

3. Atuk o holihta okhissa achukowa ya hatak ushta kut leplosi vbi yosh chiya tok; micha, Nanta katiohmi ho e chieya cha, pilla chi cho?

4. Tumaha hak o ke chukowa, il achikmut, tumaha ha holchvfo hut asha ka yvmma a pilla chi hoke: micha ilvppa e chieyakmut, pilla chi akinli hoke. Yvmohmi hokvt himak a inta! Silia tvshka chipota ak o iloh im onashke: pi okchalinchu hokmuno, pi okchaya chi hoke; amba pillichu hokmuno, pilla chi hoke, okla itim achi tok.

5. Atuk osh okpolusbi ma, Silia im vlbina ha ona chi hosh wakaya tok: atuk osh Silia im vlbina ont vhli ka ona ma, yakeh! hatak achvfa kia iksho tok.

6. I shahli hut Silia tvshka chipota yash itichanvlli puta, micha issuba puta, tvshka chipota laua yvt aya ohmi ho haklochi tuk oka; mihma, Yakeh! Israel i miko vt Helh okla i miko vhleha, micha Echip i miko vhleha ha tohno tuk o, ant pitiba chi hoke, okla itim achi tok.

7. Mihmut okpolusbi ma, okla wakaya cha, im vlhtipo puta, micha im issuba puta, micha im issuba haksobish falaia puta aiena kut binah hut kaniohmi tukvt momvt asha na yihlept im ilhfopak isht ile chahafa tok.

8. Atuk o leplosi vbi vhleha hash osh binah ont vhli ka ona cha, vlhtipo achvfa ont chukowa mut, impt ishko mut, tvi hvta, micha tvi holisso lakna, micha nafohka aiena ka ai ishit ivt ont luhmi tok; mihmut anonti vlt vlhtipo inla ont chukowa cha, yvmakma ai ishit ivt ont luhmi tok.

9. Yohmi mut, Vlhpesa keyu ho e yvmohmishke: himak nitak vt anumpa achukma nitak okak o, nana kil achoshke; ilvppa il asha na onnaha tohwikelikma, nana ik achukmo ka e pisa chi hoke: yvmohmi hokvt himak a inta! iloh ona cha, miko in chuka achvfa ya iloh im anolashke, okla itim achi tok.

10. Atuk osh okla onvt tumaha holihta okhissa apistiki ya i howa tok; micha okla im anolit, Silia i binah ha il ona ma, yakeh! hatak achvfa kia iksho, micha hatak anum-

puli kia iksho ma, amba issuba hvt talakehit hiohmaya ma, issuba haksobish falaia yvt talakehit hiohmaya ma, vltipo puta kvt kaniohmi tuk vt moma hosh hiohmaya tuk oke, achi tok.

11. Mihma holihta okhissa apistikeli vhleha ha i howa tok; mihma miko in chuka achvfa yvt anukaka asha tuk o im anoli tok.

12. Mihma miko vt ninak a wakaya cha, in tishu vhleha ha, Silia okla hvt nana hvti kaniohmichi tuk a hvchim anoli lashke, hvchim asilhha lishke, pi hohchvfo ka okla ithana hoke; yohmi hatuk osh, Tumaha ha okla kohchakma, okchaya moma na e hokli cha, tumaha ha e chukowashke, achi hosh i binah ha okla kohchvt yakni haiaka ya luma hoke, in achi tok.

13. Mihma in tishu vhleha achvfa kvt afalamichit, Issuba hvt.okehayvt tumaha hinli ka tahlapi ho ik eshi, chim asilhha lishke (yakeh! Israel apakna moma yatuk vt okchayvt alhto ka itilauishke: yakeh! Israel apakna moma yatuk vt taha ka itilauishke;) mikma e pilakmvt, e pisashke, achi tok.

14. Mihma itichanvlli issuba shali tuklo ho okla ishi tok; mihma miko vt Silia tvshka chipota ya iakaiyachit pila cha, Oh ivt ho pisa, achi tok.

15. Mihma okla iakaiyvt Chatan a ona tok: mihma yakeh! Silia okla hvt tushpvt itvnowa kak osh kampila tuk a hina takla moma ka nafohka, micha nan aivlhto aiena kvt alota tok: mihma anumpa shali vhleha hash osh falama cha, miko ya im anoli tok.

16. Mihma okla hvt kohchvt ia cha, Silia okla i binah ha wehpuli tok. Yohmi ho Chihowa im anumpa hatuk mak o, bota lipibbi vllhpisa achvfa kvt shekel achvfa ma, bali vllhpisa tuklo kvt shekel achvfa tok.

17. Mihma miko vt itichanvlli kpitvni yvmma ibbak a vtaya yatuk vt holihta okhissa ya apistikela chi ho atokoli tok: mihma okla hvt holihta okhissa ya ai ahchlichhi na, Chitokaka immi hatak vt, miko vt im ona ma, anumpulit im achi tuk mak o, illi tok.

18. Atuk o Chitokaka immi hatak ash osh miko ya im

anumpulit, Samalia holihta okhissa ya onnaha himak a chohmi fokakma, bali vllhpisa tuklo kut shekel achufakma, bota lipihbi vllhpisa achufa kut shekel achufa chi hoke, achi tuk mak o yohmi tok.

19. Mikma itichanvlli krpitvni yash osh afalamichit, Chitokaka immi hatak ash, Yakeh! Chihowa yvt tba shutik a okhissushi puta ka ai ikbi hoh kia, yohma hinla cho? achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

20. Yohmi tuk mak o i yohmi tok; okla hvt holihta okhissa ya ai abrvhlichi na illi tok okvt.

CHAPTA VIII.

YOHMIKMA Elisha yvt ohoyo yvmma ushi ya falvmmichit okchalinechi tuk vt im anumpulit, Chishno, micha chin chuka achufa aiena kut hvsh wakaya cha, kanima ho hvsh ai ahashwa hinlakmut, ont hvsh ahashwashke: Chihowa yvt hohchvfo hvt asha chi ho apesa hoka; mikma afemmi untuklo ho yakni ya ant onvtoyula pulla chi hoke, achi tok.

2. Atuk o ohoyo hash osh wakaya cha, Chitokaka immi hatak im anumpa hatuk mak o yvmohmi tok; micha yvmma, micha in chuka achufa aiena kut Filistin okla i yakni ya ont ai ahashwa na afemmi untuklo tok.

3. Atuk osh afemmi untuklo kut ont taha ma, yakohmi tok, ohoyo hash osh falamvt Filistin okla i yakni ya kohchvt ona tok: mihmut in chuka, micha im osapa yash miko ya im asilhha chi hosh kohchvt ia tok.

4. Mihma miko vt Chitokaka immi hatak ash in tishu Kehasi ya im anumpulit, Nana afehna moma Elisha yvt yvmihinechi chatuk a is svn anolashke, chim asilhha lishke, achi tok.

5. Atuk o yakohmi tok, vlla illi yatuk a kaniolhmit falvmmichit okchalinechi tuk a miko ya im anolit isht anta ma, yakeh! ohoyo yvmma ushi ya falvmmichit okchalinechi tok ash osh in chuka, micha im osapa yash miko ya im asilhha

tok. Mihma Kehasi vt, A shahli miko ma! ohoyo hut ilvppak oke, mikma ushi ya Elisha yvt falvmmichit okchalinchitok vt ilvppak oke, achi tok.

6. Mihma miko vt ohoyo hash i ponaklo ma, im anoli tok. Mihma miko vt tishu achufa im atokoli cha, Inmi hatok moma, micha yakni ya kohchvt ia tok vttvt himak a ant vhli ka osapa yash a waya tuk moma ka isht ish i falvmmichashke, achi tok.

7. M.kma Elisha yvt Tamaskvs a ona tok: mihma Silia i miko Benhatat vt abeka hosh itonla tok: mihma, Chitokaka immi hatak vt ilvppa vlvshke, achi hosh im annoa tok.

8. Mihma miko vt Hasael a, Nahvlbina ish ishi cha, ivt Chitokaka immi hatak ash ont afamvt tohnot, Abeka ilvppa a sa hlakoffa chi cho? ish achi na Chihowa ya i ponaklashke, im achi tok.

9. Mihma Hasael vt afamvt ia mvt, nahvlbina ya nana achukma ilaiyukali moma Tamaskvs aiasha ka, kamel shali pokoli ushta ho ieshi cha, ia tuk osh tikba ont hikivt, Chiso Benhatat Silia i miko vt et chi sa pilvt, Abeka ilvppa a sa hlakoffa chi cho? achishke, achi tok.

10. Mihma Elisha yvt, Ia cha, Chi hlakoffa hinla pulla hoke, ont im achi; yohmi kia illi pulla chi ka Chihowa yvt sa pisachi tuk oke, im achi tok.

11. Mihmvt nashuka ya atukkolit onochi na hofahyvt taha tok; mihma Chitokaka immi hatak ash osh nishkin okchi minti tok.

12. Mihma Hasael vt, Nanta katiohmi ho a shahli hut nishkin okchi minti cho? achi tok. Mihma, Nana ik achukmo ka Israel im vlla vhleha ha ish i yvmiheha chi ka ithana li hokvt: i holihta kullo puta ka luak isht ish hukma chi hoke, micha hatak i himithoa vhleha ha brshpo falaia isht ish ba chi hoke, micha im vlla pishi vhleha ha ish kahlalikmvt, im ohoyo vhleha hut vlla shanli ya ish patvffa chi hoke, im achi tok.

13. Mihma Hasael vt, Yohmi kia chin tishu hut ofi okma, nanta hatuk osh nachinto ilvppa yvmiheha hinla cho? achi

tok. Mihma Elisha yvt, Silia i miko chia ho Chihowa yvt sa pisachi tuk oke, achi tok.

14. Mihma Elisha ya i filmmit ia mvt, i shahli ha im ona tok: mihma, Elisha yvt nanta ho chim achi tuk oh cho? im achi tok. Mihma, Chi hlakoffi pulla chi ka vm anoli tuk oke, achi tok.

15. Atuk osh onna ma yakohmi tok, nantvna sukko ho ishi cha, oka okvchi mvt, nashuka ya ompohomo na illi tok: mihma Hasael vt vlhtobvt miko tok.

16. Mihma Israel i miko Ahab ushi Choram vt miko tok afvmmi ont ishit tahlapi ho, Chehoshafat vt Chutah i miko atuk o, Chutah i miko Chehoshafat ushi Chehoram vt miko tok.

17. Miko mvt, afvmmi pokoli tuchina akucha tuklo tok; atuk osh afvmmi untuchina ho Chelusalem a ahantvt miko tok.

18. Mihmvt Ahab in chuka achvfa yvt yvmohmi tuk a chohmit, Israel i miko vhleha i hina yak o a nohwa tok; Ahab ushetik ak osh tekehi yatuk oka: micha Chihowa itikba ya nana ik achukmo kak o yvmohmi tok.

19. Yohmi kia Chihowa yvt in tishu Lewi atok pulla, yvma, micha im vlla vhleha ha nitak moma ka pula ihima he, miha tuk mak osh, Chutah ya chukillissvchi ik bvno tok.

20. I nitak o Etom vt Chutah ibbak i nutaka tuk vt i filmmit i sanali cha, ilap akinli i miko ya mikochi tok.

21. Yohmi ho Choram, micha itichanvlli moma aiena kv Sai ya ona tok: atuk osh ninak o wakaya cha, Etom okla, micha itichanvlli krpitvni vhleha aiena kv afolubli tuk a issot kanchi tok: mihma okla hv yihlept im vlhtipo puta ka ona tok.

22. Yohmi kia Etom vt Chutah ibbak i nutaka tuk vt i filmmit i sanali tok vt himak nitak a moma hoke. Yohmi ma Libnah vt mih makinli ho i filmmit i sanali tok.

23. Mikma Choram nana akaniohmi tok inla kv, micha nana yvmihchi tok moma kv Chutah i miko vhleha i nitak holisso ha a holisso keyu cho?

24. Mihmut Cholam vt iki vhleha takla nusi mut, iki vhleha takla Lewi in tumaha ha a hollohpi tok: mihma ushi Ahasiah vt vltobut miko tok.

25. Israel i miko Ahab ushi Cholam vt miko tok afummi ont isht auahtuklo ho, Chutah i miko Cheholam ushi Ahasiah vt miko tok.

26. Ahasiah vt miko mut, afummi pokoli tuklo akucha tuklo tok; atuk osh afummi achufa ho Chelusalem a ahantvt miko tok: micha ishki hohchifo kv Ahlahiah yosh Israel i miko Omli ushetik atok.

27. Mihmut Ahab in chuka achufa i hina yak o a nohowa cha, Ahab in chuka achufa yatuk a chohmit, Chihowa itikba ya nana ik achukmo kak o yrmohmi tok: Ahab in chuka achufa ya ai itawayaya yatuk okvt.

28. Mihmut Ahab ushi Cholam a takla ivt Silia i miko Hasael a Lamolh-kileat a ai itibit ona tok; mihma Silia hatak vhleha hv Cholam a nvhli tok.

29. Mihma miko Cholam vt Silia i miko Hasael a itibi ma, Laham ya Silia hatak vhleha hv a nvhli tuk a, Chesleel ak o ont ai ile hlakofficha chi hosh falamvt ia tok: mihma Chutah i miko Cheholam ushi Ahasiah vt, Ahab ushi Cholam vt abeka hatuk oka, pisvt Chesleel a ona tok.

CHAPTA IX.

MIHMA hopaii Elisha yvt hopaii ushi vhleha achufa ka hoyo mut, Ish vskofvchi cha, kotoba bila vltto ilvppa ish ieshi cha, Lamolh-kileat a ish iashke:

2. Atuk osh ymma ish onakmut, Nimshi ushi Chehoshafat a ushi Chehu ya ont ish pisashke; micha ish iba chukowakmut, itibapishi vhleha ai ititakla ya ish wakayvchi cha, aboha anukaka felna ka isht ish onashke:

3. Yohmikmut kotoba bila vltto yash ish ishi cha, noshkobo ha ish on hlatvblashke, micha, Chihowa yvt yak achishke, Israel a ish i miko yachi ho na chi ahummi lishke, ish achashke: yohmikmut okhissa ya ish tiwi

cha, ish malelashke, micha ish hikia he keyu, im achi tok.

4. Mihma hatak himita, hopaii hatak himita yash osh Lamolh-kileat a ia tok.

5. Atuk osh ona ma, tvshka chipota i kvpitvni vhleha hv chieya tok: mihma, Kvptvni chia ha anumpa ishit chim aya lishke, achi tok. Mihma Chehu vt, E moma ka pi katima kak o? achi tok. Mihma, Chishno ya, kvpitvni ma! achi tok.

6. Mihma wakaya cha, aboha ya ont chukowa tok; mihma bila yash noshkobo ha on hlatvbi tok; micha, Israel in Chitokaka Chihowa yvt yak achishke, Chihowa im okla Israel a ish i miko yachi ho na chi ahvmmi lishke.

7. Mikma chi shahli Ahab in chuka achvfa ya issot ish kancha chi hoke; yohmi na an tishu vhleha, hopaii puta im issish, micha Chihowa in tishu moma im issish atuk a Chesebel ibbak ak o a hoyot ilaiokha la chi hoke.

8. Yohmikra Ahab in chuka achvfa okluha kv illit taha chi hoke; mikma Ahab immi, vlla nakni, micha yuka, micha yuka issa aiena hosh Israel aiasha ka, ishit kanchi la chi hoke.

9. Micha Ahab in chuka achvfa ya Nebat ushi Cheloboam in chuka achvfa yatok a chohmichi la chi hoke, micha. Ahichah ushi Baasha in chuka achvfa yatok a chohmichi la chi hoke.

10. Mikma ofi puta kv Chesebel a Chesleel i yakni ya ai vpakma, holpi vt iksho ka hi oke, im achi tok. Mihmv okhissa ya tiwi cha, maleli tok.

11. Mihma Chehu vt kohchvt i shahli in tishu vhleha ha im ona tok: mihma achvfa kv, Achukma loh cho? nanta katiohmi ho tasimbo ilvppet chim vla cho? im achi tok. Mihma, Hatak, micha im anumpa ha hvsh ithaiyanvshke, im achi tok.

12. Mihma, Ahli keyu; pim anoli, e chim asilhvshke, okla achi tok. Mihma, Yakohmichit, micha yakohmichit vm anumpulit, Chihowa yvt yak achishke, Israel ish i miko yachi ho na chi ahvmmi lishke, achishke, achi tok.

13. Mihma okla tushpvt hatak vt i nafohka ai yukali ka

atuya paknaka ya i patali cha, ishitpufa olachit, Chehu vt mikoshke, achi tok.

14. Yohmi ho Nimshi ushi Chehoshafat a ushi Chehu vt anumpa luma ikbit Cholam a i sanali tok: (yohmi ka Silia i miko itikba ya Cholam, micha Israel moma aiena kv Lamolh-kileat a atonit asha hatok.

15. Amba Cheholam vto Silia i miko Hasael a itibi ma, Silia hatak vheha hv nvhli tuk a, ile hlakofficha chi hosh falamvt Chesleel a ia tuk atok.) Mihma Chehu vt, Hvehim anukfila hokma, hlakoffi achufa kia tumaha ha kolchvt ivt Chesleel a ont ik ai anolo kashke, achi tok.

16. Mihmvt Chehu vt om binili cha, Chesleel pila ha ia tok; Cholam vt yummak o itonla hatuk oka. Mihma Chutah i miko Ahasiah vt Cholam a pisvt ona tuk atok.

17. Mihma Chesleel aboha kvllo chaha paknaka ya hatak hopokoyo yvt o hikia tuk vt Chehu in tushka aya achufa yvt minti na pisa mvt, Trshka aya achufa ya pisa lishke, achi tok. Mihma Cheholam vt, Issuba ombinili achufa ishi ishi cha, ish pila na ont afamvt, Achukma hoh cho? im achashke, achi tok.

18. Mihma issuba ombinili yvt ivt ont afama cha, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok. Mihma hatak hopokoyo yash osh, Anumpa shali vt im ona tuk kia, ik falamoshke, achi tok.

19. Mihma issuba ombinili atukla ho pila na im ona mvt, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok.

20. Mihma hatak hopokoyo yvt anolit, Im ona hokak osh, ik falamoshke; mikma tihleli kv Nimshi ushi Chehu tihleli ak o chohmishke; tasimbo chohmit aiymita hosh tihlela he bano chatuk okrt, achi tok.

21. Mihma Cheholam vt, Shalichi, achi tok. Mihma im itichanelli ya shalichi tok. Mihma Israel i miko Cheholam, micha Chutah i miko Ahasiah itatuklot im itichanelli bika

om binili cha, Chehu ya afamyt ia tuk osh Chesleel hatak Nabolh im osapa ak o ahayuchi tok.

22. Atuk osh yakohmi tok, Cheholam vt Chehu ya pisa mut, Chehu ma! achukma hoh cho? achi tok. Mihma, Achukma yvt nanta hosh? chishki Chesebel vt ahaui, micha ishtahullo laua kv̄t yakohmi fehna ka? achi tok.

23. Mihma Cheholam vt fulullich̄i mut, maleli tok; micha Ahasiah ya, Haksichi yoke, Ahasiah ma! im achi tok.

24. Mihma Chehu vt im ititanampo ya ai okluhv̄chit shebli mut Cheholam a shakba ititakla nv̄hli ma, oski naki vt chukv̄sh a ont kohcha na im itichanv̄lli ya itula tok.

25. Mihma im itichanv̄lli i kv̄pitv̄ni Bitka ya, Ish ishi cha, Chesleel hatak Nabolh im osapa ya ish pilashke: vno, micha chishno il itatuklo kv̄t on chieyvt iki. Ahab a iakaiyvt il aya ma, naweki yakohmi ka Chihowa yvt onochi tok a ish ithaiyanashke:

26. Nabolh im issish, micha ushi vhleha im issish aiena ka pilashash pisa li tuk keyu cho? Chihowa yvt achishke; atuk osh osapa ilv̄ppa a chim atobbi la ch̄i pulla hoke, Chihowa yvt achishke. Yvmohmi hoka himak a Chihowa im anumpa hatuk mak o ishi cha, osapa ya pilá, im achi tok.

27. Amba Chutah i m̄iko Ahasiah vto pisa mut, osapushi chuka hina ya maleli tok: mihma Chehu vt iakaiyvt hliohli cha, Yummakmá, achi tok. Atuk o im itichanv̄lli foka na Ku oiyvt atia, yvm̄mut Ibleam bilika talaia ka a nv̄hli tok: mihma malelit Mekitto ya ona cha, yummak o ai illi tok.

28. Mihma in tishu vhleha hv̄t itichanv̄lli fohkit Chelusalem a isht ona cha, im ahollohpi ya iki vhleha takla Lewi in tumahia hak o a hohpi tok.

29. Mihma Ahab ushi Choram vt m̄iko tok afv̄mmi ont isht auahchv̄fa ho, Ahasiah vt Chutah ya i m̄iko tok.

30. Atuk o Chehu vt Chesleel a vla ka, Chesebel vt haklo tok; mihmut nashuka ya anchahli mut, noshkobo ha shemv̄chi cha, okhissushi ya pit vtaya tok.

31. Atuk osh Chehu vt holihta okhissa ya ant chukowa

ma, Simli vt i shahli ha vbi mut, im achukmaka tok o? achi tok.

32. Mihma nashuka ya akachakalichit okhissushi ya pit pisa mut, Kuta hosh subafoka cho? kuta? achi ma, tishu tuklo, tuchina kanima hosh et vtaya tok.

33. Mihma, Aka et ho pila, achi tok. Mihma okla aka et pila tok: mihma im issish kaniohmi kvt aboha, micha issuba puta aiena ka o fimimpa tok: mihma yakni ya ahvlichit tok.

34. Atuk osh ont chukowa cha, impvt ishko tok: micha, Oh ia cha, ohoyo kalakshi ilvppa ont ho pisa cha, ho hohpi; miko ushetik oka, achi tok.

35. Mihma okla hohpit ia tok; yohmi tuk kia nashkobo foni, micha iyi, micha ibbak pvtha aiena ak illa ho ahayuchi tok.

36. Mihmut okla falamvt ant im anoli tok: mihma, Ilvpak osh Chihowa im anumpa hoke, yvma Tishbeh hatak Elichah ya tohno na anumpulit, Chesleel i yakni ofi puta kvt Chesebel a ai vpa chi hoke:

37. Mikma Chesebel haknip illi vt yvlhki chohmit yakni paknaka Chesleel i yakni ya aiasha chi hoke; yohmikma, Ilvppvt Chesebel oke, acha he keyu, achi tok mak oke, achi tok.

CHAPTA X.

MIHMA Ahab vt ushi pokoli untuklo hosh Samalia ya aasha tok. Mihma Chehu vt Samalia ya pit holissochit, Chesleel kvpitvni vhleha, asvnonchi vhleha, micha Ahab im vlla hofantichi vhleha aiena ka pit i pivt,

2. Himak a holisso ilvppvt hvchim ona makinlikmut, hvchi shahli ushi vhleha hv hvchi takla aasha, micha itichanvlli puta, micha issuba puta, micha tvamaha holihta kvlllo, micha tvvvp aya isht im vlhtaha aiena kvt hvchim aasha hokvt;

3. Hvchi shahli ushi vhleha ha achukma i shahli, micha a yvmohma he vlvpiesa i shahli kak o hvsh ahayuchi cha,

iki im aiombinili holitompa ya hvsh binilichi cha, hvchi shahli in chuka achufa ya hvsh im itibashke, achi tok.

4. Mihma okla nukshopa kut atampa felina mut, Yakeh! miko tuklo kut itikba ik hielo tok; yohmi ka katiohmi kak osh pishno vto e hiele hinla cho? achi tok.

5. Mihma miko in chuka achufa pehlichu, micha tumaha ha pehlichu, micha asvnonchi vhleha, micha vlla hofantichi vhleha aiena kash osh Chehu ya anumpa pit i pilvt, Chin tishu vhleha pia hoke, micha nana ho ish pi mihakma, moma e yvmihcha chi hoke; hatak nana kia e mikocha he keyu hoke: chishno vt ish pisa kut chim vllpiesa kak osh ish yvmihchashke, achi tok.

6. Yohmi ma atukla ma holisso pit i holissochit, Uno hvchia hokmut, micha vm anumpa ha hvshi haklo hokmut, hvchi shahli ushi hatak vhleha noshkobo ha ishit, onnaha himak a chohmi fokakma Chesleel a isht hvsvum vlashke, achi tok. (Yohmi ka miko ushi vhleha hvv pokoli untuklo hosh tumaha yvmma hatak hochitoka vhleha yosh hofantichi tuk a takla aiasha tok.)

7. Atuk o yakohmi tok, holisso hvv im ona ma, miko ushi vhleha ha hatak pokoli untuklo ho vbi cha, noshkobo ha kishi apitta mut, Chesleel pit i pila tok.

8. Mihma anumpa shali vt ant im anolit, Miko ushi vhleha noshkobo ha isht vlvshke, achi tok. Mihma, Holihia okhissa achukowa yak o itvnaha tuklo ho hvsh ashachashke, mikma asha na onnashke, achi tok.

9. Atuk osh yakohmi tok, onnahinli ma, kohchvt ont hikia cha, okla moma ka, Aivllpiesa hvchia hoke; yakeh! vno ak osh a shahli ha i sanalit anumpa luma ikbit vbi li tuk oke; amba kuta hosh ilvppa moma ka vbi tuk oh cho?

10. Yvmohmi hoka Chihowa im anumpa hvv, yvmmvt Ahab in chuka achufa ya Chihowa yvt nana ahanchi tok a nana achufa kia aka itula he keyu ka hvsh ithaiyanashke; Chihowa yvt in tishu Elichah ya tohno na anumpuli tok mak osh yvmihchi tuk oka, achi tok.

11. Micha Chehu vt Ahab in chuka achufa Chesleel a

asha tuk, micha hatak i holitompa vhleha moma, micha i kana vhleha, micha naholitompa isht im asha vhleha aiena ka vbit tahli cha, achufa kia ik i hlakoffecho tok.

12. Mihma wakaya cha, ia mut, Samalia ya ona tok: atuk osh hina takla Bell-eket-haloim a hikia mut,

13. Chehu vt Chutah i miko Ahasiah itibapishi vhleha ha pisa cha, Kuta hvchia hoh cho? achi tok. Mihma, Ahasiah itibapishi vhleha pia hoke: micha miko im vlla vhleha, micha ohoyo miko im vlla vhleha aiena ka il aiokpvcha chi hosh il ia hoke, achi tok.

14. Mihma, Okchaya ho oh ishi, achi tok. Mihma okchaya ho okla ishi cha, kuli hofobi Bell-eket talaia ya hatak pokoli ushta akucha tuklo ho ai vbi tok: achufa kia ik hlakoffecho tok.

15. Atuk osh yumma vttvt ia mut, Lechab ushi Chelonatab vt afamvt minti na pisa cha, aiokpvchi tok: mihmut, Sa chukvsh vt chi chukvsh a im vhpesa ka, yumma chiyuhmi hosh chi chukvsh vt vhpesa cho? achi tok. Mihma Chelonatab vt, Yohmishke, achi tok. Yohmi hokmut, chibbak a is smashke, achi tok. Mihma ibbak a ima tok: mihma ishi cha, halvllit itichanvlli yash fohki tok.

16. Mihmut, Si awant ia cha, Chihowa ya amosholit im antia li ka pisá, achi tok. Yohmi ho itichanvlli ya okla ibai om binilichi tok.

17. Atuk osh Samalia ya ona mut, Chihowa im anumpa, yumma Elichah ya im anumpuli tok mak o, Samalia ya Ahab vt im asha tuk a vbit ont taiyahli tok.

18. Michah Chehu vt okla moma ka itvnahli cha, Ahab vt Baal a in toksuli isktenosi tok a, amba Chehu vto in toksuli fehna chi hoke.

19. Yumohmi hoka himak a Baal i hopaii moma, in tishu moma, micha i naholitompa isht asha moma ka hvs sm itvnahlashke; achufa kia iksho kv iksho kashke; nan vbit isht aiokpvchi chinto ho Baal a isht im vta la chi hoka: kana kia ikshokmut, okchaya he keyu hoke, im achi tok. Yohmi kia Chehu vt Baal im antia vhleha ha vbit tahli chi hosh i kostini hatuk oke.

20. Mihma Chehu vt, Baal a im itvna^ha holitopa y^o hvsh apesashke, achⁱ tok. Mihma okla apesa tok.

21. Mihma Chehu vt Israel yakni moma ka a hoyo tok: yohmi h^o Baal im antia v^hleha hv^t v^lvt, hatak achvfa kia ik lo hosh anta kv^t iksho tok. Mihmv^t Baal in chuka y^a okla chukowa tok; mihma Baal in chuka yv^t alotv^t in tvnnv^p vttv^t ia kv^t in tvnnv^p a ona tok.

22. Mihma nafohka aiasha apistikeli y^a, Baal im antia moma ka nafohka isht i kohch^a, im achi tok. Mihma nafohka y^a isht i kohcha tok.

23. Mihma Chehu, micha Lechab ushⁱ Chehonatab itatuklot Baal in chuka ont chukowa cha, Baal im antia v^hleha h^a, Hvsh hoyashke, micha Chihowa in tishu v^hleha hv^t iksho h^o, amba Baal im antia v^hleha kak bano ka hvsh pisashke, im achi tok.

24. Atuk o nan vbit isht aiokpv^{ch}i, micha na hukmit isht aiokpv^{ch}i im issa chⁱ hosh okla chukowa tok; mikma Chehu vt yv^mma hatak pokoli untuchina hosh kocha i hielⁱ cha, Hatak a isht v^lvt hv^{ch} ibbak fohki li tuk a hatak kanima hosh hlakoffikⁱma, im ilhfiopak vt im ilhfiopak a v^hhtoba chⁱ hoke, achi tok.

25. Atuk o yakohmi tok, na hukmit isht aiokpv^{ch}i im issa kv^t ont tahli mv^t, Chehu vt anumpa a^hli^{ch}i v^hleha, micha itichanv^lli kvpitvⁿi v^hleha h^a, Ho chukowa cha, oh vbi; hatak achvfa kia ik kohcho kashke, im achi tok. Mihma bvshpo falaia isht vbit tahli tok: mihmv^t anumpa a^hli^{ch}i v^hleha, micha itichanv^lli kvpitvⁿi v^hleha hv^t kocha pila mv^t, Baal im aboha tv^maha h^a ona tok.

26. Mihmv^t Baal im aboha i naholbv^t toba liohli y^a okla ishit a kohcha cha, hukmi tok.

27. Mihmv^t Baal holbv^t toba y^a okla kinv^{ff}i mv^t, Baal im aboha y^a okla kinv^{ff}i cha, apotaka chuka puta ikbi tok a himak nitak a moma hoke.

28. Yakohmichi hosh Chehu vt Baal a Israel a ai ishit kanchi tok.

29. Yohmi kia Nebat ushi Cheloboam vt nan ashvchit Israel a ashvchechi tok, yv^mmv^t tuli holisso lakna wakushi

tuklo Behlel a hikia, micha Tan a hikia itatuklo ka ik i filvmmo tok.

30. Mihma Chihowa yvt Chehu ya, Ta tikba ya aivlhpiesa mak o yvmohmit ish achukmali tuk, micha sa chukvsh nukfoyuka tuk moma mak o Ahab in chuka achufa ya ish yvmihchi hokvt, vlla vhleha aaitishali ont aiushta kv Israel im aiombinili holitompa ya chim ai om binila li oke, im achi tok.

31. Yohmi kia Chehu vt ahah! ahnit chukvsh ai oklvhvchit Israel in Chitokaka Chihowa i nan vlvhvisa ha ik a nowo tok: Cheloboam vt nan ashvchit Israel a nan ashvchechi tok a ik i filvmmo tok.

32. Nitak yvmma foka ma Chihowa yvt Israel a atikko-nuffiit isht ia tok: mihma Hasael vt Israel im aivhli afullota moma,

33. Chatan a vttvthvshi akohehaka pila ia hosh, Kat okla, micha Luben okla, micha Manasseh okla, yvmmvt Kileat yakni moma, Aloe, yvmmvt Anon okhina bilika talaia ka vttvt ia hosh, Kileat, micha Bashian aiena ka fahama tok.

34. Mikma Chehu nana akaniohmi tok inla kv, micha nana yvmihchi tok moma kv, micha nana ai im aiahli tok moma aiena kv Israel i miko vhleha i nitak holisso ha a holisso keyu cho?

35. Mihma Chehu vt iki vhleha ha takla nusi tok; mihma Samalia ak o okla a lohpi tok: mihma ushi Chehoahas vt vltobvt miko tok.

36. Mihma Chehu vt Samalia ya ahantvt Israel a i miko tok nitak moma kv afvmmi pokoli tuklo akucha untuchina tok.

CHAPTER XI.

ATUK o Ahasiah ishki Ahlaliah vt ushi vt illi na pisa mv, wakaya cha, miko ishtatiaka moma ka vbit tahli tok.

2. Yohmi kia miko Cholan a ushetik, Ahasiah ya in tek Chehosheba yvt Ahasiah ushi Choash a, miko ushi vhleha illit taha ka, a kohehit lumvt ishit kvnia tok; yvmma, micha

pishechi itatuklo ka aboha anusi ya a kohchit Ahlaliah ya okla in luhmi na ik illo tok.

3. Mihma lumvt takla Chihowa in chuka ahanta na afummi hannali tok: mihma Ahlaliah vt yakni ya i miko tok.

4. Atuk o afummi ont isht untuklo ma, Chehoiata yvt pit hoyot atoni, micha anumpa ahlichichien aiena tahlepa puta i kypitvni vhleha ha Chihowa in chuka ya isht vla cha, nana itim apesvt, Chihowa i chuka ya anumpa kullo ya ai il onochechi mvt, miko ushi ya pisachi tok.

5. Micha im apesvt, Anumpa hvsh aiahlichichien chi kvt ilvpak oke; ont hvsh atuchina kvt nitak hullo ya hvsh chukowa cha, miko im aboha aiatoni apistikeli hvchia hachichien hoke.

6. Mikma ont atuchina kvt Su holihta okhissa ya hielachichien hoke; mikma ont atuchina kvt anumpa ahlichichien ashaka holihta okhissa ya hielachichien hoke: yohmi hosh aboha aiatoni yash hvsh apistikeli cha, okla ha hvsh kanvlichichien hoke.

7. Yohmi kvt nitak hullo ya kashapa tuklo hosh hvsh kohcha moma kvt Chihowa in chuka aiatoni ya miko vt anta ka hvsh apistikela chichien hoke.

8. Micha hatak moma kvt nahalupa ieshi bieka hosh miko ya hvsh afolubla chichien hoke: mikma kuna hosh a baivlli ka vlakmvt, illashke; micha miko vt kohoncha, micha ant chukohowa ka hvsh apehashke, achi tok.

9. Mihma tahlepa puta i kypitvni vhleha hv naholitompa isht vttah Chehoiata yvt apihisa tuk moma mak o yvmihchichien tok: mihmvt hatak vt in tyshka aiyukali kvt nitak hullo ya chukowa hetuk, micha nitak hullo ya kohcha hetuk aiena ka ishi cha, naholitompa isht vttah Chehoiata ya im vla tok.

10. Mihma tahlepa puta i kypitvni vhleha ha naholitompa isht vttah yash osh miko Lewi in tubi teli halupa ontvla puta, micha in telihpa puta Chihowa in chuka ai asha tuk a ima tok.

11. Mihma anumpa ahlichichien vt nahalupa ieshi bieka hosh miko ya afolublitchuka chukbika ishtimpakimma vttvt ia hosh, chuka vlvhfvbekimma chukbika ya ona mvt, alta, micha chuka ya i bilika ka hielichien tok.

12. Mihma miko ushi yash ishit kohcha mvt, bita ha om biteli cha, nan isht atokowa ya ima tok: mihma okla miko-chi cha, nan ahummi tok: mihmvt ibbak a okla itabolichi mvt, Miko vt okehayashke, ahanchi tok.

13. Atuk o Ahlaliah vt anumpa ahlich, micha okla aiena kv shakapa ka haklo mvt, okla ha im onvt Chihowa in chuka ya ona tok.

14. Micha pisa ma, yakeh! a yvmohmi chatuk mak o, miko vt ahikia pakniaka ya hikia ma, krpitvni vhleha hash osh, micha ishit pufa olachi puta kv miko ya bilika hieli ma, okla moma kv nayukpv ishit pufa olahanchi tok. Mihma Ahlaliah vt i nafohka ya hlilvfi mvt, Anumpa luma ikbit miko i sanali yoke, anumpa luma ikbit miko i sanali yoke, achi tok.

15. Mihma naholitompa isht vttta Chehoiata yvt tahlepa puta i krpitvni vhleha, tvshka chipota pehlich vhleha ha i mihvt, A baivlli ka ho kohchi; mikma kvna hosh iakaiyakma, bushpo falaia ya isht illich, im achi tok. Naholitompa isht vttta yash osh, Chihowa in chuka ya ik ai illo kashke, achi hatuk oka.

16. Mihma ibbak ishit potolit okla ishi tok; mihma issuba puta kv miko im aboha ai vla chatuk hina yak o ia tok; mihma yvmmak o ai illich tok.

17. Mihma Chehoiata yvt Chihowa ya, micha miko, micha okla aiena ka nan itim apesvchi ho Chihowa im okla hachin tok; micha miko ya, micha okla ha itim apesvchi akinli tok.

18. Mihma yakni ya okla moma kv Baal im aboha ona cha, kinvfi tok; micha im alta puta, micha i naholbv toba puta aiena ka boshulliehit tahli mvt, Baal naholitompa isht im vttta Mattan a alta puta itikba ya ai vbi tok: mihma naholitompa isht vttta yash osh Chihowa in chuka ya apesvchi puta ka atokoli tok.

19. Mihmvt tahlepa puta i krpitvni vhleha, micha nan atoni, micha anumpa ahlich vhleha, micha yakni ya okla moma ka ishi tok; mihma miko ya Chihowa in chuka ya okla ai ishit anumpa ahlich i holihta okhissa hina yak o

minti hosh miko in chuka ya isht vla tok: mihma miko vhleha im aiombinili holitompa om binili tok.

20. Mihma yakni yumma okla moma kv̄t nayukpa ma, tumaha kv̄t nuktaiyala tok: mihma Ahaliah ya miko in chuka bilika ya b̄ushpo falaia yō isht ai illichī tok.

21. Chehoash vt miko mvt, afv̄m̄mi untuklo tok.

CHAPTA XII.

CHEHU vt miko tok afv̄m̄mi ont isht untuklo hō Chehoash vt miko tok; atuk osh afv̄m̄mi pokoli ushta hō Chelusalem ā ahantvt miko tok: mihma ishki hohechifo kv̄t Sibiah yosh Bee-sheba yak ō a minti atok.

2. Mihma Chehoash vt ī nitak moma kv̄t naholitompa isht v̄tta Chehoiata yvt im abv̄chi takla kv̄no, Chihowa itikba ya aiv̄lhpiesa kak ō yvmohmi tok.

3. Achahaka puta kak illa hō ishit ik kancho tok: okla hv̄t achahaka puta ka nan ai v̄bit isht aiokpv̄chi, micha nabalama a hukmi kv̄t imoma tok.

4. Mihma Chehoash vt naholitompa isht asha vhleha hā, Nana hullochi tuli holisso moma, tuli holisso achukma yō Chihowa in chuka isht vla ka, kaniohmi hō im v̄lhpisa tuk aiyukali in tuli holisso, micha hatak vt chukv̄sh nukfoyuka cha, Chihowa in chuka ya isht vla tuk tuli holisso moma ka,

5. Naholitompa isht asha vhleha hv̄t hatak ithana aiyukali ka im jshashke; micha chuka yvt kanima yō akinafa ya ahayuchikmvt, isht aiiskiashaske, im achi tok.

6. Yohmi tuk kia Chehoash vt miko tok afv̄m̄mi ont ishit pokoli tuklo akucha tuchina ma, yakohmi tok, naholitompa isht asha vhleha hv̄t chuka akinafa yash ik aiiskiacho kisha tok.

7. Yohmi ma miko Chehoash vt naholitompa isht v̄tta Chehoiata, micha naholitompa isht asha vhleha aiena ka hoyo cha, Nanta katiohmi hō chuka akinafa yash hv̄ch ik aiiskiacho kisha cho? Yvmohmi hokvt himakma hatak hv̄sh itikhana ya tuli holisso yō hv̄ch ik im ai esho hosh, amba

chuka akinafa ya isht aiiskiacha chi ho hvsh bohlashke, im achi tok.

8. Mihma naholitompa isht asha vhleha hvv tvi holisso ya okla ha im isha he keyu, micha chuka akinafa ya aiiskia-cha he keyu kvv vvhpesa ahni tok.

9. Mihma naholitompa isht vtt Chehoiata yvt itombi ishi cha, onhlipa ya hlumbli mvv, alta ya apotolit Chihowa in chuka ont a chukowa ka ishtimpakimma in tvnvp a talali tok: mihma naholitompa isht asha okhissa apistikeli vhleha hvv, kvna hosh Chihowa in chuka ya tvi holisso isht vka ka moma itombi yash apitta tok.

10. Atuk osh yakohmi tok, itombi ya tvi holisso laua hosh ai vlvto na okla pisa ma, miko i holissochi, micha naholitompa isht asha pehlich i shahli itatuklot vka mvv, tvi holisso Chihowa in chuka asha tuk a bahta apitta cha, hotih-na tok.

11. Mich a tvi holisso weki yash toksvli isht asha Chihowa in chuka apesvchi vhleha ibbak a fohki tok: mihma chuka ikbi vhleha, micha itavvnni vhleha aiena Chihowa in chuka a toksvli tuk vhleha,

12. Mich a tvi pilesa vhleha, micha tvi atehlich i vhleha aiena ka isht im atobbi mvv, iti, micha tvi atehlahchi Chihowa in chuka akinafa isht aiiskiacha chi ka ishit chumpa chi, micha chuka isht vlvta ha chi ka moma isht atobbi tok.

13. Yohmi kia Chihowa in chuka ya tvi hvta ampo, pula ishit tvptuli, ampo mahaia, ishit pufa, tvi holisso lakna aivlvto, micha tvi hvta aivlvto aiena ka, tvi holisso Chihowa in chuka isht vka tuk a isht lkba he keyu tok.

14. Hatak toksvli vhleha hak o ima he tuk okvt; yohmi hosh Chihowa in chuka ya isht aiiskiachi tok.

15. Mich a toksvli vhleha ha ima chi ho, tvi holisso ya ibbak fohki kvv hatak yvmma ik iti hotihno tok: aivlvpiesa kak o okla yvmihechi tuk oka.

16. Hatak bika nan im okpvi isht vlvto ba tvi holisso, micha nan ashvchi isht vlvto ba tvi holisso aiena ka Chihowa in chuka ya isht ik lo tok: naholitompa isht asha immi hatok.

17. Mihma Silia i miko Hasael vt iut Kalh a ont itibi cha, ishi tok; mihmut Hasael vt Chelusalem a ont itiba chi hosh nashuka ya pit talali tok.

18. Mihma Chutah i miko Chehoash vt nana hullochi puta iki vhleha, Chehoshafat, micha Cheholam, micha Ahasiah aiena, Chutah i miko vhleha hvt hullochi tok, micha ilap nana hullochi aiena, micha tvli holisso lakna moma Chihowa in chuka naholitopa aiasha asha na ahayuchi kv, micha miko im aboha aiasha tuk a aieninchit ishi cha, Silia i miko Hasael a pit i pila tok: mihma Chelusalem a i filvmit ia tok.

19. Mikma Choash nana akaniohmi tok inla kv, micha nana yvmihchi tok moma kv Chutah i miko vhleha i nitak holisso ha a holisso keyu cho?

20. Mihma in tishu vhleha hvt wakaya cha, i sanalit anumpa luma ikbi mv, Choash a okvttahvt Silla atia Millo chuka ya a fahama tok.

21. In tishu tuklo Shimealh ushi Chosacha, micha Shome ushi Chehosabat itatuklo kv fahama na illi tok okv; mihma iki vhleha ha takla Lewi in tmaha ha a hohpi tok: mihma ushi Amasiah vt vhtobvt miko tok.

CHAPTA XIII.

CHUTAH i miko Ahasiah ushi Choash vt miko tok afvmmi ont ishit pokoli tuklo akucha tuchina ho, Chelu ushi Chehoahas, vt Samalia ya vttvt Israel a i miko tuk osh, afvmmi auahuntuklo ho miko tok.

2. Mihmut Chihowa itikba ya nana ik achukmo kak o yvmohmi tok; micha Nebat vshi Cheloboam vt nan ashvchit Israel a ashvchechi tok ak o iakaiya tok; achufa kia ik i filvmmo tok.

3. Mihma Chihowa im ai i nukkilli yvt Israel a i sanalit libbi mv, nitak moma ka Silia i miko Hasael ibbak fohki, micha Hasael ushi Benhatat a ibbak fohki tok.

4. Mihma Chehoahas vt Chihowa ya im ilbusa ma, Chi-

howa yvt i haponaklo tok: Silia i miko vt ilbvshalí hatuk o, Israel vt ilbvsha ka pisa tok okvt.

5. (Mihma Chihowa yvt Israel a hlakoffichi ima tok; yohmi ho Silia okla ibbak a i nutaka tuk vt kohcha tok: micha Israel im vlla vhleha hvt chashpo atok chohmit im vhtipo puta ka aiasha tok.

6. Yohmi kia Cheloboam in chuka achvfa yvt nan ashvchit Israel a ashvchechi tok a ik i filvmmo tok; amba a nohowa tok; micha Samalia ya Ashelah ak kia hikia moma tok.)

7. Okla ha Chehoahas a im ashanchi kvv issuba ombinili pokoli tahlapi, micha itichanvlli pokoli, micha hatak aka aya tahlepa sipokni pokoli illa tok oka: Silia i miko vt vbit tahli cha, lukfi yo bolit pushechi ka chohmichi tok oka.

8. Mikma Chehoahas nana akaniohmi tok inla kvv, micha nana yvmihchi tok moma kvv, micha nan ai im aiahli tok vt Israel i miko vhleha i nitak holisso ha a holisso keyu cho?

9. Micha Chehoahas vt iki vhleha ha takla nusi tok: mihma Samalia ak o a hohpi tok: mihma ushi Choash vt vhtobvt miko tok.

10. Chutah i miko Choash vt miko tok afvmmi ont ishit pokoli tuchina akucha untuklo ho, Chehoahas ushi Chehoash vt Samalia ya vttvt Israel a i miko tuk'osh afvmmi auahhannali ho miko tok.

11. Micha Chihowa itikba ya nana ik achukmo kak o yvmohmi tok: Nebat ushi Cheloboam vt nan ashvchit Israel a ashvchechi tok achvfa kia ik i filvmmo hosh a nohowa tok.

12. Mikma Choash nana akaniohmi tok inla kvv, micha nana yvmihchi tok moma kvv, micha nan ai im aiahli Chutah i miko Amasiah ya isht itibi tok aiena kvv Israel i miko vhleha i nitak holisso ha a holisso keyu cho?

13. Mihmvt Choash vt iki vhleha ha takla nusi tok: mihma Cheloboam vt im aiombinili holitompa ya om binili tok; mihma Choash vt Israel i miko vhleha takla Samalia ak o a hollohpi tok.

14. Mihma Elisha yvt abeka kvv abeka yvmma isht illa

chi hatok. Mihma Israel i miko Choash vt im ona cha, nashuka o wakayvt yaiya mut, Aki ma! aki ma! Israel im itichanulli, micha issuba ombinili uhleha yoke, achi tok.

15. Mihma Elisha yvt, Ititanampo, micha oski naki puta aiena ka ishi, im achi tok. Mihma ititanampo, micha oski naki puta aiena ka ishi tok.

16. Mihma Israel i miko ya, Chibbak a ititanampo yash ishit halulli, im achi tok. Mihma ibbak a ishit halulli tok; mihma Elisha yvt ilap ibbak a miko ibbak a potonli tok.

17. Mihma, Okhissushi hvshi akohehaka imma ya tiwi, achi tok. Mihma tiwi tok. Yohmi ma Elisha yvt, Husa, achi tok. Mihma husa tok. Mihma Elisha yvt, Chihowa isht a hlakoffichi oski naki yoke, micha Silia isht im a hlakoffi oski naki yoke; Silia okla ha Afek a a fahamvt ish taiyahla chi hoka, achi tok.

18. Mihmut oski naki ya aiowa, achi tok. Mihma aiowa tok. Mihma Israel i miko ya, Yakni ya isht issa, im achi tok. Mihma hituchina ha isht issa mut, issa tok.

19. Mihma Chitokaka immi hatak ash osh i nokowa mut, Tahlapi ha, keyukmut hannali ha ish issa hetuk oke; yohmi hatuk okmut, Silia ya fahamvt imaiyvt ont ish lushumma hetuk oke; yohmi tuk kia himak ano hituchina ha illa ho Silia ya fahamvt ish imaiya chi hoke, achi tok.

20. Atuk osh Elisha yvt illi tok; mihma okla hohpi tok. Atuk o Moab aya kanohmi kv, afvmmi ant chukowa ma, yakni ya iba chukowa tok.

21. Atuk o yakohmi tok, hatak o okla hohpi hosh maya ma, yakeh! aya achvfa ka okla pisa tok; mihmut hatak ash Elisha im ahollohpi ya pila tok: atuk o hatak ash osh ona cha, Elisha foni ya haleli mut, fiopa cha, wakayvt hikia tok.

22. Mikma Silia i miko Hasael vt Chehoahas vt ahanta nitak moma ka Israel a ilbushali tok.

23. Yohmi tuk kia Chihowa yvt Eblaham, Aisak, micha Chekob aiena nan itim apesa yatok pulla hatuk mak osh i kanvt, i, nukhaklot filemut i holhponayo hanta onochi cha, chukilissvchi ik bunno, micha itikba ya ai ishit ik kancho kisha tok.

24. Yohmi ma Silia i miko Hasael vt illi tok; mihma ushi Benhatat vt vlhtobut miko tok.

25. Mihma Chehoahas ushi Chehoash vt Hasael ushi Benhatat a, tvmaha puta Hasael vt iki Chehoahas a itin tanampi hosh ibbak a a kohchit im ishi tok a, anonti ibbak a a kohchit im ishi tok: hituchina ha Choash vt imaiya cha, Israel in tvmaha puta ka falvmmichit ishi tok.

CHAPTA XIV.

ISLAEL i miko Chehoahas ushi Choash vt miko tok
afvmmi ont atukla ho, Chutah i miko Choash ushi Amasiah vt miko tok.

2. Miko mvt, afvmmi pokoli tuklo akucha tahlapi tok; atuk osh afvmmi pokoli tuklo akucha chakkali ho Chelusalem a ahantvt miko tok; micha ishki hohchifo ket Chehoattan Chelusalem vta yatok.

3. Mihmvt Chihowa itikba ya aivlhpiesa kak o yvmohmi tok; yohmi kia iki Lewi ya chohmi tok keyu; iki Choash vt nana a kaniohmi tok moma kak o yvmohmi tok.

4. Achahaka puta kak illa ho ishit ik kancho tok: okla lvt achahaka puta ka nan ai vbit isht aiokpvchit, micha nabalama a hukmi ket imoma tok.

5. Atuk o yakohmi tok, apelihchika yvt kullot ibbak fohka makinli hosh, in tishu vhleha iki miko ya vbi tuk a vbi tok.

6. Yohmi kia vbi tok vhleha hash im vlla vhleha hano ik llecho ki tok: Moses i nan vlhpisa holisso ha a holisso tok, ymma Chihowa yvt ai apesvt, Vlla ya iki vt vlhtobut illa he keyu hoke, mikma iki ya vlla yvt vlhtobut illa he keyu hoke; amba hatak vt ilap nan ashvchi tuk aiyyukali kak osh isht illa hi oke, achi tok mak atok.

7. Yvmmvt Etom hatak tahlepa sipokni pokoli ho hvpi okfa ha ai vbi cha, itin tanampi ka Selah ya ishi tok; micha Chokhleel hohchifo tok o himak nitak a moma hoke.

8. Mihma Amasiah vt Israel i miko Chehu ushi Chehoahas a ushi Chehoash a anumpa shali pit in tihlelit, Ish minti na pi nashuka il iti pisashke, achi tok.

9. Mihma Israel i miko Chehoash vt Chutah i miko Amasiah ya pit i pilvt, Bufaha kvti Lebanon asha tuk vt chuahla Lebanon hikia tuk a pit i pilvt, Chisotek vt suso tekchi yachi ho ima, achi tok; atuk o nampoa nukshopa Lebanon vta tuk vt bufaha kvti hash ahvlichit akvchi tok.

10. Etom a ish imaiya tuk o mvhli, mihma chi chukvsh vt vba chisht onvshke; isht ish ilauata cha, chin chuka ish ahantashke; nanta katiohmi ho ile nukovvchit antvt ishit hotopvt chishno, micha Chutah hvsh aienvt hvchi akvma hinla cho? achi tok.

11. Yohmi kia Amasiah vt hakla he keyu tok; yvmohmi hoka Israel i miko Chehoash vt ia tok; micha yvmma, mihmvt Chutah i miko Amasiah itatuklo kvt Chutah imm-Belh-shemesh ak o nashuka ai iti pisa tok.

12. Mihma Chutah vt Israel itikba ya akakoha tok; mihmvt hatak vt yihleptv im vhtipo aiyyukali ona tok

13. Mihma Israel i miko Chehoash vt Chutah i miko Chehoash ushi Ahasiah ya ushi Amasiah ya Belh-shemesh a ai ishi cha, Chelusalem a ona mvt, Chelusalem holihta ya Eflaim holihta okhissa ya vttvt ia hosh chukbika holihta okhissa ona ka kubit tahlepa ushta ho kinvffi tok.

14. Michā tuli holisso lakna, micha tuli hvta, micha nan aivlhto Chihowa in chuka, micha miko in chuka naholitopa aiasha asha tuk moma, micha anumpa isht aiahliehi hatak halanli ya ishi cha, falamvt Samalia ya ona tok.

15. Mikma nana akaniohmi inla ka Chehoash vt yvminhichi tok, micha nan ai im aiahli tok, micha Chutah i miko Amasiah ya kaniohmit itibi tok aiena kvt Israel i miko vhleha i nitak holisso ha a holisso keyu cho?

16. Mihmvt Chehoash vt iki vhleha ha takla nusi cha, Samalia ak o Israel i miko vhleha ha takla a hollohpī tok: mihma ushi Cheloboam vt vltobvt miko tok.

17. Atuk o Israel i miko Chehoahas ushi Chehoash vt

illi haya, Chutah i miko Choash ushi Amasiah vt afvmmi auahtahlapi hō okchayvt ahanta tok.

18. Mikma Amasiah nana akaniohmi tok inla kv̄t Chutah i miko v̄hleha i nitak holisso hā a holisso keyu cho?

19. Mihma Chelusalem āsha tuk vt i sanalit anumpa luma ikbi tok: mihma malelit Lachish ā ona tok: yohmi kia iakaiyachit pila cha, yvmmak o ai illichit tok.

20. Micha issuba onochit okla isht v̄la tok: mihma iki v̄hieha hā takla Chelusalem Lewi in tv̄maha hak o a hollohpi tok.

21. Mihma Chutah okla moma kv̄t Asaliah yā yvmmv̄t afvmmi auahhannali hō ishi cha, iki Amasiah yā atobbichit mikochi tok.

22. Miko ash osh iki v̄hleha hā takla nusi haya, Asaliah vt Elalh ā ikbi cha, Chutah yā i f̄alvmmichit tok.

23. Chutah i miko Choash ushi Amasiah vt miko tok afvmmi ont isht auahtahlapi hō, Israel i miko Choash ushi Cheloboam vt Samalia yā v̄ttvt miko tuk osh, afvmmi pokoli ushta akucha achv̄fa hō miko tok.

24. Mihm̄v̄t Chihowa itikba yā nana ik achukmo kak o yvmohmi tok: Nebat ushi Cheloboam vt nan ashv̄chit Israel ā ashv̄chechi tok moma achv̄fa kia ik i f̄ilvmmo tok.

25. Israel in Chitokaka Chihowa im anumpa in tishu Amittai ushi Chonah hopaii Kalh-hefe v̄tta yā tohno na anumpohonli tok mak o, Israel im aiv̄hli Hamalh achukowa yā v̄ttvt ia hosh yakni patali okhv̄ta ona ka f̄alvmmichit ishi tok;

26. Israel ilbv̄sha kv̄t palvmmi fehna ka Chihowa yvt pisa tok oka: micha yuka, micha yuka keyu aiena kv̄t iksho tok, mihma Israel apela yvt iksho tok oke.

27. Micha Chihowa yvt Israel hohchifo ka v̄ba shutik nutaka yā a kashoffit kancha he miha tok keyu: amba Chihowa yvt Choash ushi Cheloboam ibbak ak o ishit hlakoffichit tok.

28. Mikma Cheloboam nana akaniohmi tok inla kv̄t, micha nana yvmihchi tok moma kv̄t, micha nan ai im aiahli isht itin tanampi tok, micha kaniohmit Tamask̄s, micha Hamalh, yvmmv̄t Chutah immi hatuk o, f̄alvmmichit ishi

cha, Israel a ima tok aiena kv̄t Israel i m̄iko vhleha i nitak holisso ha a holisso keyu cho?

29. Mihmvt Cheloboam vt īki vhleha Israel i m̄iko vhleha ha takla nusi tok: mihma ushi Sachaliah vt vlhtobvt m̄iko tok.

CHAPTA XV.

ISRAEL i m̄iko Cheloboam vt m̄iko tok afvmmi ont ishit I pokoli tuklo akucha untuklo h̄o, Chutah i m̄iko Amasiah ushi Asaliah vt m̄iko tok.

2. M̄iko mut, afvmmi aualhannali hatok; atuk osh afvmmi pokoli tahlapi akucha tuklo h̄o Chelusalem a vttvt m̄iko tok: micha ishki Chelusalem vta yosh hohchifo kv̄t Checholiah atok.

3. Micha Chihowa itikba ya aivlhpiesa kak o yvmohmi tok; īki Amasiah a yvmohmi tok moma kak o chohmi tok.

4. Achahaka puta kak illa h̄o ishit ik kancho tok; okla hv̄t achahaka puta ka nan ai vbit isht aiokpv̄chit, micha nabalama a hukmi kv̄t imoma tok.

5. Atuk o Chihowa yvt m̄iko ya isso na leplosi vbi yosh ayvt nitak ai illi ka ont vhli cha, abeka ai vta chuka ya ai vta tok: mihma m̄iko ushi Chohlam ak osh m̄iko in chuka ya pehlichit yakni ya okla ha nan im apihisa tok.

6. Micha Asaliah nana akaniohmi tok inla kv̄t, micha nana yvmihchi tok moma kv̄t Chutah i m̄iko vhleha i nitak holisso ha a holisso keyu cho?

7. Micha Asaliah vt īki vhleha ha takla nusi tok; mihma īki vhleha takla Lewi in tumaha hak o okla a hohpi tok; mihma ushi Chohlam vt vlhtobvt m̄iko tok:

8. Chutah i m̄iko Asaliah vt m̄iko tok afvmmi ont ishit pokoli tuchina akucha untuchina h̄o, Cheloboam ushi Sachaliah vt Samalia ya vttvt hv̄shi hannali h̄o Israel a i m̄iko tok.

9. Micha Chihowa itikba ya nana ik achukmo kak o yvmohmi tok; īki vhleha hv̄t yvmohmi tok ak o chiyuhmi tok: Nebat ushi Cheloboam vt nan ashv̄chit Israel a ashv̄chechi tok a ik i filvmmo tok.

10. Mihma Chabesh ushi Shallum vt i sanalit anumpa luma ikbi mvt, okla itikba ya a fahamvt illichi mvt, vltobvt miko tok.

11. Mikma Sachaliah nana akaniohmi tok inla kv, yakeh! Israel i miko vhleha i nitak holisso ha a holissoshke.

12. Ilvppak osh Chihowa im anumpa Chehu im anum-pulit, Ulla vhleha ai itishali ont aiusha kv Israel im aiombinili holitompa ya chim ai om binila hi oke, achi tok mak oke. Atuk o yvmohmi tok.

13. Chutah i miko Ussiah vt miko tok afvmmi ont ishit pokoli tuchina akucha chakkali ho, Shallum vt miko tok; atuk osh hvshi achvfa ho Samalia ya vttvt miko tok.

14. Mihma Kati ushi Menahem vt Tisah ya vttvt ivt Samalia ya ona cha, Chabesh ushi Shallum a Samalia ya a fahamvt illichi cha, vltobvt miko tok.

15. Mikma Shallum nana akaniohmi tok inla kv, micha miko i sanalit anumpa luma ikbi tok aiena kv, yakeh! Israel i miko vhleha i nitak holisso ha a holissoshke.

16. Yohmi ma Menahem vt Tisah vttvt ia tuk osh, Tifah, micha yvmma aiasha tuk moma, micha aivhli moma ka issot kanchi tok: ik in tiwo tuk ak o issot kanchi tok: micha ohoyo vlla shanli moma ka patvfi tok.

17. Chutah i miko Asaliah vt miko tok afvmmi ont ishit pokoli tuchina akucha chakkali ho Kati ushi Menahem vt Israel a i miko tuk osh afvmmi pokoli ho Samalia ya vttvt miko tok.

18. Mihmvt Chihowa itikba ya nana ik achukmo kak o yvmohmi tok; i nitak moma ka Nebat ushi Cheloboam vt nan ashvchit Israel a ashvchechi tok a ik i filvmmo tok.

19. Mihma Assilia i miko Pul vt yakni ya ant in tanampi tok; mihma Pul ibbak vt ibafoyuka cha, apchlichika ya kullochit ibbak a fohka chi ho, Menahem vt tuli hvta talent tahlepa sipokni achvfa ho ima tok.

20. Mihma Menahem vt Israel a hatak holitopa imi layak chito vhleha moma ka tuli hvta shekel pokoli tahlapi aiya-kali ho Assilia i miko ima chi kv onochit i hoyo tok.

21. Mikma Menahem nana akaniohmi tok inla kv, micha

nana yumihechi tok moma kv̄t Israēl i miko v̄hleha i nitak holisso h̄a a holisso keyu cho?

22. Micha Menahem vt iki v̄hleha h̄a takla nusi tok: mihma ushi Pekahiah vt v̄lhtobut miko tok.

23. Chutah i miko Asaliah vt miko tok afummi ont ishit pokoli tahlapi h̄o Menahem ushi Pekahiah vt Samalia ȳa v̄ttvt Israēl a i miko tuk osh afummi tuklo h̄o miko tok.

24. Mihmut Chihowa itikba ȳa nana ik achukmo kak o yumohmi tok: Nebat ushi Cheloboam vt nan ashvchit Israēl a ashvchechi tok a ik i filummo tok.

25. Mihma im itichanv̄lli kupituni Lemaliah ushi Pekah vt i sanalit anumpa luma ikbi cha, Samalia ȳa miko in chuka aboha chaha kullo ȳa, yumma, micha Akob, micha Alieh aiena ka a fahamvt vbi tok; mihma Kileat hatak pokoli tahlapi hosli Pekah ȳa apeha tok; mihma Pekahiah ȳa illichī mut, v̄lhtobut miko tok.

26. Mikma Pekahiah nana akaniohmi tok inla kv̄t, micha nana yumihechi tok moma kv̄t, yakeh! Israēl i miko v̄hleha i nitak holisso h̄a a holissoshke.

27. Chutah i miko Asaliah vt miko tok afummi ont ishit pokoli tahlapi akucha tuklo h̄o Lemaliah ushi Pekah vt Samalia ȳa v̄ttvt Israēl a i miko tuk osh afummi pokoli tuklo h̄o miko tok.

28. Micha Chihowa itikba ȳa nana ik achukmo kak o yumohmi tok: Nebat ushi Cheloboam vt nan ashvchit Israēl a ashvchechi tok a ik i filummo tok.

29. Israēl i miko Pekah i nitak a Assilia i miko Tiklahpilese vt vla cha, Ichon, micha Abel-beth-maachah, micha Chanoah, micha Katesh, micha Haso, micha Kileat, micha Kalili, Naftali yakni moma aiena ka ishi cha, yukachit Assilia ȳa isht ia tok.

30. Mihma Ussiah ushi Chohlam vt miko tok afummi ont ishit pokoli tuklo h̄o, Elah ushi Hoshea vt Lemaliah ushi Pekah ȳa i sanalit arumpa luma ikbit fahama cha, illichī mut, v̄lhtobut miko tok.

31. Mihma Pekah nana akaniohmi tok inla kv̄t, micha

nana yumihehi tok moma kut, yakeh! Israel i miko vheha i nitak holisso ha a holissoshe.

32. Israel i miko Lemaliah ushi Pekah vt miko tok afummi ont atukla ho, Chutah i miko Ussiah ushi Chohlam vt miko tok.

33. Miko mut, afummi pokoli tuklo akucha tahlapi tok; atuk osh afummi auahhannali ho Chelusalem a vttvt miko tok: mikma ishki vt Satok ushetik osh holchifo kut Chelusha atok.

34. Mihma Chihowa itikba ya aivhpiea kak o yumohmi tok: iki Ussiah vt a yumohmi tok moma kak o yumohmi tok.

35. Achahaka puta kak illa ho ishit ik kaneho tok: okla hut achahaka puta ka nan ai vbit isht aiokpvehit, micha nabalama a hukmi kut imoma tok. Yummut Chihowa in chuka holihta okhissa chaha i shahli ya ikbi tok.

36. Mikma Chohlam nana akaniohmi tok inla kut, micha nana yumihehi tok moma kut Chutah i miko vheha i nitak holisso ha a holisso keyu cho?

37. Nitak yumma Chihowa yvt Silia i miko Lesin, micha Lemaliah ushi Pekah itatuklo ka Chutah ya on tihlelit isht ia tok.

38. Atuk o Chohlam vt iki vheha ha takla nusi cha, iki Lewi in tumaha ha iki vheha takla a hollohpi tok: mihma ushi Ahas vt vhtobvt miko tok.

CHAPTA XVI.

LEMALIAH ushi Pekah vt miko tok afummi ont isht auahuntuklo ho Chutah i miko Chohlam ushi Ahas vt miko tok.

2. Ahas vt miko mut, afummi pokoli tuklo tuk osh, afummi auahhannali ho Chelusalem a vttvt miko tok; micha in Chitokaka Chihowa itikba ya aivhpiea kak o yumohmi keyut iki Lewi yatok a ik chohmo tok.

3. Amba Israel i miko vheha ataya yak o a_nohowa

tok; micha ushi ya luak a hlopullichí aienvt, Chihowa yvt Israel im vlla vhleha itikba a tihlelit kocha wehli tok oklu-shi puta kv̄t nana yuwalvchi yvmohmi tok ak o yohmi tok.

4. Micha achahaka puta, micha nv̄nili paknaka puta, micha iti okchamali puta nuta ya nan ai vbit isht aiokpv̄chit nabalama a hukmi beka tok.

5. Mihma Silia i miko Lesin, micha Israel i miko Lemaliah ushi Pekah itatuklo kv̄t Chelusalem a in tanampit vla tok; micha Ahas a abinachit afolubli kia, imaiya he keyu tok.

6. Yemma fokali ka Silia i miko Lesin vt Elalh a falvm-michit ishit Silia ya ima cha, Chu okla ha tihlelit Elalh a a kohchichi tok; mihma Silia okla hv̄t Elalh a ona cha, aiasha tok osh himak nitak a moma hoke.

7. Mihma Ahas vt Assilia i miko Tiklalh-pilese ya anum-pa shali vhleha pit i pilvt, Chin tishu sia, micha chiso sia hoke; ish minti cha, Silia i miko ibbak a a kohchit, micha Israel i miko ibbak a a kohchit is sa hlakoffichashke, yvm-mvt a sanalit wakaya hoka, achi tok.

8. Micha Ahas vt Chihowa in chuka, micha miko in chuka naholitopa aiasha ya tuli hv̄ta, micha tuli holisso lak-na aiena kv̄t a sha ka ishi cha, nahv̄lbina yo Assilia i miko ya pit i pila tok.

9. Mihma Assilia i miko vt i haponaklo tok; mihmvt Assilia i miko vt i vt Tamaskvs a ona cha, ishi mvt, okla ha yukachit isht i vt Ki ya isht ona cha, Lesin a illichí tok.

10. Mihma miko Ahas vt Assilia i miko Tiklalh-pilese ya afamvt Tamaskvs a ona mvt, Tamaskvs a alta yvt hikia ka pisa tok: mihmvt miko Ahas vt alta yvt kaniohmi, micha isht vltaha moma ka holba ya naholitompa isht vta Ulichah ya pit i pila tok.

11. Mihma naholitompa isht vta Ulichah vt alta ya ikbi tok; miko Ahas vt Tamaskvs a vttvt mintit vla takla ka, miko Ahas vt Tamaskvs a vttvt i pila tuk moma mak o, naholitompa isht vta Ulichah vt yvmiheli tok.

12. Atuk o miko vt Tamaskvs a vta tuk vt mintit vla mvt, alta yash pisa tok: micha miko vt alta ya bilika ona mvt, nana onochit isht aiokpv̄chi tok.

13. Micha na hukmit isht aiokpvechi, micha ilhpak isht aiokpvechi aiena ka alta ya onochit hukmi mvt, nan ishko isht aiokpvechi ya on hlatvbli mvt, iti nanaiyvechi isht aiokpvechi puta issish a alta yash o fimmi tok.

14. Mihmvt asonak lakna alta, yvmmt Chihowa itikba, alta, micha Chihowa in chuka ititakla chuka yash itikba hikia kash kanvlichit alta ya falummi in tnnvp a a talali tok.

15. Mihmvt miko Ahas vt naholitompa isht vta Ulichah ya im apesvt, Alta chito ak o onnahinli na hukmit isht aiokpvechi, micha opiaka ilhpak isht aiokpvechi, micha miko i na hukmit isht aiokpvechi, micha im ilhpak isht aiokpvechi, micha okla moma yakni ya aiasha ka i na hukmit isht aiokpvechi, micha im ilhpak isht aiokpvechi, micha i nan ishko isht aiokpvechi aiena ka onochit ish hukmashke; micha na hukmit isht aiokpvechi issish moma, micha nan vbit isht aiokpvechi issish moma aiena ka ish o fimmashke; mikma asonak lakna alta yvto ishit ponaklo li yachi hoke, achi tok.

16. Mihma naholitompa isht vta Ulichah vt miko Ahas vt im apesa tuk moma mak o yvmihchi tok.

17. Mihma miko Ahas vt aionaloha vhli shemvechi puta ka tvptuli mvt, ampo mahaia chito vt paknaka on talaia tuk a kanvlichit tok; micha asonak lakna okhvta yvt asonak lakna wak vt nutaka hieli na on talaia tuk a akvechi cha, tvli potvlhpo yo on talali tok.

18. Micha nitak hullo hoshontika ya chuka okla ai ikbi tok a, micha kocha pila miko achukowa aiena ka Assilia i miko yatuk mak o, Chihowa in chuka ya a filvmmichi tok.

19. Mikma nana akaniohmi tok inla Ahas vt yvmihinchit tok vt Chutah i miko vhleha i nitak holisso ha a holisso keyu cho?

20. Mihma Ahas vt iki vhleha ha takla nusi cha, iki vhleha takla Lewi in temaha ha a hollolipi tok: mihma ushi Heseekiah vt vltobvt miko tok.

CHAPTA XVII.

CHUTAH i miko Ahas vt miko tok afvmmi ont isht auah-tuklo ho, Elah ushi Hoshea vt Samalia ya vttvt Israel a i miko tuk osh afvmmi chakkali ho miko tok.

2. Atuk osh Chihowa itikba ya nana ik achukmo kak o yvmohmi tok: yohmi kia Israel i miko vhleha tikba tok ano ik chohmo tok.

3. Assilia i miko Shalmanese vt vlvut in tanampi tok; mihma Hoshea vt in tishu toba cha, nahvlbina puta ihima tok.

4. Atuk o Hoshea vt i sanalit anumpa luma ikbi ho Assilia i miko vt im akostininchi tok: Echip i miko So ya anum-pa shali vhleha i pila cha, Assilia i miko ya afvmmi hosh ont afvmmikma yumihechi chatuk vt nahvlbina pit ik i pelo tok oka; yvmohmi hatuk o Assilia i miko vt im okhishta cha, takehit aboha kullo fohki tok.

5. Yohmi ma Assilia i miko vt vlvut yakni moma ka hlo-pullit aya mvt, Samalia ya vla cha, in tanampit afvmmi tuchina ho abinachit afolubli tok.

6. Hoshea vt miko tok afvmmi ont ishit chakkali ho, Assilia i miko vt Samalia ya ishi cha, Israel a isht ivt Assilia ya isht ona cha, Kosan okhina bilika Halah, micha Habo, micha Metia okla in tmaha puta ka ashachi tok.

7. Yakohmi tuk ak atok; Israel im vlla vhleha hvt in Chitokaka Chihowa, yvmmak osh Echip yakni, micha Echip i miko Feleo ibbak i nutaka tuk a a kohchichi tok a i yoshuba cha, chitokaka inla puta ka aiokpuchi beka tok,

8. Micha oklushi puta ymma Chihowa yvt Israel im vlla vhleha itikba ya a tihlelit kocha wehli tok i nan vllhpisa, micha Israel i miko vhleha hvt nan vllhpisa puta apesa tok aiena kak o a nohova tok.

9. Micha Israel im vlla vhleha hvt in Chitokaka Chihowa ya i sanali cha, aivllhpiesa keyu kak o lumvt yvmohmi cha, aiatoni aboha chaha ya vttvt ia kvv tmaha holihta kullo ont vlli ka in tmaha moma achahaka puta ka okla ai ikbi tok.

10. Micha nuni chaha puta paknaka, micha iti okchamali puta nuta ya naholbut toba puta, micha Ashelah puta ka okla hiohlichit tok:

11. Micha oklushi puta yumma Chihowa yut itikba ya ai ishit kanchi tok ayemohmi tok a yumihehit achahaka moma nabalama a hukmi beka tok; micha nana ik achukmo moma ka yemohmit Chihowa ya nokowuchi tok:

12. Micha Chihowa yut yummak oka, Nana ilvppa hvsh yumohma he keyu, im achi tok kia, naholbut toba puta ka okla aiokpuchi tok.

13. Mihma Chihowa yut hopaii moma, micha napisa moma tohno na Israel a, micha Chutah ya atokolit, Nana aivlhpiesa keyu hvsh yemohmi kut, hvsh i filummi cha, em anum-pa vllhpisa puta, micha a nan vllhpisa puta hvch iki vhleha im apihisa li tok, micha an tishu vhleha, hopaii puta tohnot hvchi pila li tok nan vllhpisa moma mak o hvsh ieshaslike, ahanchi tok.

14. Yohmi kia okla ik haponaklo hosh, amba ikunla ya kullochit, iki vhleha hvt in Chitokaka Chihowa ya ik i yimmo hosh ikunla kullochi tok a chohmi tok.

15. Micha i nan vllhpisa puta, micha nan itim apesa iki vhleha ha nan itim apesa tok, micha nan isht atokowa isht atokoli aiena ka shitlemut kanchi tok; micha nan ik ahobo ya okla iakaiyut ik ahobot taha mut, oklushi puta apakfoyuput asha ka, yummak oka Chihowa yut atokolit hobacha he keyu ka i miha tok ak o iakaiya tok.

16. Micha in Chitokaka Chihowa im anum-pa vllhpisa puta ka i filummi cha, bilut akmot naholbut toba, wakushi tuklo ho ikbit, micha Ashelah ikbi mut, nana moma vba shutik aiasha ka im akachunolit aiokpuchi, micha Baal a im antia tok.

17. Micha ushi vhleha, micha ushetik vhleha ha luak hlopullichit, nana kaniohma he akostininchi, micha fupuli puta yumihehit Chihowa itikba nana aivlhpiesa keyu ya yemohmit ile kanchi cha, nokowuchi tok.

18. Mihma Chihowa yut Israel a i nukkilli fehna cha, itikba ya kanvlichit ishit kanchi na apelhichi achvfa kia iksho, amba Chutah ak illa tok.

19. Chutah ak kia in Chitokaka Chihowa im anumpa vhlpisa puta ik iesho hosh, amba Israel i nan vhlpisa puta okla apesa tok ak o a nohwa tok.

20. Mihma Chihowa yvt Israel aiunchololi moma ka shiti-lemvt kanchi cha, ilbushalit wehpuli puta ibbak a fohkit itikba ya ai ishit kanchi tok.

21. Israel a Lewi in chuka achufa ya mokoffit im ai ishi tok okvt; mihma Nebat ushi Cheloboam ak o okla mikochi tok; mihma Cheloboam vt Israel vt Chihowa iakaiya tuk a issuchi cha, nan ashuchi chinto ho ashvchechi tok.

22. Micha Israel im vlla vhleha hvt Cheloboam i nan ashuchi moma kak o ai itvnowa tok; achufa kia okla ik i filummo tok.

23. Yohmi na polaka Chihowa yvt in tishu vhleha hopaii puta ka tolnot ahanchi tuk mak osh itikba ai ishit kanchi tok. Yohmi hosh i yakni ya a kohchit Israel a Assilia isht ona tok o himak nitak a aiasha hoke.

24. Mihma Assilia i miko vt Babulon, micha Kuhlal, micha Afa, micha Hamalh, micha Sefafaim a hatak vhleha ai ishit Samalia tmaha puta ka Israel im vlla vhleha ha atobbichit ai ashachi tok; mihma Samalia ya ishi cha, in tmaha puta ka aiasha tok.

25. Atuk osh yakohmi tok, yumma ashvt isht ia vmmona kvv Chihowa ya ik i nukwio tok: yvmohmi ma Chihowa yvt koi hochito ya et. on tihleli na kanimi ka vbi tok.

26. Mihma Assilia i miko ya im achit, Okla puta kanulli-chit Samalia tmaha puta ish ashachi tuk vt yakni ya in Chitokaka akaniohmi ya ithana keyu hoke: yvmohmi hatuk o koi hochito on tihleli na, yakeh! vbishke; yakni ya in Chitokaka akaniohmi ya ik ithano hoka, okla achi tok.

27. Yohmi ma Assilia i miko vt apesvt, Naholitompa isht asha vhleha yumma ai ishit hvsh la tok achufa ka ishit hvsh onashke; mikma ont ahashwakmut, yakni ya in Chitokaka akaniohmi ya im avvchashke, achi tok.

28. Yohmi ma naholitompa isht asha vhleha Samalia ya ai ishit ia tok ash achufa kvv vlvv Behlel a vttu cha, kaniohmi hosh Chihowa ya i nukwia hi a im avuchi tok.

29. Yohmi kia oklushi ilap in chitokaka aiyukali ka ikbi cha, achahaka chuka puta Samalia hatak vhleha hv̄t ikbi tok a a hiohlichit oklushi puta kv̄t in tumaha aiyukali aia-sha ka hiohlichit tok.

30. Yohmi kv̄t Babulon hatak vhleha hv̄t Sukkolh-benolh a ikbi ma, Kulh hatak vhleha hv̄t Nekal a ikbi ma, Hamalh hatak vhleha hv̄t Ashima ya ikbi ma,

31. Afa hatak vhleha hv̄t Nibhas, micha Tatak a ikbi tok; mikma Sefafaim hatak vhleha hv̄t im vlla vhleha ha Sefafaim i chitokaka tuklo Atlammelech, micha Anammelech a luak im itv̄chit hukmi tok.

32. Yohmi ho Chihowa ya okla i nukwia kia, im okla akinli ai ishit achahaka naholitompa isht asha ikbi na yvm̄mak osh achahaka chuka puta ka ai isht im ai v̄tta tok.

33. Chihowa ya i nukwia kia, yvm̄ma ai ishit ia tok oklushi puta akaniohmi yak o iakaiȳt ilap in chitokaka puta ka im antih̄iya tok.

34. Himak nitak ant v̄hli ka chashpo akaniohmi tok puta ka yvm̄ohmi moma hoke; Chihowa ya i nukwia keyu, micha nan v̄lhpisa puta, micha nana akaniohmi v̄lhpesa, micha anumpa v̄lhpisa aiena yvm̄mak oka Chihowa ȳt Chekob, yvm̄ma Israel hochifo tok v̄t im vlla vhleha ha i miha tok, okla yvm̄m̄v̄t in tonla kia, iakaiya keyu hoke.

35. Yvm̄mak oka Chihowa ȳt nana itim apesa cha, i mih̄v̄t, Chitokaka inla puta ka hv̄sh i nukwia he keyu, micha hv̄sh im akachunola he keyu, micha hv̄sh im antia he keyu, micha nan v̄bit isht hv̄sh im aiokp̄v̄cha he keyu;

36. Amba Chihowa yvm̄mak osh nan isht im aighli chito, micha shakba ashatapa hosh Echip a a pehlichit hv̄chi kohchi tok, yvm̄mak o hv̄sh i nukwia cha, hv̄sh im akachunolikm̄v̄t, yvm̄mak o nan v̄bit isht hv̄sh im aiokp̄v̄hashke.

37. Michā nan v̄lhpisa puta, micha nana akaniohmi v̄lhpesa puta, micha anumpa v̄lhpisa puta hv̄chi holissochi tok a nitak moma ka ahah! ahnit hv̄sh holitobla hi oke; micha chitokaka inla puta ka hv̄sh i nukwia he keyu hoke.

38. Michā nan itim apesa hv̄ch itim apesa li tok a ik

huchim i hakso kashke; micha chitokaka inla puta ka hvsh i nukwia he keyu hoke.

39. Amba hvchin Chitokaka Chihowa yak o hvsh i nukwiashe; mikma yvmak osh hvchin tenvp moma ibbak a a hvchi hlakofficha hi oke, achi tok.

40. Yohmi kia okla ik i haponaklo hosh, amba chashpo akaniohmi ak osh yvmohmi tok.

41. Yohmi hosh oklushi ilvppa puta kvv Chihowa ya i nukwia kia, tvhlt naholvt toba puta ka im antia tok; micha im vlla vhleha, micha im vlla ya im vlla vhleha aiena kvv, iki vhleha hvv yvmohmi tok mak o, himak nitak a yvmohmi moma hoke.

CHAPTA XVIII.

ATUK o yakohmi tok, Israel i miko Elah ushi Hoshea vt miko tok afvmmi ont atuchina ho, Chutah i miko Ahas ushi Heseiah vt miko tok.

2. Miko mvv, afvmmi pokoli tuklo akucha tahlapi tok; atuk osh afvmmi pokoli tuklo akucha chakkali ho Chelusalem a vttvt miko tok: micha ishki vt Sachaliah ushetik osh hohchifo kvv Abi atok.

3. Micha iki Lewi a yvmohmi tok moma kak o chohmit Chihowa itikba ya aivlhpiesa kak o yvmohmi tok.

4. Micha achahaka puta ka ishit kanchi mvv, naholvt toba puta ka kobahlichit bushullichit, Ashelah ha chanlit akvchi mvv, asonak lakna sinti Moses vt ikbi tok a bolit bushullichit tok: nitak yvma ant vhli ka Israel im vlla vhleha hvv nabalama i hukmi moma hatuk oka; micha Nehushtan hochifo tok.

5. Israel in Chitokaka Chihowa ya anukchieto tok: yohmi ho Chutah i miko vhleha hvv iakaiya kvv, micha tikba tok achvfa kia inlohmi kvv iksho tok.

6. Micha Chihowa ya asitia cha, iakaiya kvv issa keyu, amba im anumpa vlvhpiea puta Chihowa yvt Moses a im apihisa tok a ieshi tok.

7. Mihma Chihowa yvt ibafoyuka tok: mihma kanima y_o kohchvt iakmvt, im aiahli tok: micha Assilia i miko ya i filvmmi i sanali cha, ik im antio tok.

8. Yvmmak osh Filistin okla ha issot kanchit Kasa, micha im aivhli fullota aiatoni aboha chaha y_o vttvt ia kv_t tmaha holihta kullo ont vhli ka isht ona tok.

9. Atuk o yakohmi tok, Heseekiah vt miko tok afvmmi ont aiushta, yvmmvt Israel i miko Elah ushi Hoshea vt miko tok afvmmi ont isht untuklo ho, Assilia i miko Shalmannese vt Samalia ya vlv_t in tanampit abinachit afolubli tok.

10. Atuk osh afvmmi tuchina kv_t ont taha ma, okla ishi tok; Heseekiah vt miko tok afvmmi ont ishit hannali ma, yvmmvt Israel i miko Hoshea vt miko tok afvmmi ont ishit chakkali kak o, Samalia ya ishi tok.

11. Micha Israel a Assilia i miko vt Assilia ya isht ona cha, Halab, micha Habo, Kosan okhina bilika, micha Metia okla in tmaha puta ka ai ashachi tok;

12. In Chitokaka Chihowa im anumpa ik im antio, amba nan itim apesa ya, Chihowa in tishu Moses vt apihisa tok moma ka kobvffi cha, i haponaklo tok keyu, micha yvmihchi tok keyu hatuk o.

13. Atuk o miko Heseekiah vt miko tok afvmmi ont isht auahushta ma, Assilia i miko Sennachelib vt vlv_t, Chutah in tmaha holihta kullo puta ka in tanampi cha, ishi tok.

14. Mihma Assilia i miko vt Lachish a anta tuk o, Heseekiah vt anumpa pit i pilvt, Yothuba lishke; a filvmmi ish iashke; nana ho is si onochikma, aiokpvchi lashke, achi tok. Mihma Assilia i miko vt Chutah i miko Heseekiah ya tvli hvta talent tahlepa tuchina, micha tvli holisso lakna talent pokoli tuchina aiena ho im apesa tok.

15. Mihma Heseekiah vt tvli hvta vt Chihowa in chuka, micha miko in chuka naholitopa aiasha ya asha tuk a ima tok.

16. Nitak yvmma Heseekiah vt Chihowa in tempel okhissa isht okshilita puta, micha tonik puta ka in tvli holisso lakna ya Chutah i miko Heseekiah vt lapaliehi tuk vt fakohlit ishi cha, Assilia i miko ya ima tok.

17. Mihma Assilia i miko vt Lachish a vttvt Tatan, micha Lab-salis, micha Lab-shakeh, micha tushka laua aiena ho Hesekiah aivtta Chelusalem a pit pila tok: mihma okla mintit Chelusalem a vla tok. Atuk osh okla vla mvt, ibetvp oka talaia ya, yvmmt nafohka achifa im osapa atia bilika, oka ayanvlli ya ant hieli tok.

18. Atuk osh miko ya okla pit hoyo ma, Hilkiash ushi Eliakim, yvmmt miko in chuka achufa ya apesvchi, micha holissochi Shebna, micha holisso takalichi Asaf ushi Choah aiena kvv kohchvt im ona tok.

19. Mihma Labshakeh vt, Miko chito, Assilia i miko vt yak achishke, Nana anukcheto ilvppa ish anukchieto kvv nanta hoh cho?

20. Itin tanampi ka hatak anumpuli, micha kullo aiena kvv vm asha hoke, ish achi kvv, peh anumpa ik ahobo ish anumpuli hoke. Himak a kvvta ho ish anukchieto hosh is sa filvmmitt is sa sanali cho?

21. Himak a yakeh! tvbi kushak kochofa ilvppa Echip ak o ish anukchietoshke, yvmma kvna hosh vtayakma, ibbak a chukovvt bahla hinla yoke; Echip i miko Feleo ya anukchieto moma ka yvmmak o yvmohmi hoke.

22. Amba, Pin Chitokaka Chihowa yak o il anukchieto hoke, hvs svv achi hokma, yvmmak o im achahaka putv, micha im alta puta ka Hesekiah vt ishit kanchi cha, Chutah, micha Chelusalem a, Alta Chelusalem hikia ilvppa itikba yak o hvsh aiokpvchashke, im achi tok keyu cho?

23. Yvmohmi hoka himak a a shahli Assilia i miko ya isht ahlichy ya ish imashke, chim asilhha lishke, micha chishno vt ombinili ya ish onocha hinlakma, issuba tahlepa sipokni tuklo ho chi hiohlichy lashke.

24. Yohmi kvv katiahmi kak osh a shahli ha in tishu vhleha moma ik lauwo kvpitvni achufa nashuka ya ish filim-micha hinla hoh cho? ahli, itichanvlli, micha issuba ombinili aiena ka Echip ak osh chim atahla he ish anukchietoshke.

25. Himak a Chihowa svbafoyuka keyu ho tmaha ilvppa okpvnt tahli la chi hosh vla li cho? Ish ia cha, yakni ilvppa in tanampit okpvnt ish tahlashke, Chihowa yvt vm

achi tuk oke, Heseekiah ya ont hvsh im achashke, hvchim asilhba lishke, im achi tok.

26. Yohmi ma Hilkiyah ushi Eliakim, micha Shebna, micha Choah aiena kv̄t Lab-shakeh ya, Chin tishu vhleha h̄a Silia anumpa h̄o ish im anumpulashke, e chim asilhvshke, il akostininch̄i hokv̄t; micha Chu im anumpa h̄a okla hv̄t tmaha holihta paknaka āsha kv̄t h̄aklo ka chik pim anumpulo kashke, im achi tok.

27. Mihma Labshakeh vt, Ch̄i shahli, micha chishno ak o hvchim anumpuli la ch̄i h̄o a shahli hv̄t et sa pila tuk oh cho? tmaha holihta paknaka hatak aiasha kak o im anumpuli la ch̄i h̄o et sa pila na ilap i yvlhki akinli h̄o hvch ibai vpa cha, ilap i hoshowa akinli h̄o hvch ibai ishka chin tuk ak keyu cho? im achi tok.

28. Yohmi mv̄t Lab-shakeh vt hikia cha, chitoli hosh pagv̄t, Chu im anumpa h̄o anumpulit, M̄iko chito Assilia i m̄iko im anumpa h̄a hvsh haklashke:

29. M̄iko vt yak achishke, Heseekiah vt ik hvchi haksecho kashke; ibbak a a hvchi hlakofficha he keyu hoka:

30. Michā Heseekiah vt, Chihowa yvt pi hlakoffichi pulla ch̄i hoke, mikma tmaha ilvppv̄t Assilia i m̄iko ibbak a fohka ch̄i keyu hoke, achit Chihowa ya ik hvchi anukechetocho kashke.

31. Heseekiah ya hvsh i haponaklo ná: Assilia i m̄iko vt yak achi hoka, Nahvlbina vmv̄t anumpa ishit hv̄s sv̄tim apesa cha, kohchv̄t hv̄s sv̄m vlashke; micha ilap i pakvpi aiyukali ai vpv̄t, micha i fikvpi aiyukali ai vpv̄t, micha i kv̄li hofobi oka yak o aiyukali hvsh ai ishkashke.

32. Atuk o ant hvch ishit iv̄t yakni hvch̄i yakni akinli chohmi, tanchi, micha okap̄ki aiasha yakni, micha pvska, micha pakvpi ahollokechi aiasha yakni, micha alif bila, micha foi bila aiasha yakni yo hvch isht ona li hvchi okchaya cha, ik hvch illo kashke: micha Heseekiah vt, Chihowa yvt pi hlakofficha ch̄i hoke, achit hvchi nukfohki bv̄nna ka hvch ik i haponaklo kashke.

33. Oklushi puta in chitokaka vhleha hv̄t i yakni aiyukali ka Assilia i m̄iko ibbak a a kohchit hlakoffichi chatuk oh cho?

34. Hamalh, micha Apat in chitokaka puta muto? Se-fafaim, Hena, micha Ifah in chitokaka puta muto? Samalia ya subbak a a kohchit hlakoffichi tuk oh cho?

35. Yakni puta in chitokaka kuta hosh i yakni ya subbak a a kohchit hlakoffichi tuk o, Chihowa yvt Chelusalem a subbak a a kohchit hlakofficha hinla cho? achi tok.

36. Mihma okla hvt nana ik acho hosh, anumpa falama achufa kia ik im anumpulo tok; miko vt i miha kvt, Anumpa falama hvsh im anumpula he keyu, achi hatuk oka.

37. Yohmi ma Hilkiah ushi Eliakim, yummvt miko in chuka achufa ya apesvchi, micha holissochi Shebna, micha holisso takalichi Asuf ushi Choah aiena kvt i nafohka hlilafa hosh Heseekiah im ona cha, Lab-shakeh im anumpa ha im anoli tok.

CHAPTA XIX.

MIHMA yakohmi tok, miko Heseekiah vt haklo mvt, i nafohka hlilvfi cha, nahishi tunna isht il ompohomo cha, Chihowa in chuka ya ont chukowa tok.

2. Mihmvt Eliakim, yummvt miko in chuka achufa ya apesvchi, micha holissochi Shebna, micha naholitompa isht asha asvnonchi vhleha aiena kvt nahishi tunna isht ompoholmo ho, Amos ushi hopaii Isaiiah ya pit i pila tok.

3. Atuk o, Heseekiah vt yak achishke, Himak nitak vt ilbvsha, micha na palvmmi onochi, micha kalakshichit anumpuli nitak oke: vlla yvt asha chin tuk o, a kohchicha chin tuk vt hlampko-yvt iksho hoka.

4. Chin Chitokaka Chihowa yvt i shahli Assilia i miko vt Chitokaka okchaya ya kalakshichit mihacha chi ho, Lab-shakeh et pila tuk o anumpuli tuk a moma haklo cha, anumpa ha chin Chitokaka Chihowa yvt haklo tuk vt na palvmmi onochi yoba ná: yvmohmi hoka atampa asha ka im ilbvshvt isht ish anumpohonlashke, im achi tok.

5. Yohmi hosh miko Heseekiah in tishu vhleha hvt Isaiiah ya im ona tok.

6. Mihma Isaiiah vt, Hvchi shahli ha yak hvsh im achash-

ke, Chihowa yut yak achishke, Anumpa Assilia i miko in tishu vhleha hut kalakshichit ishit sa miha tuk a ish haklo tuk vt chik i nukshopo kashke.

7. Yakeh! mahli et onochi likma, nana annoa ka haklo cha, falamvt i yakni akinli ho ona chi hoke; mikma i yakni akinli ho bvshpo falaia isht akvmachi la chi hoke, im achi tok.

8. Mihma Lab-shakeh vt falama cha, Assilia i miko vt Libnah in tanampi hosh ahanta na ont pisa tok: Lachish a issvt ia tuk o haklo tuk okvt.

9. Mihma, Yakeh! Ehliopia i miko Tihakali vt chin tanampa chi hosh mintishke, achi ho haklo mvt, anonti Hese-kiah ya anumpa shali vhleha ha pit i pilvt,

10. Chutah i miko Hese-kiah ya yak hvsh im achashke, Chin Chitokaka yumma ish anukchieto kv, Chelusalem vt Assilia i miko ibbak a fohka he keyu, achit ik chi haksecho kashke.

11. Yakeh! Assilia i miko vhleha hut yakni moma ka kaniohmichit okpvnit taiyahlit vmohmichi tok a ish haklo chatuk oke; yohmi ka chishno vto chi hlakoffa hinla cho?

12. Oklushi puta aki vhleha hut imaiyvt chukilissvchi tok, Kosan, micha Halan, micha Lesef, micha Eten im vlla vhleha, yummvt Hlelassa ya asha tok in chitokaka puta kv hlakoffi-chi tok oh cho?

13. Hamalh i miko, micha Apat i miko, micha Sefafaim in tumaha i miko, micha Hena i miko, micha Ifah i miko aiena a tok mvto? achi tok.

14. Mihma anumpa shali vhleha hash holisso ha Hese-kiah vt im ishi cha, itim anumpuli tok: mihmvt Hese-kiah vt Chihowa in chuka ya ont chukowa mvt, Chihowa itikba ya patali tok.

15. Mihmvt Hese-kiah vt Chihowa itikba ya anumpa ilbvsha anumpulit, Islael in Chitokaka Chihowa chelubim ititakla ahanta chia ma! chishno, chishno ak bano hosh yakni apelhichika puta moma in Chitokaka chia hoke: chishno ak osh vba, micha yakni aiena ka ish ikbi tok.

16. Chihowa ma! chi haksobish a ish akachunolichi cha,

ish haklashke; Chihowa ma! chi nishkin a ish fatummi cha, ish pisashke: micha Sennachelib vt Chihowa okchaya kalakshichit mihacha chi hosh et pila tuk a im anumpa ha ish haklashke.

17. Ahlishke, Chihowa ma! Assilia i miko vhleha hvt oklushi puta, micha i yakni aiena ka chukilissvehit tahli tuk oke.

18. Micha in chitokaka puta ka luak ito pihinla tuk oke: chitokaka yatuk keyu hoka, amba hatak ibbak toksvli, iti, micha tvli yatuk oke; yvmohmi hoka okla ishit kanchi tok oke.

19. Yvmohmi hoka himak a, pin Chitokaka Chihowa ma! ibbak a ish pi a hlakoffichaske, chim asilhha lishke; mikma apelihika moma yakni paknaka aiasha kvt chishno ak bano hosh Chitokaka Chihowa chia ka ithaiyanashke.

20. Yohmi ma Amos ushi Isaiah vt Heseekiah ya pit i pilvt, Israel in Chitokaka Chihowa yvt yak achishke, Assilia i miko Senachelib a i sanalit nana is svm asilhha tuk a haklo lishke.

21. Anumpa ilvppak o Chihowa yvt ymma isht anum-pulishke, Ohoyo limita hatak ik halelo, Saion ushetik vt chi shitlemvshke, ishit chi yopulvt yukpvshke. Chelusalem ushetik vt noshkobo ha chi o walishke.

22. Kvtu ho na mihachit ish kalakshichi cho? micha kvtu ho i sanalit chim anumpa ha chahvehit, chi nishkin a vba ish akachakalichi cho? Israel i Holitopa yak atuk oke.

23. Chim anumpa shali vhleha yak o i Shahli ha nan isht ish mihachit, Itichanvlli vt vm apakna kak osh nvni chaha paknaka, Lebanon aivhli puta ka onvt, chuahla iti chaha puta, micha shakolo aiyua aiena ka chanlit akakohli la chi hoke, micha im aivhli anusi, kowi achukma im ai offo ya ona la chi hoke.

24. Uno ak osh kullit oka inla ya ishko li chatuk oke; micha Echip okhina moma ka saiyi putha ishit shileli la chi hoke.

25. Hopaki pilla ma ymma yvmiheli li tok, micha chash-po ma apesa li tok a ish haklo tok keyu cho? himak a ant

aighliehi li hō tumaha holihta kullo puta ka okpunit ish chi-fokohoncha li atok.

26. Yvmohmi hatuk o ai okla hut shakba ikfalao tok oke, micha komuntvt hofahya tok oke: oktak hvshuk-chohmi, haiyukpulo okchamali chohmi, hvshuk osh aboha pakna asha ka chohmi, micha onush osh waya ik ono kisha hosh bvshi ka chohmi tok oke.

27. Yohmi ka ish aretta, micha kolchvt ish ia, micha ant ish chukowa, micha vmi sanalit chi nokowa ka chim ithaiyana li hoke.

28. Vmi sanalit chi nokowa, micha is svm ilefehnvchit ish shakapa kv̄t sa haksobish a ant chukowa hoka, yvmohmi hoka an tvli chvnaha ya chibichulo ya fohki likmv̄t, vm̄ itih kapali ya chitih ha kapalichi likmv̄t, falmminchit ish a minti tuk hina ya fohkit chisht ia la chi hoke.

29. Mikma iluppak osh nan isht atokowa yachi hoke, himak afvmmi ka ilap akinli waya hō hvsh pa tuk osh, afvmmi atuklakma yvmmak ash inli a toba hō hvsh pa chi hoke: atukmv̄t afvmmi ont atuchinakma, hvsh hokchi cha, bvshlit, micha pakvpi ahollokeh̄ hvsh hokchi cha, waya ka hvsh ai vpashke.

30. Mikma Chutah in chuka achvfa atampa hlakoffi kv̄t anonti aka pila haksish tobakmv̄t, vba pila ivt waya chi akinli hoke.

31. Atampa kv̄t Chelusalem' a a kohonchakma, hlakoffi kv̄t Saion nv̄nili ha a kohoncha chi hoka; vba nan okluha ilai ieshi Chihowa im amosholi vt iluppa yvmihcha chi hoke.

32. Yvmohmi hoka Chihowa yvt Assilia i miko ya isht anumpulit yak achishke, Tumaha iluppa chukowa chi keyu, micha oski naki yvmma pila he keyu, micha telihpa ieshit itikba vla he keyu, micha i sanalit lukfi bukkochit apakfobla he keyu hoke.

33. Hina a minti tuk falamvt yvmmak inli ia chi hoke; micha tumaha iluppa chukowa chi keyu, Chihowa yvt achishke.

34. Michā vno atuk pulla mak o, micha an tishu Lewi

atuk pulla mak o tumaha iluppa hlakoffichi la chi kut afoa la chi hoke, achi tok.

35. Atuk o ninak yumma yakohmi tok, Chihowa im enchel vt kohchvt ivt Assilia i binah ha tahlepa sipokni tahlepa achufa cha, tahlepa sipokni pokoli untuchina akucha tahlapi ho issot kanchi tok: atuk o onnabinli fehna okla tani ma, yakeh! illi bieka tok.

36. Mihma Assilia i miko Sennachelib vt kanvlli cha, falamvt ia mvt, Ninifeh ak o vta tok.

37. Atuk o yakohmi tok, in chitokaka Nisloch in chuka aiokpuchit isht anta ma, ushi tuklo Atlammelech, micha Shalese vt bvshpo falaia ishit fahamvt illich i tok; micha tihlayvt Amenia yakni ya ona tok. Mihma ushi Esa-hatton vt vltobvt miko tok.

CHAPTA XX.

NITAK yumma Heseekiah vt abekvt illa hosi tok. Mihma Amos ushi hopaii Isaiiah vt im ona cha, Chihowa yvt yak achishke, Chin chuka achufa ya achukmalit ish im apesashke; chilla chi, micha chi okchaya chi keyu hokvt, im achi tok.

2. Yohmi ma nashuka ya aboha lapalika pit shanaiyvehit Chihowa ya im asilhlvt,

3. Chim ilbvsha lishke, Chihowa ma! nana aighli, micha chukvsh aighlit chi tikba ya aya li chatuk, micha chi tikba ya achukma kak o yvmohmi li chatuk a ish ithaiyanashke, chim asilha lishke, achi tok. Mihmvt Heseekiah vt nishkin okchi minti fehna tok.

4. Atuk o yakohmi tok, Isaiiah vt kohchvt iklena wanuta ya ik ono kisha ka, Chihowa im anumpa hvt im vlt,

5. Ish falama cha, vm okla pehlich i Heseekiah ya, Chiki Lewi in Chitokaka Chihowa yvt yak achishke, Chim anumpa ilbvsha ya haklo lishke, chi nishkin okchi hlatapa ka pisa lishke: yakeh! chi hlakoffichi la chi hoke; nitak ont atuchinakma Chihowa in chuka ya ont ish chukowa chi hoke.

6. Micha chi nitak a afemmi auahahlapi ho achakali likmut, chishno, micha tumaha ilvppa Assilia i miko ibbak a a hlakoffchi la chi hoke: micha vno atuk pulla kak o, micha an tishu Lewi atuk pulla kak o tumaha ilvppa afoa la chi hoke, ish im achashke, achi tok.

7. Mihma Isaiah vt, Fik paluska achufa ho hvsh ishashke, achi tok. Mihma okla ishi cha, hishi ya onochi ma, hlakoffi tok.

8. Mihma Heseekiah vt Isaiah ya, Chihowa yvt sa hlakofficha chi, mikma nitak ont atuchinakma Chihowa in chuka ont chukowa la chi ka isht atokowa yvt nanta hoh cho? im achi tok.

9. Mihma Isaiah vt, Chihowa yvt anumpuli tuk vt aialicha chi kvv ilvppak osh isht atokowa yo Chihowa yvt chimashke: hoshontika yvt vllhpisa pokoli tikba iakma, ak cho, vllhpisa pokoli ho falamvt ia chi cho? achi tok.

10. Mihma Heseekiah vt, Hoshontika yvt vllhpisa pokoli ho tikba ia hokvto nafehna keyushke: aha! amba vllhpisa pokoli ho hoshontika yvt falamashke, achi tok.

11. Mihma hopaii Isaiah vt Chihowa ya i paya tok: mihma vllhpisa pokoli ho Ahas i hvshi isht vllhpisa ya aka ivt yvmma ona tuk a falmvmmichi tok.

12. Nitak yvmma Babulon i miko Balatan ushi Belotachbalatan vt holisso puta, micha nabulbina aiena ka Heseekiah ya i pila tok; Heseekiah vt abeka ka haklo tuk okvt.

13. Mihma Heseekiah vt i haponaklo cha, nana holitopa aiasha chuka moma, tvli hvta, micha tvli holisso lakna, micha nabalama puta, micha bila holitopa, micha tvnvp aya imi layak aiasha chuka moma, micha imi layak aiasha ya asha tuk moma ka pisachi tok: in chuka nana aiasha tuk, micha im apelhlichika nana aiasha tuk a Heseekiah vt ik pisacho ka iksho tok.

14. Yohmi ma hopaii Isaiah vt Heseekiah ya im ona cha, Hatak ilvppa puta kvv nanta ho chim achi cho? micha kati-ma yo minti hosh chim vla cho? im achi tok. Mihma Heseekiah vt, Yakni hopaki Babulon ak o okla minti hoke, achi tok.

15. Mihma, Nanta ho chin chuka ya a pisa tuk oh cho?

achi tok. Mihma Heseekiah vt, Nana moma an chuka asha ka okla pisa tuk oke; vmi layak aiasha ka ak pisacho ka iksho hoke, achi tok.

16. Mihma Isaiah vt Heseekiah ya, Chihowa im anumpa ha ish haklashke.

17. Yakeh! chin chuka aiasha moma, micha chiki vhleha hvt ashachit isht auehinchit tok himaki nitak ant vhli moma aiena ka isht ivt Babulon a isht ona he nitak vt mintishke: nana achufa kia asha chi keyu, Chihowa yvt achishke.

18. Mikma chiso vhleha chi a kohcha chi ish tobacha chi ka isht ia hi oke: mikma Babulon i miko in chuka holitopa ya yuvk osh aiasha chi hoke, im achi tok.

19. Yohmi ma Heseekiah vt Isaiah ya, Chihowa im anumpa ish anumpuli kv achukmushke, im achi tok. Mihmut, Si okchaya nitak moma ka, iti nanaiya, micha aighli aiena kv asha hokma, achukma keyu cho? achi tok.

20. Mikma Heseekiah nana akaniohmi tok inla kv, micha nan ai im aighli tok moma kv, micha kaniolmit oka talaia, micha oka ayanelli ikbi cha, temaha ha oka isht vla tok aiena kv Chutah i miko vhleha i nitak holisso ha a holisso keyu cho?

21. Mihma Heseekiah vt iki vhleha ha takla nusi tok: mihma ushi Manasseh vt vlltobvt miko tok.

CHAPTER XXI.

MANASSEH vt miko mut, afummi auahtuklo tuk osh, afummi pokoli tahlapi akucha tahlapi ho Chelusalem a vttvt miko tok: mihma ishki hohchifo kv Hefsi-bal atok.

2. Atuk osh Chihowa itikba ya nana ik achukmo kak o yvmohmit, oklushi puta nan ashvchi ishit yuwala yumihchi ho yvma Chihowa yvt Israel im vlla vhleha itikba ya a tihlelit kocha wehli tok ak o yvmohmi tok.

3. Micha achahaka puta ka iki Heseekiah vt okpunit tahli tok a anonti ikbi tok: micha Israel i miko Ahab atok a chohmit Baal a alta puta im ikbi cha, Ashelah ha ikbi tok:

micha vba shutik nana puta. moma ka im akachunolit im antia beka tok.

4. Micha Chihowa in chuka yummak oka Chihowa yvt, Chelusalem ak o sa hohchifo ha a bohli la chi hoke, achi tok a alta puta ai ikbi tok.

5. Micha vba shutik nana puta moma ka Chihowa in chuka i wanuta tuklo ka alta puta im ai ikbi tok.

6. Micha ushi ya luak hlopullichi cha, hoshonti kak o nan isht ithvna, micha fuppli, micha nana ahulhkunna, micha ishtahullo puta atokolit ahanta beka tok: Chihowa itikba ya nan ashvchi felna ka yvmihchi cha, nokowvchi tok.

7. Micha tihlit inchonlit Ashelah naholbut toba ikbi tuk vt chuka yash anyakaka hilechi tok, chuka yummak oka Chihowa yvt Lewi, micha ushi Solomon a, Chuka ilvppak o, micha Chelusalem, yummak o Israel apelihchika puta moma a kohchit atokolit, sa hohchifo ha bohli li bilia chi hoke

8. Micha yakni ya iki vhleha ima li tok vt himakma Israel iyi ya a kohchit' fulohlhinchhi la he keyu hoke: peli nana im anumpohonli li tok moma, micha an tishu Moses vt im anumpohonli tok nan vllhpisa moma kak o holitoblikma, im achi tok.

9. Yohmi kia okla ik haponaklo tok: micha Manasseh vt yoshublit nana ik achukmo kak o yvmihchechi kvv oklushi moma Israel itikba ya Chihowa yvt ai ishit kanchi tok ak kia i shahlichhi tok.

10. Mihma Chihowa yvt in tishu vhleha hopaii ya tohnot anumpulit,

11. Chutah i miko Manasseh vt nan ashvchi ishit yuwala ilvppa puta ka yvmihinchhi cha, nahaksi yvmihchi kvv tikba aiasha tok Amolait vhleha hvv nan ashvchi tok a i shahlichit, i naholbut toba puta ka Chutah ya isht ashvchechi hoka;

12. Yvmohmi hoka Israel ir-Chitokaka Chihowa yvt yak achishke, Yakeh! Chelusalem, micha Chutah ya nana ik achukmo ka onochi likma, kva hosh haklokmt, haksobish itichampa kvv chasa hi oke.

13. Micha Chelusalem a Samalia aseta isht vllhpisa, micha

Ahab in chuka achufa isht itilauechi ya o shebli la chi hoke: micha kuna kia ampo kasholichi, kasholichi cha, hlipeli cha-tuk a chohmichit Chelusalem a kasholichi la chi hoke.

14. Micha um okla atok atampa ya kanchi la chi hoke, micha in tenvp puta ibbak a fohki la chi hoke: mikma in tenvp puta moma kut yukachit wehpula chi hoke.

15. Iki vhleha hut Echip a a kochevt minti tok takla himak nitak ant vli ka sa tikba ya nana ik achukmo kak o ymohmit sa nokowvchi tuk oka, achi tok.

16. Micha Manasseh vt Chutah ya yoshublichit Chihowa itikba ya nana ik achukmo kak o ymihchechi mvt, nan okpni keyu im issish a hlatvli fehna cha, Chelusalem a in tenvp vtvt ia kut in tenvp ona ka alotoli aiena tok.

17. Mikma Manasseh nana akaniohmi tok inla kut, micha nana ymiheli tok moma kut, micha nan ashvchi ashvchi tok vt Chutah i miko vhleha i nitak holisso ha a holisso keyu cho?

18. Mihma Manasseh vt iki vhleha ha takla nusi cha, ilap in chuka osapushi Ussa im osapushi ak o hollohpi tok: mihma ushi Amon vt vltobvt miko tok.

19. Amon vt miko mvt, afvmmi pokoli tuklo akucha tuklo tuk osh, afvmmi tuklo ho Chelusalem a ahantvt miko tok. Mihma ishki vt Chotbah vta Halus ushetik osh hoh-chifo kut Meshullemelh atok.

20. Micha iki Manasseh vt ymohmi tok ak o chohmit, Chihowa itikba ya nana ik achukmo kak o ymohmi tok.

21. Micha iki vt a nohwa tok hina moma kak o a nohwa mvt, naholvt toba puta iki vt im antia tok ak o im anti vt im akachunoli tok.

22. Micha iki vhleha in Chitokaka Chihowa ya issa cha, Chihowa ataya ya ik a nohwa tok.

23. Mihma Amon in tishu vhleha hut i sanalit anumpa luma ikbi cha, miko yash ilap in chuka akinli ai ilichi tok.

24. Mihma yakni ya okla hut miko Amon a i sanalit anumpa luma ikbit vbi kash moma ka vbit tahli tok: micha yakni ya okla hash osh ushi Chosiah ak o atobbichit miko-chi tok.

25. Mikma Amon nana akaniohmi tok inla yvmihinchhi tok vt Chutah i miko vhleha i nitak holisso ha a holissc keyu cho?

26. Mihma im ahollohpi Ussa im osapushi ak o a hohpi tok; mihma ushi Chosiah ak osh vltobvt miko tok.

CHAPTA XXII.

CHOSIAH vt miko mut, afvmmi untuchina hatok; atuk osh afvmmi pokoli tuchina akucha achvfa ho Chelusalem a vttvt miko tok: micha ishki vt Boskallh vtta Ataiiah ushetik osh hohchifo kvv Chetitah atok.

2. Chihowa itikba ya aivlhpiesa kak o yvmohmit, iki Lewi ataya moma kak o a nohowa cha, naksika ishtimpakimma, keyukmut vlfvrbekimma kanima ka pit ik fulloto tok.

3. Atuk o yakohmi tok, Chosiah vt miko tok afvmmi ont isht auahuntuchina mut, miko vt Meshullam ushi Asaliah ya ushi holissochi Shafan a Chihowa in chuka ya pit pilt,

4. Naholitompa isht vtta i shahli Hilkiyah ya ish im ona na Chihowa in chuka ya teli holisso isht vla na okhissa apistikeli vhleha hvv okla ha im ai ishit itahobbi chatuk a hotihnashke.

5. Micha toksuli isht asha Chihowa in chuka apesvchi vhleha ha ibbak fohkashke, mikma atoksuli Chihowa in chuka aiasha isht asha ya okla ima pa aboha akinafa ya okla aiiskiachashke,

6. Chuka ikbi puta, micha itavvni puta, micha teli pile-sa puta aiena ka okla imashke, micha iti, micha teli tvhla aiena ka ishit chumpa cha, aboha ya isht aiiskiachashke.

7. Yohmi kia teli holisso ya ibbak a fohki kvv iti hotihna he keyu; aivlhpiesa kak o yvmohmi hoka, achi tok.

8. Mihma naholitompa isht vtta i shahli Hilkiyah vt holissochi Shafan a, Nan vlvhpiea holisso hvv Chihowa in chuka itoyula na pisa lishke, im achi tok; micha Hilkiyah vt holisso hash Shafan a ima na itim anumpuli tok.

9. Mihma Shafan vt miko ya anumpa falama isht im vla

mut, Chin tishu vhleha hvt tvli holisso vt Chihowa in chuka aiasha tuk a e tosholi cha, toksvli isht asha Chihowa in chuka apesvchi vhleha ibbak a e fohkishke, achi tok.

10. Mihmut holissochi Shafan vt miko ya im anolit, Naholitompa isht vtta Hilkiyah vt holisso ho subbak a fohkishke, achi tok: mihmut Shafan vt miko itikba ya ai itim anum-puli tok.

11. Atuk o yakohmi tok, miko vt nan vllhpisa holisso hash im anumpa ha haklo mut, i nafohka ya hlilvffi tok.

12. Mihmut miko vt naholitompa isht vtta Hilkiyah, micha Shafan ushi Ahikam, micha Michaiah ushi Achbo, micha holissochi Shafan, micha miko in tishu Asahiah aiena ka im apesvt,

13. Oh ia cha, vno, micha okla, micha Chutah moma, anumpa hvt holisso haiaka ilvppa takali ka Chihowa ya ishit hvsh pim i ponaklashke: piki vhleha hvt holisso ilvppa anumpa takali ka ik haponaklot, nana moma ishit pi anum-pulit holissochi tok a ik yvmihcho tok o, Chihowa im ai i nukkilli vt pi sanalit libbi fehna hoka, achi tok.

14. Mihma naholitompa isht vtta Hilkiyah, micha Ahikam, micha Achbo, micha Shafan, micha Asahiah aiena kvv nafohka aiasha apistikeli Hahas a ushi Tikfah ya ushi Shalum tekchi ohoyo hopaii Hultah ya im ona tok: (mihma yummvt Chelusalem a atukla yak o vtta hatok;) micha okla itini anum-puli tok.

15. Mihma, Israel in Chitokaka Chihowa yvt yak achishke, Hatak vt et hvchi pila na hvsvm vla tuk a,

16. Chihowa yvt yak achishko, Yakeh! nana ik achukmo ka tumaha ilvppa, micha okla aiasha ka holisso Chutah i miko vt itim anum-puli tuk ash anumpa takali tuk moma ka onochi la chi hoke.

17. Ibbak nan ishit toksvli moma ishit sa nokovvcha chi kvv sa kanchi cha, chitokaka inla puta ka nabalama i hukmi tuk oka, vlltoba hosh vm ai i nukkilli vt tumaha ilvppa i sanalit libba chi hoke, micha moshola he keyu hoke, hvsh im achashke.

18. Amba Chutah i miko vt Chihowa i ponakla chi hosh

et hvchi tihleli tuk ano yak hvsh im achashke, Anumpa ish haiyaklo tuk okvno Islael in Chitokaka Chihowa yvt yak achishke,

19. Chi chukvsh vt waloha cha, tmaha iluppa i sanalit, micha okla aiasha ka i sanalit anumpulit, Chukilissvt kalakshit taba chi hoke, achi li tuk a' ish haklo mvt, Chihowa itikba ya il akanlosichit chi nafohka ish hlilvffi cha, sa tikba ya chi nishkin okchi mihinti hoka, vno ak kia chi haiyaklo lishke, Chihowa yvt achishke.

20. Yvmohmi hoka yakeh! chiki vhleha ha takla chibafohki la chi hoke; mikma chim ahollohpi ya nuktaiyalt ish ona chi hoke; mikma chi nishkin vt tmaha iluppa nana ik achukmo moma onochi la chi ka ik peso ka chi hoke, im achi tok. Mihma miko ya anumpa falama ya okla isht im ona tok.

CHAPTA XXIII.

MIHMA miko vt hoyo na Chutah, micha Chelusalem im asvnonchi vhleha moma ka im itvnahli tok.

2. Mihma miko, micha Chutah hatak vhleha moma, micha Chelusalem okla aiasha moma, micha naholitompa isht asha vhleha, micha hopaii vhleha, micha chipunta, micha hochito moma aiena kvv apeha ho Chihowa in chuka ya ont chukowa tok: micha nan itim apesa holisso Chihowa in chuka itoyult haiaka tuk ash anumpa takali tuk moma ka itim anumponli na okla haiyaklo tok.

3. Mihma miko vt ahikia paknaka ya o hikia cha, Chihowa ya iakaiya he, micha im anumpa vllpisa puta, micha nan isht im atokowa puta, micha nan vllpisa puta aiena ka chukvsh aiokluha, micha shilombish aiokluha hosh holitobli cha, nan itim apesa iluppa im anumpa puta holisso iluppa takali tuk a yvmihinchha he Chihowa itikba ya nan itim apihisa tok: mihma okla moma kvv nan itim apesa ya vllhpesa ahni tok.

4. Mihma miko vt naholitompa isht vtta i shahli Hilkiyah, micha naholitompa isht asha atukla hiel vhleha, micha okhissa apistikeli vhleha aiena kvv Chihowa in tempel a nan

aiulhto puta Baal in toba tok, micha Ashelah in toba tok, micha vba shutik nana puta moma in toba tok aiasha ka moma ishit kohcha chi ka i miha tok: mihmut Chelusalem a kohelit Kitlon osapa puta isht ona cha, hukmit tahli mut, hituk chubbi ya isht ivt Behlel a isht ona tok.

5. Micha Chutah in tmaha achahaka puta ka, micha Chelusalem apakfoyupa taloha ka nabalama a hukma chi ho Chutah i miko vhleha hvt atokoli tok naholitompa isht asha naholbvt toba aiokpuchi vhleha ha, micha Baal, micha hvshi, micha hvsh ninak aya, micha fochik lokoli auah tuklo, micha vba shutik nana puta moma aiena ka na balama i hukmi vhleha ha aieninchit issvchi tok.

6. Micha Ashelah ha Chihowa in chuka ya kohelit Chelusalem koche Kitlon bokushi ya isht ona cha, Kitlon bokushi ya a hukmit tahli mut, hvhlit pushechit tahli cha, pushi ya okla im vlla vhleha ahollohpi ya o fimmi tok.

7. Micha sodomait vhleha im vltipo puta ohoyo vhleha hvt Ashelah ha vltipo puta im a tna yvt Chihowa in chuka bilika taloha ka kinahlichu tok.

8. Micha Chutah in tmaha puta naholitompa isht asha moma Keba vttvt ia hosh Bee-sheba ont vhli asha ya isht vla mut, achahaka puta naholitompa isht asha yvt nabalama a hukmi chatuk a litehli tok: micha holihta okhissa achahaka puta, ymmvt tmaha pehlichu Choshua i holihta okhissa achukowa hikia, ymmvt hatak vt tmaha holihita okhissa hikiakma, im vlfvrbekimma asha ya kinahlichu tok.

9. Yohmi kia achahaka puta naholitompa isht asha vhleha hvt Chihowa im alta Chelusalem hikia ya ik ono tok; amba itibapishi vhleha takla ashvt pvka ik shatmmo okla vpa tok.

10. Micha hatak nana kia ushi, micha ushetik a Molech a luak ik in hlopullecho ka chi ho Tofelh ymmvt Hinnom im vlla vhleha im okfa talaia ka litehli tok.

11. Micha issuba puta Chutah i miko vhleha hvt hvshi ya ima tok ymmvt Chihowa in chuka achukowa yuvk Nahlan-melech im aboha hoshontika talaia ka aiasha tuk a

ishit kanchi tok : micha hvshi im itichanvlli puta ka luak isht hukmi tok.

12. Micha alta puta Chutah i miko vhleha hvv ikbi tok o Ahas im vba potvllhpo ishit holmo o hiehi tuk, micha alta puta Manasseh vt ikbi tok o Chihowa in chuka wanuta tuklo ka a hiehi tuk aiena ka kinahlichei tok ; micha yvmma ai ishit malelit pushi ya Kitlon bokushi ya ont oka hlatvlli tok.

13. Micha achahaka puta Israel i miko Solomon vt Siton okla nan ashvchi ishit yuwala Ashtoleh, micha Moab okla nan ashvchi ishit yuwala Chemosh, micha Ammon im vlla vhleha nan ashvchi ishit yuwala Milkem aiena ka im ikbi tok, yvmmvt Chelusalem itikba isht ai yoshuba nvnih im ishtimpakimma aiasha tuk a miko vt lilehi tok.

14. Micha naholvvv toba puta ka kinahlichei tahli vv, Ashelah puta ka chanlit akakohli cha, aiasha yatuk a hatak foni alotoli tok.

15. Mikvv alta Behleh hikia tuk ak kia, micha achahaka Nebat ushi Cheloboam Israel a nan ashvchechi tok vt ikbi tok, alta yvmmak kia, micha achahaka yvmma itatuklo ka kinahlichei tok ; micha achahaka ya hukmi vv, ashlichei pushechi cha, Ashelah ha hukmi tok.

16. Micha Chosiah vt filema vv, ahollolpi nvnih yvmma aha tuk o pisa vv, pit hoyot ahollolpi ya foni vt aiasha tuk a ishi cha, alta paknaka ya onochi hukmi hosh, Chihowa im anumpa Chitokaka immi hatak vt anumpulit anumpa ilvppa puta anumpuli tok mak o alta yash lilehi tok.

17. Yohmi vv, Tvli hikia ilvppvt nanta ho pisa li cho ? achi tok. Mihma vmaha hatak vhleha hvv, Chitokaka immi hatak osh Chutah mintit vla cha, nana ilvppa puta alta Behleh hikia ka i sanalit ish kaniohmichi tuk vt yohma he anumpuli tok ak o im ahollolpi yoke, okla im achi tok.

18. Mihma, Ik ashá, hatak nana kia foni ya ik kanillecho kashke, achi tok. Mihma foni ya hopaii Samalia minti tok foni aiena ka ik kaniohmecho tok.

19. Micha achahaka chuka Samalia vmaha aiasha Israel i miko vhleha hvv ikbit Chihowa ishit nokowochi tok moma

ka Chosiah vt ishit kanchi cha, Behlel a nana kaniohmichi tuk moma mak osli yvmihchi tok.

20. Micha achahaka naholitompa isht asha asha tuk moma ka alta onochit vbit tahli cha, hatak foni onochit hukmi mvt, falamvt Chelusalem a ona tok.

21. Mihmvt miko vt okla moma ka im apesvt, Nan itim apesa holisso ilvppa a holisso hatuk mak o hvchin Chitokaka Chihowa ya vbanvblit ont ia ya isht hvsh im aiashashke, achi tok.

22. Ubanvblit ont ia ilvppa chohmi ka nan apesa vhleha hvt Israe^l a nana im apihisa tok nitak takla, micha Israe^l i miko vhleha i nitak moma ka, micha Chutah i miko vhleha i nitak moma ka isht aiasha tok keyu hoka;

23. Amba Chosiah vt miko tok afummi ont isht auahun-tuchina kak o Chelusalem a vbanvblit ont ia ilvppa Chihowa isht im aiasha tok.

24. Micha nana a hulhkunna puta, micha isht ahullo puta, micha chuka achvfa i naholbvt toba puta, micha naholbvt toba puta, micha nan ashvchi ishit yuwala Chutah yakni, micha Chelusalem a a haiaka tuk a nan vllhpisa anumpa hvt holisso a takali hosh Chihowa in chuka ya itoyula na naholitompa isht vtta Hilki^ah vt ahayuchi tuk mak o aiahlich^a chi hosh Chosiah vt ishit kanchi tok.

25. Mihma tikba aiasha kv^t miko nana kia yvmma chohmit Moses i nan vllhpisa moma kak o yvmohmit chukvsh ai oklvht, micha shilombish ai oklvht, micha imi hlampko ai oklvht Chihowa iakaiya chohmi kv^t iksho tok: micha i himmakma yvmma chohmit hikia kv^t iksho tok.

26. Yohmi kia nana ishit nokowvchi Manasseh vt nokovvchi tuk ak o Chihowa yvt nan isht i nukkilli i libbi kv^t, Chutah ya i sanalit nan isht i nukkilli vt libbi fehna tuk a ik i shanaio tok.

27. Mihma Chihowa yvt Israe^l a kanvllichⁱ li tok vt chohmichit Chutah ya sa tikba ya a kanvllichⁱ la chi hoke; micha Chelusalem tumaha ilvppa atokoli li tok vt, micha aboha ya, Sa hohchifo hvt foyuka chi hoke, ahanchi li tok vt shitilemvt kanchi la chi hoke, achi tok.

28. Mikma Chosiah nana akaniohmi tok inla kut, micha nana yumihechi tok moma kut Chutah i miko vheleha i nitak holisso ha a holisso keyu cho ?

29. I nitak ak o Echip i miko Feleo-nechoh vt Assilia i miko itiba chi hosh Eufates okhina ya ona tok: mihma miko Chosiah vt afamvt ia tok: atuk o pisa mut, Mekitto ya ai vbi tok.

30. Mihma in tishu vheleha hut itichanvlli fohkit, illi yo Mekitto ya ai ishit Chelusalem a isht ona cha, im ahollohpi ak o a hohpi tok: mihma yakni ya okla hut Chosiah ushi Chehoahas a ishi cha, iki ya atobbichit nan ahummit miko-chi tok.

31. Chehoahas vt miko mut, afummi pokoli tuklo akucha tuchina tok: atuk osh hvshi tuchina ho Chelusalem a vttvt miko tok: mihma ishki vt Libnah vtta Chelemiah ushetik osh hohchifo kut Hamutal atok.

32. Micha Chihowa itikba ya nana ik achukmo kak o yvmohmit, iki vheleha hut nana a yvmohmi tok moma kak o yvmohmi tok.

33. Mihma Feleo-nechoh vt, Chelusalem a vttvt ik miko ka chi ho, Hamalh yakni Liblah ya a takchi tok: micha yakni ya tvli hvta talent tahlepa achvfa, micha tvli holisso lakna talent achvfa aiena ho nan i kuma onochi tok.

34. Micha Feleo-nechoh vt Chosiah ushi Eliakim ak o iki Chosiah ya atobbichit mikochi cha, hohchifo ha invchit Chehoiakim achi tok; micha Chehoahas a isht ia tok: atuk o Echip a ona cha, ai illi tok.

35. Mihma Chehoiakim vt tvli hvta, micha tvli holisso lakna yash Feleo ya ima tok; yohmi kia Feleo vt apesa tuk mak o tvli holisso ya ima chi kut yakni ya noshkobo atobbi onochi tok: yakni ya okla ha noshkobo atobbi im vllpisa aiyukali hatuk mak o Feleo-nechoh ima chi kut tvli hvta, micha tvli holisso lakna ya i hoyo tok.

36. Chehoiakim vt miko mut, afummi pokoli tuklo akucha tahlapi tok; atuk osh afummi auahchvfa ho Chelusalem a vttvt miko tok: mihma ishki vt Lumah vtta Petaiah ushetik osh, hohchifo kut Sebutah atok.

37. Micha Chihowa itikba ya nana ik achukmo kak o yemohmit, iki vhleha hvt nana a yemohmi tok moma kak o yemohmi tok.

CHAPTER XXIV.

I NITAK ak o Babulon i miko Nebuchatnessa vt ula tok: atuk o Chehoiakim vt afvmmi tuchina ho i nutaka tok: yohmi mvt i filvmmi cha, i sanali tok.

2. Mihma Chihowa yvt Chaltee aya kanohmi, micha Silia aya kanohmi, micha Moab aya kanohmi, micha Ammon im vlla vhleha aya kanohmi aiena ho Chehoiakim a i sanalichit, in tishu hopaii vhleha ha tohno na Chihowa im anumpa anumpohonli tok mak o Chutah ya chukilissvcha chi ho on tihleli tok.

3. Chihowa yvt anumpuli pulla ho, Manasseh vt nan ashvchit nana a yemohmi tuk moma mak o,

4. Micha nan okpni keyu im issish ak kia hlatahambli tuk, micha Chelusalem a nan okpni keyu im issish alotoli tuk, yvmmak oka Chihowa yvt kaskoffa he keyu hosh kanvlichit itikba ya ai ishit kancha chi ho Chutah ya onvtula tok oke.

5. Mikma Chehoiakim nana akaniohmi tok inla kvv, micha nana yvmihchi tok moma kvv Chutah i miko vhleha i nitak holisso ha a holisso keyu cho?

6. Mihma Cheloiakim vt iki vhleha ha takla nusi tok; mihma ushi Chehoiachin vt vltobvt miko tok.

7. Atuk o Echip i miko vt i yakni ya kohelvt himakma ik minto tok: Babulon i miko vt Echip okhina vtvt ia hosh Eufates okhina ont vli kvv Echip i miko immi hatuk moma ka im ishi tok oka.

8. Chehoiachin vt miko mvt, afvmmi auabuntuchina tok; atuk osh hvshi tuchina ho Chelusalem a vtvt miko tok: mikma ishki vt Chelusalem vta Elnathan ushetik osh hohchifo kvv Nehushta atok.

9. Micha Chihowa itikba ya nana ik achukmo kak o

yumohmi kv̄t īki vt nana a yumohmi tok moma kak o yumohmi tok.

10. Nitak yumma Babulon ī miko in tishu v̄hleha hv̄t Chelusalem a ant ī sanali cha, abinvehit apakfopa tok.

11. Mihma Babulon ī miko Nebuchatnessa vt tumaha ha ī sanali ma, in tishu v̄hleha hv̄t in tanampit abinvehit apakfoyupa tok.

12. Mihma Chutah ī miko Chehoiachin vt, yumma, micha ishki, micha in tishu v̄hleha, micha ī kv̄pitvni v̄hleha, micha ī yunv̄k v̄hleha aiena kv̄t kohchvt Babulon ī miko ya im ona tok: mihma miko tok afv̄mmi ont isht untuchina kak o Babulon ī miko vt ishi tok.

13. Mihmvt Chihowa in ehuka nana holitopa puta, micha miko in ehuka nana holitopa puta aiena moma ka a kohchit isht ia tok: micha teli holisso lakna nan aiv̄lto Israet ī miko Solomon vt Chihowa yvt achi tok mak o ikbit Chihowa in tempel ashachi tok a bv̄shlit tushahlichit tahli tok.

14. Micha Chelusalem moma, micha kv̄pitvni moma, micha hatak hlampko chilita v̄hleha moma, yuka tahlepa sipokni pokoli, micha nan ikbi imponna moma, micha teli boli moma aiena ka yukachit isht ia tok: achv̄fa kia ik anto h̄o, yakni ya okla ilbv̄sha moma ī shahli ak illa hosh āsha tok.

15. Micha Chehoiachin a yukachit Babulon isht ona tok; micha miko ishki, micha miko tekeli v̄hleha, micha ī yunv̄k v̄hleha, micha hatak hochitoka v̄hleha yakni ya āsha tuk a yukachit Chelusalem a ai ishit Babulon a isht ona tok.

16. Tv̄shka chipota moma kv̄t tahlepa sipokni untuklo, micha nan ikbi imponna v̄hleha, micha teli boli v̄hleha hv̄t tahlepa sipokni achv̄fa, hatak kello, tenv̄p aya imponna bīeka h̄o Babulon ī miko vt yukachit Babulon a isht ona tok.

17. Micha Babulon ī miko vt īki itibapishi Mattaniah ak o atobbichit mikochi cha, hohchifo ha inv̄vehit Setekiah achi tok.

18. Setekiah vt miko mvt, afv̄mmi pokoli tuklo akucha achv̄fa tok; atuk-osh afv̄mmi auahchv̄fa h̄o Chelusalem a

vtvt miko tok: mihma ishki vt Libnah vta Chelemiah ushetik osh hohchifo vt Hamutal atok.

19. Mihma Chihowa itikba ya nana ik achukmo kak o yvmohmi vt Chehoiakim vt nana a yvmohmi tok moma kak o yvmohmi tok.

20. Chihowa yvt anukhobela pulla hosh, polaka itikba ya ai ishit kancha chi kak o, Chelusalem, micha Chutah ya a yvmohmi tok oka; mihma Setekiah vt Babulon i miko ya i filummit i sanali tok.

CHAPTER XXV.

ATUK o yakohmi tok, miko tok afummi ont ishit chakkali, micha hvshi ont ishit pokoli, micha hvshi nitak ont ishit pokoli ma, Babulon i miko Nebuchatnessa, yvma, micha in tvshka chipota moma aiena vt Chelusalem a vla cha, in tanampit abinvchi tok; micha chuka chaha kullo puta okla ikbit apakfoyubli tok.

2. Mihmut vmaha ha in tanampit abinanchi na Setekiah vt miko tok afummi ont isht auahchufa tok.

3. Atuk o hvshi ont aiusha vt nitak ont ishit chakkali ma, vmaha ha hohchifo fehvt aiasha tok; micha yakni ya okla hv pvska ik im iksho tok.

4. Mihma vmaha holihta yvt yuhla ma, hatak tunv aya puta vt ninak o yihlepvt holihta tuklo yvmvt miko in osapushi bilika hielka ititakla holihta okhissa ya kohchvt hina ya ia tok: (mihma Chaltee vhleha hv vmaha ha apakfoyupvt aiasha tok;) mihma miko vt yakni patali hina ya ia tok.

5. Mihma Chaltee in tvshka chipota yvt miko ya iakaiyvt hliohli tuk osh Cheliko yakni patali ak o a sakki tok: mihma in tvshka chipota moma vt i filummit itafimimpa tok.

6. Mihma miko ya okla ishi cha, Babulon i miko vt Liblah ak o asha tuk o isht im ona tok; mihmut nan apesvt onochi tok.

7. Michah Setekiah ushi vhleha ha pisa ho okla vbi mv,

Sétekiah nishkin a kocha wehli cha, asonak lakna itatakvi tuklo ishit takchi cha, Babulon a isht ona tok.

8. Atuk o hvshi ont ishit tahlapi, micha nitak ont isht untuklo (yvmmt Babulon i miko Nebuchatnessa vt miko tok afummi ont isht abichakkali ho) Babulon i miko in tishu anumpa ahlich i kvpitvni Nebusa-atan vt Chelusalein a vla tok.

9. Micha Chihowa in chuka, micha miko in chuka hukmit, Chelusalem a chuka aisha moma, micha hatak hochitoka in chuka puta moma ka luak ishit hukmi tok.

10. Mihma Chaltee tvshka chipota moma anumpa ahlich i kvpitvni apehvt aya tuk vt Chelusalem tvi holihta apakfoypa tuk a kinahlich i tok.

11. Mihmt okla inla kvv tvmaha asha tuk, micha kvnivt Babulon i miko ya yihlepvt im ona tuk, micha okla laua yatuk atampa aiena ka anumpa ahlich i kvpitvni Nebusa-atan vt yukachit isht ia tok.

12. Yohmi kia hatak ilbusha yakni asha tuk ai achvfa ya pakvpi apoksiachi, micha osapa toksvli aiena yachi ka anumpa ahlich i kvpitvni vt ashanchi tok.

13. Micha asonak lakna tonik Chihowa in chuka hieli tuk, micha aiontalaia puta, micha asonak lakna okhvta Chihowa in chuka anykaka talaia tuk aiena ka Chaltee vhleha hvv bolit bushullichit tahli cha, asonak lakna ya isht ivt Babulon a isht ona tok.

14. Micha shuti, micha tobaksi ishit pehli, micha asonak lakna nan aivlhito moma isht in toksvli chatuk a isht ia tok.

15. Micha luak aivlhito, micha ampo mahaia, micha nana hosh tvi holisso lakna yokmt, tvi holisso lakna, micha nana hosh tvi hvta yokmt, tvi hvta anumpa ahlich i kvpitvni vt isht ia tok.

16. Tonik tuklo, okhvta achvfa, micha aiontalaia puta aiena Solomon vt Chihowa in chuka ya im ikbi tok, nan aivlhito ilvppa moma kvv asonak lakna yvt a weki iksho tok.

17. Tonik achvfa kvv chaha kvv kubit auahuntuchina ma, noshkobo on talaia kvv asonak lakna atok; micha noshkobo hvv chaha kvv kubit tuchina tok; micha okshechanlit tvnna,

micha poméklanat aiena apakfoyupa kv̄t asonak lakna bieka atok: mihma toník atukla kak kia ilvppak inli chohmit okshichanlit tunna yvt im aśha tok.

18. Mihma anumpa aḥlichī ī kv̄pitvni vt naholitompa isht v̄tta ī shahli Selaiah, micha naholitompa isht v̄tta atukla Se-faniah, okhissa apistikeli tuchina aiena ka ishi tok.

19. Micha tmaha ḥa a koḥchit yuvk hatak tv̄vp aya pehlichī, micha hatak tahlapi mīko itikba hieli atok tmaha aśha na ahayuchi kv̄t, micha tv̄shka chipota pehlichit holissochi, yummvt yakni ya okla hv̄t tv̄vp ia chī ka holissochi yatuk o, micha yakni ya okla ḥa hatak pokoli hannali tma-ha ḥa aśha na ahayuchi mv̄t, aieninchit ishi tok.

20. Micha anumpa aḥlichī ī kv̄pitvni Nebusa-atan vt ishi mv̄t, Babulon ī mīko vt Liblah ya aśha tuk o isht im ona tok.

21. Mihma Babulon ī mīko vt Hamalh yakni Liblah ya a fahamvt illichit tahli tok. Yohmit Chutah ya ī yakni ya a koḥchit isht ia tok.

22. Micha Ghutah ī yakni atampa aśha tuk okla ḥa Ba-bulon ī mīko Nebuchatnessa vt ashanchi tuk okvno Shafan ushi Ahikam a ushi Ketaliah ak o pehlichī ikbi tok.

23. Atuk o tv̄shka chipota p̄ta ī kv̄pitvni mōma kv̄t, yumma, micha in tv̄shka v̄hleha aiena kv̄t Babulon ī mīko vt Ketaliah ak o pehlichī ikbi tuk o okla haklo mv̄t, Ketaliah vt Mispah aśha tuk o Nehlaniah ushi Ishmael, micha Kaleah ushi Chohanah, micha Netofah hatak Tanhumelli ushi Se-laiah, micha Maachah hatak ushi Chaasaniah aiena, yumma, micha in tv̄shka v̄hleha aiena kv̄t im ona tok.

24. Mihma Ketaliah vt yumma, micha in tv̄shka v̄hleha aiena ka anumpa kullo im il onochi mv̄t, Chaltee in tishu v̄hleha ḥa hv̄sh ī nukshopa ná; yakni ya aiashvt Babulon ī mīko ya oh im antiá; yohmikmv̄t hv̄chīm achukma chī hoke, im achi tok.

25. Atuk o yakohmi tok, hv̄shi ont isht untuklo ma, Eli-shama ushi Nehlaniah ya ushi Ishmael vt mīko ishtatiaka yosh hatak pokoli aienvt v̄la cha, Ketaliah, micha Chu, mi-cha Chaltee aiena apelv̄t Mispah aśha tuk a fahamvt kan-chi na illit taha tok.

26. Mihma okla hvt chipunta, micha hochito moma kut, micha tvshka chipota i kupitvni vhleha aiena kut wakaya cha, Echip a ona tok; Chaltee okla ha i nukshopa hatuk okvt.

27. Atuk o yakohmi tok, Chutah i miko Chehoiachin vt yuka tok afvmmi ont ishit pokoli tuchina akueha untuklo, hvshi ont isht auahtuklo, micha nitak ont ishit pokoli tuklo akueha untuklo ma, Babulon i miko Efil-melotach vt miko tok afvmmi yvmmak inli kut Chutah i miko Chehoiachin a noshkobo ha akachakalichit aboha kullo ya a kohchi tok.

28. Michā anumpa achukma im anumpuli cha, miko vhleha hvt apelv Babulon a aiombinili holitompa on chieya tuk a i shahlichit aiombinili holitompa om binilichi tok.

29. Michā aboha kullo i nafohka ya im ai ishi tok: mihma okchayvt ahanta nitak moma kut itikba ya puska ai ahampa na bilia tok.

30. Miko itikba ai ishit ima ho ilhpak im vllhpisa kut bilia tok: onna hosh onnakma vllhpisa hosh okchayvt ahanta nitak moma takla kut im vllhipihisa tok.

